

IVSTI LIPSI
ADMIRANDA,
siue,
DE MAGNITVDINE
ROMANA
LIBRI QVATTVOR.

Tertia editio correctior, auctiorque.



ANTVERPIÆ,
EX OFFICINA PLANTINIANA,
Apud Ioannem Moretum.

M. DC. V.

Cum Privilegijs Casaræ & Regiæ.



EVSTILIS

AD MIRAM

DE MAGNITUDINE

ROMANA

DEI QVATVOR

ET ALIORVM

ET ALIORVM

ET ALIORVM

ET ALIORVM

ET ALIORVM

ET ALIORVM

ET ALIORVM

ET ALIORVM

ET ALIORVM

ET ALIORVM

ET ALIORVM

ET ALIORVM

ET ALIORVM

ET ALIORVM

ET ALIORVM

ET ALIORVM

ET ALIORVM



STICIN PLANTINIA

STICIN PLANTINIA

M. DC. V.


Curat Præfatus



3

SER^{mo} PRINCIPI
ALBERTO AVSTRIO
IMPERATORIS FILIO,
NEPOTI, FRATRI,
S. R. E. CARDINALI,
BELGICÆ SUPREMO GVBERNATORI,

I. LIPSIVS *dedicat consecrâtque.*

 NTER Historiarum fru-
ctus, SER^{mo} PRINCEPS,
ego illum eximium sem-
per habui, qui ad Sapien-
tiam & rerum in orbe
ADMIRANDARVM cogni-
tionē ducit. Quis enim
paullò altior & attētior
eas legit, qui non diuina illa opera obseruet,
magna imperia stabilita, aut diruta: & in iis
imaginem quamdam Prouidentiae simul &
Potentiae diuinæ? Ita profectò se res habet.
sicut vnus in superis Deus est, qui machinam
hanc totam moderatur & temperat: sic in
terris velut Curatores & Vicarios quosdam
suos constituit, qui in partibus eam tucantur
& administrent. Atq; horum quosdam cre-
cere voluit in magnas opes, copias, opera:

A 2

quid

4
quid nisi in imagine ostendens, cælestem illam & sine fine ac modo potentiam, quam ipse habet, & per riuulos ac canales illos deducit? Ut igitur cælum & micantia illa astra cum intuemur, ab iis ad puram, primam, & inaccessam quamdam lucem ducimur: sic ab humanâ istâ MAGNITUDINE, ad auctorem illius & fontem Deum. Quis ille fuit, qui Assyrios terris & gentibus imposuit? qui Persas, Macedonas, Romanos? quis, qui iterum loco mouit & deiecit? magnus ille auriga & rector vniuersi, qui habenas in hoc mundano curru temperat; qui impellit, qui sistit, & poëta verbo,

*Diuósque mortalesq; turmas
Imperio regit unus a quo.*

Quod magis sentio, & in animum demitto, cum in ipsâ potētia & magnitudine, infirmitatem istorum video, aut breuitatem. Quid enim illa omnia nunc, aut vbi sunt? abierunt. vbi supra fidem cumulatę opes? defluerūt. vbi cælo certantia opera? non appārent. Heu res mortalium vel maximorum parua! heu validissimorū instabiles! imò omnia illa somnium, vmbra, nihil, si cum Æterno & Æternitate comparentur. Sicut Solem istum assidue vel nubes aliqua subducit, vel nox condit: talis omnis hic splendor & felicitas, rapitur aut euanescit. Hæc & similis cogitatio

SER^{us}

5
SER^{us} PRINCEPS, iamdiu me impulit Imperio-
rum magna & ADMIRANDA colligere: atq;
vt deceuit, orsum à ROMANO. Nam fallor,
aut non alia maior magisq; fundata, addo
& laudata MAGNITUDO fuit; quam quattuor
his libellis in parte expressi, & ad te multis
decaussis misi. Omitto beneficia in patriam
publica, in me priuata: ipse titulus & argu-
mentum palàm ad te ducebant. ROMANI im-
perij descriptio cui potius aut iustius debeba-
tur, quàm Principi è tot ROMANIS Impe-
ratoribus nato? Res certa & inter ADAMI-
RANDAS est, ex VNÀ AVSTRIA, verè aureâ, stir-
pe vestrà, decem Imperatores, intra hos tre-
centos circiter annos, orbi Christiano afful-
sisse: atque id sanguinis & natalium serie,
sine vlllo fulcro adoptionis. Quid in omni
retrò Principum classe simile? duo, tres, in
vnà domo, & vix fuerunt: in primà ipsà Iu-
lij, nec vltra sextum etiam adoptio proroga-
uit. Iterùm dico, mirabile. & quid nisi à Deo
tacita vox & testimonium, datam hanc fami-
liam & demissam è cælo in terras esse, ad im-
peria terrarum? Iam & ADMIRANDORVM ille
titulus, an non ad te traheret, in variâ virtute
sic ADMIRANDVM? Priuatam tuam vitam si vi-
deo: Pietas & Religio occurrit, quæ vel sa-
cerdotem deceat; Castitas, quæ Vestalem;
probitas, & vitæ totius Ordo ac compositio,

quæ ipsum cælum. Nec enim sidera illa profectò magis ordinato & certo cursu incedunt, quam tuæ actiones. Quid prudentia, in ciuili aut militari administratione? quid altitudo consiliorum incredibilis? quid tranquillitas animi & vultus (proprium bonum Austriacæ gentis) in omni euentu aut fortunâ? ADMIRANDA sunt: & quæ Regi nostro, sapientissimo rerum hominumque arbitro, causam dederunt tui inter alios eligendi, quem ad maxima imperia & Præfecturas admoueret. Ecce Lusitania adiecta Hispaniæ suæ fuit, & multa in concussio eo corpore adhuc ægra: te elegit qui lapsa erigeres, dilapsa colligeres, exanimata recreares. Et sanè ita fecisti, & præfuiisti, vt penè optandum fuerit illi regno tam validè cōcuti, vt te pacatorem fundatoremq; eterni deinceps otij haberet. Quis in discessu tuo non ingemuit? nobilitas patronum, plebs parentem, leges custodem, pietas vindicem visa est sibi amisisse. At noster Rex recepisse: & expertus quàm benè humeris tuis imperium sederet, porrò te misit in Belgicam nostram, id est in ipsum mare & Oceanum (ignosce patria sic loquēti) dissensionum & turbarū. Heu qui hīc fluctus? adeò vt alibi ciuilia atque externa bella fuisse & transisse dixerim, hīc sedisse & habitasse. Opportunitas scilicet locorum fecit, & simul

mul conspiratio eorum qui magnitudin⁷
Regiæ sunt infensi, vt consilia & arma verte-
rentur in has partes; & in nostrâ ista patri
certamen certaretur, penè dicam, de Europâ.
Ergo missus es & venisti in medium discrim-
en: quid autem fecisti? quod nec hostes su-
spicari, nec nos sperare, imò vix nunc credere
possumus cùm est factum. Aggressus es vr-
bem naturâ, opere, milite munitam, & op-
portunitate inter Galliæ primas. Urbem di-
co, quam * Eduardus ille felix & animosus ^{* Anno.}
Anglorum Rex, vndecim mēsiū spatio vix ^{1347.}
expugnauit; quam * Philippus Bonus tuus ^{* Anno.}
proauus, cum quadraginta millium exercitu, ^{1436.}
nec expugnauit: tu, inquam, aggressus cum
modicis copiis, in paucis diebus claudis, op-
pugnas, capis. Quæ hæc vis animi, vel beni-
gnitas fortunæ? vtraque enim adfuit: & illa
t auderes dedit, hæc vt posses. Scipio Afri-
canus olim (nec alium iustius tecum confe-
ram) cùm in Hispaniam missus esset, vel fero-
câ Poenorum ereptam, vel infortunio Ro-
manorum alienatam, vidit rem longi & infi-
ti operis, bellum circumferre per singulas
minutas partes. Quid facit diuinus iuue-
s? Carthaginem Nouam, vbi, arma, cōmea-
s, opes hostiles erant, situ & mœnibus (ita
tabatur) inexpugnabilem, subitò & igna-
omnibus exercitum rapit. Venit, aggredi-
A 4 tur,

tur, ingreditur: & in vnâ vrbe captâ, animos
 suis focisq; reddidit, hostibus ademit. O fa-
 ctum Scipione dignum! & quid nisi prolu-
 dium frangendę magnę illius Carthaginis, &
 stabiliendi mox imperij pariter ac pacis? A te
 similia exspectamus, ô noster Princeps: & ab
 hoc initio vince aut paca hostes, iunge diuul-
 sos aut rebelles. Hos ipsos quàm terres statim
 factò nouo pariter, & inopinato? Abducis
 ab iis locis copias, & alia agens ac præferens,
 Hulsium adducis. Quod istud Hulsû? non
 opidum, sed insulam; nec insulam modò, sed
 propugnaculis variis magnisque, id est verâ
 æstimatione, totidem opidis infessam. Quid
 facis ô consideratissime Princeps? quis ardor
 te abducit? non Mars solùm ea loca, sed Ne-
 ptunus. tuetur & vindicat: & magnus ille
 Oceanus, ruptis aggerum claustris immissus,
 vnâ cum suis filiis latè dominatur & regnat.
 Vbi naues, quibus peruadas? vbi alæ quibus
 transuoles? defunt: at non tentandi tibi ani-
 mus, & patrandi item fortuna. O quàm nunc
 denique didici, angustè vires vestras expen-
 di, si quis ea tantùm quæ fieri possunt à vobis
 exspectat! Audetis non audenda, facitis non
 faciēda, humano quidem iudicio: sed Deum
 adhibetis in consilio, & vos magni cum ma-
 gno illo Numine participantes, legitis (si fas
 dicere) in tabulis Fatorum. Itaque inuitis aut
 dis-

dissuadentibus omnibus, inuadis, peruadis,
 vincis. Hæc tua sunt sub initium opera, cum
 alij vix operum solent ponere fundamenta.
 Et quæ non maiora magisque ADMIRANDA
 à te, vel in te, expectemus? Memini legere
 ALBERTVM II. inter maiores tuos Austrios,
 vno tempore atque adeò vno anno, factum
 Regem Bohemiæ, & Hungariæ, & ROMANORVM.
 O quæ ista felicitas! sed quàm bre-
 uis felicitas! biennio enim non toto impera-
 uit, & optimum Principem Deus cælo inue-
 xit, quia terra virtutum illarum parùm capax
 erat aut digna. Tibi pariter ALBERTO omi-
 namur & vouemus similia, sed firmiora: &
 an non iam nunc clara signa Deus & Rex de-
 derunt? sed parco dicere, etsi non optare. O
 dies ille exorere, non latus solùm sed salu-
 taris Belgis; nec Belgis tantùm, sed vicinis;
 nec vicinis, sed dissitis, & quicunque sunt
 in religione aut orbe Christiano. Plura vel-
 lem: sed vt ij qui apud Deum verba faciunt,
 corpore, gestu, sermone modici sunt ac re-
 uerentes: sic nos decet apud vos Principes,
 & colere atque ADMIRARI magis, quàm lau-
 dare. Facio in animo, & illo dico atque im-
 pleo, siquid ore aut stilo omisi. Louanij,
 Kal. Martiis. ∞. 15. XCVIII.

AD LECTOREM.



DMIRANDA in Imperiis, Lector, qua olim colligere cœpimus, nunc disponere, ut vides, & vulgare. Orsi sumus à ROMANO, quod quattuor his libellis damus: an totum? negabit aliquis, & scio esse qua possint addi. Sed an debeant, nescio: non certè pro meâ mente, cui propositum fuit eminentia tantum & verè MAGNA colligere, atq; ea ipsa dumtaxat ostendere in primo vultu, & designare. Omnia si penetrassem, aut delineassem, præsertim qua ad Opera, quis finis fuisset? Sed architectonica etiam hac cura sit, non nostra; nec libuit supra plantam, quod dicitur, euagari.

* nec fuit
vnam
Omnibus
in rebus
gnarum
vnum
esse acque
scientem.

— * ὅτι ἀρετῆς ἦν

Εν πάντεσ' ἔργοισι δαήμονα φῶτα γενέσθαι.

Et verè fateor, nimis iam etiam curâ an curiositate peccari à plerisque nostrum, qui omnia hæc antiqua auidè scrutamur, & in maris illo fundo panè dicâ arenas. Ah, quis fructus est? Vita & mores præcant, tum prudentia, sed & elegantia quadam accedat: tamen ultima hæc cum modo. Peccauimus & nos fortasse olim: sed nunc cum aliis annis mens est alia, & clamo libere, Quædam esse quæ malo ignorare, quàm discere. Timonis illud sæpè mihi in mente:

* Multis-
cientiâ, ut
haud
quidquâ
vel vanius
existat!
* melius
multorū
opus.

* πάλυμα θεμοσύνης ὡς ἐκ κρείωτερον ἄλλο.

Sed siquid tamen scitu dignum omisi, alius explebit me volente & addet, ut fiat illud Homericum

— * πλεόνων δ' ἐστὶ ἔργον ἀμεινόν.

Et si

Et si quadam tamen seposita mihi, non omissa, & in
 alterâ ADMIRANDORVM parte opportunè red-
 denda. Atqui & alia mihi culpa, aut certè nota, de-
 precanda est, in attollendo nimium fortasse alibi fuisse.
 Si ita est, excusetur: & quis nescit, ubi animus
 & stilus incaluit, trahere hoc secum has* *καταγύσεις*? * lauda-
 tiones.
 Et tamen non arcem è cloacâ feci, ut ait ille, nec
 lapidè è sepulchro veneratus sum pro Deo;
 sed res laudatissimas laudavi & extuli: si nimis, tu
 moderare & deprime, quisquis frigore & sedatiore af-
 fectu hac legis. Denique in clausulâ, magnum etiam
 imperium miratus sum, & approbavi: cur contra
 hodiernum morem (dicet aliquis) fortasse & usum?
 Nam diuisiones ista facta iam dudum, & inuetera-
 verunt, & moueri sine motu Christiani orbis vix
 possunt. Non temerè igitur suadeo; nec sanè innouo:
 tamen Fatis & Deo visum, hodiernam aliquam
 & nouam MAGNITVDINEM dare, cur culpa sit
 laudare & approbare? Multiplex ratio eam com-
 mendat: & firmissimè ista. quòd etiam nunc, quidquid
 tranquilli & pacati est in re Christianâ, id manat
 ex unico illo capite, quod auctoritate sacrâ nobis præ-
 stat. Romanus ille Dictator, ut sic appellem, & Ponti-
 fex, fulcrum aut vinculum est, quod sustinet, quod
 regat, labentes aut dissidentes in malè compacto hoc
 edificio partes. Abite non impij solum, sed imperiti,
 si aliter. nobis constat hanc ipsam Romam, & sa-
 lum in eâ imperium, fuisse & esse velut ancho-
 ram fluctuanti diu Europæ. Mira Dei benigni-

tas in hanc urbem ! cū legionum vim eripuit , legum attribuit ; cū armis imperare noluit , sacris indulgit : & sic quoque fecit eam decus , tutelam , columnen rerum . Atqui Senatus ille vetus non est , inquiunt . Non ille , sed alius : & vide mihi in istā purpurā ex omni nostro orbe selectos proceres , moribus , prudentiā , annis spectandos . Si vetus ille Cyneas redeat , & hunc confessum videat , nihil ambigat vel cum Regibus iterum , vel cum Heroibus comparare . Quid Tributa ? non tam multa , sed magis innoxia & Ultronea sunt . Quid Legationes gentium ? nec ea desunt , & ex noto ignotoq; orbe (tanta diffusio maiestatis huius est) concurritur , & iura ac leges sacrorum hinc petunt . Ipsi Reges & Principes adeunt & inclinantur , & obnoxia capita uni huic capiti submitunt . Quid Principes aut homines loquor ? aërei , terreni , inferi spiritus siue Genij verentur ac trepidant , & caelestem illam in terris potestatem vel inuiti ac reluctantes agnoscunt . Gaude igitur non maior , sed melior iam ROMA ; non cultior , sed sanctior ; & diu sedes & habitaculum sacri huius imperij (ex animo vouemus) esto .

I. L I P S I
 A D M I R A N D A,
 siue,
 D E M A G N I T V D I N E
 R O M A N A.
 L I B E R I.

C A P V T I.

Occasio & ingressio sermonis.



I E S æstuosus erat, & quales Iulio men-
 se per Caniculam solent. Venit ad me
 A V D I T O R, & Numquid turbo? in-
 quit, non opinor. Otiari te cùm tempus,
 tùm & mos iubet, qui publicas Ferias
 nunc indixit. L I P S. Otiamur. non ob
 causas à te dictas solum, sed ob quam
 minimè vellem. Ea valetudo est, sem-
 per molesta, nunc magis in isto æstu, O si Spada me habeat!
 quàm me recreem & refrigerem ambulando, bibendo! A V D.
 Omitte Spadam, illam cursus tui palæstram. Satis nobis, se-
 nel sic pro te timuisse. Nam quid propius factum, quàm
 t nobis eripereris, ad alios translatus? L I P S. Factum. nec
 inquam ego propior periculo fui, nec manifestiore Dei ma-
 nu ereptus. Ille me tuitus est, & reddidit vobis. Utinam &
 vos redderet iungeretque per bonam pacem, qui sic abiuncti!
 quàm suavis vita sit! quàm iuuet communione illâ terra-
 rum hominumque frui! A V D. Ne despera.

* Οὐπω μῆνας ἄγων ἔγκυ' ἕρως, εἰδ' ἐναιτούς.

B 3

* Nondum
 æther men-
 sus, nec vol-
 uens desit
 annos.
 Dies, Theoc.

Dies,inquam,ista componet & dabit;aut denique Deus.LIPS. Cerrè Dei hoc opus : quem toto pectore inuoco venerorq̃ue, vti vèlir, Respiciat afflictam Belgicam tot iam lustris, & faris fir accisam eam,non excisam. Sed quid tu volebas? AVD.Fabulari.LIPS.Publica habes? AVD.Curiosè ea non curo:sed tamen & publica tangir,quod volebam. LIPS.Dic autem.AVD.Sponde autem.LIPS. Quid istud est? capras me? AVD. Non nego. vtinam ceperim! Iam diu est quod DE MAGNITVDINE ROMANA polliceris aliquid dicere, siue scribere. Si hoc nondum potes,illud fac quod potes.LIPS.Hócine agebas, & cò ibas? & hoc illud otium,quod suadebas? AVD.Agebam,ibam, suadebam. Er quid tibi hîc magni negotij?scio iamdiu talia & obseruata tibi,& prompra. LIPS.Profus.ecce,os aperiam? sponte se effundent. O te bellum! scilicet memoriâ,disposirione,ad eas res non opus,etiam quas notas iam habeas & paratas. AVD. Non nego. sed priorem Deus tibi dedit, alreram iudicio semper assumpsisti. In scriptis tuis hoc me delectat, ordinem & feriem rerum videre: interdum earum, quarum nec ordo videbatur.LIPS.Malus es.AVD.Quid ira?LIPS. Quia verè captarorem agis, & blandiris, sed vt in reria tua compellas. — * *γίγνεται* (ait verbū) *ἐχ' ἀλίσιαται*. AVD. Imò patiare re capi vel meâ hac cupidine, quam amare & laudare in adolescentiâ nostrâ soles. LIPS. Non nego,adamo:sed & argumentum inuitet, quod valdè irem amo.Quomodo non veterem illam Romam? tot ingeniorum, artium, virtutum, vel matrem vel sedem? Nam Potentia quidem & Miliria ADMIRANDA sunt, & magni illius imperij Opes: Virtutes amandæ. AVD.Neque aliud à te volo, quam in vmbra quasi & imagine repræsentari Formam faciemq̃ue illam vererem: & qualis, & quanta Roma fuit. LIPS.Ego verò sic subitò nec vmbra tibi ausim polliceri: fortasse vmbellam, & imaginem aliquam imaginis, vt sic loquar. AVD. Quidlibet, iuuabit & docebit. LIPS. Sic volendo, volenrem & me facis. Sub hac trichilâ vmbrosâ igitur sedeamus, & ducamus MAGNITVDINIS ROMANAE vmbas.

* Vulpes
cula hanc
capitur se-
dit.

CAP. II.

*Communiter Roma & eius Potentia laudata,
per elogia pauca veterum.*

GO inter Imperia & MAGNITVDINES, quas Deus à con-
dito orbe esse voluit, eminere censeo & primas ferre hanc
ROMANAM. Hoc è *Finibus*, *Copijs*, *Opibus*, *Operibus*, deni-
que *Viris & Virtutibus*, liquere posse arbitror : quibus rebus
singulis, aut & iunctis quibusdam, aliæ fortasse gentes se osten-
runt; nulla sic omnibus, vt nunc ostendam. Tu Deus lux
hominum, rerum, hominum, scintillam aliquam tui, si non
totum, in mentem hanc immitte : vt eâ videre, adire, sed &
frui possim, thesauros Antiquitatis & Memorix; quos in
tui diffuso implexoque sinu, reponis & seruas. Præquam
ur distinctè de quinque illis Magnitudinis partibus dicam,
et vniuersè aliquid de totâ eâ præfari, & quam istam, vnâ
mentem, illustres magnique omnes viri admirati sint. Atque
vulgata omitto, *Romanos rerum dominos : Romam mundi ca-*
Mundi miraculum : Mundi compendium : Arcem nationum ac
lumen gentium : magna sunt, & à magnis : sed compen-
dasse eam magnificè Martialis videtur,

Terrarum Dea Gentiumque Roma,

CUI PAR EST NIHIL, & NIHIL SECVNDVM.

liter nec falsò vult, nihil accedere ad eam, nihil vel se-
Quod an ab illo mutuatus Frontinus est? in cuius libro
quæduobus legimus : *Regina & domina orbis, quæ ter-*
ra gentiumque consistit, cui par nihil, & nihil secundum.
erco vt allitum adscriptumve alienâ manu sit, & grauis
eruditus reliquus Frontini stilus non probat aut amat
eam poëtarum. Compendio igitur Martialis : sed pul-
chrum & vbertim Claudianus.

*Nulla nihil in terris completitur ALTIVS æther,
nullius nec SPATIVM visus, nec corda DECOREM,
nulla LAVDEM vox ulla capit. quæ luce metalli*

Æmula

Æmula vicinis fastigia conferit astris.

ARMORVM LEGVMQVE PARENS, quæ fundit in omnes
Imperium, primiꝫue dedit cunabula iuris.

Hæc est exiguis quæ finibus orta, tetendit

In GEMINOS AXES, paruaꝫue à sede profecta

Dispersit CVM SOLE manus. hæc obuia fatis,

Innumeras vno gereret cùm tempore pugnas,

Et Gallum terris prosterneret, æquore Panum,

Numquam SVCCVBVIT DAMNIS, & territa nullo

Vulnere, post Cannas MAIOR Trebiamꝫue fremebat.

Habes pleraque versibus iis ab alto & animoso poëtâ (talis fuit) inserta, quæ ordine meo imus laudatum. Sed Eri-
nna etiã poëtria audienda est: quam vixisse oportuit, vt hoc
carmen est, sub Pompeij, aut circiter, æuum. Nam alioqui
plures eo nomine fuisse, non debes nescire. Ea igitur, ad ip-
sam Romam:

Χαῖρέ μοι Ρω̃μα θυγατὴρ ἄρπυ,

Χρυσόμυξα, δαΐφρον ἄνασσα,

Σιμὼν ἄναιεῖς ἐπὶ γᾶς ὀλυμπι

Αἰὼν ἄθροισσι.

Σοὶ μόνᾳ πρόσβυστα δίδωκε μόλεα

Κυδὲ ἄρρηκτα βασιλῆος ἄρχαῖς,

Ὅφρα κοιρανίον ἔχουσα κάρτος

Αἰγυπιοῖς.

Σὴ δ' ὑπὸ ζώνῃ κεκτηρῶν λιπαδῶν

Στέρνα γαίης καὶ πολῶς θαλάσσης

Σφίγγεται σὺ δ' ἀσφαλῆος κυβερῆς

Ἀΐα λαῶν.

Πάντα δὲ σφάλαν ὁ μίσητος αἰὼν,

Καὶ μεταπλάσσει βίον ἄλλοι' ἄλλα,

Σοὶ μόνᾳ πλεῖστον ἔσθ' ἄρχαῖς

Οὐ μετέβαλλει.

Ἡ δ' ἐκ πάντων σὺ μόνᾳ κρατίσους

Ἄνδρας αἰχματᾶς μεγάλης λοχδεῖς,

Εὖσταχυν δ' ἄμαξος ὅπως αἰεῖσα

Καρπὶα ἀπ' ἀνδρῶν.

Filia ò Martis, mihi Roma salve,

*Aureo Regina decora cultu,
Quæ vel in terrâ stabiles Olympi
Incolis arces.
Nam dedit soli tibi cana Parca
Regium sceptrum, minimè atterendum,
Vt potens rerum domineris vna,
Imperitesque.*

*Ael tuum currum, retinente freno,
Colla telluris tumidiq; ponti
Illigas, & tu populos gubernas
Firma per æuū.*

*Ipsa, quæ gaudet variare cuncta,
Resque transformare hominum, Vetusas,
Spirat hæc vni tibi semper auram à
Puppe secundam.*

*Denique, in cunctis populis valentem
Procreas bellis sobolem. vtiq; leta
Surgit è terrâ seges, ipsa abundas
Fruge virorum.*

Atque heus tu, virile & plenum spiritus muliebri hoc carmen est; & cur talia tam multa perierunt? Sed Poëtarum hæc laudatio est: audi Historicū. Nulla vñquam Respublica nec MAIOR nec

Liū. 1.

SANCTIOR, nec bonis exemplis ditior fuit. Laudat à duplici illo capite quod nos attigimus, & in sermone persequemur, Potentia & Virtutis. Quod ipsum vtrumque Ammianus: cūm Romanam IMPERII VIRTVTVMQVE omnium Larē appellat. Et plura se offerunt, quæ differo, in suis locis opportuniùs reddenda.

Hicronymi elogia audiamus, & uo iā inclinante: Vrbs POTENS, Lib. 11. adu. Iouin.
vrbs Domina, vrbs Apostoli voce laudata, interpretare vocabulum tuum. Roma aut FORTITVDINIS nomen apud Græcos est, aut SVBLIMITATIS apud Hebræos. Duplicem interpretationē nominis rei aptam reddit: ego & tertiam, quam dederit lingua nostra: quia Roma, Gloriæ & fama nomen est Germanis: Quid, quòd Rom.
apud Orientales Indos Rumes appellatur (Osorio ita traditum) milites boni & fortes: an quasi Romani, & admiratio vetus apud eos mansit? an vox indigena id quoque notat? Diuus Augustinus, pro summis, tria olim videre desiderat: Christum in

carne, Paulum in cathedrâ, Romam in flore. Hoc vltimum paramus, & ad rem partesque nostras iam imus: aliquid tamen à te præstipulati. A v d. Quid illud est? L I P s. Assensum & fidem. A v d. Tibi non dem, aut habeam? vel nutu me ducas, quò velis. L I P s. Memento. nam erunt quædam inopinata, & verè ADMIRANDA. Poëta iure cecinit:

Propert.

Omnia Romanæ cedant MIRACVLA terra,
Natura hic posuit, quidquid VBIQVE fuit.

C A P. I I I.

Fines imperij Romani; quando maximi, & Provincia breuiter adnumerata.

IN I T I A nos tenent: Ne temerè iam olim dictum, *Portam itineris longissimum esse*. At seriò viam ingredior, & quidem per eos limites siue terminos, quos antè obiter posui, *Potentia ac Virtutis*. In potentia considero, *Fines, Copias, Opes, Opera*: & in hanc quadrigam, nisi fallor, subiungam & velam, quidquid ea secum trahit. Ergo de *Finibus* primò. ij verò quàm amplissimi fuerunt, & spatia terrarum ac maris, vno velut sinu & iunctim inclusa, quanta in vilo priorum aut posteriorum imperiorum nego fuisse. Itaque attollunt haud vanè hæc veteres, & magnificè loquuntur, vt Cicero: *Nulla gens est, quæ non aut ita subacta sit, vt vix exslet; aut ita domita, vt quiescat; aut ita pacata, vt victoriâ nostrâ imperioque letetur*. Et passim illi sermones, *Romanos orbis dominos: Solem vtrumque in eorum imperio currere: & talia, animosè magis, quàm superbè dicta*. Petronius:

Orbem iam totum victor Romanus habebat,

Quà mare, quà terra, quà sidus currit vtrumque.

Dionysius Halicarnassæus planè cum ipso, etsi ante ipsum: ἡ δὲ ῥωμαίων πόλις ἀπάσης μὲν ἀρχηγὴς, ὅση μὴ ἀίματός ἐστιν, ἀλλ' ὅτι ἀνθρώπων κατοικεῖται. πάσης δ' ἐκρετὴν θαλάσσης, ἐ μόνον τῆς ἐντὸς ἡρακλείου σιλήων, ἀλλὰ καὶ τῆς ὠκεανίτιδος, ὅση πλεῖσθ' αἰὶν ἀδυσάτος ἐστὶ, περὶ καὶ μόνον τῶν ἐκ τῆς παντὸς αἰῶνος μεσημβριόθεν, ἀνατολῆς καὶ δύσεως ὅρες ποιοσάμεν τῆς διωκευίας: Romana vrbs imperat toti terræ, quâ quidem inaccessible non sit, habitaturque ab hominibus; sed & toti mari imperat, non solum

hinc

hæc intra columnas Herculeas, sed ipsi Oceano, quacumque est nauigabilis; PRIMAQUE ET SOLA ab omni aui memoria terminos sibi potentia fecit, Orientem & Occasum. Vbi terras omnes & maria tribuit, sed vt decuit historicum bonæ fidei, cum aliquâ restrictione aut exceptione: seiungitque inaccessa aut inhabitata loca, iteinque maria ignota. Enimuerò, si propiùs inspicias, nec habitata quidem omnia loca sub imperio habuit: non hercules: & multa sub Parthorum iure ad Orientem fuere; multa libera, aut sub regibus, ad Septentrionem ac Meridiem: sed vt ego quoque pro vero magis coërceam, quidquid opportunum aut dignum vinci videbatur, vicit. Cetera non tam non potuit, quàm contempsit, & iudicio reliquit. Sed illud nemo negauerit, florem Asiæ, Africæ, Europæ in hoc imperio fuisse: ipsa gentium robora, ingenia, opes. Quod vt clariùs tibi liqueat; in triplici hac mundi plagâ quid habuerint, strictim & per indicem dicam: atque id, cum imperium maximum & in culmine suo fuit, vt ab Augusto ad Traianum. Termini igitur finesque imperij sub Augusto erant, ab Oriente *Euphrates*, à Meridie *Nili catarractæ*, & *Deserta Africa*, & *mons Atlas*; ab Occidente, *Oceanus*; à Septentrione, *Danubius* & *Rhenus*. Ita enim ipse, bono consilio, instituit, claudere imperium naturæ aliquibus limitibus, & custodes ac milites ad eos habere. Hoc Tacitus in eo laudat: *Clausum mari, aut omnibus lóginquis imperium.* Atque idem scribit, Augustum libello, quo Rationes imperij conscripserat, consilium addidisse, coërcendi intra terminos imperij, incertum metu, an per inuidiam. Nolebat, inquam, posteros Augustus proferre terminos: siue quia satis iam partum videbatur, & metuendæ bellorum ac fortunæ vices; siue per inuidiam, & ne gloriam suam vincerent, vt Tacitus suspicatur. Sanè posteri consilium hoc neglexerunt, nec solum regna aliquot, defunctis aut euerfis sociis Regibus, imperio adiecerunt; sed etiam, ultra terminos, noua quæsiuerunt. vt Claudius, qui *Britannias* in ipso Oceano deuicit; vt Traianus maximè, qui ab Oriente, *Arabiam*, *Armeniam*, *Mesopotamiam*; à Septentrione, *Daciam* subegit. Ita moti prolatisque tunc termini trans *Euphratem*, ad *Tigrim*: iterumque parte aliâ, ad *Mare rubrum*, & trans *Danubium* ipsum, tota *Dacia* addita fuit. Hoc est, quod Tacitus noster in suo illo Principe laudat:

1. Annal.

11. ABD. *Ventum inde Elephantinen ac Sienen, claustra OLIM Romani imperij, quod NVNC Rubrum ad mare patescit. Sed, inquires, quæ hæc dictio est, quasi pro magno ad mare Rubrum ventum nunc esse: nonne & antea fuit? Ipsa illa Siene & Elephantine ad Nili catarractas, ostendunt quidquid Ægypti interiacet Nilum & Sinum Arabicum, iam olim Romanorum fuisse. Atqui Sinus ille, Rubrum mare. Respondeo, latius olim Rubrū mare patuisse, & paullo aliter, quàm vt vulgò hodie, appellatum. Nam in Taciti, & aliorum veterum verbis, in hoc nomen venit mare Indicum, vastum illud & magnum, quod ab extremo Sinu Arabico, siue ab Africâ eâ, in Auream Ptolomæi Chersonesum se protendit. Itaque Pomponius Mela, duos Sinus in mari Rubro agnoscit, Arabicum & Persicum. Et Seneca Tragicus, Tigrim in mare Rubrum exonerat atque immittit: Curtius Indum & Gangem: quos certum est in magnum illud mare, longè à Sinu Arabico, euolui. Hæc vera & clara sunt: promoti igitur termini ad mare Rubrum siue Indicum, per Arabas adiectos. Eadem mens Græci scriptoris in Suidâ: qui terminos imperij ad Orientem facit Indos & mare Rubrum; & Nili Catarraetas, & lacum Meotin. Sicut & Appianus ita capiendus, cum in Præfatione operis sui, distinctè Romanum imperium limitat: Tendit, inquit, ab Occasu & illo Oceano occiduo, ad Caucasum montem, & flumen Euphratem, & ad Æthiopas superiores, per Ægyptios & Arabas, ad Orientalem Oceanum. Hic Oceanus Orientalis, non aliud quàm Mare Indicum siue Rubrum, iam dictum. Sed obiicies, Si ista de Traiani terminis Appianus; quid ita Euphratem ponit, Tigrim omittit? Hoc ideo, quia Hadrianus Imp. (sub eo Appianus scripsit) statim à morte Traiani, hoc mutauerat. de quo Festus Rufus: Inuidens, inquit, Traiani gloriæ, sponte Armeniam, ac Mesopotamiam, & Assyriam reddidit, ac medium inter Persas & Romanos Euphratem esse voluit. Tamen de Tigri etiam Claudianus:*

*Subdidit Oceanum sceptris, & margine celi
Clausit opes. quantum distant à Tigride Gades,
Inter se Tanais quantum Nilusque relinquunt.*

AVD. Sed & alia dubitatiuncula, de Mesopotamiâ. quam tu & Rufus ab Traiano adiectam imperio significatis, at Aurelius Victor iamdiu à Claudio. LIPS. A Claudio? nemo hoc dixit, nec potest.

potest. AVD. Imò verba Victoris sunt: *Retenti fines, seu dati, imperio Romano, per Orientem Mesopotamia, Rhenus Danubiusque ad Septentrionem, & à Meridie Mauri accessere prouinciis.* LIPS. Hoc eo sensu, vt ipsa Mesopotamia finis esset, non vt in finibus contineretur. Eousque, inquam, productum imperium, non & ultra ipsam. Ea mens Victoris, aut si alia, est error. Et habes ecce in istis finibus, quid? per Inc. cem, si placet, videamus, & per singulas orbis partes.

IN ASIA:

<i>Colchidem,</i>	<i>Armeniam,</i>
<i>Iberiam,</i>	<i>Syriam,</i>
<i>Albaniam,</i>	<i>Arabiam,</i>
<i>Pontum,</i>	<i>Palestinam,</i>
<i>Bosphorum,</i>	<i>Ciliciam,</i>
<i>Cappadociam,</i>	<i>Pamphiliam,</i>
<i>Galatiam,</i>	<i>Lydiam, &</i>
<i>Bithyniam,</i>	<i>Asiam totam</i>
	<i>minorem.</i>

IN AFRICA:

<i>Egyptum,</i>
<i>Cyrenaicam,</i>
<i>Marmariam,</i>
<i>Getuliam,</i>
<i>Africam propriam,</i>
<i>Numidiam,</i>
<i>Mauritaniam,</i>
<i>Aliasque minores</i>
<i>aut ignotiores.</i>

IN EVROPA:

<i>Italiam,</i>	<i>Macedoniam,</i>
<i>Hispanias,</i>	<i>Epirum,</i>
<i>Gallias,</i>	<i>Graciam,</i>
<i>Inalpinos,</i>	<i>Thraciam,</i>
<i>Rhatiam,</i>	<i>Mesiam,</i>
<i>Noricum,</i>	<i>Daciam,</i>
<i>Illyricum,</i>	<i>Pannoniam.</i>

Habes hîc, dico, optima terrarum, latissima terrarum: & magnam tamen partem consultò omisi, quidquid *Insularum* mari ambitur. Eæ quàm multæ, & magnæ quædam, in toto illo inæditerraneo fuerunt, à Columnis Herculis, ad Pontum vsue? profectò, quæ vel decimam partem pænè prouinciarum terrestrium æquent, si *Britannias* in exteriori mari (vt debes) adungas. Pulchra autem ista facies, & non nisi à Prouidentia sic ordinata & ornata: quam mecum vide. Vtrinque ad hoc mare inæditerraneum Prouinciæ se porrigunt & extendunt, ipsum in

C 3

medio,

medio, tot portibus & insulis distinctum, quasi via & limes est, per quem commercii iungantur. Nec aliud mihi pulchrius commodiusque videtur in hoc imperio, quam iste velut in medio corpore baltheus, bullis insularum interstinctus: qui & diuidit simul, & constringit. Dabis mihi aliud tale, & tantum? non dabis. A V D. Imò Lipsi, *Turcicum*, & Regis quoque nostri *Hispanicum* imperium, haud longè absunt. L I P S. De Turcico, fatendum est, in Asiâ & Africâ latè se extendisse: sed in validissimâ Europâ nostrâ quid habet, aut potius non habet? Certè vel sola Italia, Hispania, Gallia iunctæ, opibus viribusque pares sint, aut superent illum hostem. O si Deus daret adeo nec prouinciæ illæ Orientales pro opibus & frequentia priscæ sunt; & nostræ istæ florem nunc habent & vigorem. Quid de Germaniâ dicam? illa olim horrida & rerum inops, quam artibus, opidis, copiisque exculta est, & abundat? A V D. Mirificè & hæc tamen Imperio tuo etiam deest. L I P S. Non sic, vt opinare. Nam si terminos meos cogitas, videbis ad Danubium vsque, *Rætias*, *Noricum*, *Carnos*, *Pannonos* inclusos: & parte alterâ ad Rhenum, *Heluetios*, *Rauracos*, *Argentoratenses*, *Nemetes*, *Vangionas*, *Treuiros*, *Vbios*, *Menapios*, *Batauos*, ad Oceanum ipsum. Quæ pleraque omnia Germaniæ hodiernæ nomen, & linguam, & leges etiam habent: at detracta, vides quàm eam arctent, & pulcherrimis membris spoliata relinquant. Certum autem, hæc postrema omnia, cis Rhenum, Galliæ fuisse olim accensa. Itaque sub iugo Romano. Sed de *Hispanico* imperio quod aiebas; id sanè, spatia terrarum si consideras, præsertim in Nouo illo orbe & insulis, Romanum longè vel superat: sed iunctio & deuiunctio prouinciarum, viri & copiæ, quàm deficiunt & delinquant? Nunc quidem. nam postea quid futurum sit, nescio: florebunt, crescent fortasse. & sensum meum tibi dicam? Nescio quo Prouidentia decreto, res & vigor ab Oriente (considera, si voles) in Occasum cunt.

CAP. II II.

*De copiis & præfidiis sparsim circa limites, itemq;
in ipsâ urbe.*

ISTI Fines igitur Romani & quidem mari, amnibus, montibus clausi ac muniti, sed Milite & *Copiis* multo magis. Nam Romanus mos & institutio, duplici viâ prouincias munire, *Copias* & *Coloniis*: de quibus vtrisque breuiter dicendam. *Copias* intelligo, perpetuum militem, qui ad tutelam imperij, ex instituto Augusti, fuit. Triplices eas reperio, *Prouinciales*, *Urbanas*, *Classicas*: illas maximas, alteras satis validas, & tertias utiles atq; opportunas. Omnia hæc ab Augusto; qui sapienter pleraque in nouo imperio aut instituit, aut restituit, vt res visæ postulare. Hoc autem inter noua: & in laudibus Augusti iam mortui Tacitus ponit, *Legiones, prouincias, classes, cuncta* 1. Ann. *inter se connexa*. Narrat & Suetonius: *Ex militaribus copiis, legiones & auxilia prouinciatim distributa*. Sed benè Tacitus, *cuncta connexa*: nam ita ordo & dispositio fuit, vt limitanea loca militem haberent, interiora vix haberent: & essent, vt in magnâ urbe, circa mœnia dispositi & vallum. Cohærebant autem prouinciæ; ideoque & legiones, per cohortes suas & alas sparæ, & inter se vicinæ. **A**VD. Sed non igitur Arces in locis interioribus saltem erant, si non legiones? **L**IPS. Apagè à Romano hoc more. nusquam in iis præsidium aut spes posita Martiali huic populo, sed in milite tantum & armis. Et fanè de Arcibus variè disputari potest: sed non tempestiuè in hoc loco. pergamus. Miles igitur ad Limites, vbi minimo oneri subditis, maximo vsui in hostes esset. Quantus? sub Augusto & Tiberio viginti quinque legiones fuerunt, ex Dione & Tacito: dein postea tamen auxerint, vix dubito, & sub Traiano atque Adriano certum fuisse triginta, aut & suprâ. Columella, in uâ legionum nomina, tum & alia quædam hoc euincunt: dimusque aliquid in *Analectis Militiæ Romanæ*, illuc, si lubet, idendum. Hæ legiones, Augusti & Tiberij æuo; sic dispositæ:

In Hispaniâ, legiones III.

In Africâ, II.

In Galliâ ad Rhenum, VIII.

In Ægypto, II.

In

*In Syria ad Euphratem, 1111. In Pammonia ad Danubium, 11.
In Mesia ad Danubium, 11. In Dalmatia, 11.*

Sed mutabant interdum, quod Tacitus in 1111. Annalium notat, & ob causas huc atque illuc ibant, aut sedebant. Quædam autem legiones & in opidis erant, etsi pleræque in castris: sed in opidis dico, quæ valida aut magna, & ideo motui aut rebellionis opportuna. Talis Alexandria in Ægypto: de quâ Strabo. *Sunt tres in Ægypto legiones. quarum vna in vrbe collocata est, alie per regionem.* Præter has, sunt & nouem cohortes Romanorum, tres in vrbe item, tres in Æthiopia finibus ad Syenen, præsidium locis; tres in alijs partibus. Sunt & alæ equitum tres. Sed & idem scribit, in Babylone castella supra Delta, legionem vnâ consistere è tribus, quæ Ægyptum custodiunt. AVD. Itane bis, ternas hæc legiones collocat? at tuus Index bimas. L I P S. E Tacito meus index, & sub res Tiberij iam vergentes. Recenter id tunc inuenerat, & abducta legionum vna, vt sæpe. Antè, & à Iulio iam Cæsare legiones ibi ternæ, vt in Suetonio leges: tenuitque Augustus, & Tiberius ad id æui, quo Strabo scripsit. Sed de nostrâ iam re, legiones dico sæpe in opidis. atque ita de Beryto Syriæ idem Strabo: *Hæc euersa fuit à Tryphone, instaurata & suscitata à Romanis, duas legiones suscipiens, quas Agrippa ibi collocauit.* Causa fuit, sedes item vrbis ad ipsum mare, & locorum eorum claustrum. Ita à tergo aliæ legiones Syriam defendebant aut premebant, hæc sita in fronte. In Hispaniâ, vt idem Strabo, Bætica quæ populi erat, milite vacabat: reliqua Hispania habebat. Similia adnotare plura possim, & causas dare aut tangere: sed diffusionem non gaudeo, ubi res non poscit. Hoc magis è primis illis Strabonis obseruo, *socias etiam cohortes aliasque fuisse, præter ipsas Legiones: & vt illic vides, numero satis grandi.* Enimuerò nouem illa cohortes (sociales fuisse dico, etsi ipse Romanas appellat: sed hoc ideo, quia militabant sub Romanis signis) pænè legiones tres æquarunt, nec minores eas millenariis fuisse opinamur. Tacitus id quoque dixit: *apud idonea provinciarum, socias triremes, & alas, auxiliaque cohortium, nec multo secus in iis virium fuisse: sed persequi, inquit, incertum fuit, cum ex usu temporis, huc illuc merent, gliscerent numero, & aliquando minuerentur.* Ecce disertim, *haud secus, id est, non minus in iis virium fuisse, quàm in legionibus*

nibus ipsis: imò plus interdum, idem ostendit. vbi legionis
Decime quartæ auxilia, octo cohortes Batavorum facit. Atque ali- III. H. A.
 bi, in minoribus prouinciis, solæ cohortes aut alæ fuerunt, vt
 in Ratiâ, Iudæâ, talibus, & quæ Procuratoribus regebantur.
 interdum & in opidis interioribus, ad coercendû: vt Lugduni
 in Galliâ, Tacitus *cohortem xviii^m* locat; idem Foroiulij *Li-*
urum cohortem, vetus loci auxilium. Et tale alibi. Huc equidem
 Iosephi verba referam, alioqui paradoxa, non solum paradoxa:
 apud quem Agrippa ad Iudæos loquens adserit, Galliam illam
 tam validam, tam latam, *mille ducentis militibus in officio contineri.*
 Profectò octo legiones totæ fuerunt, sed quia istæ in extremâ
 Galliâ, ipse copias modò numerat, quæ introitus in eâ essent: si
 tamen numeri illi in Iosepho sani, quos sæpe in eo obseruamus
 citatos. Sed hæc ita sub Augusto: vt tamen tetigi, creuerunt, &
 primùm Claudius Imp. Britanniâ domitâ, legiones in eâ *tres*
 occauit, manseruntque. Tum Vespasianus *duas* etiam in Cap-
 adociâ: & Traianus deinde in Daciâ *duas.* Istæ *Prouinciales* co-
 iæ: *Vrbana* fuerunt, quæ sedem Romæ & in ipsâ dominâ vrbe
 habuerunt. Quo fine duplici, vt Principem in eâ tuerentur, &
 ipsam vrbe. Principis custodię triplex miles fuit, *Prætoriani,*
uocati, Batavi. Primi in *nonem* cohortes diuisi ab Augusto, flos
 militum, fide, robore, & gente. Exemplum instituti huius fuit,
 Prætoriis cohortibus in exercitu, quæ circa ipsum Imperato-
 rem, & ad eius tutelam erant: sed plerumque vna: Augustus
 utem in bellis ciuilibus plures habuit, & victor quoque reti-
 uit in pace, contra motus subitos, & ad plebem Romanamque
 coercendam. Nam fuere *nonem millia* militum, non robore so-
 lum, vt dixi, sed stirpe & domo eximij: nec capti nisi ex Etru-
 riâ, Umbriâ, Latio, & *Coloniis antiquitus Romanis*, quod Tacitus
 etiam notauit. Gloriabantur igitur hoc sanguine: & ideo
 Octo iis blandiens, & in concione alloquens, *Italia*, inquit,
lumini, & Romana verè iuuentus. Nam legionibus aliis, exteri iam Tac. i. Hist.
 ex ciuitate donati, crebri miscebantur. *Nonem* dixi fuisse: idque
 pertè Tacitus: at Dio *decem* scribit. Nam ita in rebus Augusti: Lib. i. v.
 σωματοφύλακες; μύριοι ὄντες, καὶ διὰ τὰς πέντε μέρη: *Custodes corporis Au-*
gusti (Prætoriani) *decem mille* erant, atque in *decem partes*, siue co-
 hortibus *diuisi.* Hæc dissonât: & fallitur Dio? an pro suo æuo dicit?

11. Hist.

Illud potest, hoc vix potest: quia eius æuo (vixit, sub Alexandro Seuro, & prioribus) iam plures denis illiserant. Exemplum à Vitellio, qui primus, opinor, auxit. Tacitus de eo, Romam ingressus: *Confusus prauitate, vel ambitu, ordo militia. Sedecim Prætorie, quattuor Urbane cohortes scribebantur, quis singula millia inessent.* Sed an ille tamen primus? an non Claudius Imp. antea fecerat? Lapis vetus (quid contra eum dixerim?) affirmat: C. GAVIO. L. F. STEL. SILVANO TRIB. COH. II. VIGILVM. TRIB. COH. XIII. VRB. TRIB. COH. XII. PRAETOR. DONIS. DONATO. A. DIVO. CLAVDIO. BELLO. BRITANNICO. En, ille verò sub Claudio vixit, & *donis ab eo donatus* in Britannia: & tamen *Tribunus* scribitur *Duodecimæ Prætorie cohortis*. Sculptor errat? sed idem est in *Urbanis*, ubi *Decimatertia* nominatur. Quid? an hic Gavius potius, iuuenis Britannico bello interfuit, & tum senior sub Vitellio militauit? Omnino dixerim: nec tempora refragantur, potuitque vel sub illo, aut statim ab illo, Tribunatus hos gessisse. Nam eam auctorem dixerit aliquis mansisse: argumento eorundem lapidum, in quibus crebrò, grandiore numero sic legas. Istis *Castra Prætorie* fuere, ad Portam Viminalem: ut arctius & in disciplinâ haberentur, secreti à ciuibus & vrbe. Sed *Euocatos* iam addo: de quibus Tacitus atque alij silent (quod equidem obseruauerim) at non Dio Cassius, qui adiungit apertè. *Euocatis*, inquit, *Augustus vii iam ceperrat in Antonium olim, eosque & postea seruauit. Sunt autem hodieque propria quedam & separata manus, & vites ferunt, instar Centurionum.* Hoc ille, ubi ex professo de custodiâ Principis scribit. Facere huc videtur, quod Suetonius in Galbâ notat, *dilegisse eum equestri ordinis iuuenes, qui manente aureorum anulorum usu, EVOCATI* appellarentur, *excubiasque circa cubiculum suum, vice militum, agerent.* Instituisse hoc cum planè dixeris, exemplo custodiæ Principalis, quia Principem scilicet nunc agebat: etsi non veteranos quosdam milites, sed Equites ipse elegit. An non ibidem & munus istorum Euocatorum expressum: nempe ut *circa cubiculum Principis excubias agerent*? ego omnino opinor: etsi valdè miror, nusquam (nec occasio defuit in urbanis illis motibus, aut Principum cædibus) nusquam, inquam, à Tacito vel Suetonio, vel ipso Dione alibi, nominatos. Tamen quod in lapidibus crebrò

Lib. xv.

crebrò legitur, EVOKATVS AVGVSTI, me iudice haud aliò est referendum.

Tertij sunt *Bataui*, equites peditesq;. Dio Cassius: *Sunt & exteri Equites selecti, quibus Bataurorum nomē est, iiq; equitandi peritissimi.* AVD. Da veniam, interpello te: Bataui equites? hoc est simile, ac si dicam Venetos equites esse. Et Bataui sanè nostri, aliis illis equis veliuolis & ligneis, per Neptuni æquor optimè discunt: hos terrestres, parcè aut parùm dextrè tractant. LIPS. Vetera loquimur: gens ea tunc Martem potiùs, quàm Mercurium colebat. Et quæ gloria* vicinis illorū in equite nostrà etiam memorià fuit: ea ipsis olim. Credo autem intelligi tunc quoque superiores illos Batauos maximè, qui Geldriæ nunc accensentur: nam inferi & ad mare, nec ipsi, nec regio eorum equis satis facti, aut apti. Sed Bataui igitur boni Equites: fuere & Pedites, etsi Dio silet. Tacitus alijq; dicent, qui tamen nos modò Batauos, modò Germanos appellant: sed dixeris Dionis ævo Pedites non fuisse. Causa, quia Galba *Germanorum cohortem, institutam iam olim à Caesaribus, ad custodiam corporis, & multis experimentis fidissimam dissoluit, ac sine ullis commodis remisit in patriam*: quod Suetonius in eo scribit. Dicit *Cohortem*: ergo pedites fuere: & addit ab ipso solutam militià ac dimissam, nec postea fortasse restitutam. Non reperio quidem ultra nominari: & in Notitià imperij, duntaxat *Bataui equites, Seniores Junioresq;*. Vtraq; autem hæc manus quanta fuerit, & Dio ignorare se arctur: *Bataurorum*, inquit, *numerum, sicut nec Evocatorum, satis certò possum dicere*: quid ergo nos concernit? Puto tamen Batauos haud minùs duabus alis plenioribus fuisse, & ut minimùm mille Equites: Pedites etiam olim ad mille. Evocati autem, ij quoq; cohortes vna millenaria sunt. Alter nunc miles in vrbe, & pro vrbe, duplex est: *Vrbana, & Vigilium cohortes*. De prioribus Tacitus: *Quamquam insideret vrbe proprius miles, tres urbana cohortes*: & mox ostendit eam quoq; lectam, & non nisi Italiam manum misisse. Sed tres ipse dicit, Dio in Augusti dispositione, quattuor. *ἑξ ἑκατὸν περὶ τοὺς πόλιν*, inquit, *ἑκατὸν χίλιοι, & τρεῖς ἀπὸ τῶν περὶ τὴν πόλιν*: Urbis custodes sex millia, & in quattuor partes dimisi. Miror & hîc dissensum, nec concilio. Si tamen numerus tantus; vides grandes istas Cohortes fuisse, atq; etiam supra Prætorianas. Nam singulæ fuerunt mille quingentorum milicum. In Taciti autem antè verbis, de

* Menapii
& Geldri.

IIII. Ann.

Vitellio, notare potuisti, ab eo denique factas *quattuor urbanas cohortes*, sed quæ non nisi *singula millia* haberent: unde igitur tantas sub Augusto? Intricata hæc fateri oportet, & mihi pænè libido in Tacito ibi legendi, *quattuordecim urbanae cohortes*. Cum enim tam largiter Prætorij militem auxerit, cur non pariter & Urbis? Unica ista cohors adiecta, in paruo sit: & facit validè, quòd lapides ab illo æuo grandiore hunc numerum suadent. In illo superius recitato erat, TRIB. COH. XIII. VRB. & in alio sub Antonino Imp: C. CESTIO. C. F. STEL. SABINO. TRIB. COH. XIII. VRB. DONAT. AB. IMP. ANTONINO. AVG. HASTA. PVRA. Pluribus etiam lapidibus hi tales numeri in vtrisque cohortibus, sed nomina Imperatorum aut æui certa indicia non semper adiecta. Hic ipse Antoninus quis fuit? fortasse Caracalla Seueri filius: atque ita minùs miror, quoniam in Herodiano Seuerus gloriatur & loquitur, vbi filios ad concordiam hortatur: *Ποσσε εος σεκουρε αερε, σι εελιντ, πεκυνια μολδα α σε παραδα, τῆς τι ἐν ράμῃ διωάμῃς, αὐτῆς τετραπλασιασίου, καὶ σεαυτοῦ ποσῶν. ἀπὸ τῆς πόλεως ἰδρυθῆναι, ὡς μηδὲν ἔῃ διωάμῃν ἐξωθεν ἐχέγγου μηδὲ ἀντίπαλον, ἀλλ᾽ οὐ σεαυτοῦ, μόντῃ μαζᾷ σωματίων, μόντῃ χημάτων ἀεουσία:* & *copiis iis quæ Romæ sunt in quadruplum auctis, tantoque exercitu ad Urbem sedente, ut nulla externa vis par esse ei possit, siue multitudinem spectes, siue corporum magnitudinem, siue cultum & abundantiam.* Hanc mutationem & augmentum facta à Seuero, cum Iuliani Prætorianos circumuēnit & armis exuit, probabile est; & in eorum locum Illyricos grandi numero factos. Verba quidem Herodiani clara sunt, & sic mansisse ad Constantinum videntur: qui fauentes Maxentio sustulit, nec alios ordinauit. A V D. At enim si in quadruplum ita auxit Seuerus, & Vitellius iam tot Cohortes fecerat: quid dicemus? oportuit vel supra LX. cohortes fuisse. LIPS. Neque absurdum sit, si verba pensites Herodiani. Dubitet tamen aliquis an illa Vitelliana auctio tota manserit: sed quidquid eius, illud tenendum haud dubiè auxisse valdè Seuerum, cum Herodianus disertè scribat, *cuiusq; VI EXTERNAE parem aut superiorem hanc internam & urbanam fuisse.* Sed redeo ad Urbanas meas cohortes: quarum officium præcipuum, tueri urbem. id est, motus aut turbas plebis coercere, noctu circum templa, fora, basilicas excu-

excubare; stationes agere contra grassatores aut sicarios; itemque Præfecto urbis (qui caput iis erat) apparere. Itaque & extra urbem interdum puto dispositos, cum eius Iurisdictio ad centesimum lapidem porrigeretur. Quod autem Præfectus caput, in Tacito clarè scriptum, de Flauio Sabino, qui tunc in 111. Hist. eo munere: *Esse illi proprium militem cohortium urbana- rum: nec defuturas Vigilium cohortes.* Quas nunc adiungo (*Vigilum* dico:) & inonco eas quoque ab Augusto esse. Nam is cum crebra incendia in magnâ illâ & frequenti vrbe videret; remedium quæsiuit firmum & perpetuum, militemque ex libertinis collegit, & in septem cohortes digessit. Id factum anno urbis DCC LIX. Et quamquam præcipuus hic finis & instituti causa fuit, tamen seruiisse etiam tutelæ urbis, & contra nocturnos fures aut grassatores, non est ambigendum. Minus lecta hæc manus fuit, & ministerio potius quàm militiæ facta: tamen ut regi melius iuberique possent, digesti in Cohortes, & Centuriones Tribunosque suos accepere.

CAP. V.

De copiis in mari, aut fluminibus; de Classibus variis, earumque sedibus.

TERRESTRI milite satis limites, itemque vitalia imperij, id est Romam ipsam, munimus: nunc & maritimo, siue fluuiatili etiam, muniamus. Nam cum mare medium per totum illud imperium irret, ut diximus; cum etiam flumina magna clauderent vel ambirent; utile censuerunt, *Classes* perpetuas in vtriusque parte esse, quæ & piratas cohiberent, & hostes excluderent; & suis etiam transitum aut transuersionem, cum opus esset, statim darent. Prudens & pulchra inuentio: fueruntque *Classes* in ipso mari quattuor; in *Fluminibus* tres, nisi fallor. Videbimus ordine, & quod occurreret, dicemus. Primæ duæ maiores se offerunt, & *Prætorie* dictæ, *Misenensis* & *Rauennas*. Quare *Prætorie*? (sæpe enim ita in lapidibus:) opinor dignitatis causâ, & quia inter minores alias, ut *Præto-*

ria aliqua nauis, ciminerent. Nam Praefectus sanè earum non fuit Praetor. Possunt & exemplo Praetoriarum cohortium esse dictæ, quia ad Italiæ & Principis tutelam. Sed ex quoque ab Augusto institutæ, notante Suetonio: *Classem Miseni, & alteram Rauennæ, ad tutelam superi & inferi maris collocauit.* Et Tacitus de iisdem: *Italiam utroque mari due classes, Misenum apud & Rauennam, præsidebant.* Sed distinctissimè Vegetius, qui numerum & plura aperit, his verbis: *Apud Misenum & Rauennam, SINGVLAE LEGIONES cum classibus stabant, ne longius à tutelâ urbis abscederent, & cùm ratio postulasset, sine morâ, sine circuitu, ad omnes mundi partes peruenirent.* Nam Misenatum classis, Galliam, Hispanias, Mauretaniam, Africam, Ægyptum, Sardiniam, atq; Siciliam, habebat in proximo: classis autem Rauennatum, Epirom, Macedoniam, Achaiam, Propontidem, Pontum, Orientem, Cretam, Cyprum, petere directâ navigatione consueuerat. Ait singulas legiones in singulis fuisse: pro more sui æui, aut parùm conspectè, locutus. Non enim Legiones propriè erant, sed dumtaxat Cohortes, exq; decem, & Tribunos suos siue Chiliarchos (à numero cui præerant) habebant, itemq; Centuriones. Enimuero Tacitus non semel ostendit, Classarios militiam legionariam, vt honestiorem petiisse: & aliquando impetrasse: non ergo habebant. Quomodo autem? exteri plerique, & nec ciues erant. Tacitus de classe Rauennate: *Ambiguos militum animos, quod magna pars Dalmatæ Pannonijq; erant.* Et in Tabulâ, quæ Venetiis adseruatur: **HADRIANVS. IMP. IIS. QVI. MILITAUERANT. IN. CLASSE. PRAETORIA. MISENENSI. SEX. ET. VIGINTI. STIPENDIIS. EMERITIS. DIMISSIS. HONESTA. MISSIONE. IPSIS. LIBERIS. POSTERISQVE. EORVM. CIVITATEM. DEDIT.** Si dedit, non antè habebant. Clara & vera hæc sunt, ac naualis militia, vilis semper & viliû, apud Romanos. De Miseni igitur classe, liquet apud Misenum, pulcherrimo sinu, eam stetisse. Virgilius doctè indicauit, cùm Misenum illuc sepelit Æneas, *Imponit suasq; arma viro, remunq; tubamq;.* Nam & Remum & Tubam dat, præsignificans locum hunc futurû vbi & Remiges & Milites in classe essent: Milites inquam, quos Tuba notat. Etsi autem naues ibi & classis, tamen Castra etiam in terrâ & ad portum ipsum fuisse, cominoditas eorum exigit,

exigit, & lapides qui sæpe effodiuntur, dicunt. Inter eos isti:

D. M.

D. M.

C. IVLIO. QVARTO

TI. PETRONI. CELERIS

VET. EX. PR. N. GALLO.

NAT. ALEX. EX. III. ISIDE

D. M.

C. SENIO. SEVERO. MANIPLARIO

EX. III. FIDE. NATIONE. BESSVS.

Notę breuiores in iis, hoc volunt: *Veterano ex Pratoriâ nane Gallo.* item: *Natione Alexandrino, ex tertiâ Iside.* iterumque: *Ex tertiâ Fide.* Gallus autem, *Isis, Fides*, nomina nauium sunt, ab imagine aut tutelâ. In his item portibus, præter Castra, *Pharos* siue Turres quasdam ad prælucendum noctu fuisse, Plinius mihi suggerit: ille Plinius, qui ipse fuit classis Misenatium Præfectus.

Vsus Phari, nocturno nauium cursui ignes ostendere, ad prænuncianda vada, portusve introitum: sicuti compluribus iam locis flagrant, vt Puteolis, & Rauenna. Pharos Putcolana, ad hanc Misenensem fuit.

Lib. xxxv.
cap. xii.

At verò altera, sicut & ipsa Classis, *Rauenna*. Notum & nobile etiam opidum, ob sedem ibi postea regni Gothorum. Et ipsam, & Classem autem, Iornandes optimè notificat, ex Dione: *A meridie, inquit, Padus, qui & Eridanus, ab Augusto Imp. altissimâ fossâ demissus: qui septimâ sui aluei parte mediam influit ciuitatem: ad ostia sua amœnissimum PORTVM habens, qui CLASSEM ducentarum quinquaginta nauium, Dione referente, tutissimâ dudum credebatur recipere statione. Qui nunc, vt Fabius ait, quod aliquando portus fuerat, spatiosissimos hortos ostendit, arboribus plenos, verum de quibus pendant non vela, sed poma.* In fronte verborum vides, Augustum aptasse locum & portum, fossâ percussâ: in medio, Dionem auctorem, de nauibus CCL. quæ illuc caperent. Sed vbi hoc Dionisquam in libris, qui nunc sunt, sed dixit (opinor) in Vitellij rebus, vbi multa mentio classis Rauennatis, ob transfugium eius & turbas, quas & in Tacito habes. Ingens autem numerus: neque minor in classe Misenatium, vt ratio poscit. In vltimo autem ostendit, esse defuisse & portum & classem. Atque hæ duæ sunt *Maiores illæ classēs maritimæ: sequuntur duæ Minores.* prior in Galliâ, coloniâ & portu *Foroiulienfi*: tum ad ipsam Galliam, tum ad Hispaniâ illam oram tuendam. Tacitus de eâ, eiusque auctore: *Galliæ proximum Litus ROSTRATAE naues præstebant,*

1111. Ann.

debant, quas *Aethiaticâ* victoriâ captas *Augustus* in opidum *FORO-IVLIENSE* miserat, *VALIDO* cum remige. Habes *Augustum* auctorem, habes *Rostratas* & bellicas, itemque *Validum* remigium. Satis ergo & grandis, & instructa ea classis: cuius idem *Tacitus* in rebus belloque *Othonis* cum *Vitellio* meminit. Est autem hoc *Forum Iulij* in *Galliâ Narbonensi*, loco quem *Strabo* designat: *Nauale*, inquit; *Cæsaris Augusti*, quod *Forum Iulium* vocant. Situm est inter *Olbiâ* & *Antipolim*, abestque *Massiliâ* stadiis circiter sexcentis. Notat *nauale* siue receptaculum classis esse: ideoque & à *Plinio* ipsa vrbs *Classica* dicta, itemque *Colonia Octavianorum*, quod octaua legio eò deducta.

Altera minor in ipso *Ponto*: id est, in capite & fonte mediterrei maris. De eâ *Tacitus* capiendus: *Mucianus* classẽẽ *Ponto Byzantium* adigi iussit. Ergo statio ei supra *Byzantium* fuit: sed vbi, ignoro. Numerum eius ẽẽ *Iosepho* possum dare: *Ponticæ*, inquit, omnes gentes tribus millibus militum subduntur, & *QUADRAGINTA* naues longæ (rostratæ) illud asperum & innauigabile pelagus tutum pacatumque præstant. An non & tertia etiam *Ostia*? *Suetonius* suggerere videatur in *Vespasiano*: *Classiarios qui ab Ostiâ & Puteolis Romam per vices pedibus commeant*. Nam *Classiarios Ostiæ* ponit: & fortasse *Claudius* instituit, portu eò instructo. Sed certum non habeo: & potuit esse ibi pars ẽẽ classẽẽ *Misenensi*. Transeo ad *Classes fluminum*: & prima est in *Rheno*. de quâ *Panegyricus*: *Cum totus ARMATIS NAVIBVS Rhenus instructus sit*. Ait totum *Rhenum*: ergo diuisam per partes censeo, vt & militem ipsum terrestrem. *Florus* ostendit, *Bonnæ* & *Geldubæ* (si proba modò lectio) fuisse, ex instituto *Drusi*: *Bonnam & Geldubam pontibus iunxit*, *CLASSIBVSQUE FIRMAVIT*. Ergo ibi pars, pars & certò ad exitum fluij, vbi *Pharus* olim, quam nunc *Arcem Britannicam* vocant. Hanc opinor esse, quam *Classẽẽ Britannicam* *Tacitus* in bello cum *Ciuili* appellat: quia & in *Britanniam* ea commeabat. Sed tota classis communiter *Germanica* dicta: & sic in eodem *Tacito* leges, *Iulium Burdonem*, *Germanica classis Præfektus*. Hæc partitio classium *Taciti* loca aperiet, aut conciliabit, quæ pugnaturire inter se videntur. vt cùm scripsit, *Vniuersam quattuor & viginti nauium clas-*
sem

III. Hist.

* Vide Not.
sas.
Lib. III.
Excid.

v. Hist.

sem transfugisse (ad Ciuilem) aut captam esse. An igitur vniuersa
 ea, non nisi tot nauium? Imò postea iterum facit Cerialem na-
 uibus pugnasse, etsi numero imparē, sed magnitudine earum potio-
 rem. Atqui struere tam citò non potuit: sed nempe ex alià par-
 te, atque adeò grandiores triremium, quæ ad Oceanum &
 Pharium, sumpsit. De his nauibus Hegesippus ex Iosepho ita
 scribit: *Rhenus itaque iam non Germanorum copiis repletur, sed Ro-*
manorum liburnis, quæ per errantes TOT VSQVE AD MARE
bicornis amnis fluente, quondam liberæ gentes seruitio premunt. Le-
 gendum autem illic, *Copulis Germanorum*: estque nauium mi-
 norum genus, quod ipsi Germani sic à *vinciendo & ligando *Koppelen.
 dicebant. Dicit earum loco *Liburnas* iam rostratasque Roma-
 norum esse: credo, biremes. quas & pererrasse totum amnem
 identidem scribit: & an ideò *Lusorias* dictas? Vox crebra in
 Ammiano, Vegetio, aliisque. Altera classis Fluiuatilis, in *Danu-*
bio. de quâ Tacitus: *Vannius funditur prælio, & ad classē in Da-*
nubio operientem perfugit. Nominantur & Vegetio *Lusoria, quæ in*
in Danubio COTTIDIANIS vtuntur EXCVBIIS. In Codice
 Theodosiano titulus, *De Lusoriis Danubi.* In Nouellâ quadam:
Castroꝝ quinetiam ipsis, luxuriarumque curam man-
Legendum, Lusoriarumque. Credo & tertiam fluiuatilem in *Euphrate*
 fuisse: quidni in magno flumine, & contra Parthos? Ammiani
 aliquot loca suadent, etsi non cogunt: nec alibi certò legi. Ha-
 bes totam munitionem imperij, terrâ marique; an non vali-
 dam, vtilem, opportunam? sed & ad spectu aut cogitatu pul-
 chram, cum imaginem proponis (Aristide delineante) *magnæ*
urbis, cuius fossæ, flumina essent; tiores & propugnacula, militaria in
sinibus castra aut castella, ipsa mœnia, non è latere villo aut lapide, sed
are ac ferro tot pretenduntur legionum. AVD. Mehercules dele-
 ctor, & cogitatione petagto ac iungo, quæ locis situque diuisa.
 Sed ipsam summam totius præsidij cur non expressisti? L I R S.
 Facile est, & per te possis: quantum quidem certus partium di-
 ctarum est numerus. Vbi non, diuinetur. Aio igitur in pro-
 uincijs copias non minùs fuisse, *Legionum, Cohortium, Alarum,*
ducentis quinquaginta millibus, aut circà: & sic, vt legiones nec
 plenissimas, sed IIII. millium accipiamus. In Vrbe, ponere li-
 ceat in vniuersum ad XXVI. millia militum: & post Seuerum,

vel ad *sexagena*. In classibus omnibus, haud minùs *centum millibus* militum remigumque. Ita fiant in vniuersum, supra *quadringenta millia* ordinariorum: etsi Agathias Historicus plures etiam, & largiter, fuisse asseueret. Nam de Iustiniani aëuo loquens, *negat copias Romanorum tantas, quantas OLIM esse: nec iam sufficere tutele imperij, contra hostes*. Cùm enim, inquit, ad *SEXCENTA QUADRAGINTAQUINQUE MILLIA* militum vniuersas eas colligere oporteret; *vix tunc in centum quinquaginta millibus consistebant*. Hæc ille scriptor, & credo vera atque explorata (cùm tam curiosè numeret) attulisse. Oportuit igitur Auxiliares copias grandes fuisse: & tu considera vim copiamque Romanam. A V D. Imò an non legiones fortasse plures faciendæ sunt, & vel ad *XLIIII.* ordinarie sub Augusto ac deinceps locandæ? Hoc enim & Orosius & Appianus dicere videntur: & vir doctissimus ita affirmat. L I P S. Errat ille vir doctissimus: nec aliter sub Augusto fuit, ac dixi. De Orosio & Appiano, hoc saltem dicunt, Sexto Pompeio in *Siliâ victo XLIIII. legiones, iunctis omnibus copiis* (& Lepidi nempe, & Sexti, & ipsius) *in vniuersum, Augustum habuisse*: sed hoc non addunt, & seruasse. Ille verò non seruauit, sed sparsit, & in *Colonias* misit, de quibus ordo & hæc admonitio suadent iam dici.

C A P. V I.

De Coloniis, & modus fructusque deducendi.

PRAEMISI verò, Præsidia militum in longinquis limitaneisque locis fuisse, pauca aut nulla in prouinciis mediis: imò plerèque earum sine milite aut armis vllis. Quid ergo tuebatur interiora, & quæta præstabat? *Coloniarum* deductio, optimo & sapientissimo Romuli inuento. Nam ad illum consensu referunt, qui victis finitimis opidis aut gentibus, partem earum solitus in urbem & ad se traducere; partem illuc relinquere, sed sic vt Romanos suos misceret, custodiam & regimen, nequid mouerent. Eos ita missos, *Colonos* appellauerunt, & ab agrorum noue dedicatione *cultura* (ait Hyginus) *ipsas Colonias appellauerunt*. Ratio & modus erat, vt agri diuiderentur viritim: idque à

Trium-

Triumviris, quos graues & prudentes viros huic rei legere solebant : qui & sedes, agrosque, & ipsum opidum (si condendum esset) disponebant, & iura ac formam nouæ quasi reip. dabant. Sietamen, vt omnia Romam & vrbein matrem referrent. ipsis quoque locis, Fora, Capitolia, Tempia, Curia pro illâ imagine essent ; & in gubernatione, *Duumviri* plerisque coloniis, quasi duo Consules, & *Decuriones* pro Senatu. Varia in hoc instituto utilitas, quam licet percurramus. Prima, quòd alleuabatur vrbs ipsa princeps, & superfluum nimiamque multitudinem, vt sanguinem emittebat. Ita victus facilior, ita turba minor, & turbæ quoque, faciles oriri inter tam confertos. Sed & soboli magis vacabant libentiusque, sic vacui : non aliter quàm arbores aut plantaria magis se diffundunt & propagât, vbi in arcto non stipantur. Altera utilitas, ipsos hostes aut subditos tangit. Vbi enim Coloniae sic collocatae, loca frequentabatur, colebantur, poliebantur etiam, nouorum hospitem aduentu, & artium inuectu. Diuina Prouidentia hoc fine Græcos olim in Asiam, Europam hanc nostram, vsque in Hispaniam, per maritima loca misit & disposuit: vt rudes ferocesque humanitate & elegantia percolerent, atque ad mitiora studia & mores transferrent. Quod idem Romani mox fecere : & ijs cultum hunc omnem debet pulcherrimus noster Europæ tractus. Tertia utilitas, quæ præcipuè in oculis Romulo & Romanis, Præfidiû in subiectos. Sparsa hæc tot opida, locis opportunis, & in ijs Romanus sanguis: quid nisi tot arces & propugnacula erât imperij Romani? Dicamus quidlibet : nihil tam validum, quàm talis aliqua deductio: & vbi ij qui agros in alieno accepere, semper obligantur aut tueri iura imperiumque donantium; aut pelli, si & ij pellantur. Atque hic primus, vt dixi, præcipuusque aspectus: accessere mox, valde auctâ re Romanâ, duo alteri. Prior, vt plebem inopem & grauem sic exhaurirent: alter, vt militibus emeritis præmia largirentur. Nam ecce in tantâ vrbe, & crescente ciuium tenuiorû numero, per tot manumissiones: quæ ratio alendi aut subsistendi fuit, nisi vt emitterent? non aliter, quàm vbi aluearia plena, noua examina in alia & noua transfunduntur. Sic &, occulto Politico consilio, sentina & fex vrbis educebatur: purior meliorque pars asseruabatur. Iam verò in militibus pul-

chrum. & quis non libens in eam Militiam se impenderet, vbi & post eam tam magna & certa præmia essent? Agri & sedes dabantur, regimen illiæ & honores, pecunia etiam (nam sic Augustus instituit) ad instrumenta, iumenta, & siquid opus, coëmeudum. Ego verò ausim dicere, nec isto æno Militiam satis bonam, fidam, facilemque futuram, nisi tali præmiorum ratione: nec difficile fortasse, cum magno bono publico, excogitare. Ista igitur deductio Coloniarnum, & causæ: in quibus tamen tyranni aut violenti aliquot ciues fraudem & iniuriam miscuerunt. vt Corn. Sullâ, qui non, vt olim, agros ex hoste captos distribuit; sed in ipsâ Italiâ, quod sciebat milites appetere, sedes iis dedit. Quod fieri non potuit, nisi pacatis fidsque populis, per summam iniuriam & scelus, expulsis. Appianus auctor est *vigintitres* legiones ab eo sic deductas, quæ facerent (si probè commemini) *centum viginti millia*, cum iis qui adiuncti. Simile & Cæsar Iulius, in pace & Consulatu fecit, qui agrum Campanum & Stellatæ *viginti millibus* ciuium, coloniâ Capuam deductâ, diuisit. Idem iam Dictator, in *transmarinas colonias octoginta millia ciuium distribuit*, Suetonio auctore: id est, in Carthaginem maxime & Corinthum. Quod noto, vt numerus videatur deductorum: qui sanè grandis fuit, siue è ciuibus togatis, siue è militibus veteranis. Augustum *centum viginti millia* deduxisse sub *quinto Consulatu* suum (bellis Ciuilibus iam finitis) lapis Ancyranus ostendit: & postea multa millia adiunxit. Caue enim censëas, illa tantum deduxisse. Imò in solâ Italiâ *duodetriginta colonias collocant*, vt Suetonius notat: quid apud tot exterarum gentes, & imperio tam diuturno. Itaq; huius Principis plurimæ, & in toto orbe terrarum fuerunt: quod ipsa agnomina earum ostendunt. Denique paullatim tanta frequentia, vt negem regionem, imò vix regiunculam fuisse, in quâ Coloniarum aut Colonia non esset. Tot illis vinclis miramur orbem cõpeditum & astrictum, in Romanâ ditione & imperio mansisse? Non ego: sed nec Velleij iudiciû valdè probo, *inter perniciosissima Gracchi habentis, quod extra Italiam colonias posuerit*. Equidem planissimè contrâ sentio: & ad hunc coërcendi finem, aliter oportuit, aut nec imperium extra Italiâ proferre. Timorem quæ timet, nequa Colonia potentior matre suâ fiat, sic longinqua: nullus est, & certè

locum

locum in Romano aliquo imperio non habet. Sed nec Hispano: & prudentissimè eos cenfeo Nouum orbem coloniis impleſſe. Quorum alia atque alia genera tamen erant, & quædam *Romana*, alia *Latini*, quædam & *Italici* iuris. Reperio & *Patritias*, & *Equeſtres* agnominatas; haud dubiè, in quam digniores ciuium militumve deducti. AVD. Sed de numero igitur, nihil certi aut definiti habes? LIPS. In Italiâ solâ *centum quinquaginta* fuiſſe reperio; in Africâ, circiter *sexaginta*; in Hispaniis, ad *triginta*; paullo minùs in Galliis: & idem iudica de reliquo orbe. Difficile enim hæc adnumerare firmiter: cùm & aliqua legentem fallant, & non omnia hodie in libris legenda. Hoc Senecæ tibi ſuffecerit: *Populus Romanus quot Colonias in OMNES prouincias miſit? VBI CVMQVE VICIT Romanus, HABITAT.* AVD. Quæro etiam, ecquid ſeriò probes hoc ius ſiue morem colonicum? LIPS. Dixi, & probo: atque ad eò magnis Regibus adſuadeam imitari. AVD. Tunc? in tam apertâ iniuriâ? nam certè aliena eripiebant, poſſidebant, poſteris tradebant. LIPS. Quid tum? utilitas publica magna, vt in aliis, exiguum hoc iniquum diluit, vel absorbet. Eſſi cur iniquum? qui iniuriam intulit, iuſtè malum & pœnam habet. Coërcendi hoc modo ſunt, & ne in poſterum noxam noceant, refrænandi.

Ad Hebr.
Conſolat..

CAP. VII.

Multitudo Romanorum, & ratio adſciſcendi gentes, aut transferendi.

AVD. Sed mihi hîc admiratio & quæſtio, Vnde Romanis ea copia, & ſic aſſidua, vel Militum vel Colonorum? Nam cùm intueor & examino; examina habuiſſe hominum debuerunt, quæ ſic conſcriberent, aut transferrent. LIPS. Haud de nihilo petis, & ſatisfaciam: ſcito. Romanos primùm pauculos fuiſſe, & cùm Romulus militiam & rep. ordinauit, vix ad *millia terna* peditum (alijs *bina millia* volunt) cenſa, & equitum *trecentos*. At idem ille, cùm è viuus abiit, peditum reliquit *XLVI. millia*, & equitum *mille*. Tantum viri opesque creuerant in annis circiter, quibus Romulus regnauit, *triginta ſeptem*. Res mira eſt.

est. & quibus artibus aut industria ille hoc assecutus? Apertione asyli; quæ haud dubiè aliquid adiuuit, & è vicinis, etsi non optimos, elicitur. Lege de liberis latâ, quâ iussit quidquid natum esset tolli, modò ne mutilum aut monstrosum. Receptione in ciuitatem, quam non exteris solùm confluentibus, sed victis & hostibus dedit. Laudant cùm alij hoc institutum eius, tum Claudius Imp. apud Tacitum: *Quid aliud exitio Lacedæmonijs & Atheniensibus fuit, quamquam armis polerent, nisi quòd victos pro alienigenis arcebant? At conditor noster Romulus tantum sapientiâ valuit, vt plerosque populos eodem die hostes, dein ciues haberet. Atque id sanè diu retentum Romæ, vt è prouincialibus honestissimos, hoc beneficio ciuitatis obligarent; & ita simul se augerent, simul discrimen, & tacitum panè * dissidium, inter illos conciliarent. Claudianus in Romæ laudibus:*

x1. An.

* Ob amul-
tationem
inter rece-
ptos, & non
receptos.

*Hæc est, in gremium victos quæ sola recepit,
Humanumque genus communi nomine fouit,
Matris, non dominæ, ritu: ciuesque vocauit
Quos domuit, nexuque pio longinqua reuinxit.*

L. b. l.

Ita, quod ex illo apparet, diffusum latè aut vndique iam hoc beneficium: & ciues Romani facti, quicumque in orbe Romano essent, ex constitutione Imp. Antonini. Excluduntur iam ergo soli serui & barbari. quo sensu Sidonius scripsit, & appellauit *Romam verticem mundi, patriam libertatis, in quâ unica totius mundi ciuitate soli BARBARI & SERVI peregrinantur.* Itemque passim alij *Communem patriam:* & ad eam his versibus Rutilius:

*Fecisti patriam diuersis Gentibus vnâ,
Profuit iniustis te dominante capi.
Dumque offers victis proprij consortia iuris,
VRBEM fecisti, quod prius ORBIS erat.*

Hæc ita posteriori æuo, nec optimo scilicet, nec optimè: præstabat electio illa & secretio, ob varias causas. Sed tertia etiam ratio augendi ciues, ex instituto non quidem Romuli, sed Seruij Tullij. Ille cùm videret plerosque tunc seruorum, aut bello captos, aut è prædâ emptos esse, atque eos ferè è liberis & ingenuis, & ante etiam liberos: humanum bonumque putauit

putauit in ciuitatem recipere, siqui à dominis manumissi essent. Nam & Romanis moribus ingeniisque assuefacti iam erant; & sic fore prouidebat, vt semper, tamquam ex fonte domestico, proles scaturiret ad belli aliosque vsus. Difficile id persuasum primò ciuibus, & inquinari eo consortio videbantur: sed nempe ostendit, & origine bonos eos esse, & iamdiu ipsos etiam hostes in hoc ius admissos: ita cur non idem domesticis & fidis seruis indulgerent, causam nullam esse. Maximè, cum in eorum manu totum hoc beneficium. & videre posse, vt nec temerè manumittendo darent; & illos aduersuros, vt omni sedulitate ac fide emererentur. Amplius, futuros eos nihilominus velut in curâ & clientelâ Patronorum: & sic nobiliores ciues, in comitijs aut suffragiis, semper manum aliquam fauentem & obnoxiam habituros. Ita illis persuasum. sed Regi in oculis præcipuè, frequentia & multitudo ciuium, fundamentum omnis potentix & diuturni status. Nec tamen ij æquiparati statim dignioribus, & veteribus ciuibus: reiecti in quattuor vrbanas tribus fuère, & inuenta ratio, vt minimum in suffragiis, aut aliâ publicâ re, pollerent. Quin & à militiâ legionariâ & honestiore exclusi sunt: donec paullatim nepotes ac pronepotes eorum, verè iam Romanus sanguis, peruenirent. Liberti ipsi & Libertini (veteri quidem republicâ) arcebantur. Hoc institutum, incredibile est, quantum ciuitatem auxerit: in quâ aliquot seruorum millia pauculis annis manumissa. Neque negandum est, vile initio & præclarum fuisse: sed lapsu temporis, vt fit in humanis rebus, hîc quoque lapsus: cum iam Syri, Cappadoces, Asiatici, Græci, Barbari in seruos recepti; & multi ex ijs facinorosi & perdit; qui pretio, blanditijs, aut & fœdis obsequijs libertatem meriti, quam colluuiem in ciuitatem non inuexerunt? Imò per eos effectum, vt egregia illa animi ac morum, Romana olim plebs, vilissima facta hominum sit, & vno verbo, cloaca ac sentina vitiorum. Sed ista sæculis aliquot post Tullium. interea profuit largiter institutum, & effecit, vt cum primo censu ac lustro Ser. Tullij, LXXIIII. ∞. censa essent, illo qui sub primis Consulibus fuit (nam Tarquinius Superbus intermiserat) CXXX. ∞. censerentur: idque eorum qui puberes, & in virili togâ essent. Largus tibi

* In 1. Ele-
stor. cap.
xxvii.

tibi hic numerus videtur: nihil est: cùm post aliquot ætates, id est, anno Urbis CCCCXIII. censa sint ciuium CCLX. ∞: & paullo ante bellum Marficum, anno Urbis DCXXXIX. circiter *quadrinſenta* millia, paullo minùs. At post id bellum, sociis iam in ciuitatem paullatim receptis, creuit valdè numerus, & ad *nongenta* millia censa * alibi nobis doctum. Cui ipsi numero firmando, velim addi hæc Phlegontis in Chronicis. qui notat Olympiade, quâ Lucullus Amisum cepit, & Mithridatem ad Caberia vicit (id fuit circa annum Urbis DCLXXXII.) *censitas Roma nonaginta myriadas ciuium, & vnam*, id est, *nongenta & decem* millia. Quid iam sub Augusto? ipse de se in lapide Ancyrano clarè hoc dicit, IN. CONSVLATV. SVQ. SEXTO *Lustrum condidisse*, QVO. LVSTRO. CENSITA. SVNT. CIVIVM. ROMANORVM. CAPITA. QVADRAGIENS. CENTVM. MILLIA. ET. SEXAGINTA. TRIA. Immanis herclè numerus: & quis iam de copijs miretur coloniisq̃ue? At etiam creuit assidue, & sub Claudio Imperatore, Tacitus ac fidi auctores accensent, *sexagies novies centena sexaginta quattuor* millia. Vltrâ quærere, superuacuum sit, cùm iam passim in ciuitatem totæ vrbes regionesq̃ue, vt dixi, receptæ. AVD. Neque hercules quæro, affatim habeo quod miret. Sed illud lubet scire, an ex solis igitur illis ciuibus copia scriptæ? LIPS. Non è solis. olim quidem & è Latino nomine, vt scis: at postquàm ij ciuitate donati, Principum temporibus maximè, cœperunt & è prouinciis auxilia scitibi. Augusti id inuentum: & præter conspicuam utilitatem in militiâ, causâ occultam etiam hanc habuit, subditos sic exanimandi, & quasi obsidibus traditis in fide continendi. Nam quotannis dilectus istos habebant, & optimum ac robustissimum quemque abducebant. Ita enerues prouinciar; & illi qui dilecti, in longinquas & dissitas oras consultò trahebantur. Non enim facile res novas audere aut mouere, inter ignotos & alienos. Ciuilis, qui Batauos ad rebellionem traxit, hoc quoque telo eos incitat: *Instare dilectum* (verba Taciti) *quò liberi à parentibus, fratres à fratribus, velut SUPREMVM diuidantur.* Idem Galgacus, dux Britannorum, in eodem Tacito: *Liberos suos cuique ac propinquos natura carissimos esse voluit: hi per dilectus ALIBI seruaturi, auferuntur.* Atque ciuimodi auxiliorum,

rum, è variis gentibus, magna copia. quod & *Notitia Imperij* indicat, & Taciti hæc verba : *Nihil validum in exercitiis, nisi quod externum.* Iterumque : *Prouinciarum sanguine prouincias vinci.* AVD. Artem video, & simul auxilia bello scripta, simul materiam subductam rebellandi. Sed ista profectò translatio dura : & quo exemplo ? LIPS. Haud facile dixerim : nisi quòd similia iam olim noto. Romulus ipse populos vicinos in urbem suam transtulit, Tullus Hostilius Albanos. Sed hæc leuia, & alio quodam fine. quid si totas gentes translatas doceam, eadem illâ non rebellandi, aut coercendi, causâ ? Fecit Augustus in Sugambriis & Sueuis, quorum *quadraginta millia* (hoc verius censeo ex Eutropio, quàm quod in vulgatis Suetonij libris *quadraginta* editur) tot inquam illa millia *traiecit in Galliam, iuxtaque ripam Rheni, sedibus assignatis, collocavit.* Ita & Galliam impleuit, & ex hoste socium auxiliaremque fecit. Sed iudicio & consilio in hac re opus, ne plures suscipiantur aut traducantur, quàm coercere possis : peccatumque à secutis Imperatoribus (maximè post Constantinum) qui Barbaris receptis, imperium & urbem prodiderunt. Alioqui multum commodi aut tutelæ translatio hæc habere possit. quâ Philippum Macedonem (calidum illum regnandi) vsu Justinus prodidit : scribitque eum, *ut pecora pastores, nunc in hibernos, nunc in æstivos saltus traiciunt; ita populos & urbes, ut illi vel replenda vel derelinquenda quæque loca videbantur, ad libidinem suam transtulisse.* Parabat & Alexander simile, firmando imperio, nisi mors interuenisset. Nam in Commentariis eius inuentum Diodorus tradit, *ut ciuitatum aliarum in alias migrationes fierent, itemque hominum traiectiones ex Asia in Europam, ex hac in illam : & causam addit, ut gentes connubijs, commercijs, & amicitia inter se iungeret : quæ ipsa haud vana planè est; aliam tamen & intimam non expressit.* Antipater, qui in partem potentiæ successit, in idem hoc consilium : & Atheniensium urbis potens, ipsam eiusque regimen ditioribus honestioribusque concessit; tenues, & quidquid inopiâ turbidum, eduxit, & ad xx. ∞ . eorum in Thraciâ, agris datis, collocavit. Lego & Tigraneum regem, cui bellum Pompeius fecit, *trecenta millia* è Ciliciâ & Cappadociâ in Armeniam & Mesopotamiam traduxisse, ad ea loca frequentanda & meliori genere

implenda. Et vt vicina magis temporibus locisque tangam, Carolum Magnum satis scitum est, Saxones sepe rebelles translatione domuisse, & in Belgicæ nostræ oris posuisse. Ludouicus etiam XI. Galliarum rex, Atrebatium fidei insensus, & quia à vitâ diuelli quàm à Burgundiaco imperio malebant, sparsit eos per Galliæ vrbes aliquot, & suos in locum introduxit. Quid in nouo illo orbe etiam video? Reges Perûani tractus, quos *Jngas* ipsi appellant, pro firmamento status habebant, populos victos statim, cum totâ sobole, transferre ad interiora loca, & in illa limitanea alios suos fidosque supponere. Hoc genus *Mitimaes* patriâ linguâ vocabant. Habes de multitudine, & eius caussis. Ac quædam his inesse magnis Regibus imitanda ego scio: qui si exhauriunt semper (vt fit in militibus aut colonis emittendis) nec addunt: quid nisi fontem ipsum exhaurient & siccabunt? Serio, serio prouidendum est. Tu abi nunc, & cetera cras, si Deus volet, dabo. AVD. Haud libens, sed tamen parco, & valetudini tuæ tenui parco. Vale, & firmare.

I. L I P S I
 DE MAGNITVDINE
 R O M A N A
 L I B E R I I.

C A P V T 1.

*De Priscis populi Romani vectigalibus, Decumis,
 Quintis, Scripturâ, Portoriis.*

L I P S. Maturè sanè ades. A V D. Si pro meo voto, maturiùs, & vel conuiua in prandio tibi fuisset. L I P S. Licuit. & delectarer sanè vel assiduo hoc sodalizio, si Romanæ aliquæ mihi O P E S. Ad quas serino nos nunc duxit, & de iis videamus. Eas *Publicas & Priuatas* considerabo: & in *Publicis, Vectigalia* siue *Tributa*, tû & *Triumphales manubias*, denique *Liberalitates* aut *Erogationes*. Insistamus ordine, & primùm in *Vectigalibus*: quæ olim triplicia ferè, è *Decumis*, è *Pastione*, è *Portoriis*. Quod ad priores duas, ita de iis & origine earum Appianus: *Romani nunc hos, nunc illos Italia* a. Civil. *populos superando ac subiyciendo, partem agri iis auferebant, atque opida & colonos condebant; aut si opida opportunè iam condita, hos inducebant. Agri igitur quod cultum erat, colonis ferè adsignabant; quod incultum (vt multa per bellum) id aliis cupientibus elocabant, PARTE DECIMA fructuum sibi retentâ in agris satiuis; in plantariis aut arboribus, QUINTA, in pastionibus autem, certum pretium definiebant in capita minoris pecoris maiorisq̃ue. Pulcher & distinctus in eam rem locus: & quamquam de Italiâ dicit, tamen & producere ad prouincias licet, quas multas ita habitas, ex alijs scriptorum locis liquet. Et si quædam arctiùs pressiusq̃ue habitæ; & præter hæc, Tributa etiam sua capitis pendebant. Sed quod ad hæc*

F 2 tria,

tria, etiam in Asiâ ea sic & in Siciliâ fuisse, Cicero alibi ostendit, & in his vectigalium summam ponit. Notabiliter in laudatione Pompeij: *Publicani familias maximas, quas in Salinis habent, quas in Agris, quas in Portibus*. Nam quod ad *Salinas*, viri docti iamdiu emendarunt *Siluis*, vt ad Pastiones referatur: etsi *Saltibus* ego mallet, viciniore litterarum lapsu. In eadem oratione enim aliquoties hæc tria repetit, & iungit: etsi vectigal è *Salinis* quoque fuisse, sed non inter prima & magna, scimus. Et quod ad frumenti omnis *Decumas*, idem Cicero in Verrinis satis dixerit, quid in eâ re fuerit: nec obscurum est vel ex moribus hodiernis. De fructuum *Quintâ* in Appiano, id obscurius, imò incertius: quoniam idem Cicero in Verrem disertè nominat, *Vini & Olei decumas*, ostenditque Siculos ita dedisse. Quomodo igitur *Quintâ*? nam ego ex vite, oleâ, ficu, pomo, nuce, intellegi & redigi Appiani vectigal velim; nec aliunde video posse. Nisi tamen de siluâ caduâ intellegit: quod in medio relinquo. Sed in priore sententiâ si perseverare lubet; dicendum est, mitius leniusque habitos Siculos, & peculiare id ibi fuisse. E *Pastionibus* genus alterum est, quod propriè & vulgò *Scripturam* appellabant. Exempla obuia, & iam alijs notata: caussam vocis Festus explicat: *Scripturarius ager, inquit, publicus appellatur, in quo vt pecora pascantur, certum as est, quia publicanus SCRIBENDO conficit rationem cum pastore*. Cicero igitur de hoc vectigali capiendus: *Ita neque ex Portu, neque ex Decumis, neque ex Scripturâ vectigal conseruari potest*. Tertium est *Portorium*: quod scilicet in euehendo aut inuehendo (ἐξαγωγὰς καὶ εἰσαγωγὰς) pendebant. Res nota est: an & illa, quòd *Portarium* etiam fuerit antiquis? In Glossis lego, cum discrimine: *Portorium*, τὸ ἐν λιμένι, id est, VECTIGAL IN PORTV: *Portarium*, τὸ ἐν πύλῃ, id est, VECTIGAL IN PORTA. Et verò hoc quoque fuisse videtur, xuo præsertim inferiore; & sub Principatu: vt & in pontibus, & in viis, & portis adeò opidorum dedertint, pro transgressu aut ingressu. Italia hodie, sed & Belgica, hæc non ignorat: & apud Senecam lego: *Nec indignabitur sapiens aliquid impendere, vt limen transeat, cogitans & in pōtibus quibusdam pro transitu dari*. Herodianus quoque ostendit exactiones fuisse ἐπὶ τοῖς ὁδοῖς ποταμῶν, καὶ λιμένι πόλεων, ἐν τοῖς δὲ ἰσθμοῖς: in ripis fluminum, portibus

portibus opidorum, & viarum transgressibus : sed inter tyrannica habet, quia noua aut grandia, opinor; & ideo à Pertinace salubriter sublata.

CAP. II.

De Tributis & Capitatione. tum inquisitum in Modum Vectigalium, & quid videantur reddidisse.

HÆC illa vetera sunt, & Vectigalia propriè dicta : quibus dies, & sagacitas, addo & necessitas, aliquid semper addiderunt. AVD. Hæcne propriè Vectigalia ? atqui plura in id nomen video includi. LIPS. Plura, sed hæc primò: aut ne mentiar, solum ipsum Portorium primò, quia id scilicet è *veclura* : vnde Vectigal. Græcis etiam hîc discrimen aliquod, quibus Vectigal propriè est τὴλ, Tributum φόρος. Sed & in re ipsâ differunt, quòd illud res & fundos magis spectat & ligat; hoc capita ac mobiles opes. Sed quorsum ego ista ? semel & seriò tibi dico, verba nunc non lustrò, nec obsita aut tricola antiquitatum quæro; satis, in luce aliquâtibi ponere Romanam æconomiam, circa publicas has exactiones. Ergo Tributa, vt dixi, caput ferè tangebant : atque ita pessima conditio eorum, qui Stipendiarij, ipsi atque agri, vt Cicero alibi loquitur, essent. Tales Pœni, Hispani, & plures, qui per vim vltimam & bello pertinace victi essent. Appianus hoc ita expressit, vbi Scipio cum decem Legatis leges dant Carthagini victæ: *Hos, inquit, premiis afficiunt, socios nempe populos aut reges; τῶν δὲ ἄλλοις φέρον ὀφεισθαι ἐπὶ τῇ γῇ καὶ ἐπὶ τοῖς σελήμασι*: aliis (hostibus scilicet) tributum definierunt in agros, & in corpora eorum. Duo manifestò dicit, & Corpora siue Capita (vt Latini magis loquuntur) onusta, & terram ipsam. Tertullianus quoque ea iungit: *Agri tributo onusti, viliores; & hominum capita stipendio censa, ignobiliora. nam hæc sunt NOTAE CAPTIVITATIS*. Adiungit eruditissimus scriptor, hoc non nisi in verè victos; & vi subditos, vsurpatum: olim quidem, sed Imperatores, & ipse Augustus produxerunt, & valdè hæc Tributa

In Lybici.

dilatarunt. Ac *Capitum* vel *Capitationis* satis frequens mentio in posteriorum scriptorum, sed & Iuris libris: vbi non *Hominum* solum *capita*, sed & *Animalium* leges: & quædam, quæ fateor in subnubilo mihi esse. At tu vniuersè hæc nunc noueris: videamus, quod nos quærimus, ecquid *Opes* ex his annuas liceat vestigiis odorari. Quæ vestigia tenuiter impressa fateor, tamen persequar & indagabo. Ac primùm de antiquis, & liberæ reip. opibus, locum esse volunt in Plutarcho istum. De Pompeij triumpho è Syriâ & Asiâ agit: dicitque, *Prelatum titulum, qui litteris indicaret antea quidem Vestigalia reddidisse ad bis millies HS. ex ijs autem quæ ipse acquisisset, redire ad ter millies quadringenties.* Prior summa, nobis efficiat *quinque milliones* (iuuat his compendijs, vulgariter magis quàm eleganter vti) altera, *octo miliones cum semisse*. Viri docti iam, & inter hos verè primus Budæus, existimant scripto hoc indicasse Pompeium: quod ante id tempus, vniuersi reditus è vestigalibus non pluris essent; ab ipso autem iidem aucti plus triente, & facti vt in extremo scriptum. Enimuerò libido, an ratio, mihi est dissentienti? sed dissentio, & nego Plutarchum vel Pompeium de *vniuersis* sensisse. Nullum tale in Græco Plutarcho verbum est: quod moneo, ne temerè interpretibus, qui addunt, hoc accredas. Quæ ergo nostrâ mente scripti illius mens? nempe pro te subiectâ, & cùm de transmarinis illis triumpharet Pompeius, nec nisi ibi tunc res gessisset; verba eodem referenda, & de Asiâ saltem finitimisque capienda. Quomodo? aliter etiam, quàm viri docti, in clausulâ. Duo enim dicit, & Asiam illam minorem, quæ sola ibi ante Pompeium prouincia, aut præcipua; illam, inquam, è vestigalibus *bis millies* dedisse: at verò eas prouincias, quas ipse super eam quæsisset, solas reddere *ter millies & quadringenties*. Puto merem tangere, si quis iudicio inspicit: & do rationes. Primò, credétne quisquam è tot, tamque ditibus populi Romani tunc prouinciis, non plus *quinque millionibus* reddisse? Quod vna Hispania hodie, vna Gallia, vel duplum donet. Ampliùs, *Decumas* vnius Siciliæ Cicero, atque eas tenuiter *æstimatas*, fuisse dicit *nonagies HS*: quod nobis est, CCXXV. millium Philippicùm. *Decumas* dico frumenti: & hordei non computat, & *leguminum*: quid iam *Vini*, *Olei*? quid *Portoria*, & *Pastiones*?

Valdè

Valdè tenui ore atque animo est, qui non ausit concipere hæc vniuersa ex proportionem, suprâ *quadringenties*, siue vnum millionem. Atqui Sicilia, quanta pars fuit Romani illius orbis? profectò nec centesima quidem: & valdè hoc valet ad ingentes illas Romanas opes. Ampliùs de ipsâ Asiâ nostrâ, Appianus scribit, Corn. Sullam, per bella Mithridatica, *imperasse illi quinque annorum vectigalia, sed statim danda*. Quantum igitur imperauit? ecce in Plutarcho hoc expressum, *viginti millia talentum*: ij sunt *duodecim milliones* nostri. Age iam, diuide in quinque partes, nonne paullò minùs *millies* Hs. annuo habemus? Atqui duplum oportuit, inquires. Ita, pro me & Plutarcho: sed hoc ipso tamen firmiter illos refuto, qui ex toto orbe *bis millies* colligunt, cum ego dimidium ex Asiâ iam solâ. Res clara est. Sed quomodo igitur plus Pompeij æuo? nec id difficile dictu: siue quia ratio colligendi iam melior firmiorque; siue quia bella refederant, & ipsa Asia cultior feraciorque facta. Produci hæc talia semper. solere, præsertim in pace, nec hodie est nouum. Docebo hoc clariùs? ex ipso iterum Appiano. apud quem M. Antonius triumphauit, post pugnam Philipensem, in Asiam missus ad pecunias colligendas, in concione sic eos affatur: *Ne vrbibus agrisque pellamini, pecunia danda est in usum militum: nec ea maxima, sed quâ audiat libenter acquiescat. Dedistis hostibus nostris, Cassio & Bruto, in duobus annis tributa decem annorum: ea suffecerint & nobis, nisi quod danda sunt in vno anno*. Quid hinc effcimus? nec timus iterum Plutarchi verba, qui *ducenta millia talentum* ab Asiâ tunc data scripsit. Atqui diuide in decem annos: quid trepidas? *viginti millia annua surgunt, id est duodecim milliones*. Et profectò, noli ambigere, præpotens & diues illa Asia dedit. In quâ tamen obiter moneo, res sæpe mutatas: & primò, cum testamento Attali Romanis relicta esset, Vectigalia imposita; id est *Decumas, Portoria, Scripturam*, sollenni more. Sed cum publicani iniurij pro more suo essent, & sine publico bono sibi attererent ac tonderent, *C. Julius Cesar, & iniurias, & iniurios ipsos sustulit, ac permisit ipsis Asiaticis fructus colligere ab agricolis, ac Tributa induxit*. Hæc ita ferè (etsi ipsa verba, quia pluscula, omisi) in eadem oratione Antonius apud Appianum dixit. Quando autem

à Iulio

Lib. XLII.

à Iulio id factum, & de re ipsâ, aperitiùs sic Dio Cassius: *A victo Pompeio, cum Asiâ obiter lustraret, τὸς τελευτᾶς πικρὰ τὰ σφίσι χρεμίσους ἀπαλλάξας, ἐς φόβου συντέλεσεν τὸ συμβαῖναι ἐν τῇ τῶν κατεστρατοῦ Publicanos, qui acerbissimi in Asiaticos fuerant, remouit, & in Tributi collationem, id quod ex Vectigalibus redibat, mutauit.* Pulchra nota: & re ipsâ quidem melius leuiusque erat Decumas & talia dare: quare? quia pro anni prouentibus dabant, plus aut minus, vt ipsi accepissent, nec vltra grauabantur: at eò tamen rem redegerat Publicanorum iniquitas (quos nulli Præfides aut leges satis domabant) vt omnes præoptarent magnum & certum aliquid dare in Tributo. Similis mens, vt addam, in Taciti loco: *Achaiam ac Macedoniam onera deprecantes, leuari Proconsulari imperio, tradique Casari placuit.* Videntur enim Publicani tunc, pro veteri more, in populi prouinciis fuisse, & cum iis rapinæ; in Cæsaris non fuisse. Et iam in Plutarchi loco satis tibi factum, aut dictum? *AvD.* In priore membro satis, in altero quid adfers? Firmamentum ab ipso Pompeio, qui eodem illo tempore in Senatu gloriatus, *Asiam se, quam vltimam Prouinciarum accepisset, mediam reddidisse.* Ergo plurimum adiecit: & nominatim *Syriam totam, illam diuitem; item Phœnicen, Palestinam, Ciliiciam, Pamphylia, Phrygiæ partem, Bithyniam, Pontum, Propontidem.* Hæc tanta, mirabimur tanto plus quàm Asiâ dedisse? Hæc de Plutarchi loco. sed ex Portoriis etiam liquere in parte potest magnitudo istorum Vectigalium. Cicero in Verrem scribit, *Socios (id est Publicanos) ex Verris exportationibus perdidisse sexaginta HS. idque ex Vicesimâ portus tantum Syracusani, & in pauculis mensibus.* Sunt valde notanda. Si vnus ille portus, si in vno homine, & in solâ euectione, & in paucis mensibus, tantum adferre potuit: quid reliqui portus, in omni euectione, inuectione, & in totum annum? Sunt autem illa *sexaginta*, more nostro, circiter *mille quingenti Philippæi.* Et Cicero quidem non nisi *Vicesimam* discrete ibi in Portorio agnoscit: tamen *Octaua*, & qui eam accipiunt *Octauarij*, in Codice Iustiniano memorantur. At in Quinctiliano & Symmacho, *Quadragesima.* Sed opinandum est, pro locis, aut mercibus, sed & temporibus variasse: maximè tamen pro mercibus, & vt grauius vectigal peregrinæ soluerent, ad delicias magis aut pompas, quàm vsum inuectæ.

C. Cæsar

C. Cæsar eius rei auctor, ex Suetonio : *Portoria peregrinarum mercium instituit*. Quæ haud dubiè ipsa Italia etiam pendit, cæsi reliqua portoria, lege Metelli, in eâ sublata essent: quod Cicero malo publico factum notat, & recitat item Dio. Hæc sanè magna fuissè, quis potest ambigere, ex pretio & copiâ rerum? Nam gemmæ, lapides, vestes, ebur, mancipia, aromata, vnguenta, & plura eiusmodi exotica inferebantur: quibus si *Olea* uam imponis, quanti ea sint? Argumento aliquo è Plinij hisce verbis: *Arabia felicius mare est. margaritas enim mittit*: MINI-
 MAQUE COMPUTATIONE *millies HS. annis omnibus India, & Seres, Peninsulaque illa, imperio nostro adimunt*. Si *millies HS. em-*
 ptæ ex merces; pluris mox æstimatæ & venditæ, ergo & Por-
 torium ex iis grande. A V D. Sed commemini alterius Plinia-
 ni loci, qui minuit, & à summâ illâ abit. Nam ubi de Indiâ sermo, *Indigna res, nullo anno imperiis nostris minus quingenties HS.*
exhaustiente Indid & merces remittente, que CENTVPLICATO
veniant. Ecce hîc *Quingenties* modò, id est dimidium habes.
 LIPS. Sed nempe ex Indiâ solâ: at alter ille locus Arabiam & Seres item iungit, & ex iis quidni alterum dimidium accedat? Nota autem inibi quòd ait, *centuplicato veniisse*: quod rei no-
 stræ facit. Cur enim tantæ cur mercatorum tam improbum
 lucru n esset? non fuit: sed duo sunt, quæ Pretium sic accende-
 runt, Itinerum difficultas, & Portoria. Quod ad illa, Plinius
 eodem illo loco describit, & addit *quotannis nauigare, sagittario-*
rum cohortibus impositis. Ea res & tutela, mercatoribus ad im-
 pendia accedebat. Iam Portoria ijs grandia. quod Strabo im-
 pressè notat in rebus Ægypti: scribitque, *olim quidem pauculas*
naues ausas extra Sinum Arabicum ire, at nunc maximas classes na-
uigare in ipsam vsque Indiam, & ad vltima Æthiopie: vnde pretij
maximi merces aduehant, & rursus aliò exportent. Ita fieri, ut DV-
 PLEX PORTORIVM *pendant*, Inuentionis & Euectionis:
 atque ipsum portorium æstimatarum istarum mercium GRANDE
 item esse. Hæc ita Strabo. & mirum igitur non sit, à duplici illo
 aspectu, Itineris & Portorij, pretia sic creuissè: maximè cum
 & in Italiam aut aliò inuehenda, credam iterum soluisse.

Lib. XI.

* Duo mil-
liones, &
semit.Lib. VI.
cap. XXXI.

Lib. XVI.

CAP. III.

Inquisitum item in Capitationis modum, & pensum vniuersorum Tributorum.

Io. Syriac.

DE Vectigalibus priscis hoc nunc satis : ad Tributa venio, siqua ea possim extricare. Metuo, & hæreo statim in eo *Capitationis*, quod vel maximum certissimumque fuisse arbitror : sed in modo, tenebras & nubes suas habet, nunc à me non pellendas. Fuitne indiscritum vniforme in omnia capita? an potius ex censu? Nam si illud ; iniustitia manifesta adhæret. vt si quis pauper, liberos & familiam multam habeat, contrà diues, & caelebs sit & orbus. In Appiano strictura aliqua lucis affulgere videbatur, sed fortasse fallax. nam ait, *Iudeos sæpius rebellasse, eoque tributum capitis grauius iis impositum, quam reliquarum facultatum.* Esse autem & Syris & Cilicibus annuam *Centesimam*, pro modo census vnicuique. Verba Græca sunt, si fortè examinare recum velis : Καὶ ὅτι ταῦτ' ἴστω Ἰουδαίους ἀπασιν ὁ φόρος τοῦ σωματικῶν βαρύνεσθαι τοῦ αἵματος πλεονασίας ἔστι καὶ οὐροῖς καὶ κλινῇ, ἐκ τῆς ἰσῆς ἐκγεγενῆς τῆς τοῦ σώματος ἰσχύος. Ego ad verbum tibi parè reddidi : & efficiatur ex sermonis nexu, Iudeos *Centesimam* dare, sicut & Syros ac Cilices, pro Capitis tributo. Quo sensu? inquires. vt magis capias : soluere quidem illos & pro Agris, & pro Opibus ; sed æstimatione omnium factâ, etiam *Centesimam* pro ipso capite dare. Hoc tale est. vt, si decem millia aurcorum in censu habeam, soluam ex iis annua centena. Hoc placeat ob æqualitatem, & quia pauperes aut tennes sic non prelli : sed alia sunt quæ refellunt, aut certè morantur. Quid enim tum seruis fiet? quid filiis familias grandioribus? Dico grandioribus. nam vt & hoc addam, Vlpianus notauit, *In Syriis à Quattuordecim annis masculos, à Duodecim feminas, vsque ad Sexagesimum quintum tributo Capitis obligari.* Atqui Serui & Filij tales, peculium suum nullum habent. Sed de seruis responderi potest, Dominum dependisse in suo capite, dum eorum æstimatio Censibus eius accedit. Et serui alioqui in iure, *caput non habere*, scribuntur. Quod ad filios, certum est parentes pro iis exsoluisse : sed quâ taxatione,

an

an non & eâ aliquâ pro parentum censu, hoc ignoro. Vellem, & res facta esset. Sed soluisse, in Panegyrico ita scribitur: *Tunc certè parentes ADULTORVM non pœnitet filiorum, quorum onera remissa sibi latantur.* Vides filios parentes suos onerare, sed adultos iam & grandiores, ex Vlpiano suprà. Imò alibi, non ante *Vigesimum* annum capite obligatos, lego. Caussam autem opinor huius remissionis in ætate vel Puerili vel Senili: quòd etiam Romani olim Impuberes non censebant, & immunes à Tributo habebant. Addi potest, quòd hæc Capitatio, non aliud quàm quasi redemptio munerum & operarum seruilium fuit, quas populi scilicet victi, & serui facti, Romanis iam debebant. At pueri ad eas operas, aut senes, non idonei: ergo nec pro ijs soluant. Hæc sunt, si pro Censu Tributum hoc datum. Sed aliquis inallet, vniforme aliquid, & in omnia capita æquale. Nam sic Iudæi leguntur *Didrachmum* pependisse: & Christus ipse in Euangelio soluit. Quod Hieronymus quidem & Beda istuc retulisse videntur: sed alij tamen veriùs (inter hos Hilarius) ad Tributum, quod templo Iudæi debebant, in eo modo à lege diuinâ definitum. Exodum vide. Et Iosephus sanè ac Zonaras, sed & Xiphilinus, disertè scribunt *Vespasianum* demum hoc instituisse, *ut omnes ubique Iudæi duas drachmas Ioni Capitolino Romæ penderent, quas antea TEMPO Hierosolymitano solebant.* Nihil clarius: & Christi ipsa responsio (si quis examinat) à Tributo Cæsariano nos abducit. Sed aliquis etiam opponat Lampridij hæc in Alexandro: *Vestigalia publica ita contraxit, ut qui decem aureos sub Heliogabalo præstiterant, tertiam partem aurei præstarent. tuncque primum Semisses aureorum formati sunt, & Tremisses. dicente Alexandro, etiam Quartarios futuros, quòd minus non posset. quos etiam formatos in monetâ detinuit, expectans, ut si vestigal contrahere potuisset, eos ederet.* Hæc euincere videntur, certum genus nummi cûsum ad Tributa: & nisi fallor, Capitis, quæ sola certitudinem & vnitatem poterant habere. Nam in agris, animalibus, aut opibus, id planè variabat. Faciat aliquid Hesychius, qui scribit: *Κένος, εἶδος νομίσματος, ἐν τῇ κεφαλῇ*: Census, genus numismatis, capitatio. Sed & in Sâcris legitur, *Numisma census.* Tamen ob multa hæreo, nec temerè in hanc partem eo. Quid? decem igitur aurei in Lampridio, Capi-

Ad Con-
Rantium.Math.
cap. xvii.

Cap. xxi.

Matth. ca.
xxii.

tatio fuisset? & postea *Triens*? In ipso Euangelio, vbi *numisma census* quaeritur: mox subiicitur, *Denarium obtulisse*. An ergo ille tantum æqualiter in capita? ridiculum, nisi si Denarius aureus fuit. Quid firmiter definiam, nescio: res tenebras, vt dixi, habet, nec nostrâ nunc curâ illustrandas. Pluſcula cogitavi aut collegi, fateor: sed intricatis, aut merè litterarijs, non nunç locus. Dico igitur breuiter, Larapridij locum hoc tantum efficeret, *Contracta omnia vectigalia: adeò vt qui* (pro exemplo) *decem antea daret, nunc Semissem aut Tremissem*: & quia imminuta illatio erat, in eius rei memoriam voluisse & minimos minores Alexandrum cudi. Sententia autem tota & vera, *contraxisse eum Tributa pleraque ad Trientem, conatum & ad Quadrantem: nec infra potuisse*. Quod si quis pertendit, nummos pro modo Tributi ita cufos: vbi igitur illi sunt? cur prægrandes aliqui non extant? Denique statim infinitos cufos oportuit, ad pensiones totius orbis. Nihil est: & Hesychij aut Christi verba hoc modò volunt, ipsum illud quod ex censu in Tributum darent, *Censum* appellatum; atque adeò pecuniam, siue grandis ea siue pauca esset. Quin hoc totum pro priore sententiâ magis sit, quòd Capitatio fuerit ex censu. Cur enim *Numisma census* dicatur, si ipsius census nulla habita ratio? Plura sunt: sed differo, & nunc inquiri, quod cœperam, in Capitationis fructum. Multum reddisse ex eâ, multitudo capitum dicet, quæ in Romano orbe. Iosephus de solâ Ægypto scripsit, *habere eam* * *septingentas & quinquaginta myriadas hominum, Alexandria exceptâ: idq; liquere ex tributo, quod in capita singuli pendunt*. Postrema hæc ita palam Græcè habent: etsi interpres leuiter aliò deflexit. Sed argumentatur & colligit de Capitum numero, ex ipsâ Capitatione, & tabulis scilicet Censualibus, quas inspexit; aut ab ijs qui inspexere, hausit. Nam etsi non Pueri aut Senes conferrent, vt prædixi: tamen & eorum nomina scripta probabile est, contra fraudes, & pro ceterâ diligentia aut curiositate Romanorum. Si igitur talis ille Ægyptiorum numerus (& *Alexandrie incolas* etiam excipit, qui ipsi ad *centena* aliquot *millia*:) facile intellectu est, in quantum creuerit capitariuin hoc vectigal. Adde enim alias prouincias in partem: quarum omnium in populis numerum sub Augusto voluit Suidas exprimere, atq; vtinam is locus rectè haberet!

* Septem
milliones
eum dimi-
dio.

Augu-

Augustus, inquit, omnes subditos viritim adnumerare voluit, ut sciret quanta multitudo esset. Καὶ ἐρίσποντοί τιν' ἰσχυροὶ οἰκοῦντες ἐν μυστα-
δεῖ; & χίλιοι ἰλ. αὐδρα; & reperti sunt Romanam ditionem incolētes qua-
dringentæ & decem myriades, mille & septemdecim viri. Falsi planè
numeri, & perexigui: cū sola Ægyptus vltra donet. Emen-
dare tamen, non nisi eius est, qui diuinandi artem certò tenet.
At Tertulliani locum non insuper habeo, qui egregiè asserit co-
piam hominum, cultumque orbis, in suo, id est Scueri Imp.
æuo. De Animâ, cap. xxx. Certè quidem ipse orbis in promptu est,
EVLTIOR DE DIE, & instructior pristino. Omnia iam peruia,
omnia nota, omnia negotiosa. Solitudines famosas retrò fundi amœ-
nissimi oblitterauerunt, siluas arua domuerunt, feras pecora fugave-
runt. arcæ feruntur, saxa panguntur, paludes eliquantur. TANTAE
VRBES, QVANTAE NON CASAE QVONDAM. Iam nec insule
horrent, nec scopuli terrent: VBIQVE DOMVS, VBIQVE POPV-
LVS, vbique respublica, vbique vita. Summum testimonium fre-
quentiæ humanæ, ONEROSI SVMVS MVNDO. vix nobis elementa
sufficiunt: & necessitates arctiores, & querele apud omnes, dum
iam nos Natura non sustinet. Nihil imprellius dici potest de pleno
frequentique orbe: quod item ad felicitatem, quæ sub Roma-
nis, licet ducas. Sed ut distinctè de Capiratione nil dicam, tamen
de vniuersis Tributis aliquid, dum siluas & lustra excutio, vi-
deor indagasse: & ponam. Velleius, vbi de auctis finibus impe-
rij, & prouincijs adiectis, ita ait: Diuus Augustus, præter Hispanias
aliasque gentes: quarum titulis Forum eius præmitet, PAENE IDEM,
factâ Ægypto stipendiariâ, quod pater eius Galliâ, in ararium reditus
contulit. Verba eâ rollo & appendo, pænè idem soluisse Ægy-
ptum, quod Galliâ: ergo ista plus etiam dedit. Quid si in-
ueniam Tributi igitur Ægyptiaci modum? propemodum in
Strabone, qui sic tradit: Ciceronem in oratione quapiam scri-
ptum reliquisse, tributa ex Ægypto rediisse Ptolemæo illi qui Cleopatra
pater fuit, talenta annua duodecim millia & quingenta. Vbi hoc
Cicero, nescio: hodie non exstat, & puto tamen fuisse in eâ pro
Rabirio Postumo, quia argumentum eius tale aliquid vel ad-
mittit, vel petit. Sed parùm hoc ad rem: illud maximè, quod
Strabo adnectit, his verbis: Si igitur ille rex negligenter &
ignauè imperans, tantum redigit: quid NVNC censendum est,

Lib. xvii.

cùm omnia TANTA DILIGENTIA ET ORDINE administrantur, itemque Troglodytica & Indica negotiatione sic aucta? Satis præit nobis & adferit, multo plus in Tributis Ægypti suo, id est Augusti vel Tibetij, æuo fuissē: quàm olim suo Ptolomæis. Atqui si tunc tot illa dicta talenta (ea faciunt *septem miliones & semissem*;) quidni ad *decem aut duodecim miliones* producamus in sequenti æuo? nec nimium censeo me dixisse. AVD. Censeo te dixisse Lipsi, censeo. Nam primum Strabonis illud Diodorus refellit, qui iustrasse sub id tempus Ægyptum scribit, & accepisse ab iis qui res rationesque Regias trahebant, illum accipere supra *sex millia talentum annua*. Iam de Galliâ etiam habeo quod dicam: sed tu de isto prius. L I P S I. Semper mihi res cum Diodoris? amo scilicet hoc nomen, ob vnum illum virum. Sed tu scito breuiter, Diodorum si ab Ægyptijs hoc accepit, Ægyptiaca igitur talenta etiam intellexisse, quæ maiora Atticis, & habent minas siue libras *octoginta*: quod Plinius ex Varrone scripsit. Ita igitur si consideras, haud nimis ea *sex millium* summa à *Duodecim* abit, etsi tamen abit. Sed addit Diodorus, *plus* etiam accepisse: quod ipsum nos iuuet: & denique Ciceroni ac Straboni lubet merito, præ Diodoro, credere atq; adhærere. Enimvero opes Ægypti magnæ, reditusque: & Iosephi verba tu hæc audi. *Tributorum*, inquit, *multo amplius Romanis per singulos menses peydit, quàm vos, ô Iudei, toto anno: & præter pecuniam, annonam frumentumque quattuor mensium vrbi Rome*. Ita Agrippa rex in concione Iudeos alloquitur: & duo ex iis discas, grande aliquod Ægyptios intulisse; & Iudæos vix duodecimam eorum partem. Sed vt cœperam dicere, si tantum istud Ægyptus: quid iam Gallia, quæ plus, ex Velleio, & ratione (nam multo grandior laxiorque est) plus, inquam, longè dedit? An minus igitur, quàm *xv. aut xx. miliones*? AVD. Et hîc erat Lipsi, in quo volebam te non reprehensum fortasse, sed repressum. Quid clamas de Galliâ? os tibi claudit Suetonius, vel te restituyente: *C. Caesar Gallia cccc^a. hs. in annos singulos, Tributi nomine, imposuit*. Hoc tu ita ex libris veteribus: hoc & Eutropius idem dicit. Atquî *quadringenties* illud, quid nisi *vnus millio* est? vt videas corruiere tot illos à te superstructos. L I P S I. Ego tamen firmiter satis struxi: nec machina hæc tua deiicit, aut quatit. Nam restitu

Lib. xvii.

xi. Excid.

restitui ita, fateor, libros secutus: sed quid si in numeris aberrantes? non insolens est: & hîc, cùm inquiri & penetro, planè est factum. Dic sodes tu aut alius, illa ampla, illa diues Gallia (sic enim semper habita & laudata) non nisi *millionem* annuum in tributo dederit? O clementiam imperij Romani! ô illos benè meritos de Vrbe, quam ceperant; de populo, quem ad extremum armis prouocarant! Non sunt ista profecto: & audeo adfirmare Suetonium atque Eutropium scripsisse $\infty \infty \infty \infty$. id est, *quater millies*. Ea summa *decem milliones* reddit: minus inquires, quàm Ægyptus: ita est, sed addo, & ratio comprobabat, aucta hæc Tributa largiter, & vel in duplum, ab Augusto esse. Nam ille censum per Gallias *instituit, opus nouum & inadsuetum Gallis* (vt Claudius in Oratione apud Senatum loquitur) & eâ ratione immensum auxit. Quod fecit idem in alijs prouincijs, & in Syriâ etiam, vt ex Euangelistâ notum: iteinque in Hispaniâ, sed temporibus diuersis. At iam, mi Auditor, si solæ Ægyptus & Gallia ad xxx. aut circiter *milliones* pependunt: quid totus orbis reliquus? An non Syria & Asia tantum? Africa & Hispania? Græcia & Illyricum? Insulæ omnes simul? & multa omitto: & concipere summas vereor, sed suprà * *centum quinquaginta milliones* fuisse, animo hoc sentio, & ore etiam proino.

*Vide Not.
tai.

CAP. IIIL.

De Aerario militari, & Vigesima, Vigesima-quintâ, Centesima ad id explendum.

OIGITVR opes immensas cùm considero! & maximè in diligentia eâ quam Strabo commemorat, cuius exemplum etiam iocosum, lubet dare. Scribit idem alibi, *Gyarum se venisse* (non insulam, sed scopulum) à pauculis piscatoribus habitam. atque eos ipso illo tempore quo adfuit, Legatum ad Cæsarem misisse, deprecatum grauitatem tributi. Nam impositos sibi centum quinquaginta denarios, cùm agrè centum possent penderè. Tu rides? licet: sed vides quàm nihil eos sugerit, & saxa & rupes etiam habuerint

* CCL M.
Philipp.

rint sub tributo. Nec de magnis sanè prouincijs hoc Seneca acceperim : *Caïum Caligulam* * centies HS. absumpsisse, vt prouinciarum tributum vna cena fieret. Mediocrium dico aut tenuium prouinciarum : nam ampliores, quanto amplius ? Et finem ego hîc putabam : sed tamen alia etiam se obijciunt & occurrunt, sine fraude magnâ *Ærarij* non omittenda. Nam *Augustus* ille, qui valdè rem Romanam auxit, etiam onera, & hîc quoque pro nomine suo fuit. Nam is *Ærarium militare* seorsim instituit, & ad id explendum redditus nouos & certos, *Suetonius* ita : *Quidquid vbique militum esset, ad certam STIPENDIORVM PRAEMIORVMQVE formulam adstrinxit: definitis, pro gradu cuiusque, & temporibus militiae, & commodis missionum, ne aut atate, aut inopiâ, sollicitari ad res nouas possent. Vtque perpetuò, ac sine difficultate, sumptus ad TVENDOS eos PROSEQVENDOSQVE suppeteret, Ærarium militare cum VECTIGALIBVS NOVIS instituit.* Notandum est, duplici pecuniâ opus fuisse, ad *Stipendia* & ad *Premia* : quod seorsim *Suetonius* dixit, ad *Tuendos*, in militia scilicet, & ad *Prosequendos*, nempe post militiam, & à missione. Quid autem ? inquires, an tot igitur illa tributa non sufficiebant alendo & ornando militi ? Sufficissent omnino, nisi & alia publica onera, eaq; immensa fuissent, in populo pascendo, in ludis dandis, in operibus, in magistratibus & officijs : & quæ distinctè aut accuratè dicere, non sit huius loci. Vtinam *Appiani* liber extaret, qui hæc omnia fuit complexus ! Ita enim ipse, initio operis, vbi id diuidit & disponit : *Vltimus liber, inquit, habebit COPIAM MILITAREM, quam & quantam Romani habeant ; tum & PROVENTVS PECVNIASQVE, quas per singulas gentes capiunt ; item quid in CLASSES impendant, & si quid erit huiusmodi.* O pulchrum, ô desiderabilem illum librum ! sed periit : scire tamen *Appianus* illa potuit, tum quia & ipse in Republicâ fuit, tum quia moris rationes illas imperij in publico edi. *Suetonius* de *Caligulâ* : *Rationes imperij ab Augusto proponi solitas, sed à Tiberio intermissas, PVBLICAVIT.* *Rationarium*, siue & *Breuiarium* imperij, hoc idem *Suetonius* alibi appellat : & *Tacitus* explicat describitque, cum prolatum à *Tiberio* libellum scribit, quo OPES PVBLICAE continebantur. quantum ciuium sociorumque in armis, quot classes, regna, prouinciae, tributa aut vectigalia,

lia, & largitiones ac necessitates. O hunc quoque laudabilem morem. cum Princeps rationes quasi cum Republicâ ponit, & ostendit nihil sibi quæri propriè, aut infumi. Sed ab eo à meâ re, admiratione talium : & semel dicenda fuerunt. Nos igitur iterum suspenso gradu quæramus quæ perierunt, aut in oblivionis aquis latent. Dixi *Ærarium militare* institutum nouiter ab Augusto, & ad id implendum quæsitos fontes. Tres repperit, *Vicesimam, Vicesimam quintam, Centesimam.* *Vicesima* fuit *hereditarium* : de quâ in hunc finem institutâ apertè ita Dio, in actis anni DCCLIX. *Postquàm multæ pecuniariæ rationes propositæ, et sprete fuissent, ad Ærarium militare : placuit tandem sedique, ut Vicesima esset hereditatum & legatorum, quæ cuique obuenissent testamento : exceptis tamen aut sanguine valde iunctis, aut admodum pauperibus, quos hoc onere liberarunt.* Duo venisse in hanc *vicesimam* vides, *Hereditates & Legatæ* : Deus bone, quanta & quàm crebra ea, vel in Româ tantum ? Quot illuc diuitiæ, & quoties, per capturas & aucupia, ad externos translatae ? Soluebant igitur sæpè *Vicesimam* : & nemo ambigat fuisse incredibile *Vestigal*. Excipiuntur tamen hinc *Proximi*, vel *Pauperes* : & *Nerua* ac *Traianus* etiam, postea mitigarunt, quod in *Plinij Panegyrico* diffusè est videre. Atque ut verum fatear, hoc *Tributi* generis imitabile videatur, nec graue etiam pendentibus : cum læticia magni & inopinati sæpe prouentus obruat vel minuat sensum inferendi. Sed fons alter, *Vicesima quinta mancipiorum*. de quâ *Tacitus* : *Vestigal Quinta & vicesima Venalium mancipiorum* (a *Lib. xxi. Annal.* *Nerone*) *remissum : specie magis, quàm vi ; quia cum venditor pendere cogeretur, in pretium emptoribus accrescebat.* Id autem *Acærio* militari accessisse, *Dio* item scribit, anno post *Vicesimam* institutam. Cum etiam pecuniâ, inquit, opus esset, & maxime ad *Vigilum* cohortes iam institutas, *Augustus Vestigal Quinquagesima, in venditione mancipiorum, induxit.* Dico *Quinquagesima* : & sic in Græco est, τοτὸν & πεντηκόςτης : an non tamen πεντηκόςτης rescribendum, leui mutatione, id est *Vigesima quinta*, pro verbis claris *Taciti*, sit considerandum. Magis est, ut putem sic fuisse, & Romano scriptori accedam : Quanti hoc *vestigal* fuerit, is agnoscat, qui crebra mancipia in Romano orbe, crebram mutationem, & maxima deinde eorum pretia cogitabit. De cre-

Lib. VII.

britate, alibi dicemus: de pretiis, quis nescit Daphnideum vā-
 nisse (in Plinio) *trecentis millibus & septingentis sestertijs*? id est,
septem millibus quingentis septemdecim Philippæis cum dimidio:
 grande pretium in vno fluxu & mortali homine, & quem so-
 lus *Grammatici* titulus commendabat. Ab eādem classe & arte
 Lælius Præconinus (in Suetonio) emptus *ducentis millibus num-*
miis: quæ sunt *quinque Philippæorum millia*. Iam Caluissius ille
 Sabinus (in Senecâ) *plures anagnostas habuit, & singulos centum*
millibus emptos. Quot aurei igitur prodeunt è talibus singulis?
 quot ex millenis aliquot, qui, cottidie pænè dixerim, vāniebāt?
 Et Iurisperiti quidem pretia feruorum definiunt: *in communi*
aliquo viginti aureos; in artifice, medico, notario, eunucho, triginta,
quingenta, sexaginta: & quamquam Romani aurei sunt (id
 est duplices nostri) tamen modica illa æstimatio, nec in vendi-
 tione locum habet, quæ nimis sæpe excessit. Alio fine à Iurisperi-
 tibus ea sunt scripta: æstimationis communis causâ; & fortasse
 ad Portoria aliquis etiam trahet. Sed tertius fons, *Centesima,*
 quæ rerum venalium fuit: de quâ Tacitus, in Tiberij rebus.
Centesimam rerum venalium deprecante populo, edixit Ærarium mili-
tare eo subsidio niti. Si omnium autem venalium, quæ & quān-
 infinita summa fuit? Si in auctione tantum; minor, sed & sic
 grandis. Suetonius quidem sic restringere videtur, qui in Cali-
 gulâ *Centesimā auctionum* appellat, & remissam Italia ab eo Prin-
 cipe notat. Finiui de Ærario militari: quod propriè quidem ad
 ipsum facit. Aliās non nescio, & pœnas siue mulctas legum,
 item damnatorum confiscationes sæpe in hoc ærarium relatas.
 de quibus Plinius in Panegyrico: *Locupletabant & fiscum &*
ærarium, non tam Voconia & Julia leges (Papias intellegit, de ma-
 ritando) *quā Maiestatis, singulare & unicum crimen eorum, qui*
crimine vacarent. Et magna quidem hæc ratio fuit: sed illa
 Maiestatis rarò, nisi à deterioribus, usurpata. Tetigisse hæc sa-
 tis sit: nos nunc ad alia iunus.

CAP. V.

De Metallis, & argenti, auri, aliarumque rerum fodinis.

AVD. An & aliud igitur restat? LIPS. Aliud, aliaque potius, ut dixi. AVD. Hem, quousque accumulabimus? & vide ne patientiam omnem illis excutias tot onera fetendi: imò & mihi pæne fidem. LIPS. Confide, benè & firmiter imponam, & testimoniorum suis vinculis ligabo. In istâ te pecuniariâ, an ipsam eius materiem, id est *Metalla* omittâ? nefas. magni ex iis reditus, & in varijs locis: & reditus quidem innoxij, iusti, & sine onere subditorum. Terra, benigna illa mater, hæc quoque nobis donat. Cassiodorus pulchrè: *Metallarij sine furto diuitias rapiunt, optatis thesauris sine inuidiâ perfruuntur, & soli sunt hominum, qui absque ullâ nundinatione, pretia videantur acquirere.* Iterumque mox addit: *Aurum per bella querere, nefas est; per maria, periculum; per falsitates, opprobrium, in suâ verò naturâ, iustitia.* Nescio tamen, ô bone Cassiodore, nescio de *Iustitiâ*: & an non sæuitia aliqua admixta? certè, ut illi tunc quærebant. Nam multa millia hominum huc adigebant, quosdam mercede conductos, plerosque damnatos ad metalla: quos in subterraneo illo carcere, fames, labor, vapor, & ruina sæpe etiam necabat. Ipse Cassiodorus non dissimulat: *Intrant homines caligines profundas, viuunt sine superis, exsulant à sole: & dum sub terris compendia querunt, nonnunquam lucis gaudia derelinquunt.* Ægyptiorum hoc inuentum fuit. quorum reges (ait Diodorus) omnes criminis damnatos, item ex hostibus Lib. 1. captos, siue quis regem offendisset, ipsum & totam cognationem interdum, auro effodiendo deputabant: simul & facinorum pœnam sumētes, simul & questum vberem ex eorū labore capientes. Atque hi tali interdum numeto apud Romanos, ut Polybius ad Carthaginē No- uam, fodinis in Hispaniâ, non minus XL. millia hominum scribat assidue in opere versari. Plinius etiam notat, Censoriam legē fuisse lēt- LXXXIII
cap. IIII. mulorū aurifodina in agro Vercellensi, quâ cauebatur, ne plus quinque millia hominū in opere Publicani haberēt. Nec id credito miseratione aut curâ pereuntium factum: sed cautione, & dispensatione operis,

Lib. III.

vt ne in vnâ conductione Publicani totum aurum exhaurirent. Itaque lex in elocatione dicta fuit, de numero operarum. Strabonis locus est, qui abdicare à Rep. aut Principe Argentarii omnes fodinas videtur, relinquere tantum Auri. Verba: *Ἐς δὲ καὶ τῶν τῶν ἀργυρεῖα, ἢ μέντοι δημοσία, οὔτε δὲ ἑταυῦθα, οὔτε ἐν τοῖς ἄλλοις τόποις, ἀλλ' εἰς ἰδιωτικὰς μεταστέσαν ἐκτίσκει. τὰ δὲ χρυσεία δημοσίου δὲ τὰ πλείω: Sunt autem & nunc Argentarii in Hispaniis, non tamen publicae, neque ILLIC neque in ALIIS LOCIS, sed ad priuatas redempturas sunt redacta. Aurariae autem pleraque publice exercentur.* Ambigua mihi hîc sententia est, velint venditas Argentarias priuatis, certâ pensione aut illatione; an dumtaxat elocatas, vt olim solet. At in Aurarijs aliter, quas ob lucri magnitudinem ipsi Principes exercent. Ex hac quoque metallariâ parte igitur, magnum vberemque factum quaestum, & nostra aetas doceat: maximè cum pulcherrimas fecundissimasque Fodinas variè haberent, vt in Hispaniis, Galliis, Norico, Salasibus, Illyrico, Pannoniâ, Thraciâ, Macedoniâ, Proconneso: quarum singulatim testimonia dare possim, sed fidei meae nunc hoc credes. Habuit & Italia, putatque Plinius aliam nullam fecundiores metallorum quoque tellurem esse: sed interdicto Patrum cautum, vt ei, velut parenti, parceretur. Præter hæc, fuerunt & Cretariae, & Picariae, & Salmariae, Aerariae, Ferrariae: & nullum genus quaestus è terrâ omissum.

C A P. VI.

De Vrinario vectigali & Chrysargyro, item de Meretricio.

IAM & alia video. AVD. Bonâ veniâ Lipsi, etsi auidè audio, tamen tædere incipit tot illationum. Quid faciemus his opibus, & quin potius erogamus? LIPS. Alia, alia: & ab Augusto & priscis ad nouiores, atque adeò auidiores, veniamus. Exordium à Vespasiano (nam Caligulam consulò omitto, qui multa & insana instituit, sed mortua cum ipso) à Vespasiano, dico: qui, vt communiter de illo Suetonius, *AVXIT tributa provinciis, nonnullis & DVPLICAVIT.* In paucis verbis quanta accessio rerum, attritio

attritio subditorum? Et quidni ille solita augetet, vel duplicaret, qui instituit & excogitauit etiam pudenda? Nam *Vrina Vestigal* commentus est, quod idem scriptor tradidit: & notus, cum filio pecuniam ad nares admouisset, in eâ re eius iocus. Origo huic Vestigali & caussa, quod in publico amphoræ aut dolia stabant ad Vrinam reddendam: quam Fullones, opinor, vertebant deinde in suum usum. Tunc rides? AVD. Largiter. & vah Vespasiane, non alia tua sagacitas in excogitando? LIP. s. Sed Principes etiam secuti tenuerunt, siue auxerunt: & videtur hoc fuisse triste illud *Chrysargyrum*, historijs decantatum: Georgius Cedrenus quidem eò trahit apertè. *Chrysargyri pensio* fuit, inquit, *talis, ut quisque mendicus aut pauper, meretrix siue iam emerita, omnis seruus itemq; libertus, inferrent in ararium pro VRINA & STERCORE, iumentorum etiam & canum: siue in agris, siue in opidis habitarent. Et homines quidem utriusvis sexus, Nomisma argenteum, equus, mulus, bos tantumdem; asinus & canis, folles sex. Cum Cedreno Constantinus Manasses facit: Chrysargyrum sustulit Anastasius Imperator. quod erat, ut omnes viri, femina, pueri, serui, liberi, nummum argenteum, nomine STERCORIS ET VRINAE fisco darent. Idem muli, equi, boues. Proh sancta fides! quanta hæc pecunia fuisse debuit, ex omni genere pænè viuientium? & quæ vnquam Capitatio accessit? Miror, & simul indignor, hæc tam fœda & tristia à Constantino nostro Magno instituta: si tamen ille. Nam Zosimus asserit, & eum culpat: * Euagrius ex professo negat, & hunc ut hostem optimi Principis inuadit. Sanè videtur à Vespasiano exemplum, quicumque auxit & produxit. AVD. Phui, phui hæc talia! & odor mihi nares spurcat. LIP. s. Quid tu auertisti? viri proceres & reip. primi hoc munus colligendi ambibant, non aliter (Euagrij verba) quàm militarem aliquam Præfecturam, aut Civilem magistratum. O indignitas! sed Princeps dignitatem addebat, qui & in Sacrum ararium hanc pecuniam recipiebat: ut idem ille Euagrius notat. Ne miremur Iuvenalem iam olim scripsisse, de ijs quos fortuna amaret:*

Conducunt foricas. & cur non omnia? cum sint!
Quales ex humili magna ad fastigia rerum
Extollit, quoties voluit. Fortuna iocari:

* Vide lib.
 111. Eccl.
 Hist. cap.
 xxxix.

Atque isti pudendarum sordium luctique exercitores aut conductores sunt, quos *Foricarios* Iurisconsulti appellant. *AVD.* Mihi ridere hîc lubet res humanas. *LIPS.* Quid ita? *AVD.* Nam qui pulchriores ludi sunt, quàm vel institui tributum in hæc talia: vel collectores eis honestissimos adinouere? An istud non est illudere & insultare, non dicam dignitati, sed libertati? *LIPS.* Tibi sic videtur, & nobis hodie: & tamen, vt nunc quoque mores aut cupidines, aliquis. seuciorum fortasse fuisset inter illos *Foricæ* candidatos. Sed aliquid occurrit. quid? turpe & pudendum item, & dignum suo auctore. Caligula *ex capturis Prostitutarum vectigal instituit, quantum quæque vno concubitu mereret.* Ita Suetonius: sed quod credo cum illo periisse: etsi postea quoque sub Heliogabalo *Lenonum vectigal, & meretricum, & exoletorum fuit.* Illa fœda, & Romano nomine indigna: nec sustulit tamen optimus Imp. Alexander Seuerus, sed dumtaxat in *Sacrum ararium vetuit inferri, & ad instaurationem Theatri, Amphitheatri, Circi deputari.* Ex quo verè dixeris, magnum & hoc Vectigal fuisse, cum ad tantorum operum restitutionem confert. Sed mittamus, & finiamus. Nam ad posteros Imperatores & Græcanicos, non lubet ire: etsi multa & ij inuenerunt aut collegerunt, & quidam eorum diuitias mirandas.

Lamprid.

C A P. V I I.

De opibus Byzantini imperij: & clausula ac finis Tributorum.

A *VD.* Etiàmne Græcanici? quæ verò id potest, imperio iam tenui, diuiso, & sic minuto? *LIPS.* Potest: nec in rationes aut vias omnes pecuniæ lubet inquirere, ipsam tibi dabo. Basilus Imp. (vixit sub annum Christianum oëtingentessimum) à Zonarâ scribitur, impleſſe totum *Ærarium, & ipsos aditus viasque, pecuniis confertim stipatis.* Habuit, inquit, in thesauris *DVCENTA MILLIA talentum auri.* Nam alterius pecuniæ *NEC NUMERVS iniri poterat, adeò vt terræ eam infoderet, ærariis aut repositoriis vbique repletis.* Quin & *ARCVLAS* habuit lapillis gemmisque pretiosis plenas, cum aliis; tum illis quæ candent, & quas

& quas Margaretas propriè appellamus. In quibus verbis ducenta
 illa millia talentum auri, quid reddunt? ipsos mille & ducentos mil-
 liones. Vbi nunc argentum illud infinitum & innumerum?
 ego non arbitror infra, imò supra, aurum fuisse. Vbi gemmæ
 & lapilli in arculis? itidem æquasse. O mira, ô reiicienda, nisi
 è dictis & dicendis fidem caperent, & mutuò sibi attestaren-
 tur! Enimuerò hoc grande in Græcanicis, Iudæus etiam scri-
 ptor longè pòst, affirmat: cuius *Itinerarium*, Beniamini nomine,
 Arias Montanus edidit, vir plurifariam doctus, & nobis pera-
 grauit, & scribit se Constantinopolim quoque venisse. *In eâ*
vrbe, inquit, *vidi res atque OPES INENARRABILES. De-*
feruntur enim in Principis palatium quotannis Tributa, quibus TUR-
RES implentur coccineâ purpureaque veste, & amro: ita vt NVL-
LVBI TERRARVM par congestæ pecuniæ exemplum reperiri possit.
Affirmatur etiam ipsius SOLIVS VRBIS vectigal, ex Foris vana-
lium, & Portu ac mercatorum pensionibus collectum, ad VIGINTI
MILLIA AVREORVM IN SINGVLOS DIES accedere. Quid
 tu facis? quò abis? A V D. Fugio. LIPS. Sanè bellus comis que
 es: postquam benè te sermone saturavi & excepi, abis, nec vel
 salutas. A V D. Salus te amet Lipsi, sed magis Veritas. Ego vt hæc
 tam vana, tam monstrosa, stans patiensq; audiàm? Fugio. nam
 in os tibi resistere aut refellere, pudor me arcet. LIPS. Exsoluo
 te hoc vinculo, fac si potes. A V D. Nam satis attendisti Lipsi (vt
Turres auri, & Gemmarum arculas omittam:) vnam vrbeim,
 in vnumquemque diem, dare *vicena millia*? LIPS. Attendi.
 A V D. *Aureorum* etiam? LIPS. Aureorum, & fortasse vete-
 rum, qui duplices fuère ad hos nostros. A V D. Proh Deus, vbi
 terrarum sum? & tu etiam auges? LIPS. Es hîc in inq; solo. Sed
 age, gratiâ augmenti fecero: sint mensura *sexcenta millia* aureo-
 rum nostrorum, sint annui *septem milliones*, & pænè quadtañs.
 Quid hoc te percutit? maiora diximus. A V D. Sed nō in vnâ vr-
 be. Prouinciarum, & quidem grandium, hoc tributum sit: atq;
 hodie, regnorum. LIPS. Non abnuo. sed nempe Byzantium, id
 est *Novâ Roma* hoc dedit: & tunc quidem in suo flore. quid au-
 tem censet (vt obiter addam) illam veterē olim dedisse? Sed ego
 sanè hoc non nimis miror: illud magis, quæ opes esse potuerint,
 in tam

in tam exiguis tunc finibus, ad pompam & apparatus illum Principalem. Lege Curopalatem, si vis, *De officiis aule Constantinopolitane*, & adiunge Græcos alios: videbis Persas, & Medos omnes, vinci ab his Byzantinis. At ego tamen assensum tibi non impero: auctores meos dedi: tu aut alius, huc aut aliò ite. A V D. Sed vnum etiam, Lipsi, quærere liceat. Cùm sic vrges tanta eos olim dedisse: quì potuerunt miseri, & fuerunt oneri ferundo? Nam nos sanè hodie non possumus. L I P S. Non possumus? dico ego nos facere. A V D. Nugaris, vt liberè loquat, nam vbi hodie Principum etiam magnorum istæ opes, aut ætarij vbertas? L I P S. Non est, fateor: & causæ aliæ etiam sunt, sed & illa quam, pro meâ nunc mente, dicam. Non vni Regi aut Principi, quisque in suâ prouinciâ, damus, vt olim: sed variè magis & diuisim, ita vt summa magna ad vnum non redeat, magna tamen contribuantur. Quomodo? in exemplo nostro vide. Conferimus hodie Principi quædam; post eum, Ordinibus; post hos, Magistratibus opidanis, post istos, Toparchis municipiorum aut pagorum. Denique Ecclesiæ etiam & Ecclesiastici, quàm multa à nobis habent? & iustissimè quidem, atque ex lege diuinâ, sed tamen habent. Hæc igitur omnia si conferas, & in aceruum iungas: affirmo tibi nos paria, aut plura dare. Quid, quòd concussionibus & raptus militares omitto? quæ maxima ratio est, & misera nostra Belgica satis sentit. Negabis in vnâ cænam militarem, rusticum aliquem plus imputasse, quàm in annum tributum? Atque hæc non semel eueniunt, ô quando tollenda? quando securitas & pax erit, aut saltem disciplina militibus? quando œconomia & ordo in acceptis expensisque? Ista sint; fortiter & audacter dicam. tondeant accidantque nostri Principes, renascemur.

CAP. VIII.

*Pecunia è Triumphis, & aliquot eorum inspecti,
æstimatiq.*

AT satis in totâ re *Tributariâ* iam dixi: alia via se ostendit & aperit (quoniam de militibus tetigi) *Militaris*. Quæ ea est? lata, trita, & per quam cu multi atque acerui pecuniarum inuecti. Pecuniarum? imò vasorum, coronarum, vestium, geminarum, & quidquid dici appetendum, aut æstimandum potest. Ne teneam te, intellego *Opes* quæ è Prædâ & manubiis, per *Triumphos* inferebantur. Quot autem isti fuerunt? quàm multi, supra modum & fidem, vberes diuitesque? *Liuius* distinctè plerosque eorum recenset, & describit: mihi quid opus est? satis sit, opinor, tangere, & specimen eorum aliquod, per ætates, dare. Fuere igitur *Triumph*i à *Romulo*, vsque ad extrema *Augusti*, circiter trecenti duodecim: & ex his primi non nimis vberes; tamen modici, & magis magisque creuerunt. Vt ecce sub *Regibus L. Tarquinij Superbi* triumphum reperio, qui victâ *Suesâ* *Pometiâ* & captâ, tantum præde rettulit, (notante *Dionysio*) vt. *sacratæ diis decima explerent quadringentorum talentorum numerum*. Ergo fuit in cumulo, quater mille talentum: id est, vicesquater centena millia *Philippicorum*. Magnæ sanè ab vno bello & victoriâ, si consideras, opes. Post eiectos deinde *Reges*, insignis *L. Papirij Cursoris*, de *Samnitibus*, habetur ab ipso *Liui*o: qui sic describit. *Triumphauit in magistratu, insigni, ut illorum temporum habitus erat, triumpho. Nobiles aliquot captiui, clari suis patrumque factis ducti. Aeris grauis magna vis transuecta, vices centum millia, & quingenta triginta tria millia. Id es redactum ex captiuis dicebatur. Argenti quod captum ex vrbibus erat, pond*
do mille trecenta triginta. Omne es argentumque in ararium reconditum, militibus nihil datum ex prædâ est. Verba pluscula dedi, vt videas vnde etiam ea præda manubiarumque parari solent: & ferè è *Captiuis*, quos ingenti numero sub coronâ vnum-
dabant;

Lib. 2.

Lib. I. cap.
xviii.

dabant; aut è Spolijs opidorum publicis priuatisque. Summa autem illa *Æris efficit, viginti quinque millia trecentos triginta Philippæos: Argenti, tredecim mille trecentos.* Actales ferè, aut minores, omnes illi vsque ad Tarentinum, triumphi: qui incidit in annum Urbis *ccccclxxiix.* De quo ita Florus: *Nec enim vllus pulchrior aut speciosior in orbem triumphus intravit. cum ante hunc diem nil nisi pecora Volscorum, greges Sabinorum, carpenta Gallorum, fracta Samnitium arma vidisset. Tum, si pompas aspiceres, aurum, purpura, signa, tabula, Tarentinaque delicia.* Et valdè ipse quidem aut nimis (vt est ille scriptor affectuum aut excessuum) nimis, inquam, veteres illos abiicit: & hunc tamen non immeritò attollit. In eâ vrbe & parte Italiæ, gustauit Romanus Græcicas delicias & diuitias, quas affatim postea hausit. Sed notâ in iisdem Florenti, *purpuram, signa, tabulas* illata: quod verum fuit, & deinceps etiam solenne. Atque adeò (digna obseruatu res) quidquid notabile aut optabile orbis, aut in eo vrbs aliqua haberet; per hanc viam portamque Triumphalem id Romam ferè inuectum: etsi quædam etiam extra bellum, vi aut persuasione magistratum. Iam verò, postquam copiarum & armarum extra Italiâ missa, in grandes illas, & priscis opibus, aut victoriis quoque, indytas regiones: quid auri, argenti, spoliolorum non relatum? P. Scipio ecce ex Hispaniâ (in

Lib. xxviii.

Liuius) argenti præ se in ærarium tulit xliiii. millia pondo, trecenta, quadraginta duo: & signati argenti magnum numerum. Ea pondo faciunt, centum quadraginta tria millia, quadringentos, viginti Philippæos. Etsi ille tamen Triumphus non fuit (nam sine magistratu eas res gesserat Scipio) sed pecunia dumtaxat Triumphalis.

Lib. xxix.

Idem iterum, victâ Carthagine (pariter in Liuius) *intulit in ærarium argenti pondo centum millia, triginta tria.* Si ita accipis, vt sint *triginta tria millia* etiam, voce *centum* non repetitâ (vt equidem opinor) tum erunt nobis *ter & decies centena triginta millia* Philippæum. At alter Scipio, victâ & dirutâ eadem Carthagine,

Lib. xxxiiij.
cap. xi.

retrulit (vt Plinius adnotauit) *quater millies cccc. lxx. M. pondo.* & addit: *Hoc argenti tota Carthago habuit, illa terrarum imperij æmula, quod nunc in mensarum est apparatus.* Qui numeri tamen parum fortasse probi sunt: & si tot illa millia legas, quâ potest verum esse, mensæ alicuius priuatæ ministerium tanti fuisse?

fuisse? Quin exiguas opes Plinius indicare voluit, scripsitque in eâ sententiâ: *quattuor millia, quadringenta, septuaginta pondo*. Ea efficiunt *quadraginta quattuor millia Philippicûm, & septingentos*. Neque miremur minus quàm antea relatum, quia pleraque vrbs, dum capitur, incensa & diruta fuit. Ita opes perditæ, aut ruinis oppressæ. Quod autem inibi etiam sequitur, in pari mendâ videtur: *Postea victa Numantiâ, idem Africanus in triumpho militibus xvii. millia pondo dedit*. O viros illo Imperatore dignos, quibus hoc satis fuit! Nam quomodo laudet vel parcimoniam Scipionis, vel modestiam militum, si maior summa diuisa, quàm tota Carthago habuit? Et essent ea pondo, *centum septuaginta millia Philippæorum*: quæ redderent in *viginti millia militum* (vt ponamus tot fuisse) circiter *octo Philippicas cum dimidio vitium*. Nimis magna hæc largitio in illo æuo restricto sit: nec sanè pro Plinij mente. Sint *septem millia pondo*: & plus satis erit. Sed quid facio? per Triumphos omnes ibo? finis non sit: & Liuius distinctè ac descriptè in plerisque temporum horum fecit. Lustra si voles: iuuabit videre, & magis, si quis in summam & æceruum colligat triumphales omnes opes. Fac vel in Asiâ solâ, vel magis Hispaniâ: non admiratio solum in animo tuo gignetur, sed stupor. Fortasse ego * alibi: nunc, vt institui, per ætates aut sæcula quosdam tangam. Vt hunc L. Æmilij de Macedonibus: qui (vt Velleij verba dem) *tantum priores excessit, vel magnitudine regis Persei, vel specie simulacrorum, vel modo pecunie, vt bis millies Hs. ærario contulerit, & OMNIUM ANTEACTORVM* *comparationem amplitudine vicerit*. Simulacra ibi fuisse super ceteros vult: & quid mirum? cùm prisca illi Macedones, quidquid hoc elegantiarum esset, ex Græciâ totâ & Asiâ iam diu collegissent? Pecuniarum etiam modum producit ad *bis millies*: id est, *quingagies centena millia Philippûm*. AVD. Magna summa est, & ex vno triumpho: sed quod fugere te non puto Lipsi (si fugit, suggero) Liuius eam atterit, & ad *millies* reducit. Ita enim legitur: *Summam omnium captiuum auri argentiq; translatis, Hs. millies ducenties fuisse* Valerius Antias tradit. Magis etiam Plinio minuitur, in quo ista: *Intulit & Æmilius Paulus, Perseo rege deuicto, prædum pondo trium* *millium, à quo tempore populus Romanus tributum pendere desit.*

* In alia
pari a
MIRAM
DOXYM.

Lib. xiv.

Lib. xxxij.
cap. lli.

LIP S. Hæc reiicimus, & Critico naso damnamus. Meritissimò: tu putas Valerium illum Antiatem, qui omnia augere solet, & supra verum sæpe euehere (in Liuius non semel notatur) hîc ita parcum & oris modicum fuisse? Non arbitror, & minimum *bis millies ducenties* scripsisse: etsi ipse Liuius addat, *maio-rem etiam summam, ex numero plaustrorum, ponderibusque auri & argenti generatim ab ipso scriptis, effici.* Quod ad Plinium: is vero numerus rîderi magis, quàm carpi meretur. Et itânc *tria mil- lia pondo auri* (vt ponamus vel id solùm fuisse) nec ampliùs, Macedonia dederit? Hoc erat, cur populus Romanus Tributo liberaretur? cur iste, super omnes priores triumphos, censeretur? Atqui *tria millia pondo auri, faciunt trecenta millia sola aureorum.* Quin tu, me arbitro, cum libris quibusdam priscis lege, è *Ma- cedonicâ prædâ sestertium ter millies.* Est veritas. nec mouet, quòd minus in Velleio sit: fortasse & ille augendus: in Suidâ quidem lego, *reperita in thesauris Regis Persci, in auro argentoque, sex mil- lia talentum:* id est, *tricies sexies centena millia* Philippùm. Quod si in solis thesauris & ærario peculiari Regis; quid in reliquâ prædâ publicâ opidorum, aut priuatâ hominum fuit? At ve- rò Cornelius Sulla, etsi splendido triumpho, minus intulit: scriptumque in Plinio, *translulisse auri pondo * xlv. millia, argenti pondo * centum quindecim millia:* si tamen & hîc numeri incor- rupti. Excessit omnes deinde Cn. Pompeius, in illo quem de rege Mithridate & Oriente duxit. Velleius: *Magnificentissimum de tot regibus, per biduum, egit triumphum: longèque MAIOREM OMNI ante se illatâ pecuniâ, præterquam à Paulo, ex manubis intulit.* Quid tamen istud, vicisse omnes, præter Paullum, in modo pecuniâ? Ille verò & Paullum vicit: si * verè Plutar- chus *viginti millia talentum in ararium intulisse.* Nam ea sint, *centies vices centena millia* Philippùm. Et verè Plutarchus: & in Velleio emendandum, *præterquam Capitolio:* vt mox dicam. Vicit ergo Paullum: non tamen iterùm sine nodo, quem ipse Plutarchus ligat & nobis iniicit, dum in Catone minore scri- bit: *Gloriatum eum, quòd tantum argenti ex Cypro, cum nec vnum militem haberet, reip. contulisset, quantum nec Pompeius è tot bellis, & concusso orbe terrarum, rettulisset.* At enim Cato rettulit, non nisi *septem talentorum millia*, iâ codein Plutarcho: quid ergo dicemus?

LIP. xxiij.
* 1500000.
aureor.
* 1150000.
phil.

* Vnde No-
tat.
In Pom-
peio.

dicemus? Illud in Catonis illatione, minutum & corruptum esse, ad *viginti septem millia* aut circiter reformandum. Enimvero deprædicatæ illæ Cypriæ gazæ haud maximæ sint, nec sic per inuidiam quærendæ, si non ultra *septem talentorum millia* productæ. Sed de Pompeij quidem grandibus manubijs quis dubitet, cum & in solos milites largitum, donatiui triumphalis nomine, * *xvi. millia talentum* Appianus scribat? Magna hæc omnia sunt, & verè illo *Magno* digna: sed hunc hîc quoque C. Cæsar, uti acie, vicit & superavit. Appianus ait *quater eum triumphasse* (nam quintum differt:) & *intulisse sexaginta quinque millia talentorum*. Scis tu quid hoc efficiat? *triginta novem nobis milliones*: plus triplo eius, quod Pompeius intulisset. Tu me respicis, & vultu arguis: quid est? A v. d. Ex fide Latini scriptoris, hæc non sic esse: tu Græco magis accedis? Nam Velleius de omnibus Cæsaris triumphis, id est quinto illo Hispaniensi etiam addito: *Pecuniam ex manubijs latam, paullo amplius sexies millies Hs. difertè* scribit: qui sunt dumtaxat *milliones quindecim*. Et sanè, meo animo sufficiunt. Lips. Credo equidem tuo animo, & arcæ etiam tuæ, si quis inserat: sed non sufficiunt, pro magnitudine tunc vel Romanâ, vel Iulianâ. Imò tu rescribe meo animo, *decies sexies millies*: convenientissimè ad Appianum. Nam ista sint *quadraginta milliones*: atque aliquid scilicet accesserit ex prædâ Hispaniensi. Ex paucis his vides, immensas opes in Ærario cumulas è Triumphis: quos non omnes, imò nec decimam partem dedi. Ergone Plinij libris fides aut puritas sit, dum scribitur C. Cæsar iste, initio ciuiliis belli, Ærarium compilasse, & *protulisse ex eo laterum aureorum xvi. millia*, & *in numerato pondo trecenta*? Profectò non sit: & perexigua ista, & quasi furfures aut folia, pro totâ illâ mafsâ, & tam vetustâ, auri argentiqûe. In veteribus legitur: *Laterum aureorum xv. argenteorum xxxv. millia*, & *in numerato Hs. quadringenties*. Sed nec ea summa pro tot triumphis: etiam si in laterculo quoque *decem pondo* imputes, quod Budæus fecit. Sed diuinare tamen omitto, cum fulcrum non est cui innitar. Lucanum, si vis, lege furtum hoc Iulianum valdè exaggerantem.

De Auro Coronario, & Coronis dictum.

TRIVMPHALIA habes: mentior. largiter etiam testat.
 Quid illud? *Aurum Coronarium*, quod specie triumpho-
 rum vel oblatum fuit, vel exactum. Origo eius, ut socij &
 amici, victori Imperatori *Coronas aureas* offerrent, quasi gra-
 tulantes, & meritum ei caput cingentes. Itaque primo qui-
 dem *Coronæ* ipsæ datæ, aut missæ: postea inualuit, ut pro iis Pe-
 cunia offerretur. Hæc accepta à Socijs, aut Subditis: & sicut
 manubias ab hostibus legebant, sic spolia ista occulta ab ami-
 cis. Mos planè vetus, & à Græcis, nisi erro, ad Romanos imi-
 tatione translatus. Apud Athenarum quidem Chares, in re-
 bus Alexandri magni, ait, post victum Darium, missas *CORONAS*
partim à Legatis gentium, alijsque, æstimatas decem millibus ac quin-
gentis talentis. Atque alibi talia legas. Iam apud Romanos, cre-
 brum. ut in Liuius, cum Cn. Manlius Gallogræcos vicisset,
 eoque terrore Asiam liberasset; missæ undique legationes non gra-
 tulatum modo venerunt, sed *CORONAS* etiam *AVREAS*, pro suis
 quæque facultatibus, attulerunt. Itaque idem Manlius in trium-
 pho tulit (apud eundem Liuium) *coronas aureas ducentas duo-*
decim, pondo: id est, ut singulæ fuerint librales. In triumpho,
 inquam: & ita obtinuerat, ut ex coronæ ante ipsum victorem
 latæ, populo ostenderentur. De eo Festus: *Triumphales coronæ*
sunt, quæ Imperatori victori aureæ PRAEFERVNTVR, quæ anti-
quis temporibus propter paupertatem laurea fuerunt. Iamantè etiam
 in Quinctij Flamini triumpho Liuius: *Coronæ aureæ, DO-*
NA civitatum, translata centum quattuordecim. Itemque in Sci-
 pionis Asiatici, numerat aureas coronas ducentas trigintaquatuor.
 At verò Appianus in Cæsaris, bis mille octingentas vigintiduas,
 easque pondo viginti nullum quadringentorum quattuordecim: ita ut
 decem pondo, aut circiter, plerisque necessum sit fuisse. Neque
 equidem pro magno aut vero habeo, quod Plinius quasi in-
 ter raræ magnificentiae exempla scripsit: *Claudius cum de Bri-*
tannia triumpharet, inter Coronas aureas, unam VII. pondo
habuit,

Lib. xii.

Lib. xxi.
viii.

Lib. xxxix

Lib. xxxviii

Lib. xxiij.
cap. cxi.

habuit, quam contulisset Hispania citerior, alteram IX. quam Gallia comata, sicut titulus indicauit. Minuta, minuta hæc sunt; nec vel Claudio, vel tam ditibus prouincijs, ad ostentandum, digna. Vt minimum, fuit DCC. pondo, iterumque DCCCC. vel potius ∞. Etsi non ad vsum tales, sed pompam modò fuisse sciamus. Ideoque & de his Tertullianus capiendus, libello de Coronâ: Sunt & prouinciales aureæ, imaginum iam, non virorum, capita MAIORA querentes. Benè Prouinciales, quia ab ijs datæ. Nec coronæ solùm ipsæ, sed aurum ac pecunia ad coronas: atque id propriè Aurum coronarium, de quo & titulus est in Codice Iustiniano. Seruius ad hoc Virgilij: Dona recognoscit populorum, notat: Aurum coronarium dicit, quod hodie à victis gentibus datur: Imponebant autem hoc Imperatores propter concessam vitam. Non rectè omnino, nec ab ipsis iam victis ob vitam datum, sed à socijs amicisque, ut dixi. datum tamen in pecuniâ, titulo coronario. Vt apud Polybium (in Fragmentis) οἱ γαργίοι ἐπαγαύσαντες τὸν ἀντίοχον τὸν βασιλῆα πεντακοσίου ἀργυρίου τάλαντος: Geræi coronarunt Antiochum regem quingentis argenti talentis. Vt apud Liuium populus quidam Asiæ, Manlio ingredienti fines ut cohiberet à populatione militem, in coronam auream XN. talenta offerunt. Et hoc prætextu rapinas extorsionesque vsurpatas, quis non colliget? Cicero Pisoni obijcit: Mitto aurum coronarium, quod lex & decerni & accipi vetat, nisi Imperatoribus ex prouinciâ decedentibus, ad decorandum triumphum. Sed istas leges spernebant. & Dio Cassius quosdam notat, cum res leuiculas gessissent, triumphum sibi, vel à Cæsare vel ab Antonio, impetrasse: καὶ ἐπὶ τῇ προαίρει ταύτῃ, inquit, χρυσίου πολὺ ὡς τὰ πρὶν δῆμαν ἐς τοὺς σκεδαίους ἰσάκρουν: Et isto hoc prætextu, multum auxi à populis, quasi ad coronas, colligebant. Imò verò & ab ipsis Italis, qui tamen immunes talium videbantur esse. Cæsar quidem ita fecit. de quo idem Dio, eum ex Asia, victo Pharnace, redisset: Ibi quoque (Romæ) Lib. xii. magna pecunia coacta, quam partim titulo DONI, ut erant CORONAE, statuae, & talia, collegit; partim mutui nomine accepit. Decretis enim coronis statuisque, pecuniam ipsam dari sibi curabant. Ideò mireretur fortasse aliquis, ipsum illum Græcum postea scribere, de L. Antonio M. fratre: quòd is, cum triumphasset Kalendis Januarijs, in quibusdam Mario se comparabat, aut & præpo-

Lib. xix.

Lib. xii.

Lib. xviii.

preponebat. in eo maximè, quòd is Marius aut nullam, aut vnicam omnino coronam accepisset, sibi verò cum alijs, tum populus tributum (quod ante ipsum nemini) coronas dedissent. Ait nemini id contigisse: atqui, nōne ipso narrante, iamantè Cæsari? Sed obseruetur, tributum: in eo nouitas, & est hoc quod Cicero irridet, Patronum quinque & triginta tribuum fuisse. Ideò igitur & tributum dederunt, nouo more. Sanè Italos dedisse, vel ex eo liqueat, quod Augustus de se in lapide Ancyrano dicit: MVNICIPIIS. ET. COLONIIS. ITALIAE. CONFERENTIBVS. AD. TRIUMPHOS. MEOS. QVINTYM. CONSVL. REMISI. ET. POSTEA. QVOTIESCVMQVE. IMPERATOR sum appellatus, AVRI. CORONARIVM. NON. ACCEPI. Gloriatur verè. & consonat in illo ipso quinto consulatu Dio Cassius, qui notat, eum tunc benè audisse vulgò, οτι, οτι οτι πρόιον, οτι in τῇ ἰταλίᾳ, τὸ χρυσίον τὸ τοῖς στεφάνοις προσπίκει, ἐκ ἰδὲ αὐτοῦ: quòd ab opidis Italiae, aurum, ad coronas conferri solitum, non accepisset. Cuius exemplo Hadrianus (in Spartiano) aurum coronarium Italiae remisit, in provinciis minuit. Sed & Arianianus, inter testimonia liberalitatis Iuliani ponit, tributorum indicta admodum leuia, & coronariū remissum. Eo enim paulatim iam ventū erat, vt hoc Coronarium non minus Tributis ferè attereret; nec in triūphis modò, sed in læticiā quacumq;, & primordiis imperij, daretur. In Ammiano scriptum, Tripolitanos misisse legatos, Vnde et gloriarum aurea simulacra Valentiniano, ob imperij primitias oblaturos. De ipsis coronis Synesius, qui se quoque Legatum à Cyrenensibus ad Arcadium missum ait, στεφανώσαντα χρυσῷ μὲν τὴν κεφαλὴν, τιλοσοφίᾳ δὲ τὴν ψυχὴν: coronaturum auro quidem caput Imperatoris, philosophiā verò eius mentem. Apertissimè item Capitolinus in Antonino Pio: Aurum coronarium, quod adoptionis suae causā oblatum fuerat, Italicis totum, medium provincialibus reddidit. Atque ex hoc licet intelligere, quæ sit & quanti Oblatio: cum inter Tributi genera recensent, Canonem, Oblationem, Indictionem: etsi, alio quoque titulo & specie, Oblationes. Sed de hoc postea, Suidas: στεφανία τίλισμα τοῦ ῥωδίου οὗτος ἐκαλεῖται. ἐπεὶ δὲ αὐτονομία ἔσται οἱ ῥόδιοι, βασιλεὺς δὲ τι μίρην ῥωμαίοις ἐπὶ τιμῇ πείμποντες ἰσχύουσιν, εἰς οὗ φέρεται ἐξαίρεσι μᾶλλον, ἢ στεφανοὶ φίλοις διδόντες: Coronarium uelut apud Rhodios ita dicitur, quoniam liberi sunt Rhodij, exiguum autem aliquid Romam quotannis mittunt, non ut tributum dominis,

Utat. de
Regno.

dominis, sed quasi coronam amicis dantes. Notetur illud *quotannis*: nam & hoc ita factum, ac velut honorarium tributi genus exactum. Procopius de Theodato notat, rege Gothorum: *paetum* Lib. I de Goth.
eum cum Petro, Justiniani Imperatoris Duce, decedere Sicilia tota, & quotannis coronam auream mittere Justiniano trecentarum librarum. Quid, quod lego ciuitates in alia occasione, atque etiam tristi, coronas has misisse? Appianus in Sullæ funere *suprà bis mille coronas aureas, magna celeritate consecratis, prelatas* scribit, atque addit expressè; *dona ciuitatum, aut legionum quibus præfuerat.* Habes & intellegis, opinor, de Coronis & Coronario. AVD. Satis, sed quid iis post prælationem factum, auco equidem scire. LIPS. In templis, & Capitolio maximè, videntur dicatæ. Plinium còtraxerim, de Coronis: *Inde natum, vt etiam triumphaturis conferrentur, in templis dicantur.* Nam etsi de aliis ibi coronis, tamen in occasione tangit hunc morem. Liuius, de legatis Saguntinorum: *Non grates tantum agere iussimus, sed donum hoc etiam, si vos permetteretis, coronam auream, in Capitolium, victorie igitur, ferre.* Quod itaque *suprà*, in Velleio erat: *Præterquam Capitolio intulit*: huc referri potest, vt non venerint in rationes illas *Coronæ*, & alia dona siue aurum, quæ Ioui Capitolino Pompeius intulit aut dedit. Mos enim ita fuisse videtur: vel ex Suetonij de Augusto notâ. quem ait *sedecim millia pondo auri, vnâ donatione, in cellam Iouis Capitolini contulisse*: quod fecit statim ab Ægyptiaco triumpho. Imò & Triumphale ipsum aurum interdum, aut pars eius, ibi condita. ex Plinio, qui *duo millia pondo auri perisse, Pompeij tertio Consulatu, è Capitolini Iouis folio, à Camillo ibi condita,* scribit: fortasse vt religio magis seruetur. Atque ad hoc etiam tale aurum referendum videatur, quod Suetonius in Cæsare notat: *Eum primo consulatu tria millia pondo auri furatum è CAPITOLIO, & tantundem inaurati æris reposuisse.* Planè hoc est. nam de Ætario compilato, ad alterum Consulatum facit, nec id quoque in Capitolio. Solent tamen & alia templa Auro coronario exornare. vt Augustus de se, in lapide Ancyrano: *In Capitolio, & in ade Diui Julij, & in ade Apollinis, & in ade Vestæ, & in templo Martis Vltoris consecraui, quæ mihi constiterunt circiter (millenis) AVRI CORONARI pondo trigintaquinque millibus.* At prior Cæsar,

Coronas suas in triumpho ductas vendidit, & ex earum pretio militibus promissa persoluit. quod ita Appianus.

C A P. X.

Impensa publica in Militem, Magistratus, Populum: & de Frumentatione.

PERAGRAVI & emensus sum *Triumphalem* viam: tempus definere, nec addere ultra, sed erogare. Nónne videtur Auditor? AvD. Certè videtur. nam ego censeo, nisi expendimus largiter, omnem Romam iam illationibus tot auri implendam. LIPS. Ego verò exhauriam, & expendam non loculis, sed totis fassis: vt ipsum iterum miraturus sis, vnde ad tot Expensas vllę Opes. Oceanus si Ærarium fuisset, dixisses desiccandum. Impendia igitur sub Principibus (vltiora omittam) Duplicia fuere, *Necessaria*, & *Arbitraria*: ex quibus sanè colligas immensas & verè ADMIRANDAS quasdam opes. Nam *Necessaria* illa impendia, ferè trium generum: in *Militem*, in *Magistratus*, in *Populum*. De militibus res clara est, Stipendiis alendos, Emeritis prosequendos: & id perpetuò, in legionibus & præsiidiis perpetuis iam factis. Hæc partitè non exsequor, satis à me in *Romanâ Militiâ*, & alibi, factum. De Magistratibus, intellego duplices fuisse, in quos largiter & statim expendendum: *Urbano*: & *Prouinciales*. Urbanis quidem Augustus instituit, ad onera subleuanda, ad ludos præbendos, & talia, aliquid dare: præsertim Prætoribus, quasi ex lege. *Prouinciales* autem, vel plurimum auferebant, vt ipsi plures, & per prouincias dispersi. Nam ita Suetonius: *Auctor & aliarum rerum Senatui fuit, in quib, vt PROCONSULIBVS ad mulos & tabernacula, qua publicè locari solebant, CERTA PECUNIA constitueretur.* Et quamquam *Proconsules* modò nominat, tamen longius spectauit, & *Præsidibus* communiter, aut & *Procuratoribus*, aliisque *Officiis* datum. Quanta ea expensio fuit? immensa, vel hoc argumento: quòd Cicero L. Pisoni obiicit, eunti in Macedoniam, vt Proconsuli, *sestertium centies octogies, quasi Vasarj nomine, datum.* Ad sola Vasa, inquam, id est

* Com. 1.
ad Ann.
Tac.

Cap.
XXVI.

* Et solum
Suetonius
largitur eâ
voce vti.

id est ornatum & instructum ; tot illa sestertia data scribit ; & obiicit , non quia contra morem fuerit , sed quia supra modum. Nimium adsignificat , collusione quadam , ad tributum. Quid igitur ? esto vel * *Centies* tantum summa ordinaria : esto vel *Quinquagies* : in tot illis talibus , nonne immensum accrescet ? Et plura accedunt huic generi , ut *Curatores* variorum munerum alendi , vel orandi ; ut *Legati* exterarum gentium admittendi , & munerandi : & quæ scimus in omni Republicâ esse. Iam de *Populo* , perpetui etiam & certi in eum sumptus : & præsertim ad Alimenta. Nam iamantè institutum , Principes tenuerunt , ut plebem egenam aut tenuem perpetuâ frumentatione pascerent ; atque eâ magno labore & sumptu parandâ , aduehendâ , & tum gratis distribuendâ. Mira hæc res sit , si quis consideret : & planè inter omnis æui , omniumque gentium , ADMIRANDA. Sed tractaui olim in Electis , quid nunc retractem ? AVD. Imò obsecro Lipsi , hîc ei suus locus est : & quid si aliquid firmitus aut plenius tibi obseruatum ? LIPS. Obseruatum , non nego : ut in talibus dies diei est doctor. Breuiter dicam , quæ pro nostro argumento. Frumentatio igitur vetus Romæ , & ab ipso etiam Senatu. Ille in rebus & annonâ arctâ , quasi benignus pater , misertus plebis , frumentum aliquando diuisit , non tamen nullo , sed modico ære. Accessere Tribuni statim , & hoc tam popolare sibi vindicarunt , variis Frumentariis legibus latis. Vltimus in hac re Clodius , *Annonariam legem tulit , ut frumentum , quod antea populo semisse aris ac trientibus in singulos modios dabatur , GRATIS daretur*. Ita Asconius : atque hæc origo deinde & continuatio grauitati frumenti fuit. Senatus quidem , statim à coniuratione Catilinæ , largitione hac tali usus erat , auctore ipso Catone : sed nescio , an sine vilo pretio. In Plutarcho hoc sic narratum , sed verbis quæ pensitanda sunt. Ait , *C. Casarem in Praturâ res nouas tentasse , populo suspensio & mobili , ob Catilinarias illas turbas. Cato igitur , ut praueneret , ἐπεισε τὸν βουλὴν ἀναλαβεῖν τὸν ἀποροὺν καὶ ἀνήμερον ὄχλον εἰς τὸ στήριξιον. ἀναλαΐματος μὲν ὅπως ἐνιαυτῷ χιλίον καὶ ὀκτακοσίον καὶ πενήκοντα ταλάντων : suasis Senatui assumere egenum & non distributum populum ad frumentationem , etsi sumptus esset mille ducentorum quinquaginta talentorum*. Id sit trecenties

* 250000.
25000.
Phil.
Vide Notat.

HS. more Romano ; nostro, *septingenta quinquaginta millia* Philippicorum. Vides igitur impendium in hanc rem , quod illo æuo fuit : etsi alter Plutarchi locus (in Cæsare) minuit nonnihil, & vbi de hac ipsâ re agit, numerat sumptus non nisi *septingentas quinquaginta myriadas drachmarum* : quod sit Latinis, *ducenties vicies HS* : nobis, *quingenta quinquaginta millia* Philippicorû. Sed verius est, hunc locum rescribendum, augendumque ad illum priorem. Opinor autem & creuisse postea impendium, latâ lege Clodij, quæ totum frumentum gratificaretur, de quâ dixi. Quin & sub Impp. largiter creuisse, cum plures adscripti, & classes etiam institutæ (haud dubiè magno impendio) ad transfuchendum. Quis tamen numerus accipientium fuit? reperio aliquando ad *trecenta viginti millia* cepisse : sed Iulius Cæsar minuit. de quo ita Suetonius : *Ex viginti trecentisque millibus accipientium frumentum è publico, ad centum quinquaginta retraxit* : aut si Dionem audis, *ad centum sexaginta* : quia dicit ad *mediâ partem redactos*. Paruum discrimen : sed Augustus deinde auxit, & *ducenta millia* fecit. an & Tiberius? etsi ille minimè popularis : tamen recenset in Senatu (apud Tacitum) *quibus è provinciis, & quanto maiorem quàm Augustus, rei frumentaria copiam aduectaret*. Ergo & in plures, nisi fallor, distribuendam. AVD. Mehercules Lipsi, grandis hic numerus : & tot illi Romæ pauperes? LIPS. Pauperes, aut saltem qui subleuari gauderent : inter quos liberti, & id genus, maximè fuêre. Dionysij locus notabilis, admonentis multos ideò manumitti.

Lib. 1117. *ἵνα τὸν δημοσίως διδόμενον σίτην λαμβάνοντες καὶ μὴ αὐτὸς ἡγεμῆται γήροισι τοῖς ὑπὲρ τοῦ ποσὸς ἐπιδανθροπία, φέροντι τῷ δαπάνῳ τὴν ἐκδορίαν* : ut frumentum, quod publicè datur, accipientes in menses singulos, & si qua alia liberalitas Principum in pauperes fiat, id totum Dominis ferant à quibus facti sunt liberi. Vides fraudes, quæ etiam factæ : aut saltem, quomodo, quos pudêret ipsos è publico pasci, id fecerint succidaneâ libertorum personâ. AVD. Aliquoties iam audio de *menstruo frumento* : ergo nec ea distributio? LIPS. Illa ipsa, & in cuiusque mensis initio (siue *Nonis*, ut Suidæ visum, vnde & *Annonas* ridiculè derivat) accipiebant. Quomodo? per *Tesseras* : quique eas habebat, ad *Curatores frumenti diuidendi* ibat, munus institutum ab Augusto.

Augusto. Quattuoruii enim erant, iique ex honestioribus, & qui ante quinquennium Præturâ functi essent: quod Dio nota-^{Lib.}uit. Etsi *Præfectus* etiam *annonæ* proprius, illustri honore: sed ^{11111.}qui de aduehendo & adseruando in horreis satageret, non propriè de diuidendo. Multa circa hanc rem: sed minuta quid opus exsequi? de numero iterùm aliquid videamus: in quem videtur Seneca tenuiores omnes ciues inclusisse. *Frumentum*, inquit, *publicum tam fur, quàm periurus, & adulter accipiunt, & si-ue discrimine morum* QVISQVIS CIVIS est. Sed ita tamen accipio, ut admitti debuerint & inscribi: atq; idè meliores libri referunt: *quisquis incisus est*. In tabulas nempe, huic rei factas. Sed de numero tamen capientium iterùm sub Principibus fluctuo. Dixi de Augusti *ducentis millibus*: sed P. Victoris, quem Schottus noster vulgauit, scriptio videatur augere. Nam ait disertè: *Huius (Augusti) tempore, ex Ægypto vrbi annua ducenties centena millia frumenti inferebantur*. Modios sanè intellegit: sed quanta ea summa sit ex solâ Ægypto? Atqui Africa iam addenda est, quæ duplum ad Ægyptum dedit. Hoc enim ita palàm & adfirmatè Iosephus scripsit, in oratione Agrippæ regis ad Iudæos: *African oëlo mensibus populum Romanum pascere, Ægyptum autem quaternis*. Valdè notabilis locus: & idem est in Hegesippo, qui transcripsit. Ex hac igitur ratiocinatione, frumentum vrbi illatum annuum fuerit *sexcenties centena millia modiorum*. Sint in dies circiter, *centum sexagintaquattuor millia octogintatria*. Heu, ingentem copiam! & quæ sufficiat, si inspicias, vel *vicies centenis* hominum *millibus* alendis. Nam Modius paullò plus minúsve Romanis pendit xxv. libras: sed Romanas tamen libras, id est duodecim vnciarum. AVD. Hem Lipsi, & tu credis hæc vera esse? quî possunt? nam antè dumtaxat de *ducentis millibus*, aut largissimè, *trecentis viginti* frumentantium est dictum. LIPS. Dictum, sed nempe etsi non plures caperent, plures tamen fruebantur & alebantur. Nam censendum est, plerosque istorum qui caperent, Patres familias fuisse, vxorem, liberos, seruulos habuisse. Itaque largius valdè quàm in vnum caput capiebant: & videtur tessera siue donatio ordinaria fuisse in singulos, *decem modiorum*, quod in Electis notauit. Iam & hoc cogitandum, plures etiam in consortium huius frumen-

ti venisse. An non probabiliter Vrbanos illos omnes milites? sanè in Herodiano lego, *Seuerum, præter alia quæ indulsit, militibus etiam τὸ σιτηρίον siue frumenti modum auxisse*. Quid ipsam deinde Aulam & Palatinos? nōne itē probable annonas suas hinc accepisse? An non & Classiarios ipsos in Italiâ milites? Hæc considerari & colligi pro Victoris scriptione possint:

* Vide Notat.

quæ mihi tamen, vt rem dicam, * parū est certa. Ingens frumenti copia sit, & ex duabus prouinciis tantū. An igitur placeat in eo corrigi, *ad centies centena millia*? Ita vniuersa illatio fuerit, cum illo Africano, *trecenties centena millia*: larga profectò satis & laxa, cum hæc in diem toleret ad *millia hominum circiter septingenta*. Facit pro emendatione, quod Spartianus de Seuero scribit: curiosè prospexisse rei frumentariæ, & cum moreretur reliquisse *septem annorum Canonem*, ita vt COTTIDIANA LXXV, *millia modiorum expendi possent*. Magna prouidentia eius Principis, solliciti in septem annos: sed & Canon ille diurnus opportunè expressus, qui proximè ad nostra *trecenties centena millia* (tecum computa, si voles) proximè, inquam, accedit. Mintuisse tamen paullatim hic Canon videtur: siue quia Principes in alia distribuerent; an & quia minus, prouinciis iam extæris, inferretur? Sanè Constantinus egregiè minuit, qui sedem & affectum suum Byzantium transferens, vt in aliis Nouam hanc Romam cum illâ Veteri, sic & Frumentatione voluit in parte æquare. Nam classē Ægyptiacam Byzantio destinauit, relicta Romæ dumtaxat illâ Africanâ. Hæc diuisio deinceps mansit: nisi quòd Byzantini frumenti modum tamen minuit filius eius Constantius, offensus plebi ob seditionem temerè & asperè motam. De eâ re Ecclesiastici nostri scriptores: qui & numerum exprimunt frumenti. In Nicephoro Callisto est: *Octo myriades medimnorum frumenti quotannis à Constantino data plebi fuerant, cuius dimidiam partem Constantius diminuit*. Atque iste totum Frumenti modum annuum facit, non nisi *octoginta millium medimnorum*: quæ sint Romanis circiter *quadringenta octoginta modiorum*. Haud magna, nec pro prijs opibus, largitio: quam tamen & Socrates ita firmat. Εξήμισσι δὲ τὸ πλὴν ἀγέλων τὸ σιτηρίον, τὸ Δραχμῆτος. Ὅθεν τὸ πατὴρ αὐτοῦ ἡμετέρις, ὑπὲρ τρία αἶνες μεμείδατο, ὅντιν δὲ ἐν ἑσὶ μεμείδατο ἐχορήγητο πρότερον τὸ σίτου,

ἐκ τῆς

ἐκ τῆς ἀλεξανδρείας κομίζομεν πύλων : *Mulctavit urbem, auferens frumenti quod pater eius in dies assignauerat, super quattuor myriadas. Oſto enim myriades circiter antea dabantur, muebanturque ex urbi Alexandria.* Dicit quidem ille σπεύσαντες ἡμεῖς τὸν διῆρνον φρουρὸν : sed exuberat ille modus in dies singulos, nec aliter sentit quàm de diuisione diurnatæ diurnâ. At annua ipsa illatio, tanta: id est, *mille trecenti* in diem circiter modij, vix quattuordecim aut quindecim millibus hominum pascendis. Hec, quantum minuius? atque idem in ipsâ Româ veteri factum, Olympiodori locus (apud Photium, in Bibliothecâ) attendenti ostendit. Excerptum ibi legitur : Ὅτι καὶ τὸν ὑπὸ γόθων ἀλωσιν τῆς πόλεως, Ἀλεξάνδρος ὁ τῆς πόλεως ἑπαρχος, ἥδ' ἡ βασιλῆως παλιν ἀποκατασταμένης, ἔγραψε, μὴ ἐξαρκεῖν τὸ χορηγούμενον μέρος τοῦ δήμου, εἰς πλείους ἥδη τῆς πόλεως ὅππῃδ' ἴσῃσι· ἔγραψε δὲ καὶ ἐν μίᾳ ἡμέρᾳ τεταράχθαι ἀριθμὸν χιλιάδων διακοσίων : *Post Gothorum inuasionem & direptionem Romanam, Albinus Præfæctus urbis, iterum nunc eâ instauratâ, scripsit, Non sufficere populo modum qui inferretur, cum urbs iam in multitudinem largiter excreuisset. Scripsit autem, & in vnam diem statutum numerum quattuordecim millium.* Verba, quæ expressim de Frumento non habent; sed eò referenda esse, mecum censebit, qui examinabit. Ergo diurnus tunc modus (sub Honorio) *quattuordecim mille* modij: qui & ipse minuit aut periit cum imperio ipso Romano. Theodoricus tamen rex Gothorum (sanè, vt in illâ gente, laudandus) speciem aliquod veteris moris restituit: & in Ricobaldo quodam scriptum: *A Romanis cum gaudio susceptus est, quibus ille ad subsidium, tritici singulis annis CXX. millia modiorum concessit.* Sed quid ad ista eo? ADMIRANDA mea non horum temporum: quin priorum etiam Principum æuo (circa Flauiorum impetium) panis distribui, non ipsum frumentum, cœpit: credo, quia lucrum aliquod ex eo fiscus captaret; & quo minore modo in plures largitio spargeretur. Is *Panis gradilis* dictus, quia in gradibus diuideretur; idem *Fiscalis*, quia ē publico & fisco. Commentarius Persij vetus, ad illud — *populi cribro decussa farina. Panem non delitiosius cribro discussum, sed plebeium de populi annonâ, id est, Fiscalem dicit.* Eos panes bilibres fuisse, ex Vopisci Aureliano dicam. Nam Aurelianus, inquit, eo tempore quo proficisceretur ad Orientem, bilibres coronas populo promisit, si victor rediret.

* Modiorū
opinor.

ret. Et cùm aureas populus speraret, neque Aurelianus aut posset, aut vellet, coronas eum fecisse de Panibus, qui NVNC Siliginei appellantur, & singulis quibusque donasse. ita vt Siligineum suum COTTIDIE toto aeo suo vnusquisque reciperet, & POSTERIS SVIS dimitteret. E quibus inspectis planè affirmaueris, *Bilibres*, & in *Capita* sic daros fuisse. AVD. Quomocunque Lipſi, tamen magna illa, & in magno modo (Seueri canon dicit) largitio, & mihi semper stupenda. LIPS. Quid si accumulo, & obſonium etiam addo? Nam idem Aurelianus (Vopisci item verba) & porcinam carnem populo Romano distribuit, quæ HODIEQVE diuiditur. Quando hodieque? ad tempora vsque Constantini. Simile in Oleo fuit, quod perpetuum populo dedit & instituit Imp. Seuerus. Vinum etiam, vt nequid deesset, Aurelianus statuerat, sed morte præreptus non fecit. Satis hæc mi Auditor, cetera in Electis meis vide.

CAP. XI.

Impensa in Ludos carptim ostensa.

TRANSIMVS ad Arbitraria impendia: quæ trium item generum maxime fuerunt. In Ludos, Opera, Dona: In Ludos singulatim si persequar, aut exempla accumulein; seorsim Theatrum mihi struendum sit, & noui aliquot sermones. Capita impendiorum dicam. de quibus vniuersè sic Lactantius: *Quid dicendum est de iis, qui populari leuitate ducti, vel* MAGNIS VRBIBVS *suffecturas opes, exhibendis MVNERIBVS impendunt?* Item Ambrosius: *Magistratus in theatris, mimis, & athletis, gladiatoribus, aliisque huiusmodi generibus hominum TOTVM PATRIMONIUM suum largitur & prodigit, vt vnius horæ fauorem vulgi acquirat.* Merito damnant nostri Patres damnosam hanc insaniam, & quæ priuatos homines bonis per ludum exuit; Principes ipsos attenuat & delibat. Atque id discere cùm ex frequentia eorum potes, tum ex apparatu. Vnus Augustus fecisse ludos se dicit, suo nomine quater & vicies; pro aliis magistratibus, qui aut abessent, aut non sufficerent, ter & vicies. Ego vix arbitror, vllos ex istis Principalibus ludis minoris

quingen-

Lib. VI.
Iustit.Serm.
LXXXI.

Sueton.

quingenties, aut & millies sestertio stetit: quod Apparatus & Pompa facilè persuadebunt. Nam ecce in ipso Theatro, Amphitheatro, aut Circo adornando qui sæpe sumptus? cùm semper gratia aliqua & illicium nouitatis in ipsâ formâ quæreretur: & Nero (pro exemplo) *Theatrum totum, non Scenam eius tantum, auro illeuit & obtexit. Sed & quidquid illatum fuit, & omne instrumentum ac choragium, aureum: itemque vela quæ supernè contra solem obumbrabant, purpurea tota, & aureis stellis interstita. Ex quo & dies ille Aureus appellatus.* Dio Cassius hoc in Nerone. & Plinius id ipsum adsignificauit: *Nero Pompeij theatrum operuit auro, in vnum diem, quò Teridati regi Armeniæ ostenderet. Quid Iulius Cæsar, ante Neronem, & nondum Princeps? Jf primus in Edilitate, munere patris funebri, OMNI APPARATV arene ARGENTEO vsus est: serasque argenteis hastis laceffere, tum primum visum. Mox, quod etiam in MVNICIPIIS emulantur, C. Antonius ludos scanâ argenteâ fecit. Cæsar igitur hoc primus: sed non vltimus. & quod Plinius addidit, passim & in Coloniais ac Municipiis Argentæ iam scēnæ. Ideò non possum, vt rarioris operæ aut magnificentiæ admirari, quod Plinius, vt tale, scripsit eodem isto loco: Item L. Murena, & Caius Princeps, in Circo pegma duxit, in quo fuere argenti pondo CXXIIII. Tu hoc Plini notabile duxisti? centum vigintiquattuor pondo argenti? quis ex equite, & penè dixerim plebe, tunc non insumpserit? Lege CXXIIII ∞: id est, centum vigintiquattuor millia: nec id pro Caio aliquò sit magnum, imò nec pro priuato nimium, quia argentum recipiebant, nec totum peribat: si tamen vellent. Plura eiusmodi ornamenta aut instructus erant, & quædam in libello nostro Amphitheatrali diximus: & vis nunc vnum & extremum furorem? Heliozabalus Imp. (ait Lainprius) fertur in Euripis vino plenis nauales Circenses exhibuisse. Tu cogita quantum vini profusum, fossis illis & Euripis in Circo ita eo plenis, vt naues inter se concurrere, ac certare de velocitate possent. Quid iam dicam tot Gladiatorum millia, tot Fera- rum ex toto orbe quæsiturum? tot equorum nobilium? in vitâ actisque Principum assidua hæc legis. Addo huc Missilia & Sparsiones in populum, id est Tesseras ligneas cum notis rerum, aut interdum res ipsas, magno certamine diripièdas. Quæ item*

L. b. xxiiij.
cap. iiii.

Plin. ibid.

* Faciant
2240000.
Philip.

velut legitima iam erant in omnibus ludis, ad populum illicendum. Horum pretia & sumptus, ex Neronianis istis colligantur, apud Suetonium: *Sparsa & populo missilia omnium rerum per OMNES DIES, singula cottidie millia auium, cuiusque generis multiplex pennus, tessera frumentaria, vestis, aurum, argentum, gemmae, margaretae, tabula pictae, mancipia, iumenta, atque etiam mansuctae ferre: nouissimè, NAVES, INSVLAE, AGRI.* Noretur hæc iactatio, quanti ea, & quantarum rerum? Præter aurum, gemmas, margaretas, *Insulas & totos Agros* dedit: *Insulas* nempe urbanas, & habitabiles domos. O res vix Suetonio fidiissimo testi credendas! Sed accedit & Dio similia asserere: *Omnia, inquit, delicatissima que homines comedunt* (ad *Penum* Suetonij pertinet:) *omnia pretiosissima, equos, mancipia, esseda, aurum, argentum, variam vestem, hæc dabat per symbola quedam & tesseras. Globulos enim paruos inscriptos, ut quæque eorum erant, hos iaciebat in populum, & reipsa mox dabatur, quod quisque eorum in tessera haberet.* Neque Nero hæc solus: de more fiebat, etsi alius largius parciusque, pro opibus, præberet. Titus sanè Vespasianus filius, item profusissimè, in ludis quos per *centum dies*, dedicatione Amphitheatri sui, fecit. Dio Cassius de eo: *παράγει δὲ πᾶσι καὶ ἐς αἰτέλειαν εἰσέτα αὐτοῖς σφαιρίδια καὶ ξύλινα μικρὰ ἀνωθεν ἐς τὸ διατερεῖν ἱερῶντες σύμβολον ἔχοντα, τὸ μὲν ἐδωδύμου πινος, τὸ δὲ ἐσθῆτος, τὸ δὲ ἀργυροῦ αἰκίους, ἄλλο χρυσοῦ, ἱππων, ὑποζυγίων βοσκυμάτων, ἀνδραπόδων, ἀ ἀνδραπόδων τῶν ἰδίου τοῦδε τοῦδε δουλίας αὐτῶν ἀπωχέειν, καὶ λαβεῖν τὸ ἐπιγυχαμῖνον:* Dedit & *quadam, utilitatem, non solum voluptatem, spectantibus præbentia.* Nam globulos ligneos quosdam de loco superiore in theatrum iaciebat, qui symbolum haberent, hic alicuius esculenti, ille vestis, alius argentei vasi, alius aurei, equorum, iumentorum, mancipiorum; quæ oportebat eos, qui rapuissent, ferre ad *Curatores ludorum, & ab iis accipere quamque rem inscriptam.* Credis tu hæc per tot illos centenos dies fieri potuisse, sine impensâ *his terque millies Hs.?* ego non opinor. & ubi sumptus ludorum reliqui? Neque miror iam profectò Hadrianum, cum in adoptione Ceionij Commodi multa in populum profudisset per similes ludos, & in militem: atque is Ceionius agro corpore, vitalis non videretur: sæpe dixisse, *Perdidimus quater millies Hs. quod populo & militibus dedimus.* Qui sunt ipsi nostri decem

milliones.

milliones. Sed dices, Principum virorum modò hæc fuisse. Er-
ras. de Milone, hoc iam olim Cicero, *tria patrimonia in has res ef-*
fudisse: de Messallâ quodam Vopiscus, cum stomacho ista nar-
rat: *Legat hunc locum Junius Messalla, quem ego libere culpare audeo.* In Carinâ.

Ille enim patrimonium suum scenicis dedit, heredibus abnegavit. ma-
tris tunicâ dedit mimæ, lacernam patris mimæ: & rectè, si auic pallio
aurato atque purpurato, pro symmate tragædus vteretur. Jam quid Li-
neas petitas Ægypto loquar? quid Tyro & Sidone tenuitate perluci-
das, micantes purpurâ, plumandi difficultate pernobiles? Donati sunt
ab Atrebatibus birri petiti, donati birri Canusini, Africanæ opes, in scæ-
nâ non prius visæ. Et hac quidem iccirco ego in litteras misi, ut futuros
editores pudor tangeret, ne PATRIMONIA SUA, proscriptis legitimis
heredibus, mimis & balatronibus deputarent. Sed distinctissimè

verò, & expressis summis, aliquid Olympiodorus: *Ὅτι πρόβος*
ὁ παῖς Ἀλπίης, τάλισας τὴν οἰκίαν πρατεύρας, δαδὺν καὶ κεντὶνάρια χρυσῷ ἐνδ-
λωσι. Σύμμαχος δὲ ὁ λογογράφος, συγκλητικὸς ἂν ὦν μείριαν, τῷ παιδὶ
Συμμάχου τὴν πρατεύραν τοιοῦτος, εἰκοσι κεντὶνάρια ἰδ' ἀπάνου. Μάξι-
μος δὲ, εἰς ὅν' ὀπύβου, εἰς τὴν τῷ υἱῷ πρατεύραν, προσάρακτα κατὰ δέλεο κα-
τὰρία ἐπὶ δὲ ἡμίρας οἱ πρατεύρας τοῖς πανηγύρεσι ἐτίλουν: Quòd Probus,

filius Alympij, cum ipse Præturam gereret, duodecim centena pondo auri
absumpsit! Symmachus verò, ille orator (est noster, qui in parte ex-
stat) orator VNVS E MEDIOCRIBVS, in filij Symmachi Præturam
** viginti centenarios effudit. At Maximus, scilicet è diuitibus, item in*
** 1100000.*
autest.

*filij Præturam, * quadraginta. Edebant autem ludos Prætores, non*
** 100000.*
** 400000.*
autest.

nisi SEPTEM DIEBVS. Vide dies, vide sumptus: quanto imm-
niter plus olim alij? quanto scilicet tunc resp. florētior, & maio-
res priuatim opes. Sed & inferiore illo ævo ipsi Consules (nam
*hæc de Prætoribus) opinor, largius. de quibus in * Codice Lu-*
** Lib. XII.*
Tit. De C&S-
sulibus.
loco ad reparationem Aqueductuum, centena pondo auri præstari per
singulos consulatus decernit. Atque id in imminutionem, & pro
beneficio, si igitur sola Sparfio (id est, missilia in populum) tan-
ti; quid reliqui omnes ludi, & eorum apparatus? Et de Lu-
*dis hæc quoque sufficiant in specimen: de * Operibus, in pro-*
** Lib. III.*
ximo sermonem differo & protollo.
EXO.

CAP. XII.

Dona Principum effusa, & primò Iulij Cæsaris.

DONA sequuntur, magnitudine suâ & frequentia non diam inter ADMIRANDA, sed STUPENDA. Siquis Midas fuisse fingatur, qui omnia tactu faciat aurea; defecerit iuaurare, quantum isti sunt largiti. Per Principes aliquot lubet ire, & hoc ostendere: ordiarque à capite ipso, CAESARE IULIO. De illo vniuersè ita Suetonius: *Nullum LARGITIONIS aut officiorum genus in QVEMQVAM, PVBLICE PRIVATIMQVE omisit. Vis magis partitè? Idem scriptor: Militibus singula interdum MANCIPIA vel PRAEDIA viritim dedit. Ecce. vbi vos Curij aut Fabricij, qui ipsi Imperatores vix septena iugera habebatis? nunc miles aliquis capit ab isto donatore Prædia tota. Hæc & plura (mox dicenda) in militem: quid in Senatum & digniores? Idem iterum Suetonius: Parte magnâ Senatus gratuito, aut leui sanore, obstrictis, ex RELIQUO quoque ordinum genere vel inuitatos, vel sponte ad se conuectantes, VBERRIMO GONGIARIO prosequetur. Nec hic finis: extra urbem quoque & Italiam eâ largitas se diffudit. & non minore studio (idem Suetonius) Reges atq; Pro-
 vincias per ORBEM TERRARVM illiciebat: alijs captiuorum MILLIA dono offerens; alijs quò vellent, & quoties vellent, Auxilia submittens. superque Italia, Galliarumque & Hispania, Asia quoque & Græcia potentissimas (siue placet, potissimas) urbes præcipuis OPERIBVS exornans. Quid tibi iste vir videtur? mihi, nil nisi nouus quidam Triptolemus; qui sublimi vectus curri, semina non frugum, sed liberalitatis suæ, per terrarum orbem spargit. Atque hæc, quò magis mirèrè, priuatus Cæsar fecit, & nondum in fastigio illo Principali. AVD. Affatim miror: & vnde Cæsari, nondum Cæsari, opum ista vis? LIPS. Magis mireris, si accogites; iam ab adolescentiâ profusum hunc fuisse, & grandi alieno ære oppressum. Plutarchus apertè; debuisse eum, PRIVS-
 QVAM VLLVM MAGISTRATVM CAPERET, (nota. de valdè igitur iuuenem) mille trecenta talenta. Ea sunt nobis septingenta octoginta millia Philippicùm. Quid verò iam in ipsis magistratibus?*

mate-

materies & caussa amplior largiendi. Itaque Appianus scribit, *euntem ex Praturâ in Hispaniam, creditoribus retinentibus, dixisse ioco: Millies sibi opus esse, VT NIHIL HABERET*: id est, vt solum æs alienum solueret, in suo nihil haberet. Ea reddunt *vicies quinque centena millia*: nec ambige, neque doctissimum Budæum audi (nescio quâ causâ) minuentem. Græca palàm sic volunt: *ἐν δ' ὅττω διχίλιον καὶ πεντακοσίον μνῶν δ' αὖτ'*: & Drachinæ intelligendę, ex Græcorum more. Ego verò amplius credo, auxisse etiam in Consulatu & deinceps ad Principatū; vt hominis huius ingenium erat, tantum vt daret quærentis. Sed vnde, aiebas, habuit & reposuit? Non longè te duxero. Gallias nostras vide: iste fons, è quo hausit. Diuites tunc herclè Prouincias, sed quas fulmen istud afflauit & ambussit. Nam quomodo se in iis gesserit, breuiter Suetonius: *In Galliâ, sana templaque Deum, donis referta, expilauit, vrbes diripuit, sapius ob prædam quàm ob delictum*. Denique è tot præliis, accessit ingens captiuorum multitudo, è quâ diuenditâ pecuniam redegit. In solâ Galliâ *decies centena millia virorum in acie cepit*: quod Appianus ita tradidit, & *totidem occidit*: dico *virorum* & in acie: quid iam mulierum & puerorum? Nam nec his parcebant, imò vel vberissima ex eâ venditione præda. Has solas manubias si æstimas; accedes vel ad *triginta milliones*, & contractâ ac parçâ capitum æstimatione. Iam in ipsis opidis, & agris, quanta prædarum seges? omitto, tu cogitabis. Sed lubétne singulatiim inspicere viri dona? Ecce, instante ciuili motu, in Galliâ cùm esset, *L. Paullum Consulem designatum, mille quingentis talentis flexit, ne contra se stare*: Curionem, *qui ere alieno obrutus, maiore etiam summâ, vt pro se stare*. Illa tottalenta reddunt, *nongenta millia Philippicū*: id est penè millionem, in virum vnum. Quid iam in Curionem? amplius longè dedit, vt Appianus dixit (nam eius ea verba scito:) & nisi fallor, ipsū æs alienum eius totum exsoluit. Nec fallor, & Dionem clarè hoc ita meminisse scripisse. Atqui *Lib. 11.* æs illud fuit *sexcenties* Hs. quod Valerius Maximus prodidit: quâ minus ergo dedit? Itaque Velleio numerale mendum inhæsit, cùm de istâ re, *Curionem centies* Hs. scribit accepisse. Ille verò *sexcenties*: & ita hîc rescribe. Ea faciunt *quindecies*

centena millia Philippicū, quid nisi plurium Senatorum census? Nec largitiones eius aliæ in primum ordinem scriptæ extant: etsi fuerunt, quod in Suetonio audisti: & in magnos illos semper magnæ. Sequuntur Milites, quibus vnice se dedit: atque id ipsum priuatus. Certè adhuc in Galliâ, cum Pompeius duas legiones, colore belli Parthici reuocaret; ipse vt animos sibi pigneraret, singulis abeuntibus *ducentas quinquaginta drachmas* diuisit; quod Plutarchus, alijque prodiderunt: id est, *viginti quinque* Philippicos nostros. Cogita iam duplum in Centuriones, triplum quadruplumque in Præfectos, & Tribunos: valdè ea largitio crescit. Sed quid in ipso iam bello ciuili? priuatim haud dubiè multa; communiter hæc largitio fuit, Suetonio expressa. *Veteranis legionibus, prædæ nomine, in pedites singulos, super bina sestertia, quæ initio ciuilis tumultus numerauerat, vicena millia nummum dedit.* Rectè ita locus habet, & in optimis libris: quid opus est argutari, aut interpolare? Examinemus. *Veteranis legionibus*, inquit: non enim nouellis alijs: etsi & hæc, credo, aliquid habuerunt. Veteranæ autem illæ, *decem*. In *pedites singulos*, inquit: cur igitur equites omittit? quia non opus: sicut nec Centuriones adiecit, quos notum scilicet erat duplum accepisse, de more. Etsi de equitibus hoc æuo, dubito: & olim quidem triplum etiam soliti accipere: sed post Socios ciuitate donatos, palam video nec honorem nec præmia tanta equitibus fuisse, qui plerique iam è

Lib. VII. Latinis. Pergit, *Super bina sestertia*: ea sunt *quinquaginta* nobis Philippæi: dedit, inquit, *vicena millia nummum*. Ea sunt, ipsi Philippici *quingenti*: atque ij viritim, & in gregarios milites diuisi, cum duplum Centurionibus esset, Tribunis Præfectisque alarum quadruplum. Proh fidem! (nam sæpe exclaimo, & cogor) quæ hæc, præter stipendia, & alia lucella aut raptus, largitio est? quanta in tam multos? Ne milites nostri audite, & exempla hæc aut cupite aut sperate. Vnde enim Iulius, vnde Romanæ opes? A v d. Vnde & tibi animus sic ista credendi, & affirmandi? Nam alij viri docti trepidant, & in lectione commutant. L I P S. Nihil est. incogitantia hoc facit (imperitiam nolo dicere) veterum & largitionum, & diuitiarum: quibus alia exempla mox attestabuntur. Et si in

si in hac re satis Græci scriptores, qui cum Tranquillo planissimè in summâ concordant. Nam Dio breuiter, sed clarè, *militibus quinque millenas solidas Drachmas* datas scribit, Appianus fusiùs & distinctissimè: *Militibus à triumpho, superans etiam ea quæ promiserat, legionarijs drachmas Atticas quinque mille, Ordinum duكتورibus duplum, Tribunis & Alarum præfectis iterùm duplum dedit.* Vñne aliquid apertius? & cur huic consensui repugnemus? Nota autem nec Appianum aliquid seorsum de Equitibus, vt nec Tranquillum, dixisse. Sed quæ hæc *Promissa* sunt, quæ Appianus signanter scribit *eum superasse?* Opinor esse, quòd in pugnâ ad Pharsalum, *singulis millenas Drachmas* promiserat: iterumque, vt volentes in Africam sequerentur, *alteras millenas.* quod vtrumque in Appiano leges. Largiter igitur excessit, nisi quid in ipsâ Africâ aut alibi etiam promisit. A V D. Audéne in fasce dare has summas omnes, vt magis attendam? L I P S. Licet. Fuerunt legiones decem, sed veteranæ, & ideò parùm plenæ. Sunt igitur *triginta millia militum*: & singulis *quingenti Philippici*: faciunt, *quindecim nostros miliones.* Vbi nunc Centuriones, Tribuni, Præfecti, atque ipsi Equites? Regum opes expensas dicēs in donatione hac vnâ. Atqui an finis est? imò sub ipsum idem tempus, largitionem ad Populum extendit. & vt Suetonij verbis hoc quoque dicam, *Populo, præter frumenti denos modios, ac totidem olei libras, trecenos quoque nummos, quos pollicitus olim erat, vititum diuisit, ac centenos pro morâ.* A V D. Hic mihi vocem opus tollere, nec comprimere. Vititum toti populo tantum frumenti, olei, pecuniæ? L I P S. Moderor, ne clama: toti populo frumentati, nec vltra. Dio Cassius ita restrinxit: *πρὸς ὅχλῳ πρὸς σιτοδότην*: id est, *Populo, qui frumentum acciperet.* Ergo tenuiorem populum intellegit: & semel nota, Suetonium hic atque aliàs *populi* voce (præter morem antiquum) plebeculam istam ieiunam, & hirudinem ararij designare. Qui tamen ipse numerus grandis, & sub hoc tempus *trecenta viginti millia* erant, qui è publico pascerentur: quod antè dixi. Totus ergo ille populus accepit *quadringentos nummos vititum*: id est, *Minam*, vt Appianus expressit. Sunt Philippici *decem*: ergo in summam, *tres miliones ducenta millia.* Vbi olei deinde modus, vbi frumenti? Mi Audi-

Auditor, ad Ouidium eundem nobis est vt transformemur, & animos veteres, pro veteri æuo, capiamus. Nostri homulli hodie, dicant mera mendacia me flere.

C A P. X I I I.

Augusti Principis dona.

SED vnum etiam Iulium vidimus, quid tot Cæsares qui secuti? & vt alijs minimè, tamen in liberalitate consecuti, aut prægressi. **AVD.** Difficile creditu est. nam hic homo mihi videtur de se, quod olim Liuius Drusus posse dicere: *Nihil se cuiquam ad largiendum, præter calum & cænum, reliquisse.* **L I P S.** Non ita est: opes istæ Vectigalium, & quas diximus, inexhaustæ erant, & vt perennes quidam fontes fluebant. Itaque ad **AVGVSTVM** veniamus, qui non diuturnitate solùm imperij, sed vereor vt liberalitate patrem superarit. Dona eius quædam ante imperium, alia in ipso sunt: & illa magis miranda. Primùm *militibus & Euocatis, quos contraxit metu Antonij, aditâ hereditate Iulianâ, dedit singulis quingenas Drachmas.* Ita ipse Appianus: interpretis eius parùm prouidè *sestertios* vertit. Is numerus Euocatorum, ad *dena millia* fuit: ergo *quingenta* hîc Philippæorum *millia*. Amplius. eodem pænè tempore, cùm legiones Quarta & Martia ad se transissent ab Antonio, dedit singulis *totidem illas Drachmas*: iterumquæ cùm in armis decurrissent, & speciem prælij peritè assimilassent, *alteras totidem*: quæ certè fuerunt ad dictam facilè summam, & longè suprâ, si Equites & Centuriones (quod nec antè feci) suo more computentur. Iam verò in ipso primo Consulatu, cum signis à Mutinâ motis urbem intrauit; dedit qui se deduxerant, singulis *bis mille quingentas drachmas*, siue *ducentos quinquaginta* Philippæos: atque *eæ octo legiones* fuerunt. Minimâ legionum frequentiâ, surgent *sex milliones*, & Equites ac Ductores omittentur. Vbi autem prædæ quas egit, aut spolia quæ cepit? adhuc nulla. Quò magis in **ADMIRANDIS** hæ donationes tres, à priuato Octauiano, & solâ spe futuræ magnitudinis, susceptæ & perfectæ. Atque hîc notandum in vltimâ, transisse eam velut in legem; & solenne donatium

hoc

hoc habitum, quories legiones postea Principem in urbem deduxissent. Certè Spartianus in Seuero tradit, *Milites per seditionem dena millia poposcisse à Senatu, exemplo eorum, qui Augustum Octavianum Romam deduxerant, tantumque acceperant.* O peritos historicos vel antiquarios, & in rem suam lecta aptantes ! Sed quarta etiam donatio à priuato, in quâ lingua mihi hæret. A V D. Quisne obscœna aut turpis ? LIPS. Non, sed quia immensa, aut certè immodica, & vereor refragatorem. A V D. Non me. vt ij qui de cælo tacti sunt, silent & stupent : sic iam pænè ego. perge. LIPS. In Philippenſi igitur prælio, vbi de Principatu actum vel Libertate, hic ipse Octavianus cum Antonio promiserunt viritim *quinque mille Drachmas.* A V D. Hoc illud erat ? at Cæsar iamante totidem, & docuisti. LIPS. Sed Cæsar *decem* legionibus tantum : isti *nouendecim*, quæ in pugnâ erant, & alijs *quadraginta*, quæ in præſidijs aut Italiâ sparsæ. Appianus quidem ita narrat, vel apud eum Antonius (oratione ad Asiaticos) sed addit : *attritas eas iam & minutas ad xxviii. reduisse, quæ (inquit) cum suis additamentis efficiunt virorum supra centum septuaginta millia : præter EQVITES, & item ALIVM militem.* Quis iste *alius miles* ? opinor Auxilia, quæ haud longè infra legiones. Itaque qualis & quanta hæc summa conficiatur, ingenuè fateor, vix ego ausim promere : & scito esse supra *centum quinquaginta milliones.* Vbi estis qui Nouum orbem, & nouas in eo diuitias repperistis ? Huc ite, ostendent & effundent eas Duumiri isti vnicâ largitione. Atque hæc ille fecit ante Principatum : in ipso tenuit & cucurrit eundem liberalitatis cursum. A V D. At hîc mihi votum & cogitatio. LIPS. Prome. A V D. Si eo sæclo ego viuam, quid nisi miles sim ? ita omnes ad eos opes adfluunt & concurrunt. LIPS. Vera narras. & scito ab hoc militum tunc seminario, Senatorias & diuites pleraque familias ortas. Hæc præmia in ciuili bello ijs sunt : cum homines vt ad imperium veniant, imperium pænè ipsum donant. Quid donant ? perdunt volui dicere : & quomodo tot isti pecuniarum cumuli, sine apertâ pernicië prouincialium ciuiumque, colligi potuère ? Sanè id factum est : sed Pax postea, cû copæ suo cornu, reposuit omnia & reparauit. Enimvero Augustus, vt cœperam dicere, in Principatu quo-

que perliberalis. Lapidem Ancyranum lubet proponere, in quo aliquot donationes eius ordine exsculptæ.

- I. LIBRI. ROMANI. VIRITIM. CENOS. NVMERAVI. EX. TESTAMENTO. PATRIS. MEI.
- II. ET. NOMINE. MEO DRINGENOS. EX. BELLORVM. MANVBIIS. CONSVL. QVINTVM. DEDI.
- III. ITERVM. AVTEM. IN. CONSVLATV. DECIMO. EX. PATRIMONIO. MEO. BIS. QVADRINGENOS. CONGIARI. VIRITIM.
- IV. ITERVM. AERE. MERV. ET. CONSVL. VNDECIMVM. DVODECIM. FRUMENTATIONES. FRUMENTO. PRIVATIM. COLVMEIO. EMENSVS. SVM.
- V. ET. TRIBVNITIA. POTESTATE. DVODECIMVM. QVADRINGENOS. NVMMOS. TERTIVM. VIRITIM. DEDI. QVALI. MEA. CONGIARIA. FRUMENTI ... NVM. NVMQVAM. MINVS. QVINQVAGINTA. ET DVCENTA SIA.
- VI. DVODEVIGINTESIMVM. CONSVL. TRECENTIS. ET. VIGINTI. MILLIBVS. PLEBIS. VRBANA. SEXAGENOS. DENARIOS. VIRITIM. DEDI.
- VII. ET. QVINIS. MILITVM. MEORVM. CONSVL. QVINTVM. EX. MANVBIIS. VIRITIM. MILLIA. NVMMVM. SINGVLA. DEDI. ACCEPERVNT. ID. TRIVMPHALE. CONGIARIVM. IN. COLONIAS. HOMINVM. CIRCITER. CENTVM. ET. VIGINTI. MILLIA.
- VIII. CONSVL. TERTIVMDECIMVM. SEXAGENOS. DENARIOS. PLEBI. QVAE. TVM. FRUMENTVM. PVBLICVM. ACCE..... DEDI. EA. MILLIA. HOMINVM. PAVLLO. PLVRA. QVAM. DVCENTA. FVERVNT.

Vides, siue audis lapidem, vtinam peritè satis aut fideliter descriptum! Insigne monumentum antiquitatis est, & historię Augustę quasi summarium. Sed multa in eo corrupta, & quædam lacera: percurram lucis, & alibi medicinę, causâ.

In

In primâ donatione est: LIBRI ROMANI. An id fuit, TRIB. P. ROMANI? id est, *Tribubus populi*. Res quidem eas tangit, & legauit Cæsar testamento viritum Romano populo, *trecenos sestertios*, vt Suetonius scripsit; vt autem Dio, *centenos vicenos*, & adducit ipsum Augustum eius rei testem. Et scripserat hoc Augustus fortasse in Commentarijs rerum suarum: sed & hîc ita in Breuiario isto fuit. Explendum igitur, CEN- TENOS. VICENOS. Ij sunt, *tres Philippici* in singulos: si in totum populum, imensum est; si in frumentantes, magnum.

In II. *Quadringeni nummi* viritum dati, item in populum: qui sunt Philippici *decem*. Id factum in *quinto Consulatu* eius, vt hîc scribitur: id est, statim post Actiacam & Alexandri- nam victoriam, sub triumphum. Dio Cassius ipsum notat in hoc anno, & in summâ consentit: sed auget acceptores, & non viros puberesque tantum, sed etiam pueros, in gratiam Mar- celli, sororis filij, scribit adiectos. Hoc si fuit, vt fuit, quis non vi- det supra duplum ferè donationem crescere, & vt minimum fuisse ad *sexcenta millia* capientium? Fiunt in pecuniâ impensâ *sex milliones*.

In III. Consulatu decimo, scribit se item populo dedisse, congiarium *bis quadringenos*. An simul, vt *octingenos* dederit? an magis significat, bis se dedisse? sicut & paullo pòst, *tertium quadringenos*. Quæ iterationes valdè sunt liberalitati augendæ: & tu attendes.

In IV. Quid sit illud AERE. MERVI. QUARTIO. An fuit, AERE. MEO. VT. pependitque à prioribus? opinor. Illud autem iam certò assequor, in Vndecimo consulatu datas *duodecim Frumen- tationes*: quas ita appellat, quæ singulis mensibus dari sole- bant. In caritate igitur annonæ, has extra ordinem, & de suo, vt scribit, addidit. Nam legendum inibi PRIVATIM. COEM- PTO. vt dudum monui, cum lapidem hunc vulgaui.

In V. Tribunicia potestas duodecima, incidit in annum vr- bis DCCXLI. cum peregrè & è Galliâ redijt. Tunc igitur plebi refouendæ & conciliandæ, distribuit ter vno anno *quadringenos*: id est, Philippicos *ter denos*, siue in vniuersum *triginta*. Verba aliquot in vitio, an sic emendanda? QVALI. MEO. CONGIARIO. FRUMENTI. MODIUM. NUMQVAM. MINVS. QVINQVAGINTA.

ET. DVCENTA. MILLIA. vt adsignificet, tantum frumenti se quoque dedisse. An verius, FRUMENTANTIVM. NVM. NVMQVAM. MINVS. QVINQVAGINTA. ET. DVCENTA. MILLIA? vt dicat *numerus* (id valet NVM.) qui frumentum acciperent, & ex consequenti congiarium, tantum tunc fuisse. Sed postea alius numerus, dices: haud moueor, quia sæpe id per recensum mutauit. Cogitetur tamen. Vir doctissimus & acutissimus legebat, QVINQVAGINTA. ET. DVCENTA. SESTER-
TIA. & referebat ad Suetonij hæc verba: *Congiariorum populo frequenter dedit, sed diuerse ferè summa: modo quadringenos, modo trecentos, nonnumquam ducentos quinquagenosque nummos.* Sed refellit hoc ipse lapis statim, qui dicit bis datos *sexagenos denarios*: quos non nisi in *ducentos quadragenos* nummos resoluas. Quomodo ergo *numquam minus* dederit, vt hîc sculptum? Sed & Dio in anno DCCXLVII. adnotat datos *Denarios sexaginta*.

In VI. sunt *sexageni denarii in trecenta viginti millia capita*: quæ ad duos milliones, * paullò minùs, se attollit.

*Sunt offe-
decies cen-
tena ad.

In VII. tenebræ. videtur militaris donatio esse, sed ijs qui in colonias missi, aut mittendi.

In VIII. notetur numerus frumentantium, qui tunc fuit. Ista de Augusto sufficiant: etsi liberalitates eius plures ex facili dederim, vt ipse dare facilis, etiam per ludum & iocum. Cuiusmodi ista in Macrobio: *Omnibus qui secum pilâ lussissent, sestertia centena dari Caesar Augustus iusserat, soli Calio quinquagena.* Hic ille, *Quid ergo? inquit, ego vnâ manu ludo?* locus lepidus: sed donatio magna in ludicrâ istâ causâ, singulis bis mille quingenti Philippici. Iterum totidem Græculo cuidâ, pro carmine, & audaculo dictorio, factoque: sed tu factum ipsum nosce, aut potiùs recognosce. Græculus fuit, qui Casari carmen obtulerat, atq; ille acceperat, & nihil vltra. Græculo iterum paranti dare, præuenit, & carmen à se dedit; vt ostenderet talia & domi sibi nasci. Hic Græculus legere, mirari, & tandem manu in pauperem bulgam demissâ nummos, an denarios aliquot, Augusto offerre, cum dicto: *Si plus haberem Caesar, plus darem.* Exemplo ostendit & commonefecit, quid ille deberet: nec frustra. Nam statim Augustus delectatus libero & acuto facto, *sestertia centena* dari ei iussit: id est, bis mille Philipp. & quingentos.

CAP. XIII.

Aliorum Principum dona.

NON sit modus, si omnia* Augusti tollam: omitto, & aliorum carptim aut saltuatim quædam tango. In TIBERIO pauca sunt, parcâ ille manu & restrictâ fuit: atque ita moriens in thesauris reliquit, ** vicies septies millies Hs: quod Caligula, non toto vertente anno absumpsit.* Ita enim hoc Suetonius: sed in Dione paullo aliter: & ait, *quosdam dicere ter & vicies millies relictum; alios autem * ter & tricies.* Sanè pro meo sensu, posteriori parti accedam, qui satis iam imbibit Romanas opes. Nec in tempore absumptæ à Caligulâ pecuniæ Dio dissentit à Suetonio, si sic legas: *videtur tunc relictis pæcis dñi auris tibi dionis: nec vel in tertiam anni partem quidquam Caligula ex his seruauit.* Quod sanè cum Tranquillo & veritate conuenientius, quàm ut sit, *et tunc relictis, in tertium annum.* Ille verò statim exhaustus & egens, atque ad rapinas se vertit. In CLAUDIO, notatur prima liberalitas in auspiciis imperij, cùm militibus *quinadena Hs.* promissit. Ea sunt *trecenti septuaginta quinque Philippæi*: si tamen Suetoniana illa scriptio (ex eo sumpsi) est certa. Nam Iosephus adauget, & *vicena* promissâ ait, siue ut ipse numerat, *quina millia drachmarum*: qui sunt *quingenti Philippæi*: & addit, *omnibus ubique militibus idem promissum.* Quomodo hæc quidem donatio, superet omnes iam dictas, & fortasse dicendas. NERO sequitur: quid de eo dicam? qui, ut Suetonius ait, *diuiarum & pecunie non alium fructum putabat, quàm profusionem.* Itaque nepotinos eius sumptus frustra colligam: In Suetonio atque aliis, patent: quædam addam quæ magni & laudabilis animi sunt visa. *Militi prætoriano (in Dionis compendio) ob causam aliquam iusserat centies Hs. numerari: id est, ducenta quinquaginta millia Philippicùm.* Et cùm Agrippina mater, mirata improvidam fortasse liberalitatem, iussisset totam eam pecuniam, ipso coram, in mensâ exponi & expandi, ut sic vel aspectu spectantem eliceret: ille magno animo, iussit alterum tantum addi, *Q* Nesciebam, inquit, tam exiguum me dedisse. Egregia

** Id est, sexaginta sex miliones, & quinquaginta M. Phil.
* Sunt octoginta & unus miliones.*

vox : quam cur tu rides? A V D. Non ipsam, sed meam cupidinem : & ô si quis *hoc exiguum* mihi? L I P S. Auidus ô homines, nec accipies; hodie liberalitatis eius nec umbra manet. Hoc Nero in militem : sed quid in regij sanguinis Teridatem ? *quod vix ipsi Suetonio credibile videatur, octingenta nummorum millia diurna in eum erogauit ; abeuntique super HS. millies contulit.* Vt hoc & capias, & ponderes ; scito Teridatem per *nouem menses* continuos Romæ, aut in finibus Romanis, fuisse : & toto eo tempore immunem habitum ab omni sumptu. Decreta igitur ei in diem *octingenta millia* : quæ sunt *viginti millia* Philippæorum. Numera in mensem : quid ea nisi *sexcenta millia* ? In nouem menses : *quinque miliones quadringenta millia*. Iam abeunti datum, *millies HS.* quasi in viaticum : quod iterum efficit *duos miliones & dimidium*. An potius in Suetonio, *bis millies* scribendum? augeatur altero tanto, & palam Dionis compendium (numeri autem in Græcis magis veri) hoc suadet. Atque ista conspicua & signata liberalitas Neronis est : quid minores aliæ & sparsæ, sed coalescentes in grandem summam? De quibus Tacitus: *Bis & vicies millies HS. donationibus Nero effuderat* : & addit, Patres censuisse, vt repeterentur ab iis qui cepissent. Ea sunt *quinguintaquinque miliones*, nisi calculus me fallit. quod & alibi vereor, & ignoscendum est in sermonis hoc cursu & calore. Adiungo NYMPHIDIÏ, post Neronem, promissum: non Principis, sed pro Principe tamen factum. Ipse vt *Urbanum omnem militem & Prætorianum Galbæ adiungeret, promissit iis* * *septem mille & quingentas drachmas* viritim; reliquis extra urbem, *mille ducentas quinquaginta*. In Plutarcho hoc ita leges, ingentem donationem, & qualis antea in hoc genere nec fuit. Nam priores illa *Drachmæ* in Urbanos, faciunt nobis *septingentos quinquaginta Philippicos* : alteræ in Legionarios, *centum viginti quinque*. Quò hoc ascendat in plura quàm *viginti quinque millia* Urbanorum: in amplius *ducentena* Exterorum? vt Classes, & talia, omittam. Iure igitur Plutarchus exclamat & queritur, *plusquam Neronem hunc renatum, nec potuisse eam pecunie molem exstrui, nisi vt omne Romanum imperium attereretur aut euerteretur*: præsertim post tot & tam recentes à Nerone ictus. Infinitæ deinde sunt largitiones in militem, vel in populum : sed, nisi

incmo-

* Latine
esset, Tri-
ginta ses-
tertia.

* Latine,
Quina ses-
tertia.

memoria imponit, infrà iam dictas. Ideò nec pono, vnam *Seueri* Imp. tantum libo. Dionis compendium: *Celebrauit Decennalia imperij sui, & dedit populo qui frumentum solet accipere* (nota semper ferè de Populo frumentario) *itemque Pratorianis decem aureos. Quà in re se iactabat. reuera enim NEMO vnumquam antea tantum SIMVL dederat, effusumque hac donatione* bis millies HS.* ** Quingue miliones* Decem istos Aureos, scito Romanos fuisse: id est nostros viginti, aut paullò amplius. Ita magna vis assurgit, & expressa est à Dionè summa: sed hæreo an fatis ex vero additum, numquam antea tantum datum. Nam & Commodi Imperatoris superfluens donatio fuit, in Lampridio notata: *Congiarium dedit populo, singulis Denarios septingentos videnos quinos. Qui sunt Romani aurei vigintinouem: pænè triplum eius, quod Seuerus postea dedit.* Nam quod vir doctus quidam hîc rescribit *septuagenosquinos*, valdè est præter rem & Lampridij mentem. Sed scilicet Dionem scribere, *Simul numquam tantum datum*: id est, & Populo & Militibus. Alioqui & superiores aliquot donationes militares valdè excedunt. De Donis peregi, & simul de *Opibus publicis*.

CAP. XV.

De priuatorum aliquot opibus, & materia huius finis.

TRANSEO ad *Priuatæ opes*, quæ & ipsæ magnæ fuerunt, & per multos sparsæ. Quis nescit Senatores aut Senatores plurimos fuisse, & plures longè Equites Romanos? Atqui primis illis, census sub Augusto fuit *Decies HS: siue vigintiquinque millia Philippæorum*. Istis, id est Equitibus, census *Quadringentorum*, quæ faciunt *decem millia Philippæorum*. Hic census, quem necessariò haberent: quàm multos autem, & plerosque omnes, putas excessisse? Ac lubet paullisper recensere hos diuites: inter quos quem priùs, quàm Crassum illum cognomen- to *Diuitem*? Cicero aliique de eo, atque etiam in eum Cicero ista: *Multi audierunt ex te; cum diceres, Neminem diuitem esse,* *In Patro-
dox.*
nisi

nisi qui exercitum suis FRVCTIBVS alere posset. Ergo hoc proposito, numquam eris diues, antequàm tibi ex tuis POSSESSIO-
N. I. BVS tantum reficiatur, vt ex eo tueri sex legiones, & magna equitum ac peditum auxilia possis. Hæc vox Crassii fuit, opinor, negantis se Diuitem, etsi vulgò ita audiret: quia nemo sic dicendus, nisi cui tales opes. In Plinio hoc paullò contractius: *M. Crassius negabat locupletem esse, nisi qui REDITV annuo tueri I REGIONEM posset. In agris suis HS. bis millies possedit, Quiritium post Sullam ditissimus. Qui locus inspectione, fortasse & correctione eget. Primum de Legione vnâ ait: quod Cicero palàm de pluribus (imò & sex nominat) & item Græci de exercitu tradunt. Itaque in Plinio quoque verius censeam, Legiones. Iam quod addit, bis millies in agris possedisse: quid ergo in aliis? in seruis, in pecuniâ, in vasis ac supellectile, denique in domibus, quantum habuit? Sanè alterum tantum dixerit aliquis, ex comununi tunc ratione & proportionem opum. Plutarchus scribit, solos architectos & fabros eum in seruis habuisse, ad quingentos, quorum operam elocabat in vrbe ruinis vel incendiis obnoxia: quid deinde seruatorum ad reliquos vsus, domi vel in agris? Hæc eò deduco, vt sollicitè & quatiàm lectionem Plinii receptam: & quia non arbitror in solis agris sic habuisse. Argumento ex Plutarcho, quòd totus census eius, post Decumas Herculi datas, & epulum frumentumque plebi, non fuerit nisi septem millium & centum talentorum. Atqui longè hoc ab illo bis millies abest in solis agris. Facit & ipse Plinius, qui paullò post subiicit, Multos postea se cognouisse, seruitute liberatos, opulentiores. Libertos autem intellegit, qui ad ter millies, aut circà, perueniunt. Non insisto: dico, legendum mihi videri in Plinio, nisi qui legiones tueri posset ex agris suis. Sestertiùm bis millies possedit. Vt vniuersæ opes eius tuerint bis millies, siue quinque millionum. Quod propemodum consonat cum illis talentorum millibus, è Plutarcho recitatis: & Decimas Herculanas si addis, proximè accedit. Senecæ item locum huc subiungo: M. Cato possidebat ipse quadragies HS. minus sinè dubio quàm Crassus, plus quàm Censorius Cato. Maiore spatio, si compareretur, proauum vicerat, quàm à Crasso vinceretur. Monco primò legendum, quadringenties HS. quòd certum est: deinde addo, ex hac comparatio-*

lib. xiiij.
cap. l.

* 4160000
Phil.

De vitâ
beatâ cap.
xxi.

ratione elucere, quòd haud multo vltra *bis nullus* Crassus potuerit habere. Alioqui nimium interuallum sit inter Catonem Uticensem & ipsum: quod Seneca negat. AVD. At enim Lipsi, vis tu igitur Crassum ad reditum ex agris tantum respexisse? LIPS. Videtur. nam & Cicero scripsit, *nisi tibi ex POSSSESSIONIBVS tuis tantum reficiatur*: & antè, *nisi qui exercitum FRUCTIBVS suis alere posset*. Ea verò ad agros spectant: & ipsa Plinij vox, *Neminem LOCUPLETEM esse*. Etsi haud nego, multos Romanorum magna latifundia habuisse: sed summa hæc exorbitet. Alioqui L. Domitius ille, successior in Galliam Cæsari destinatus, agris sanè abundare debuit, qui (leges in ipso Cæsare) Corfinij obsessus, ad animandos milites, in concione *agros ex SVIS POSSESSIONIBVS pollicetur*, quaterna in singulos iugera, & pro ratâ Centurionibus Euocatisq;. At enim triginta cohortes ibi militum, id est duodecim circiter millia. Ea sint igitur quadraginta octo millia iugerum: quid iam in Centurionibus & Euocatis, quibus duplū debebatur? Lego & in Plinio: *Sex dominos semissem Africa possedisse sub Nerone, quos ille interfecerit*. Quid Seneca, de Pompeio (an Poppæo) quodam, sub Caligulâ? nam qui Ptolomeum restitunt, ab ipso mox refelluntur. Quid igitur de eo? *Panem & aquam defuisse, cum TOT FLVMINA possideret, in suo orientia, in suo cadentia*. Si hæc vera; oportuit totas regiones possedisse. vti C. Antonius ille, collega Ciceronis in Consulatu, totam Cephalenum insulam, velut proprium patrimonium habuit, atque ibi opidum etiam nouum struxit: quod traditum ita Straboni. AVD. De Antonio, esto: nec magna ea insula. At de Poppæo, & TOT FLVMINIBVS, ex vero scriptum? LIPS. Ex vero. nec solus Poppæus talis, plures Seneca aggregat, epistolâ LXXXIX. vbi hos auaros communiter ita insequitur: *Quousque fines possessionum propagabitis? Ager VNI DOMINO qui POPVLVM cepit angustus est. Quousque arationes vestras porrigetis, ne PROVINCIARVM quidem satione contenti circumscribere prædiorum modum? ILLVSTRIVM FLVMINVM per priuatum decursus, & AMNES MAGNI, magnarumque gentium terminis, VSQVE AD OSTIUM A FONTE vestri sunt. Hoc quoque parum est. nisi latifundiis vestris maria cinxistis, nisi trans Hadrianum, & Ionium, & Ægaum vester vil-*

1. Civil.

Li. xviii.

De Tranq.
cap. xi.

Lib. x.

licus regnet. Nisi IN SVLAE, ducum domicilia magnorum, inter VILISSIMA rerum numerentur. Quid ais? non hæc satis clara, satis certa sunt: nec illustrant, sed augent quæ dixi? Si enim vnus aut alter talis, quid attinet vt publicum morbum carpere? Sed plures omnino fuerunt: & quidam etiam dono hæc capiebant. AVD. Dono? id verò nullus crediderim. LIPS. Iterum Seneca, De Beneficiis: *Beneficium est, donare regiones, per quas MAGNA FLUMINA ET NAVIGABILIA decurrant.* Donarit autem eas Princeps, vel aliquis ille diues testamento. Sed ecce hi verè locupletes: & quorum fundos nec milui oberrauerint, vt ait poëta. Sed redeo ad vniuersè Diuites, inter quos L. Cornelius Balbus meritò locandus. qui (vt Dio scripsit) *homines suæ ætatis Diuitiis & Magnitudine animi supergressus est, adeò vt moriens populo Romano viritum legauerit denarios vigintiquinque, siue Aureum Romanum vnum.* Quid putemus nuncheredes, & legatarios habuisse? Seneca etiam noster, ille doctrinæ & sapientiæ, id est internorum bonorum, ita diues, quàm rarâ sorte & externorum fuit? Eum ⁷⁵⁰⁰⁰⁰⁰ *ter milies HS. possedisse*, amicus illi Tacitus scripsit, & inimici cum mulrà inuidiâ obiecerunt. AVD. Quidni Lipsi? & ille vir maximus, hoc vno titulo apud me minuit, quòd sic in opibus abundet. Philosophum hoc decuit? & quidem Romanum, qui facta sibi vindicant, magis quàm verba? LIPS. Miserum Senecam, vt video. quare? quòd non Virtus solùm ei, sed Fortuna fauerit: & in alio tamen aliquo hoc laudemus. Sed quia rara hæc coniunctio, præsertim in modesto & sapiente, & bonæ mentis, vt ille inquit, *soror est paupertas*: homines indignantur, liuent, Senecam equis & quadrigis incurunt. At meo iudicio, ô virum hoc ipso magnum, quòd capere potuerit, quòd vti, quòd habere (vt vno verbo dicam) & non haberi! Quid, quod nec eas suspexerit? inter media censuit, inter fluxa, & quæ si abirent, nihil auferrent, nisi semetipsas. Audi illum, ô Liur, & file. *Pone me, inquit, in opulentissimâ domo, vbi aurum argentumque in promiscuo vsu sit. Non suspiciam me ob ista, quæ etiam si apud me, tamen extra me sunt. In Sublicium rursus pontem me transfer, & inter egentes abige: non ideo tamen me despiciam, quòd in illorum numero confideam, qui manum ad stipem porrigunt.* Quid erga

Lib. xxviij.

*7500000
Phil.

est?

est? domum illam splendidam malo, quàm pontem. Hæc vera philosophia est: posse habere, posse carere; non cupere absentes, capere & præsentem: iisdem uti benè, & bonis subleuandis. Sed quid euagor? diues Seneca, & nostro more septuagies quinquiescentena millia possedit: plus meruit (audi & hoc Liur:) *es* multi nequaquam eius artibus pares plus habuerunt, ut Nero ad eum dixit. Ecce *Cn. Lentulus Augur* (ait ipse Seneca) diuitiarum MAXIMUM EXEMPLVM, antequam illum liberti pauperem facerent, quater millies Hs. suum vidit. Propriè dixi (inquit) nihil enim amplius, quàm vidit. Hic stupor igitur possedit ipsos decem milliones, Regum aut certè Regulorum opes. Sed indicat Seneca, libertos & plus habuisse. Ac sanè de Pallanre Tacitus scribit, *sestertij ter millies possessorem fuisse*: quod quater millies, me volente, Dionis Breuiarium in Nerone expressit. Et hoc ipsum de coliberto eius Ælio Narcisso, idem Dio in Claudio narrauit. Sed aula hos beaur, inquit. Vis igitur & homines, non è Senatu vel aulâ? ecce è mediâ plebe vnum, è Plinio: *C. Asinio Gallo, C. Marcio Censorino Cos.* (id fuit sub Augusto) *C. Cecilius Claudius Isidorus* testamento suo edixit, Quamuis multa civili bello perdidisset, tamen relinquere seruorum quattuor millia centum sedecim, iuga bouum tria millia sexcenta, reliqui pecoris ducenta quinquaginta millia, in numerato Hs. * sexcenties. Funerari se iussit Hs. vndecim millibus. Vide tu tot seruos, boues, pecudes, tantum numeratæ pecuniæ: & miror agros non expressos, quos tamen suspicor habuisse, itemque villas, & ædes. Sed vut sit, familiam illam solam seruorum vide: quis Principum habet? A v d. Valdè quidem isti copiosi in seruis, quod & in Crasso notauit. Lips. Valdè. & Petronius ex more, si non ex vero, de Eumolpo suo facetissimâ narratiunculâ scripsit: Familiam quidem tam magnam per agros Numidiæ sparsam habere, ut vel Carthaginem posset capere. Certè aliquot millia esse debuerunt eorum, qui ar- mis apri: sicut & historicâ fide Vopiscus de Proculo tradit, eo tempore quo sumpsit imperium, duo millia seruorum suorum armasse. Quid Belisarius ille sub Iustiniano magnus? duodecim millia puerorum (ita loquuntur) habuisse propria, Aimoinus, Regino, alijque testantur. Nam illud quod in Athenæo adfirmatè scribitur, quale est? Quosdam Romanorum ad DECEM aut VIGINTI

Apud Tac.
xii. l. An.

xii. An.

Lib xxiij.
cap. x.

* Decies.
quinquies
et 10 mil-
lia Philip.

Lib vi.

millia seruorum habuisse, nec ut *QVÆSTVM* ex iis facerent, sed ut affeclas aut subsequas eos modò haberent. Hoc de seruis, mihi ipsi timidè tardeque credendum, & tamen credendum. De aliis armentis, simile aliquid (etsi minus est) in Vopisco item lego, de villâ Valeriani priuatâ. in quâ quingenti serui, duo millia vaccarum, equæ mille, ouium decem millia, caprarum quindecim millia fuere. Quæ mea mens, cùm ista cogito? ubi nostræ paupertinæ villæ, nec millesimis horum instructæ? Et communia hæc, certè non noua, in opibus, illo æuo: auctore Senecâ, quem audi, suo more, increpantem: *O miserum, si quem delectat sui patrimonij liber magnus, & VASTA SPATIA* terrarum colenda per vineos, & *IMMENSE* greges pecorum per provincias ac *REGNA* pascendi; & *FAMILIA* bellicosarum nationibus maior; & *AEDIFICIA* priuata laxitatem urbium magnarum vincentia. Hæc Seneca. ideoque pauca exempla talia aut scripta sunt; aut si scripta, ad nos peruenerunt. Casu factum est, quòd Cæsar prodiderit (& mihi casu incidit) T. Labienum Legatum suum in Galliis, opidum Cingulum constituisse in Piceno, & suâ pecuniâ exaedificasse. Vide in homine priuato opes & animum Principis, qui eas in tota opida struenda conuerit: quod & medici quidam apud Plinium fecere. Quid autem, quod etiam inferiore æuo, rebus & imperio labentibus, magnæ istæ opes? Olympiodori hæc excerpta audi: *Ὅτι πολλοὶ οἰκοὶ ῥωμαίων προσόδους καὶ ἐνιαυτὸν ἰδίχοντο διὰ τῶν κτημάτων ἡντῶν, αἰὰ τὰς ἀφ᾽ ἑαυτῶν χερσὶν καρπωμένα, χωρὶς τῶ σίτου καὶ τῶ οἴνου, καὶ τῶν ἄλλων ἀπαραίων εἰδῶν. ἀ εἰς τὸ τέλος συνήτεον, εἰς τὴν παρασκευὰς, τῶ εἰσφερομένου χερσὶς. τῶ δὲ μετὰ τοὺς φράτους τῶν δούλων εἶκον τῶν ῥώμης, πντὰ αἰδέα, & δέκα καρτωαείων ἢ πρόσθ' αὐτῶν: Multæ Romanorum domus (id est, earum domini) in ANNVO REDITV accipiebant è possessionibus suis, ad* quadraginta centenarios auri: idque absque frumento, vino, & aliis speciebus, quæ si venderentur, facillè trientem æquarent illati auri. Secundariæ autem domus, quindecim centenarios aut decem recipiebant. Hæc ille, sub Honorij & Arcadij æuum: quàm defectâ iam Româ, & per illam Nouam imminutâ? Atqui tot illi Centenarij (centum libræ auri in singulis) reddunt quadringenta nobis aureorum millia: & ubi frumentum, & reliqua? Atque etiam redditus tantum computat,*

De Benef.
lib. vii.
cap. x.

1. Crasil.

* Verto
Trientem:
an aliquis
Trientem
autil?

* 400000.
AN PPO.

tat, non seruos & alia multa, quæ sine fructu. Addam distinctè & vnum exemplum, in quo desino. Capitolinus de Gordiano, adhuc priuato: *Ditissimus ac potentissimus, in provinciis tantum terrarum habens, quantum nemo priuatus. Questuram magnificentissimè gessit. Aedilitatis suæ tempore, duodecim populo Romano munera, id est per singulos menses singula DE SVO exhibuit. ita vt gladiatorum nonnumquam quingena paria exhiberet, numquam minus centenis quinquagenis. Feras Lybicas vnâ die centum exhibuit, vrsos vnâ die mille: & plura deinde animalium nominationi: quæ omnia POPULO RAPIENDA concessit. Amplius de eo, auctore Cordo: In OMNIBVS ciuitatibus Campaniæ, Etruriæ, Vmbriæ, Flaminie, Piceni, DE PROPRIO illum per QUATRIDVVM ludos scenicos & Iuuenalia edidisse. Qui benè hæc tollit singula & pensitat, quique scit quid sit ludos olim edere: nescio quam trutinam reperiet ad tot illa ponderanda aut æstimanda. Diducere mihi non placet, placet abiungere: & *Opes Romanas publicè priuatimque satis videor ostendisse.* Tu abi, cæna, dormi.*

I. L I P S I
 DE MAGNITVDINE
 R O M A N A
 L I B E R I I I .

C A P V T I .

*Ad Opera Romana transitum, & primò de ligneis
 aut temporariis dictum.*



V D. Malè mihi hac nocte fuit. L I P S. Quid ita? A V D. Quia herè nimium benè. Suaues illi sermones animo inhaeserunt, & per cerebri huius spatium inerrantes, verè dico, ademerunt mihi somnum. L I P S. Aliter ego dixeram: & meministi, vltimi mei, *Dormi?* Atqui cautio erit ne sic in posterum: mittemus potiùs, aut suspendemus, hos sermones. A V D. Quin tu verbum hoc suspende: nam meruit. Itàne sermones hos tollas, in quibus vnica mihi spes solatij? nam ne nescias, vt ij qui à scorpijs sunt icti, ab iisdem remedium habent: sic ego nunc affectus. Ad te propero, qui pupugisti. L I P S. Ad me? non ego Scorpius, sed Aspis: aurem claudio ad has cantilenas. A V D. Benè est, pungat me & hec aspis, vt dormiam: & suauiter veneno infundat somnum. L I P S. Age, age, in edebor: sed nò, vt censes, suauiter mi homo: ego verò vt fastidiètes quosdam ægros medici, ad exercitia & OPERA te ducam. Ecce enim ea ordine sequuntur. Duplicia autem Romana istæ Opera, *Temporaria* & *Diuturna*. Illa, quæ subito & in breue tempus aliquod excitabantur, è terrâ aut ligno plerumque: ista, quæ in longum, & mansura, è latere, lapide, & materie firmiore. *Temporaria*, duplicia iterùm video, *in Militiâ*, & *Extra eam*: atque vtraque mereri iustam admirationem. Nam
 siue

siue militiam videas; quis *Fossas, Vallos, Aggeres*, & talia terrea; iterumque materialia, *Turres, Testudines, Musculos, Vineas*, legit, tam multa, tam crebra; & aut industriam, aut vires hæc patrantium, non æstimat & admiratur? Siue extra eam quædam, in voluptatem aut splendorem structa; quomodo idem affectus non insinuet animo vel irrumpat? Et Militaria quidem mitto, aliàs mihi explicata: pauca ex civilibus tangam. Quo in genere ludicra præcipuè fuète: vt *Theatra, Amphitheatra, Circi*, & magnæ eiusmodi moles, structæ sæpe in paucos dies, & pænè vt deijcerentur. Duo exempla in Plinio, etiam cum eius, qui tam multa ADMIRANDA viderat aut legerat, nimis admiratione. *M. Scaurus*, inquit, *fecit in Aedilitate sua opus omnium MAXIMUM, QUAE VMQVAM FVERE HVMANA MANU FACTA, non temporaria morâ, verum etiam æternitatis destinatione. Theatrum hoc fuit. Scena ei triplex, in altitudinem CCCLX. columnarum. Ima pars scena è marmore fuit, media è vitro, inaudito etiam postea genere luxurie. Summa tabulis inauratis columna, vt diximus, imæ duo de quadragenium pedum. Signa ærea inter columnas, vt indicauimus, fuerunt tria millia numero. Cæua ipsa cepit hominum LXXX. millia, cum Pompeiani theatri, toties multiplicatâ vrbe, tantoque maiore populo sufficiat largè XI. millibus. Sed & reliquus apparatus tantus, Attalicâ veste, tabulis pictis, ceteroque choragio fuit, vt in Tusculanam villam reportatis quæ superfuerauo cottidiani vsus deliciis, incensâ villâ ab iratis seruis, concremaretur ad HS. millies. Quid est? friges, nec excitatis? AVD. Nihil. ipse Plinius metepesecit, cum scripsit, non temporaria morâ, sed æternitatis destinatione factum. Me tepefecit, te refellit, qui inter Temporaria hoc refert. LIPS. Tène tam laxè Plinium capere? præuidebam, & metuebam. Sed hoc ille dictum voluit, istud Temporarium eminuissè etiam inter firma illa, & quæ æternitatis spe facta. Non aliud sanè dixit: & ecce alibi eius verba. In *M. Scauri aedilitate, tria millia signorum in scenâ tantum fuere, temporaria theatro. Audin, temporario? Iterumque alibi: Trecentas sexaginta columnas M. Scauri aedilitate ad scenam theatri temporarij & vix vno mense futuri in vsu, viderut portari silentio legum. Quos locos libentiùs adfero, quia Plinius eosdem adspexit, cum hic scripsit: vt diximus: & vt indicauimus: nempe hispanis locis. Sed quod hic etiam est: Ima pars scenæ è marmore.* J. G. O. L.*

* In ipsâ
Militariâ, &
Mechani-
câ.

Lib. xxxij
cap. vii.

Lib. xxxv
cap. ii.

* 1000000.
Phil.

cat idein suprà, in cap. VI. *Marmoreos parietes habuit scena M. Scauri, non faciliè dixerim sectos, an solidis glebis politos, sicuti est hodie Iouis Tonantis ædes in Capitolio. nondum enim secti marmoris vestigium erat in Italiâ. Vltimis item verbis, concremaretur ad Hs. millies:*) è manuscriptis aliquis mallet, *ad* bis millies:* nec nimium sit pro reliquo luxu. Alias operis partes tu per te, & otiosè, si voles, inspicere & aditupeſce: ego alterum exemplum, ex eodem Plinio, qui dictis iam subnectit. *Aufert animum, & à destinato itinere digredi cogit contemplatio tam prodigæ mentis, aliamque comecti insaniam è ligno. C. Curio, qui bello civili in Casarianis partibus obiit, funebri patris munere, cum opibus apparatuque non posset superare Scaurum (Unde enim illi vitricus Sulla, & Metella mater, proscriptionum sectrix?) cum iam ne ipse quidem Scaurus sibi comparari posset, quando hoc certè incendiij illius præmium habuit, conuectis ex orbe terrarum rebus, ut nemo postea par esset insanie illi. Ingenio ergo vtendum fuit: operæ pretium est scire quid inuenerit, & gaudere moribus nostris, ac nostro modo nos vocare maiores. Theatra duo iuxta fecit amplissima è ligno, cardinum singulorum versatili suspensa libramento: in quibus vtrisque antemeridiano ludorum spectaculo edito, inter sese auersis, ne inuicem obstreperent scenæ, & repente circumactis, vt contrà starent, postremo iam die, discedentibus tabulis, & cornibus inter se coeuntibus, faciebat Amphitheatrum, & gladiatorum spectacula edebat, ipsum magis auctoratum populum Romanum circumſcrens. Quid enim miretur quisque in hoc primum? inuentorem, an inuentum? artificem, an auctorem? ausum aliquem hoc excogitare, an suscipere? parère, an iubere? Super omnia erit populi furor, sedere ausi tam in fidâ stabiliq; sede. Quæ vilitas animarum ista? aut quæ querela de Cannis? quantum mali potuit accidere? Ecce populus Romanus vniuersus, velut duobus nauigijs impositus, binis cardinibus sustinetur, & seipsum depugnantem spectat, periturus momento aliquo, luxatis machinis. Dilatè ista Plinius, & culpans simul ac laudans. Quid autem nos? Legimus, intelligimus, vix credimus (de meo sensu hîc fateor:) & qui quantum illi cardines singuli, qui tota theatra sustinerent, verterent, iungerent, diiungerentque? De me, parum est: sed coeant ipsi artifices nostri & architectones, laborabunt in re non dicam conficiendâ, sed*

sed exputandâ. Plura huius generis passim : sed in circumfusâ rerum copiâ, excerptimus pauca & eligimus, cum iudicio, vt possum. A v d. Hic non adhibes, quod cum pacetudâ dicam. L I P s. Quid iam ? A v d. Nam ars & ordo ita præcipit, in dicendo narrandoque ascendere, &, vt ille ait, *ex fumo flammam, non ex flammâ dare fumum*. At tu culinaria operum dixisti, & minora haud dubiè dabis. L I P s. Minora ? aliter dicces, cum illa *Perpetua* & firma audies : quid si & nunc aliter in his Temporarijs ? Caij Caligulæ pons nescio an ingenio, mole certè & magnitudine vincit, sed & insanâ illâ ambitione siue periculi, siue nouitatis. Struxit eum in ipso mari, nauibus impositum, magnitudine *trium milliarium & quadrantis* : id est, toto illo spatio, quantum est à Puteolis ad Baulos. Per hunc, triumphantis ritu, cum Senatu militibusque incessit, spectante toto populo : in eodem epulatus, noctem etiam peruigilem egit, inter lasciuias & ludos. Addo autem *in paucis diebus* (nam & sic narrant) pontem hunc totum structum : vnde tam subito nauibus, armauentis, trabibus, omni aliâ materiâ conuectâ ? Immensum opus perpendenti, sed cui laudem vanitas detrahit nam quo fine structum, nisi vt destrueretur ? Simile in *Caracalla*, quem alterum *Caligulam* licet dicere. Is autem non suis solum, sed alienis opibus proteruè abusus. cum, vt Dio scribit, *adigeret homines Senatorij ordinis, quoties Româ egrediretur, domos & prætoria varia struere, item diversoria splendida : etsi in plerisque non solum non acturus hæsurusve erat, sed nec ea visurus. Amplius, ubicumque hiematurus erat, aut etiam putabatur hiematurus, cogebantur amphitheatra & circos struere, nec in sumptum quicquam ab eo capientes : & eaisa mox diruenda. Quis cum hæc legit, siue audit, non admiratur opes & splendorem Senatorum, qui patrare hæc poterant ? non item detestatur illius insaniam, qui iubebat ? Olim in populi totius voluptates, Theatra & Circi structi : nunc in vnius imaginacium vsus. Nam nec vidit hæc omnia sæpe, vt Dio dixit.*

CAP. II.

Diuturna opera, & caput omnium Roma. De situ eius, & in primis de magnitudine indagatam.

SED à damnosis istis & *Temporariis* ad *stabilia* & *utilia* veniamus, & quæ *Perpetua* dixi. In hoc genere multa sunt Romanæ magnificentiæ, nec in vrbe solum aut ipsâ Italiâ, sed per terrarum orbem sparsa. Licet dicere. diuino munere Romanos datos, ad quidquid rude, expoliendum; ad quidquid infectum, faciendum; & loca hominesque, elegantiam aut artibus, passim exornandos. Quot *Opida* noua structa? vetera ampliata, aut reparata? in ijs *Templa*, *Basilicæ*, *Fora*, *Porticus*, *Aquæductus*, *Via*, *Theatra*, *Circi*: & plura, quæ aut usum haberent, aut amœnitatem. Quid iam *Pruiatæ* structuræ, vt *Domus* aut *Ville*? omnia splendida, ab ingenio simul & pretio commendanda. Atque ego hîc hæreo. **AVD.** Quid tibi est? **LIPS.** Sine. **AVD.** Non pergis? **LIPS.** Mane inquam. **AVD.** In capite viæ sistimus? **LIPS.** In capite. imminens & vaga se aperit, nec satis scio quâ limitem eam aut stringam. Poëtæ animi causâ solent dicere,

Vnde tamen cæpti iam surgat carminis ordo? ego ex vero: & incertus animi fetor, vbi ordiar desinamque. Nam si vel singularia tantum ostendenda sunt; per omnes prouincias, vrbes, agros eundem est: vbique enim tale fuit. Infinita, inquam, ista sunt, & cum poëtâ principe,

* quæ solâ
aut flores
in vira vi-
rescunt,
Aut quot
muscæ arum
desertum
examina
hædant.

ὅσα τι πολλά καὶ αἴθρα γήνη ὄρεν,
Ἡ γὰρ μέγαν ἀδινάων ἔδρα πολλά.

Sed cogitanti hoc sedet, solam *Romam* tibi ostendere, omnium operum opus, vt sic appellem: & in quâ solâ fuit, quidquid vbique fuit. Ipsam si in parte nosti (totam ne speres): etiam illa prouincialia noueris, quæ pleraque facta ad hoc exemplar. Nam & coloniae *Capitolia* sua, *Fora*, *Basilicas*, *Theatra*, & talia, habebant ad vrbis dominæ & parentis suæ ritum. *Roma* igitur fæue, & te ostende: & paullisper è ruinis tuis, si fas est, veterem vul-

tum

tum attolle. Situū tuū primū video, & laudo: aut potius pro me Camillus ille apud Liviū, qui te bis condidit, & dum Gallis eripuit, & dum tibi ciues retinuit & firmavit. Nam absque eo abibant, & Vei iam Roma erant. Ille igitur: *Non sine causā Dī hominesque hunc Urbis condendæ locum elegerunt. saluberrimos colles; flumen opportunum, quo ex mediterraneis locis frigus deuehantur; quo maritimi conuentus accipiantur; mare vicinum ad commoditates, nec expositum nimis propinquitate ad pericula classium externarum; regionum Italiae medium.* Videamus, Auditor, paullisper horum singula: & iuuabit me recitatio, & quasi in Romā iterū sistet. A V D. Bonā veniā, quorū iam anni ex quo lustrasti? L I P S. Ipsi vigintiseptem, cū discessi: sed animū non auelli, & antiquitas amabilis, sed & religio venerabilis sæpe eò vocant. Quod ergo dicebam, Camilli ruminemut. *Saluberrimos colles.*) Hodie vix ita sunt: sed causā, solitudo & desertio; tum & auræ è vicinis paludibus vel æstuarijs, & quas alij indagent. *Flumen opportunum.*) Tiberis ille pater, qui urbem fecit: *latus circa eam, vt Dionysius monuit, quatuor iugera, (siue pedes cccc:) profundus sic, vt maximas naues suscipiat, & portet.* Addit & *Mare vicinum.*) nam distat xvi. millibus passuum, vt Plinius & Antoninus metiuntur; siue, quod idem est, *centum viginti stadiis*, vt Dionysius. Non ergo Strabonem audies, qui *centum nonaginta* ea computat: sed numerorum & librarij sui errore. In Appiano an error talis, qui non nisi *centum* stadia computat? Nam verba Censorini Consulis sunt, suadentis siue iubentis Carthaginienses, dirutā urbē suā, à mari abire: *A mari iubemus non nisi lxxx. stadia vos recedere, cū nos ipsi ab eo distemus stadiis centum.* Ego tamen hoc non mutem, & verè dictum censeam: sed aspectu latæ & magnæ illius Romæ, quæ extra prima moenia (mox dicam) in orbem se diffundebat. Ab eā ille computat: etsi fortasse parū adhuc verè aut decorè in Censorini personā. Sed æuū suū, vt fit, aspexit. Claudat Camillus, *Italiae medium esse.*) Ita, in longitudine. nam latitudinem si spectas, finem tenet. Hoc verius, quàm quod Vitruuius etiam *mundi mediam Roman* scit: nec hoc nobis persuadebit, nisi sui fortasse & Romani mundi. Hæc Camillus: sed Rutilius Gallicanus, cuius Itineta-

Lib. v. c.
cap. 1.

rium exstar, ab infimo æuo non infimi catiminis, hoc quoque in eâ miratur, quòd *munitissimo loco* sita, nec Alpibus solùm ab omni vi subitâ, sed Apennino defensa.

*Si factum certâ mundum ratione fatemur,
Consiliumque Dei machina tanta fuit;
Excubius Latus prætexuit Apenninum,
Clausuraque montanis vix adeunda viis.
Inuidiam timuit Natura, parâque putauit
Ætlois Alpes opposuisse minis.
Sicut vallauit multis vitalia membra,
Nec semel inclusit qua pretiosa tulit:
Jam tum multiplici meruit munimine cingi,
Sollicito sique habuit Roma futura Deos.*

Ista Rutilius pulchrè: sed nos à Situ *Formam* videamus. Nec veterem illam reuoco, *Quadratam*, & qualis sub Romulo fuit: perfectam & plenam considerasse sit satis. quæ rotunda propemodum fuit (etsi haud iustè tamen) & septem suos colles amplexa, grandem ambitum fecit. Quem vtinam firmiter metiri tibi possim! ah, ah. AVD. Quid suspiras? etiam iterum? LIPS. Iterumque, & ab imo pectore. Ah, cur non Romæ nunc paucos dies sum? cur non obambulo, video, metior? cur non cum viris doctis inibi confero? firmius fortassè certiusque definirem. Sed vel sic conabor. AVD. Ego in suspirio tuo rideo. Nam cur voues, quod potes, imò quòd impelleris, aut inuitaris? nonne Itali, & ipsa Roma, hoc faciunt? LIPS. Faciunt, & gratiam pro iudicio vel affectu debeo: sed quid dicam? Fatum meum primò me tenuit: mox & Rex: illud occulto decreto, hic apertâ benignitate. Ad summam, video Belgæ mihi in Belgis moriendum: etsi de reuifendâ eâ obiter non despero. Sed de nostro ambitu. scribunt veteres, Seruium Tullium regem, ad quinque colles iam inclusos vrbi, duos addidisse *Viminalem* & *Esquilinum*, & talem tantamque deinceps fuisse Romam.

Lib. 1111.

Dionysius in eâ re apertè: *Uterius verò NEQVE NVNC processit vrbis ambitus, fato aut numine, vt aiant, non permittente.* Neque nunc, inquit: quando? Augusti æuo, quo ipse scripsit. Sed ille ipse ambitus igitur quantus? idem ita docere voluit, dum subiicit: *Quòd si quis metiri ambitum eius voluerit, conferat*

cum Asbenarum vrbo, nec multo maior apparebit. Quod idem & alibi iteravit. Voluit, inquam, docere: vix nos docuit, sed suos sanè Græcos, qui Athenas norant. Nos quid? & de huius ambitu quæramus. Lego quidem in Dione Chrysostomo, Circuitum Athenarum, cum Pyraeo & Longis muris, fuisse ducentorum circiter stadiorum: quæ nobis sint viginti quinque milliaria: sed an ea inclusa Athenis suis Dionysius in hac collatione voluerit, hæremus. Tamen & ex Plutarcho simplicius colligas Athenarum ambitum, qui (in Niciâ) de Syracusarum magnitudine differens, addit, urbem Athenis non angustiores. Quantæ illæ igitur Syracusæ? Centum octoginta stadiorum, scripsit Strabo: atque ita haud longè à Dione Chrysostomo abimus; sed nec à Plinio, de ipsâ Româ, cuius locus innox videndus. Avd. Quid per ambages colligis? res hodieque liquet. & muri illi antiqui Romani ambitum habent non nisi xiiii. aut xv. milliarium, ut notant qui dimensi. Quid ergo ambigis? Lips. Hos istos, veteres non fuisse. Multa sunt, quæ arguunt: sed ipsa maximè forma sic enormis, & alibi sinuans introrsus, alibi procurrans extrorsus: prorsus, ut non à prisca illâ accuratione & elegantia, sed à novitiâ aliquâ necessitate impolitum & subitum opus videatur. Neque ambigendum est, ut innox dicam. Sed de veteri igitur ambitu, etiam Plinij locum, ut dixi, videamus, qui ex professo describit: MOENIA eius collegere AMBITV, Imperatoribus Censoribusque Vespasianis, passuum xiiii. millia ducenta. Complexa montes septem, ipsa diuiditur in Regiones xiiii. compitatorum CCLXV. Eiusdem spatij mensurâ currente à Milliaris, in capite fori Romani statuto, ad singulas portas, efficit passuum per directum xxx. millia, DCC. LXV. Ad extrema verò telorum cum castris Prætorij, ab eodem Milliaris, per vicos omnium viarum, mensura colligit paullo amplius Lxx. millia passuum. Rem totam hic habeas, si verba hæc aut tenebras suas, aut & vitia, non habereot. Inspiciamus. Mœnia ambitu colligere facit passuum xiiii. millia. Sanè hoc sit pro hodiernæ Romæ modo, si modo lectio firma: quam & prisca libri sollicitant, xxx. millia scribentes; & Leander, atque alij superioris ætatis, qui xx. millia legerunt, & defenderunt. Pergit, Eiusdem spatij mensurâ currente à Milliaris.) Intellego idem spatium, totum illum ambitum, & eo

*De quâ
Dio, Tacitus,
& le

inclusum. Hoc, inquit, spatium si metiris: vnde? à *Milliario*: & intellegit *Columnam* illam *Auream* in foro Romano statutam, in quam *Italiæ omnes viæ finiunt*, ut ait *Plutarchus*. Augusti hoc institutum fuit, qui & posuit *Columnam*, & ab eâ voluit currere mensuras. Pro hoc igitur more *Plinius* metitur, non à portâ ad portam (ut video quosdam suspicari) sed palàm à *Miliario*, quod quasi in vrbe mediâ, ad singulas portas. Sed numeri eius manifestò falsi sunt. Si xxx. millia ad quamque portam: ergo in totâ diametro LX. sunt: ergo in ambitu, *centum octoginta*. quo quid absurdius? Et simile erit, etsi minus, si à portâ ad portam xxx. sint, uti volunt. nam tunc certè triplicatâ diametro, ut solet, exsurgent milliarîa in ambitu *nonaginta*: an ipsis fatendum, aut nobis credendum? Iam in ultimâ mensiõne, *ad extrema te-
etorum*, inquit, *ab eodem Milliario*, *LXX. millia passuum*. Id quoque quî potest? crescent supra modum hæc in ambitu, nec video excusanda. Ut mihi nunc videtur (meliora auidè semper audiam, capiam, vel potius arripiam:) sed ut mihi nunc, *Plinij numeri isti corrupti sunt*, & sic reformandi. *Mama collegere ambitu passuum xxiiii. millia*. Hoc primum pono, tantam fuisse *Romam*: aut si placet, *xxii. parum in vno alteroque milliari* est. Vnde doceo? ex *Olympiodori* quibusdam *Excerptis Græcis*: in quibus ad verbum est, *Romana vrbis murus mensuratus ab Ammone geometrà, quo tempore Gothi primam inuasionem fecere, habebat spatium vnus & viginti milliariûm*. Iste vno milliario minus, quod alius addit: & *Martinus Polonus*, qui *Chronicon* scripsit: *In circuitu*, inquit, *Romæ sunt milliaria vigintiduo, præter Transsibcrium & Leoninam ciuitatem, cum quibus dicitur habere quadraginta duo milliaria*. Vnde hæc habes *Martine?* ex aliquo veterum: nam pro tuo xuo, vtrumque hoc planè est falsum. At pro veterum, & verbis *Plinij*, planissimè verum. Pro verbis, dico, *Plinij* corrigendis, & porrò videamus. Nam altera mensura erat, à *Milliario ad portas xxx. millia*. Ego dico scribenda $\infty \infty \infty$: id est, *tria millia*. Et quis nescit ex ignorantia harum notarum sæpe, cum in *Plinio*, tum *Liui*o, & alibi, peccatum? Nam putarunt *Denarias* notas esse: & inde nata illa *millia xxx*. Atqui aliter est; & sic si emendas, quanta proportio & consensus? *Roma habet in ambitu xxiiii. milliaria: à milliario*
ad

ad portam, *tria millia* & *passus septingentos sexagintaquinque*: ergo in plenâ diámetro, *septem millia quingentos triginta*: hanc triplica, nōne *xxii.* & *semis* in ambitu redduntur? At Plinius neglexit aut insuper habuit de dimidio, & rotundè *xxii.* aut *xxiii.* dixit. Simile in mensurâ vltimâ, quæ ad extrema *teſtorum* colligit *Lxx. millia*. Tu verò fac *septem millia*: & rem factam habes. Dupliciter enim incitur. à milliario primùm ad ipsos muros portasque: deinde ab eodem, ad extrema recta. Quare hoc? liquet enim Romam, quasi duplicem fuisse: & clausam muris, & alteram non clausam, quæ tamen in orbe circumiecta esset, & continentibus ædificiis instructa. Vtramque igitur dimensus, dicit hanc vltimam in semidiámetro *septem millia* habere: duplicia, sunt *quattuordecim*: triplica, erit ambitus iustissime, *quadraginta duorum*. Et nōne hoc ipsum est igitur, quod Martinus dicebat? Addo probationem huic numero alteram, ex Vopisco. Is de Aureliano Principe: *Muros vr̄bis Romæ sic ampliauit, vt quinquaginta PROPE millia murorum eius ambitus teneant*. Quod tamen Zosimus Probo Imperatori peritum opus adſcribit. Si igitur tunc *quinquaginta propemodum* (nam id notat: ergo iamantè faciliè ambitus ille ædium extremarum, *quadraginta duorum*: quia muri novi longius etiam paullo ab ædibus remoti. Ego in hac re nihil incerti vel infirmi video, nisi quòd libido quibusdam est dissentienti. Sed oboni, an adeò tale nihil alibi? Ecce, in ipsâ Italiâ vr̄bs Lororum (nec ea inter has maximas) *duodecim millia* in ambitu habuit, quod Liuius scripsit. Capuam superasse, non mihi videtur ambigendum. Quid Carthaginem illam, Romæ æmulam? *xxii. millia passuum* circumdedit, vt manuscripti Oroſiani codices præferunt; siue *xxiii.* vt Epitoma Liuiana. Ipsa Constantinopolis olim *xxii.* vt hac quoque parte comparatæ suæ esset. Denique ad Tataros & Sinenses si abeunt, hodie reperient exempla. Desino, & satis firmasse videor: nisi quòd opponi nobis possunt (nihil enim dissimulabo, & ipse sup̄nciam) duo. Prius, quòd *Milliarium* non videtur iustè fuisse in vr̄be mediâ, atque ita mensuratio faller. Nam fuit in capite, vt Plinius ait, *fori Romani*: atqui ab eo ad Tiberim, non par reliquæ vr̄bi spatium videtur, & maxime

quòd

quòd ibi *Campus Martius*, omnium consensu, extra urbem. Respondeo. ut nunc quidem Roma est, non planè medium illic esse fortasse (metiar, si illuc sim : nunc tabulis credo:) sed olim videtur fuisse. Sanè Victor, & Notitia Imperij, in foro ipso Romano, nec longè à *Milliario*, *Vmbilicum urbis* ponunt. Sed esto tamen non exactè in medio : quid refert? non sic *pro-
mptuè* omnia, & ad lineam regulamque veteres metiuntur. Non mouet me de *Campo Martio*, quem fateor extra pomerium habitum, & intra mœnia tamen fuisse. Nōne idem in *Auentino*? qui vsque ad Claudij tempora, in pomerio habitus non fuit, & tamen à Regum tempore urbi inclusus. Et campus quidem Martius etsi olim non erat, tamen Iulius Cæsar (quod Cicero ad Atticum scribit) destinabat eum includere : quæ scio an non Augustus fecerit? nam & is pomerium protulit : an denique non Nero? quem ego præcipuè puto in totâ Româ mutasse & innouasse. Et ab eo sanè facies & forma est, quam Plinius descripsit. Alterum, quod obijci potest. Olympiodorum non nisi *viginti & vnum* milliaria attribueret sub Honorio, cum Roma capta fuit : ubi ergo illa *quadragintaduobus* nostra, vel Aureliani *quingenta*? Respondeo, fuisse, & desisse. Nam ecce cum Constantinus sedem imperij transtulit, & vnâ secum tot nobiles familias abduxit, frumenti etiam trientem abstulit, denique seipsum & Aulam : nōne probabile est, Romam iterum valdè minuisse? idque in extremis & longinquis maximè, ut solet : atque ~~ita~~ reditum, collapsis aut diffectis Aureliani muris, ad veterem ambitum & modum. Alioqui & alterum mihi argumentum non inuolidum pro tanto ambitu est, ex ipso Victore & Rufo, qui *Regiones urbis* singillatim dimetiuntur. Sunt igitur quædam, ut illa *Auentini*, quæ *habent in ambitu xxxiii. millia. cccc. lxxxviii. pedes* : nōne ea reddunt *sex milliaria* amplius & *semissem*? Quid in reliquis illis *xiii*? in quibus vna item aliqua *xxx. millia pedum* habet, aliæ ferè *xvi. xv. xii* : & minima omnium *xi*. Profectò ex his iunctis ingens ambitus exurgit, & (computa si lubet) propemodum ille noster. Sed tertio aliquis dixerit, quod tu antea, muros hodiernos contra nos esse. Sunt. tu veteres eos potes credere? & ita nescis toties dirutam, incensam, vasta-

vastatam : iterumque instauratam & resectam esse ? Noli arbitrari quòd in iisdem vestigiis. nam quâ spe eiusdem frequentia, aut felicitatis ? Imò Honorius contraxit, post Belisarius, Narses, denique & Pontifices Romani. è quibus *Hadrianus primus* (vt Blondus tradit) *muros eos, qui nunc exstant, centenis aureorum millibus è Thuscidâ contractis, exstruxit.* Sed hæc apud alios leges : ego sententiam meam sine fūco liberè, & item sine pertinaciâ (quod profiteor) dixi. Hic autem sistit me & percutit miserans quædam cogitatio. Ego te Roma illa vetus, & speciosa super omnes vsquam aut vñquam vrbes, non solum non video, sed etiam quæ fueris, quæro ? Quæ fueris ? imò & vbi fueris : & quî scio, an non & aliquando, vtrum fueris quæretur ? Non magis hoc mirum, si sæcla plura current, quàm nunc de Thebis Ægyptiis aut Troiâ dubitari. Nam habet hoc ætas, vt formam primò tollat, tum rem, tum famam & nomen. O spes & res humanæ, quid estis ? quòd itis ? huc flectite. En potens & superba illa Roma, quæ VRBS AETERNA audiebat, quæ VICTVRA CVM SAECVLIS ; quæ DEORVM OPVS ET CVRA, tota periit, condita in ruinis suis iacet, & laboramus eruere, & adstruere magnitudini eius fidem.

CAP. III.

*Magnitudo Suburbiorum Roma, & hominum
in totâ Româ multitudo.*

SED philosophandi alibi sit locus : curramus nunc institutum cursum. Romam igitur duplicem habemus, veteri ambitu, & nouo: est & tertia quædam sine ambitu, & quæ in suburbiis procurrit. Ea quoque ingens, & Plinij imagine ostendenda: qui ait, *exspatiantia tecta multas addidisse vrbes.* Plures, inquam, sunt vrbes, & tot quot suburbia ipsa. Quæ Tybur, Oriculum, Ariciam, atque aliò excurrabant, sed maximè Ostiam & mare versus. Illuc vel ad xv. aut circiter milliaria procedebant : & fidem huic assertioni Neronis consilium ac destinatio faciat. cui ab hac causâ visum, *Ostiam tenus* (ait Suetonius) *mania promouere, atque inde fossâ mare veteri vrbi inducere : cû non effecit.*

De hac magnitudine iam suo æuo Dionysius : *Omnia loca circa urbem habitata sine mœnibus esse . in qua si quis intuens MAGNITVDINEM ROMAE exquirere velit , frustra eum fore , & hesurum ubi desinat vrbs , ubi incipiat . Adeò suburbana , inquit , ipsi vrbi adhaerent & innexa sunt , & speciem IMMENSÆ LONGITVDINIS exhibent spectanti .* Atque eâ mente alibi scripsit , nullam vrbiũ Græcarum siue Barbararum , vel spatij habitati amplitudine , vel imperij , tantam fuisse . At maior etiam maiorque post illum . & Aristides Rhetor (sub Hadriano vixit , cùm vrbs in summo flore) comparat eam non ineptè cum Homericâ niue : *quæ excelsorum montium iuga operit , & agros item ac pingua virorum culta .* & addit : *Descendit etiam & porrigitur AD MARE ipsum , ubi commune est emporium , & omnium è terrâ gignentium distributio .* Atque idein haud vanâ *μεγαλουργία* : *Tantam Romam esse , vt in quacumque parte quis constiterit , nihil impediat & in mediâ eum esse .* Quem locum hæc talia habeant , nisi in magnitudine istâ adstructâ ? At tu vultu renides , & fortasse animo dissentis .

AVD. Etiam verbis , si licet . LIPS. Licet verò , atque adeò inuito . AVD. Nam quæ tu sic extollis & producis , Ostiam , Tybur , aliò ; hæc omnia ego atque alius dixerit , non habitata ædificia , aut vrbis partes , sed Villas , Prætoria , & voluptarias eiusmodi domos fuisse . LIPS. Sanè alius hoc iam dixit : memini : sed quem reiicit , præter dicta , multitudo infinita hominum , quæ in vrbe hac totâ fuit . Opportunè enim & hoc argumentum addam pro magnâ meâ Româ . Possumusne igitur satis certò eam multitudinem colligere & adfirmare ? possumus è vestigiis scriptorum , quæ sagaciter ibo indagatum . Ex lapide Augusti , sæpe iam nominato , itemque è Suetonio constat , *trecenta viginti millia* aliquando fuisse plebis vrbanæ : plebis dico tenuioris , & quæ è publico victitaret : imò suprâ . Considera , & institue ratiocinium : si tanta multitudo inopum istorum , quanta iam etiam diuitum ? Quot illi Senatores aut Senatorij , quot equites , & ex ipsâ plebe honesti ? Vísine illos quoque *trecenta millia* fuisse ? age , sunt vel *ducenta* tantum : quid conficitur ? pueros feminasque addendas : & quo numero ? profectò duplo triploque (si non vltà) superarunt : & ita vbique gentium aut vrbiũ obseruamus . Si placet igitur , consumma : habemus

iamnunc

iamnunc in nostrâ Româ (vix audeo dicere) *duos hominum mil-
liones*. Quid tamen trepido? verum fortiter dicendum est, &
plura etiam addenda. A v d. Plura? at vereor ne iamnunc ex-
tra veni metas iueris, certè opinionis. L 1 p s. Plura inquam, &
vide. Nónne probabile est totidem seruos Romæ, quor libe-
ròs fuisse? A v d. Socratis instituto mecum agis, & interrogan-
do inducis. Sed ego circumueneri metuo, tu tibi responde.
LIPS. Fiat. dico totidem, dico plures. Nam tenuium quo-
tusquisque fuit (vt nunc mores) cui non vnus alterve seruulus?
At diuites illi agmina eorum, * *agmina dico* (& sic Ammia-
nus loquitur) *post se trahebant*. Vnus Pedanius Costa in Tacito,
quadringentos seruos sub tecto suo & domi habuit, cùm ab vno
eorum est interfectus. Seneca Romanis suis obiicit *seruorum
turbam, quæ quamuis magnam domum angustet*. Et crede mihi ne-
mo diuitum istorum aut lautorum fuit, cui minus centen-
is aut ducentis: qui in varia sua officia aut munia diuisi. Sed quid
ambio, aut argumenta colligo? cape certum & fidei notum te-
stem, iterùm Senecam, de suo æuo: *Dicta est aliquando sententia
in Senatu, vt seruos à liberis cultus distingueret*. Deinde apparuit,
quantum periculum immineret, si serui nostri numerare nos cepissent.
Quid clarius dici potest, seruos plures liberis fuisse? Nec sic ta-
men omnes habemus: adde. A v d. Ab eo. LIPS. Quid tibi est?
A v d. Nam tres aut quattuor miliones mihi iam struis, quan-
tum nec in prouinciis quibusdam aut regnis. Quis hæc ferat?
LIPS. Si ferre non vis, deijce: per me licet. Tamẽ rem tuam iam
sum dicturus. A v d. Rem meam? LIPS. Tuam. peregrinos tra-
duco Romam. A v d. Hem, hem inane, ô siste me illic. LIPS.
Ecce. dico Peregrinos ex toto orbe Romam olim venisse, alios
negotij sui causâ, alios publici, multos & mansionis. Ita semper
ea vrbs referta iis, cùm hi inirent, alij exirent: atque ipsa, vt
inire, admitteret, euniteret, nec cresceret minueretve. Itaque
Aristides Româ dicit esse, *velut COMMUNE TOTIVS TERRAE
OPIDVM*. Item, *omnes gentes, quasi vicatim diuisas, ad hanc suam
arcem conuenire: quæ numquam ulli se negat, sed vt terra solum fert
omnes, sic hæc OMNES HOMINES capit*. Athenæus quoq; cum eo:
apud quem ORBIS POPVLVS Romani dicuntur, ab hac causâ:
ipsa VRBS, ORBIS COMPENDIVM ET EPITOME: quæ Polemonis

* Vide su-
prâ lib. 11.
cap. 27.

Sophistę, apud Galenum, vox & elogium fuit. Eadem *vrbs vr-
bium*: quia *videre in eā est omnes vrbes collocatas*. deinde addit :
*Deficiat non vnus dies, sed quotquot habet annus, si quis adnuperare
conetur OMNES VRBES IN CAELESTI istā Vrbe positas: idque
ob nimiam copiam. Nam & TOTAE NATIONES illic simul &
confertim habitant; vt Cappadocum, Scytharum, Ponticorum, &
aliarum complures. At tu iterum renides. AVD. Et renitor quo-
que. an Græcis his credam, & sic oratoriē loquentibus? Dies
deficiat & annus numerantem: item, Tota nationes habitant: &
ista, quæ tu scis dici in speciem, in re non esse. L I P S. In re non
esse? audi, audi: quoniam Græcis parū apud te est fidei (etsi
in hac re Romanā & exterrā debebat) audi, inquam, Romanum
igitur restem, & cum Romanā fide ac candore. Is est Seneca
noster. qui sic ad Heluiam matrem: *Aspice hanc frequentiam,
cui vix vrbs IMMENSÆ TECTA sufficiunt: MAXIMÆ PARS
illius turba patriā caret, ex municipiis, ex coloniis suis, ex TOTO de-
nique ORBE TERRARVM confluxerunt. Quid ea verba tibi
videntur? vrbs immensæ tecta vix capere incolas: item, maximam
illorum partem, exteros esse: denique ex toto orbe eō concurrri. Et
ista mox iterat: ac postquā causās recensuit passim veniendi
varias (lege; & iucunda sunt:) addit: NULLVM non HOMI-
NVM genus concurrat in Urbem, & virtutibus & vitiis magna
præmia ponentem. Jube hos omnes ad nomen citari, & Unde domo
quisque sit, quare: videbis MAIOREM PARTEM esse, quæ relictis
sedibus suis venerit in MAXIMAM quidem ac PVLCHERRIMAM
urbem, non tamen suam. Quid Lucanus? nōne Romam asserit,*
—populis, vicisq̃ue frequentem**

• Gentibus, & GENERIS, coëat si turba, CAPACEM

HUMANI?

Totum orbem hîc includi potuisse ait: & quid potest clarius
pro multitudine, siue & magnitudine nostrā dici? Idem poëta
—mundi face repletam Romam scribit: ad tot scilicet illas natio-
nes aspiciens (ex Athenæo audisti) quæ incolebant: totæ in cer-
tis partibus aut regionibus etiam collocatæ. Ita Iudæi trans
Tiberim, alij alibi: atque etiam cætus & concilia sua habue-
runt. Suetonius indicat in Iulij funere: *In summo publico luctu,
exterarum gentium multitudo suo quæque more, lamentata est. Vt iam*
igitur

igitur hoc claudam & definiam, putânc & Seruos & Peregrinos minus *duobus millionibus* fecisse? Ita in vniuersum sint *quatuor* Romæ, & circa eam: nec mitius aut contractius, vt scripta veterum sunt, ego possum. Suspendum te animi video: & ego ipse pæne fluctuo: sed validi illi venti Auctoritatum nauim nostram huc impellunt, sistamus & in anchoris firmemus. A V D. Non sanè id potest. nondum in tranquillo es, ne puta. Mihi quoque adspirant venti, & ecce ab Oriente. Alexandria illa sic celebris, sic maxima, sic omnium confessione post Romam secunda, non nisi *trecenta millia* habuit *liberorum capitum*: quod Diodorus tamen quasi pro re magnâ posuit, & adfirmavit. Atquin ea nec multo Româ ipsâ minor. LIPS. Respondeo, Alexandriam longè Româ illâ triplici dictâ minorem esse: & cuius ambitus ex Plinij dimensione, non nisi *quindecim milliarium* esset. Nostra igitur maior: & ipsum hoc de Alexandriâ, contra vulgatam opinionem valeat, de Româ sic parvâ. At verò de incolis, quòd paucos eos facere Diodorus videtur: videsis, & inquire. *De liberis capitibus* dumtaxat definiuit: vbi serui igitur? vbi etiam exteri & aduentores, qui in tali negotiosâ vrbe sanè multi? Hæc attendenda sunt, sed istud maximè. quod Diodorus de suo æuo scripsit, id est Ptolomæi penultimi, & Romanæ adhuc libertatis. Atqui tunc Alexandria nondum in flore illo & culmine, ad quod sub Principibus demum peruenit. Quid autem de *trecentis millibus* magnum sit, cum Cæsarea Cappadociæ (nec ea inter vrbes principes) *quadringenta millia* incolarum habuerit? Zonaræ hoc ita proditum, vt testem etiam aduocem: & hunc ipsum numerum, aut circa, Patistorum nostra Lutetia in censum deferbat, ante ultimas istas turbas. Quid, quod Diogenes Laërtius in Empedocle prodidit, *Agrigentum Sicilia olim octingenta millia hominum inhabitasse*? Plura eiusmodi exempla sunt: sed hodie, nōne *Cairum* in Ægypto scribitur ad *septem milliones* hominum habere? & *Quinzai* illud famosum, ad *sedecies centena millia* (stupeſco) familiarum? Præ quibus nostra illa frequēs Roma decrescat; & dum fidem adstruo, perdam admirationem. A V D. Non apud me, stupeo. & ecce hodierna Roma, quàm relinquitur & abest? LIPS. Nulla comparatio: si frons est, omitte. Paullus Iouius

pro magno scripsit, *Leonis Decimi temporibus, cum omnia infelici vbertate & pace, censa Romæ octogintaquinque millia civium & inquilinorum: at verò, post cladem sub Clemente Septimo acceptam, iterum censu inito, vix ad trigintaduo millia peruentum.* Quid vrbis hîc opus est? vnus panè veteris Romæ vicus sit tam frequens. Nec mirum est nam ista hodierna, præcipuos illos colles & valles etiam, vacua habet & deserta. AVD. Optimè. is sponte, quò ducebam. Nam nōne & tua vetus *compluria habet illa vacua?* Vbique obuia templa, porticus, basilicæ, theatra, circi, fora, balneæ, thermæ, cetera publica: quæ vel magnam partem, si non inaximam, vrbis occupant. Descecte aut resiste, si potes, huic etiam vento. L I P S. Resisto, plenis velis, prorâ obuersâ. Nam ista quæ tu vacua perperam putas, ego aio plenissima fuisse. Balneas & Thermas nominasti: quid? an non in ijs multitudo curantium, ministrantium, ad obseruandum, purgandum; aquam aggerendam; lauandum etiam, fricandum, vngendum, si quis seruum non habuisset? Templa autem, Basilicæ, Fora, suos custodes & ædituos habebât, satis grandi sanè numero, ob sacrificia, ob ornatum, & tutelam. Et passim curatores, & serui item publici, in publicis istis locis. Sed duo etiam ego omisi, valdè ad frequentiam vrbis, Milites, & Palatinos. Milites tot illi, in præsidio Principis aut vrbis erant: ijs sui calones, & honestioribus serui plures: scito certò vel ad *centena millia* excreuisse. At Palatinos dico, totam Principis aulam: in quâ quot officia aut ministeria fuisse dicemus? Lapidés antiquos inspicite: dicent in parte, & suggerent materiem tibi cogitandi. Est & tertium, sed verecundè vix dico. Metetrices & scorta vtriusque sexus (proh pudor! sed res ita fuit) ingentem numerum reddiderunt, vt in vrbe quam multi cælibes, multi exteri sine vxoribus, inhabitarent aut frequerarent. Quid iam gladiatores, venatores, scænici, quadrigarij, xystici? multa millia fuerunt. & ad summam, mi Auditor, desine reflare ampliùs & opponere; aut, vides, longiùs longiusque res hæc ibit. AVD. Quiesco tuâ causâ, & credo (vt sic dicam) nec credens. Tamen vnum etiam quæsierim: si tot illîc millena millia, vnde ijs cibus? L I P S. Hoc meritò & quæris, & ego decîdam, sed paucis Senecæ verbis. *Cogitate, inquit, hanc civitatem, in quâ turba per latissima*

tiſſima itinera, ſine intermiſſione deſluens, eliditur; in qua conſumitur, QUID QUID TERRIS OMNIBVS aratur. Orbis, inquam, pænè totus hanc ſuam metropolim adibat, & alebat: quid ambigis alimenta ſuffeciſſe? Imò repete quæ ſuprà dixi, de Frumentatione: & nunc Ariſtidis hæc audi. *Mare per medium veſtrum imperium porrigitur, cui vndique ample regiones adiacent, neceſſaria pleraque vobis ſubmiſtrantes. Nam ex OMNI TERRA MARIQVE, quidquid vel anni tempora gignunt; vel regiones ſingulæ, flumini, lacus; artesq; item & ingenia tum Græcorum tum Barbarorum proferunt, ID OMNE ad vos deſertur. Itaque ſiquis talia omnia videre deſiderat; is vel per totum orbem peregrinetur neceſſe eſt, vel in veſtrâ iſtâ vrbe verſetur. Quidquid enim apud alijs vel creſcit, vel conſcitur, hic affluit & abundat. Tot autem & tanta onerariæ naues ſingulis anni temporibus appellantur, vt vrbs* COMMVNIS QVAEDAM ORBIS OFFICINA videatur.* Ecce, merces vndique habes, copias vndique, frumenta, fructus. Nec plura opus de alimentis: addânnè duo argumenta etiam multitudinis, atque vnum ex ijs iocoſum? Lampridius ſcribit, Heliogabalum ſeruis imperaſſe vt omnes araneas colligerent in vrbe: atque eos collegiſſe ad decem millia pondo. additq; Heliogabalum ſubieciſſe, *Vel hinc intelligendum QVAM MAGNA ROMA eſſet.* Verum eſt: & quot domorum angulos excuti oportuit, ad hoc pondus? & quidem domorum per omnes angulos ſcrè habitatarum? Alterum argumentum triſte, & à peſte. In Euſebij Chronico traditur ſub Veſpaſiano (eſſi verius Tito) *Ingentem Romæ luem factam, ita vt PER MVLTOS DIES in ephemeridem decē millia mortuorum reſerrentur. Decem millia nempe in dies ſingulos: nec nimium pro Româ: quando in Cæiro etiam lego, ad xx. ∞. hominum in dies abſumpta.* Itaque & in Suetonij Nerone quod vulgò legitur: *Ac*

* καὶ οὕτως
τοὶ ἱεράται
ποι.

Ca. XXXIX.

ceſſerunt tantis ex Principe malis & fortuita quedam. peſtilentia vnius Autumni quâ xxx. ſunerum millia in rationem Libitinæ venerunt: id falſum prauumq; mihi eſt. Quid enim in magnâ illâ Româ magni, cùm in noſtris opidis ea ſint exempla? Omnino reſcribendum, trecenta millia: & interpretes debebant aduertitiſſe. Concludo, & moneo, per hanc frequentiam Romæ factum, vt paullatim Italia pænè deſerta eſſet; cùm plerique cò confluerent, ob frumentationes, ludos, & alios vſus

usus aut voluptates. Varro iam suo ævo conqueritur, plerisque ex agris in urbem correpsisse, & *maluisse manus in theatro mouere, quàm in aratro.* Quod maximè fuit, post Frumentationes sic largiter & firmiter institutas: etsi Lucanus causam in ciuile bellum conijcit: quasi ab eo stirps Italiae sic accisa. Sed de solitudine quidem, eadem canit:

— *videmus*

Tot vacuas Urbes. generis quò turba redacta est

Humani? toto populi qui nascimur orbe,

Nec muros implere viris, nec possumus agros:

VRBS nos VNA capit.

Quod postremum epiphonema sanè eximium, pro eximiâ nostrâ Româ.

C A P. IIII.

De adificiis Urbis Roma communiter, & eorum altitudo.

ET Roma quidem tanta & tam frequens fuit: inimus nunc ipsam, & perambulamus, & lultramus? AVD. O si quis Deus olim hoc mihi dedisset! ô si quis nunc quoque vel per somnium in eâ sistat! LIP S. Ego is ero, confide. somnia dicam, & umbras, præut ipsa res & pulchritudo fuit. Periti viri est, mihi crede, non dicam describere, sed capere & credere qualis & quanta ea Roma fuit. Conabor, & minutula dicam: & vel sic fidem fortasse non inueniam. quid refert? aëri & herbis meis hæc sim locutus. Tria in vrbe miranda canit Claudianus:

Quâ nihil in terris completitur ALTIVS aër,

Cuius nec SPATIVM visus, nec londa DECOREM,

Nec laudem vox vlla capit.

Altitudinem ecce laudat, *Spatium*, & *Decorem*. De *Spatio* dictum, duo alia exsequamur. Quæ est *altitudo*: siue in collibus ipsis edificatio, pulchrâ specie; siue singillatim in operibus ipsis. Quod ad colles, quomodo non bellum, videre eos publicis priuatîsq; ædibus infessos, gradatim declinantes; & velut superas quasdam

dam vrbes, vrbi inferæ imminentes? Omnino fuit ea facies: & pulchrè expresseit Aristides. *Nec verò, inquit, superficiem solum soli occupat, sed longè supra exemplum in aëra altissimè ascendit. Et sicut vir aliquis, qui robore & magnitudine excellit, alios quoque in se sublato ferre gaudeat: ita & hac non quiescit, nisi & alias æquales sibi superimpositas vrbes, alteram super alteram ferat: quod nominis eius est ratio, totumque hoc quod hic videmus, robur & valentia est.* ^{* p. 101.} Adeò vt si quis eam diligenter vellet euoluere & diducere, & que nunc in sublimi sunt vrbes, aliam iuxta aliam humi collocare, quidquid Italia reliquum est, id impletum mihi iri videtur: imò futura vna aliqua vrbs ad Ionium vsque sinum. Bellè & *ποικίλως*, non nego, attollit: sed hæ figuræ originem à re habent, nec quisquam putet elationes istas, nisi cum causâ & basi esse. Itaque & Plinius, verus & seuerus talium, cùm de magnitudine dixisset: *quò, inquit, si quis ALTITVDINEM tectorum addat, dignam profectò estimationem concipiat, fateaturque NVLLIVS VRBIS MAGNITVDINEM IN TOTO ORBE potuisse ei comparari.* Quæ altitudo tamen in templis, aut publicis, fateor, maximè: vt in Rutilio, ad Romam:

*Exaudi genetrix hominum, genetrixque deorum,
Non procul à calo per tua templa sumus.*

Significat altissimè in aërem ea surrexisse: & quidni, cùm collibus etiam sæpe imposita? Ceteræ ædes, non communiter sic altæ, nec humiles tamen fuerunt. Nam Augustus Princeps, cùm ambitionem in ædificando videret atque altè attollendo, eamque cum discrimine & periculo ruinæ; siue etiam, qui aërem interciperent, & nimis inumbrarent: coërcuit, vt in Strabone scriptum est, & *septuaginta pedes* definiuit in modo ædificiorum. Nero hoc ipsum postea secutus, cùm ab incendio Romanam instauraret, *cohibuit* (vt Tacitus ait) *altitudinem ædificiorum.* Sed modum non expresseit noster: fueritque vel ille Augusti, quem obliteratum, vt solet, iam reuocauit; siue is qui Traiano postea adscribitur à Victore, *pedum sexaginta.* Sed de priore ego malim. Dices, ergone tam miranda hæc altitudo? & nonne hodie magis educimus? Interdum, non nego: sed nec sic communiter: & hoc quoque cogita, multas ædes, & in prius omnes publicas, extra legem hanc fuisse. Quid si autem & diuites

illi

illi nobiles quæ neglexerint? ego arbitror, siue gratiâ impetratâ, siue & eâ neglectâ. Et titulus sanè fuit. quia lex in futuras nouas ædes cauebat, structas non diruebat, & fas easdem sic reparare. Quidquid tamen si t, si vulgò ædes omnes *septuagenum* pedum, satis conspicua ea altitudo: præsertim vbi tecta compluuiata, aut testudinata, quod sæpe. Nostra hæc pectinata, & in angustum surgentia, aliquid de dignitate minuunt, sed & caput citatem tollunt. In tali autem illâ altitudine, quid minus quàm quaterna aut quina canacula? quorum frequentia studebant.

Lib. 11.

Vitruuius: *In eâ autem maiestate vrbs, & ciuium INFINITA FREQUENTIA, innumerabiles habitationes opus fuit explicare. Ergo cum recipere non posset area plana tantam multitudinem ad habitandum in vrbe, ad auxilium ALTITVDINIS ædificiorum res ipsa coëgit deuenire. Itaque pilis lapideis, structuris testaceis, parietibus cementicijs, altitudines exstructæ, contignationibus crebris coactæ, & cenaculorum summas utilitates perficiunt, & despectationes. Sed hæc de ædificijs nunc non exsequor: & satis de Altitudine libasse.*

CAP. V.

Decor & ornatus ædificiorum. Excerpta quadam, & primò de templo Capitolino exactius dictum.

AD Decorem transco, qui varius, in mole, in materiâ, in artificio, in symmetriâ, & siquid aliud elegantia aut peritia amat. In hac quoque parte, quin vrbs omnes orbis vrbes superauerit, nemo dubitet. nam & fidi auctores dicunt, & opes atq; ambitio Romana facillè persuadent. Quidquid artificum insigniorum Græcia aut Asia habuit, Romam euocabantur, aut vltro veniebant: quippe hinc præmia: & quidam ex ijs, quibus (vt Taciti verba usurpem) *ingenium & audacia erat, etiam quæ natura denegauisset, per artem tentare.* Sed primus aut præcipuus Decorus huius auctor Augustus, qui *vrbem, vt Suetonius ait, neque pro maiestate imperij ornata, & inundationibus incendijsque obnoxiam, excoluit adeò, vt iure sit gloriatus, Marmoream se relinquere, quam luteritiam accepisset.* Alter ab eo, Nero Imperator. qui ambi-

ambitione impulsus urbem incendit, ut novam melioremque repararet. Videbatur enim, ait Tacitus, condenda urbis novae, & cognomento suo appellanda, gloriam querere. Itaque eius iussu, urbis domus, non ut post Gallica incendia, nullâ distinctione, nec passim erecta, sed DIMENSIS VICORVM ORDINIBVS ET LATIS VIARVM SPATIIS, cohibita aedificiorum altitudine, ac patefactis areis, additisque PORTICIBVS quae frontem insularum tegerent. Easque porticus Nero sua pecunia exstruendum pollicitus est. Vides ibi quaedam praeclara & optanda in urbe, Ordines vicorum, Latitudines viarum, Porticus protegentes. Ut non temerè idem Tacitus TANTAM resurgentis urbis PVLCHRITVDINEM miretur, & scripto consignet. Quod tunc quidem publicè, sed & priuatim in omni incendio factum Seneca adnotauit: *Timagenes, felicitati urbis inimicus aiebat, Romae sibi incendia ob hoc vnum dolori esse, quod sciret meliora resurrectura quam arsisset.* Et sanè ita fuit, praesertim ad Traianum vsque; cum ab illo, & à Deo, culmen fuisse videtur pulchritudini urbanæ. AVD. Ain, tu, à Traiano? Constantino hanc laudem Nazarius tribuit, in Oratione ad ipsum: *Celeberrima quaeque urbis nouis operibus enitescunt, nec obsoleta modo per vetustatem rediuiuo cultu insigniuntur, sed illa ipsa quae ANTEHAC MAGNIFICENTISSIMA putabantur, NVNC AVRI LVCE fulgentia, INDECORAM MAIORVM PARCIMONIAM prodiderunt.* Vides quanto anteferat hæc noua, aut nouata, omnibus antiquis. LI PS. Ita, sed nempe apud Constantinum. Fidem autem laudationibus istis qui fideliter constare putat, ignarus est oratorij moris. Struxisse & instaurasse quaedam illum Principem, lubens credo; quod ad veterem artem aut splendorem, da veniam, hodie non credam. Sed nos Decorem nostrum videamus, quem Plinius communiter sic dilaudat: *Ad urbis nostrae miracula transire conuenit, & sic quoque TERRARVM ORBEM VICTVM ostendere. quod accidisse toties panè, quot referuntur miracula, apparebit. Vniuersitate verò aceruatâ, & in quemdam vnum cumulum collectâ, non alia MAGNITVDO exsurget, quam si MVNDVS ALIVS QVIDAM in vno loco narretur.* Notentur ea & ad Decorem, & ad Magnitudinem malè controuersam. Sed & Cassiodorus vero & inagno ore, de istâ urbe: *Ferunt prisci seculi narratores, fabricarum*

Lib. xxxvi.

Lib. vii.]

septem tantum terris attributa miracula. Ephesi Diana templum, regis Mausoli pulcherrimum monumentum; Rhodi Solis aeneum signum, quod Colossus vocatur; Iouis Olympici simulacrum, quod Phidias formauit; Cyri Medorum regis domum, quam Memnon fabricauit; Babylonia muros, quos Semiramis construxit; Pyramides in Aegypto. Sed quis illa ulterius precipua putabit, cum in vna vrbe tot stupenda conspexerit? Habuerunt honores, quia praecesserunt tempore: & in rudi saeculo quidquid emerisset nouum, per ora hominum iure ferebatur eximium. Nunc autem potest esse veridicum, si VNIVERSA ROMA dicatur esse MIRACVLVM. Ecce consona vtriusque iudicia, sed & voces: & Romam totam, ac per partes, Miraculum esse, & inter prima mundi spectacula, iure censent. Vis autem paullo distinctius membra pulcherrimi huius corporis videamus? AVD. Te hoc quaerere non volo, sed aueo, sed ardeo, ut vero verbo dicam. LIPS: Atqui ne nimis ardesce. nam ego non flumine te perfundam, sed leuiter aliquid aspergam e summis aquis. Tu te ingurgitabis, si voles, postea: viam designabo & praebibo. Ego autem? an ducem potius alium quaeram ex ipsa antiquitate, qui ostendat? Esto Annianus, qui Constantij ingressum in urbem Romam describens, ipsum intuentem & mirantem praecipua operum facit, atque ait: Proinde Romam ingressus, imperij virtutumque omnium larem, cum venisset ad RO-
STRA, perspectissimum priscae potentiae FORVM obstupuit: perque omne latus, quod se oculi contulissent, MIRACVLORVM DENSITATE praestriatus, allocutus nobilitatem in CVRIA, populumque pro tribunali, in PALATIVM receptus fauore multiplici, letitia fruebatur optata. Deinde intra septem montium culmina, per accliuitates planiciemque posita urbis membra collustrans, & suburbana; quidquid erat primum, id eminere inter alia cuncta sperabat: IOVIS TARPEII delubra, quantum terrena diuinis praecellunt; LAVACRA in modum prouinciarum exstructa; AMPHITHEATRI molem solidatam Lapidis Tyburtini compage; PANTHEON velut regionem teretem spaciosam celsitudine fornicatam; elatosque vertice scansili SVGGESTVS consulum, & priorum Principum imitantia portantes, & VRBIS templum, FORVMQUE PACIS, & POMPEII THEATRVM, & ODAEVM, & STADIVM, aliaque inter haec DECORA urbis aeternae. En habes, qui digitum intendat, & ducat: tu sequere, & ardorem

dorem (ita loquebaris) restingue. AvD. Iam risui & ioco me habes palàm. LIPS. Egóne? AvD. Tu, tu, & si noctua sim, sepius cantem. Nam nomenclatorem mihi das locorum, & paucorum quidem: vbi designator, enarrator, interpretes? LIPS. Adest: ego pro copiâ & scientiâ aliquid dicam, sed nec ordine quidem Ammiani. Nam etsi præcipua ille tetigit; non placet tamen ordini à *Foro* aut *Rostris*, sed potiùs à *Templis*. Diuina, à quibus rerum hominumque ortus, præeant; & totum hoc pulchritudinis agmen ipsa ducant. Nominat ille quattuor templa, *Iouis Tarpeij*, *Panthéon*, *Vrbis*, *Pacis*. Quàm pauca è multis? nam primùm hoc moneo, *quadringenta viginti quattuor templa Romæ fuisse*, quod in Notitiâ imperij proditum leges. Noli ambigere, quin pleraque ex his magnifica, & aliter atque aliter structa, vel instructa: sed Ammianus satis habuit, dignitate vel opere prima eorum dare. Itaque à *Tarpeio* exorsus est; siue *Capitolino*: non quia pulcherrimum fortasse, sed quia primarium, & Dei principis; itemque quia multâ substructionum mole, & opibus ac tempore pleraque præibat. Alioqui Plinius, vbi magnifica operum recenset, hoc omittit: imò idem quasi irritidet veteres, quòd *Aggeris vastum spatium, & Capitoliij insanas substructiones mirabantur*. Sed id non eâ mente dictum, quâ videri possit, non, inquam, deminuit aut abiicit Capitoliij ipsum opus; sed substructiones tangit, quas L. Tarquinius Priscus magnas, & *insanas*, vt ipse loquitur, circum collem fecit: dum prærupta eius adæquat, ab imo solo ingentibus lapidibus muro educto suffulcit, complanat denique in vertice, & fundamentis parat. Hæc Plinius tangit, & Dionysius clarè exsequitur, quem vide. Alioqui ipsum opus & ædificium non miratur mirabile visum: quid id possit? cùm semper inter eximia fuerit, & vrbis prima. Præter Ammianum in verbis dictis, etiam Cassiodorus sic artollit: *Capitolia celsa conscendere, hoc est ingenia humana superata vidisse*. Et res sanè dicit & facies, quam etsi tenuiter, lineis aliquot adumbrabo. Mons *Saturnius* primò dictus fuit, in quo hæc ædes, tum *Tarpeius*, & mox *Capitolinus*, à capite hominis (cui viuo *Toli* nomen fuisse Arnobius tradidit) inuento, dum fundamenta moluntur. Sed hæc nota, non vulgo nimis illud, duplex *Capitolium*.

Lib. xxvj.

Lib. III.
cap. III.

tolium fuisse, *Vetus & Nouum*. Illud in Regione sexta Circi Flaminij Victor & Notitia Imperij locant; istud in Regione octaua Fori Romani. Valerius illud intellexit certò, cùm inter sacerrima & vetustissima loca, adiurans nominat: *Per Romuli casam, perque VETERIS Capitoliij humilia tecta, & aternos Veste ignes*. Ait *Vetus*, ait *humili tecto*: quod vltimum nullo modo in *Nouum* & sublime illud conuenire potest. Puto & Martialem hæc distinguere, cùm in hominem ludit plurifariam habitantem:

Esquilis domus est, domus est tibi colle Diana,

Et tua Patricius culmina vicus habet.

Hinc vidue Cybeles, illinc sacraria Veste,

Inde NOVVM, VETEREM prospicis inde Iouem.

Cerni ab eo vtrumque Capitolum vult: *Vetus* è colle Auentino siue Dianæ, *Nouum* ex Esquilis & Vico patricio. Et si fortasse *Nouum* Iouem Domitianum suum vocat, eiusque Palatium intellegit. Sed Varro de vtroque apertius: *Capitolium Vetus*, quod ibi Sacellum Iouis, Junonis, Minervæ: & id antiquius, quàm adis quæ in Capitolio facta. Ecce, dicit illud *Vetus*, æuo prius esse quàm hoc *Nouum*, & ostendit in alio item loco fuisse. Sed dices, si prius, si alibi: vnde *Capitolium*? nam vox ea non conuenit, cùm nec mons tunc nomē illud habuerit, nec ipsum illud templum in monte. Respondeo, Varronem hoc occupasse & soluisse lectori vigilantī. Nam idē, inquit, *Capitolium* non auctor aut conditor, sed posteritas dixit; quia vt in nouo & nobili illo Capitolio, tres illi dij Præsides item colebantur. A similitudine igitur & hoc *Capitolium* est dictum, sed cum discrimine, *Vetus*. Quæras ampliùs, quis autem condidit? & hoc dicam, suggerente Cassiodoro. Nam ille in Chronico, Numæ rebus: *Capitolium quoque à fundamentis construxit*. Ignaro lectori tenebræ sint, & falsi Cassiodorum arguat, quis enim vniquam prodidit Numam auctorem Capitoliij? Et sanè distinguere debebat, & addere, *Vetus*. Ita enim est: ille auctor illius, vnde unde hoc hauserit Cassiodorus; sicut *Novi*, Tarquinius Priscus. Is complanato, vt dixi, monte, struere cœpit, ex voto quod voverat bello Sabino: idq; opido Apiolis capto, vt Plinius ex Antiæ refert, è manubijs & prædâ. Sed fato præuentus, absolendum nepoti L. Tarquinio Superbo reliquit, regum vltimo: et si

Lib. III.
cap. V.

Scruium

Seruium quoque Tullium aliquid addidisse, sociorum studio adiutum, Tacitus (sed solus, opinor) dixit. Præcipuus tamen auctor optis Superbus, qui, ut Liuius inquit, Sueffi *Pometiâ è Volscis captâ, diuenditâ prædâ, cum quadraginta talenta argenti auriq̃ue recepisset, concepit animo eam AMPLITVDINEM Jouis templi, quæ digna deum hominumq̃ue rege, quæ Romano imperio, quæ ipsius etiam loci maiestati esset.* Scribit quadraginta talenta: quæ nobis *xxiiii.* milia Philippæorum essent: sed an non *quadringenta* rescribendum, aliquis ex Dionysio iure contrectat? Nam ille, ut in re non dubiâ: *tantum prædæ, inquit, repperit, ut quinque minæ argenti obuenerint singulis militibus, decimæ autem diis sacrata fuerint non minus quadringenta talenta.* Ea essent, *ducenta quadraginta milia* Philippæorum: pecunia, haud nego, satis grandis, præsertim è solis decimis: sed res Italix & Latij tunc vberes & florentes. (quod & alibi videre est) hoc persuadent; tum & ipsum opus eâ amplitudine institutum, quam Liuius deprædicat, & quam exiguâ summâ nemo fabricetur. Nec tamen vel Tarquinius supremam manum imposuit: & *gloria operis* (ait Tacitus) *liber-
tati reseruata.* Pulsis regibus, Horatius Pulvillus Consul dedicauit, eâ *MAGNIFICENTIA, quam immensæ postea populi Romani opes orna-
rent potius, quàm augerent.* Vides & à Tacito laudari, & consummatum hoc opus Pulvillo adscribi. Quid igitur est, quod in Li-
uio, multis annis post lego, in Tribunorum militarium impe-
rio? Eodem anno, *ne priuatorum tantum operibus vrbs cresceret, Ca-
pitoliū quoque saxo quadrato substructum est, opus VEL IN HAC
MAGNIFICENTIA VRBIS CONSPICIENDVM.* Hoc narrat, post
Romam à Gallis captam, & cum ea instaurata à ciuibus fuit. Ergone tunc deniq; Capitolium saxo quadrato structum? nego de ipso edificio, fateor de monte. Itaque attende, *substructum* dicit, non *exstructum*. Est illud ipsum opus, de quo prædixi, L. Tarquinij: quod tamen rudi lapide factum, nunc mutarunt, & secto quadratoq̃ue splendidius confecerunt. Igitur Pliniana illa, de quibus item antea, magis fuerit ad hoc posterius opus referri: & istæ sunt *insanæ illæ substructiones*, è quarum ruinis vastos lapides erutos patrum etiam ætas vidit. Sed ipsum Tarquinij Capitolium quale fuit? Describit his ferè verbis Dionysius: *Situm est in altâ crepidine, habetq̃ue in ambitu octo iugera: sic ut*
latera

* In Plu-
tarcho sū-
macadem.

III. ELL.

Lib. vi.

latera singula ducentorum ferè pedum sint, exigua latitudinis & longitudinis differentiâ, nisi quòd isti illum vincit vix pedibus quindenis. Quâ parte frons eius meridiem spectat, triplici columnarum ordine circumcingitur; ab aliis lateribus, duplici. In ipso sunt tres cellæ, ex ordine, à lateribus communione parietum clausæ. Media est Iouis, vtrîque altera Iunonis, altera Minervæ, sub eodem laqueari eodemque tecto. Ita Dionysius: & verba, si placer, examineimus. Octo iugerum ambitu fuisse dicit: id est pedum octingentorum: sed sic ut quadrum esset, inò pænè quadratum, nisi quòd longitudo quindecim pedibus superaret. Fuit egregia capacitas, si consideras, & aptâ proportionem. Ait, frontem ad meridiem spectasse: id est Forum Romanum & Palatium versus, frequentissimam vrbis partem. Ergo ab eâ quoque parte centum gradus, quibus (ut Tacitus, atque alij) superbè adibat. Quos tamen continuos fuisse non arbitror, & retractiones suas habuisse, ut Vitruvius appellat: id est, arcolas, vbi fessî pedem figerent, & respirarent. quas post singulos septem aut novem graduum ordines solere interponi, architecti notarunt. Gradus autem isti haud dubiè ad maiestatem: eoque & in aliis templis, etsi pauciores, soliti vsurpari. Sed ibi ratio, hîc necessitas & locus editior voluerunt. Addit columnarum triplicem ordinem: quas L. Sullam Athenis aduexisse, è templo Iouis Olympij, Plinius nos docet. Atque eas Dionysij tempore ipsas existisse, facile arbitror: post incendium, à Vespasiano mutatas, verbum Plinij dat suspicari. Quàm multæ eæ fuerint, haud dixerim: quia varia proportio in collocandis, de quâ Vitruvius videndus. An tamen eiusdem locus non huc facit? Lib. III. cap. III. Formas Pycnostylos, Systylos, Diastylos, Areostylos, Eustylos ædium species: iis enim Græcis vocibus utuntur: & in Areostylis, inquit, nec marmoreis nec lapideis epistylis uti datur, sed imponenda sunt trabes de materia perpetuæ: & ipsarum ædium species sunt baryce, barycephala, humiles, late, ornantque signis fœculibus, aut arcibus inauratis fastigia earum, Tuscanico more. ut est ad Circum maximum Cereris, & Herculis, Pompeiani item Capitoli. Sanè Pompeianum Capitolium nemo legit, opinor; nec ipse Pompeius manum admouit, aut potuit: nisi quis accipit de Capitolio, quod Pompeiis fuerit Campaniæ opido. Nam & coloniæ, uti scimus, Capitolia sua habebat.

habebant. Sed tamen, quia utitur hîc Romanis exemplis (vide alia :) non displiceat distingui, *Herculis Pompeiani, item Capitolij.* Itaque Capitolium fuerit inter *Aræostyla*, id est raris columnis distincta. Pergit Dionysius, *tres in ipso cellas esse*, siue ut ipse appellat *ἑστῆς*. Ea res nota est, & verius Aufonij,

Trina in Tarpeio fulgent consortia templo.

Quod imitabantur item in coloniis : eoque Arnobius scripsit: *Nōne vides in Capitolis omnibus virginales esse species Minervarum?* duos alios deos ibi omittit. An autem non alij dii in Capitolio? non quidem in isto templo; excipio Iuuentutem, & Terminum: qui cedere scilicet noluerunt exaugurantibus. *Itaque eorum aræ* (ait alibi Dionysius) *continentur templi ambitu, atque una in vestibulo cellæ Minervæ est, altera in ipsâ cellâ iuxta pulvinar.*

* Hesych.
ἑστῆς, ἱερῆς
ἑστῆς, ἱερῆς
ἑστῆς, ἱερῆς
ἑστῆς, ἱερῆς

Lib. 111.

De Spec.
Qac.

Quod igitur in Tertulliano legitur: *Capitolium omnium demonum templum est.* itemque in P. Victore: *Capitolium, ubi omnium Deorum simulacra celebrantur.* in Cicrone: *Deorum domicilium:* ea inquam omnia, de ipso monte capienda sunt, qui passim & penè totus deorum aris, statuis, templis insecus: quod facile tibi inter legendum obseruitate. Sed dixerat etiam Dionysius, *cellas istas à lateribus communi pariete clausas.* Quid hoc est: ut nullum discrimen aut interpositio parietum fuerit? imò opinor fuisse, aut certè columnarum, & sacelli atque ædiculæ speciem singulas habuisse. Nam ita ipse Dionysius, *περὶ τῆς αἰθρῆς* (in verbis, quæ iam verti) *vestibulum adis Minervæ, & ut sic dicam pro templum.* Ita & Liuius: *Quadrige inauratæ posite in Capitolio, in cellâ Jovis, supra fastigium ædiculæ.* Plinius verò & *Delubrum* dixit: *Proserpina tabula fuit in Capitolio, in Minervæ delubro, supra ædiculam Iuuentutis.* Distinctio igitur: sed mens Dionysij, tres ipsas tamen cellas communi totius templi pariete clausas. Nisi quis etiam censet, *Ædiculas* istas fuisse non nisi caua quædam in ipso pariete, ad statuas illocandas: quod in Panthéo videmus: quibus non accedam. Ista ex Dionysio: an & à me aliquid addo? faciam, si priùs distinxero inter Capitolia, quæ quattuor in hoc ipso loco, ex ordine, fuere. Nam primum illud Tarquiniorum, bello ciuili Sullano, incendio periit, negligentia custodum. Alterum ipse Sulla instruxit. sed nō dedicauit: *quod vnum Felicitati suæ desuisse,* ipse apud Plinium fatetur, & Tacitus adnota-

tauit. *Lutatij Catuli nomen*, ait Tacitus, *inter tanta Caesarum opera, usq; ad Vitellium mansit*. Et si Dio tamen scribit, *Cæsari Iulio, inter alia honorum, decretum à Senatu: vt nomen eius Capitolio inscriberetur, deleto Catuli, dñq; eum admisisse*. Sed Taciti assertio firmior, mihi quidem, fideliorq;. Tertium fuit à Vespasiano. nam illud Catuli arsit ciuili iterum bello Vitelliano: atque iste reparauit iisdem vestigiis, sed & dedicauit. Dedicauit inquam, & Plutarcho scribenti hoc accredo: inagis quàm Victori, qui Domitiano tribuit: *Multa, inquit, opera inchoata per patrem, vel fratris studio, atque inprimis Capitolium, absoluit*. No vinctes hoc, ô Victor. Vespasianus absoluit, dedicauit: sed à morte eius, sub Tito, statim arsit (Suetonius, & Dio in Tito:) atq; ita quartum Domitianus instaurauit. Habes igitur quaterna Capitolia, sed in eodem loco reposita semper, & innouata. Tacitus & Dionysius quoque, id notarunt: sed verba illius: *Iisdem rursus vestigiis situm est, postquam interiecto CCCCXXV. annorū spatio, L Scipione, C. Norbano Coss. flagrauerat*. Hoc de Sullano: de Vespasiani, idem: *Pas- sim iniecta fundamentis argenti auriq; stipēs, & metallorum primitiæ nullis fornacibus victa*. Prædicere haruspices, ne temeraretur opus saxo aurōve in aliud destinato. ALTITVDO adibus adiecta. id SOLVM religio annuere, & prioris templi magnificentia defuisse creditum, quod tanta vis hominum retinenda erat. Noto obiter religionem Romanorum, qui liberaliter contulerunt ad opus faciendum, stipibus coniectis. Ille enim finis. sicut & in Cicertone scriptum de illo Sullano: id *Capitolium publicè coactis fabris, operisq; imperatis, GRATIS exedificatum atq; effectum esse, ita vt ex arario nihil darent*. Quod equidem miror satis, sed quinto in Verrem ita scripsit. AVD. Religiosum sæculum, præ nostro. sed quæ aut quanta illa multitudo hominum est, quam Tacitus retineri vult? LIPS. Haud difficilis collectu. Si enim latera pedum ducentorum, reddentur fientq; in arē pedes quadraginta millia. Da singulis insistentibus pedes quaternos (sufficiunt, cum militi in acie locato & armato Polybius det non nisi senos) da inquam quaternos: nonne vides decem millia potuisse retineri? Sed tolle aliquid, si vis, in columnas & alium apparatus: largiter tamē supererit pro octo millibus. AVD. Heu! magna capacitas, & rara talia nostra templa. LIPS. Semel omitte de nostris: vincimur, si comparatur.

ramur. Et tamen de mole aut magnitudine, tale aliquid esse potest, aut & excedere: de arte, materie, ornatu quî potest? Sed Tacitus *Altitudinem* adiectam, super priorem, disertè scribit: quæ fuit? haud diuino: pro symmetriâ latitudinis oportet ingentem fuisse. Et Silius ita indicat, apud quem Iupiter prædicit de illo Domitiani:

Aurea Tarpeia ponet Capitolia rupe,

Et iunget nostro templorum CULMINA CAELO.

Ia cælum educit: sicut & Tertullianus, Apologetico: *Nam et si à Numâ concepta religio est, nondum tamen aut simulacris aut templis res diuina apud Romanos constabat: & nulla CAPITOLIA CAELO CERTANTIA, sed temeraria de cespite altaria, & vasa adhuc Samia, & Deus ipse nusquam.* AVD. Et tu hæc recitas Lipli? LIPS. Quid ni recitem? AVD. Et attendis? LIPS. Quidni? AVD. Atqui euerunt paulloantè à te dicta, de Capitolio Numæ. Nam quomodo illud sit, & cum tribus suis diis, si tunc nulla templa, si nullæ statux? LIPS. Benè obseruasti, & de industriâ plura illa verba (vide quàm fallere voluerim) adduxi, vt expedirem: & ecce. Non negat vlla Capitolia fuisse, sed illa alta & *calo certantia*: nostra humilia cur destruat? Nam vt dem statuas nondum fuisse (quod alibi & Varro tradidit:) tamen de templis idem dicere anceps sit, & Liuius, Dionysius, Plutarchus refellant. qui desertè *Termino, Fidei, Veste* templa à Numâ posita adfirmant. Et verò si priuatæ domus, si curiæ publicæ; cur non & ea diis essent? ratio videtur velle, præsertim apud homines cultui decorum sic addictos. Sed de altitudine certiora non habeo: quæ minima esse potuit, fuit *pedum ducentorum*: sicut in Panthéo Agrippæ, par item latitudo & altitudo. AVD. Heus tu, in loco Taciti etiam me tenuit, quod ait *altitudinē adiectam*: & debuisse, quò *tanta vis hominum retineretur*. Quid ergo altitudo facit ad laxandum locum? non intellego, nisi si porticus aut inædificationes superiores aliquæ, vt hodie in quibusdā templis. LIPS. Apage, nihil difforme in vniformi isto opete: sed Taciti mens, iuuissè & decuissè altitudinem vbi multitudo, vt aër laxior ac liberior, ad respirandum, ad refrigerandum. Alioqui, vbi arcetatio & compressio, scimus quàm subito animo malè fiat. Quod tamen ad Porticus, non in ipso templo, sed circa

fuisse, pro communi structurâ, facile credam : & Tacitus indicium facit. Sed ab ædificiis iam ad Ornatum pergo: qui tamen varius in vario isto opere. Quis in Tarquinij? aliquid è Liuiο haurire est sparsim. vt libro x. *Fæneratores aliquot mulctati, & ex eo quod in publicum redactum est, ÆNEA in Capitolio LIMINA, & trium MENSARVM ARGENTEA VASA in cellâ Jouis, Jouemique in CVLMINE cum QVADRIGIS Ædiles posuerunt.* Iterū libro xxix. *Quadrigæ AVREAE eo anno in Capitolio posite ab Ædilibus.* Et libro xxxv. *Ædiles multos pecuarios damnarunt. ex eâ pecuniâ clypea inaurata in fastigio Jouis ædis posuerunt.* Denique libro xxxviii. *Sciuges in Capitolio AVRATI ab Cn. Cornelio positi: Cōsulem dedisse, inscriptum est. Et duodecim clypea arata (lego aurata) ab Ædilibus sunt posita ex pecuniâ quâ frumentarios damnarunt ob ammonam compressam.*

Lib. xxxij. & duo item signa aurata. Hæc ex Liuiο: istud è Plinio, post Carthaginem euersam, *laquearia in Capitolio inaurata esse* : id est, totum illud internum caelum & camerationem. Nec plura, dici quidem digna, notauī. Quid verò in Catuli? omnia haud dubiè, in istis iam opibus, opulentiora : illud notabile reperio, quòd sua ætas (Plinij verba) *variè de Catulo existimauerit, quòd TEGVLAS Capitoliæ AEREAS INAVRASSET primus.* De quibus & in Senecâ patre : *Fastigiatis suprâ tectis, auro puro fulgens, prælucet Capitolium.* Sanè hoc magnificum & verè splendidum fuit : & quis ille fulgor, Sole irradiante? Fuit & ad firmitatem aptum æs, & contra ætuginem aut rubiginem valuit inductum aurum. Cetera donorum & ornamentorum varia, *Coronâ aurea, Victoriæ aurea, Candelabra, vasa,* & quæ tu tibi subiicias: sed quod ex Dione omnino obseruandum, *omnibus his detractis, ex Ægyptiacâ prædâ alia victor Augustus reposuit: detractis ex Sc.* & vt tam multis his novis & melioribus locus fieret. Et si quædam veterum retenta, non ambigo: sed ordine & iudicio Augusti disposita, vt apta & concors tota facies esset. Id verò ipsum tempus fuit, quo vnâ donatione in cellam Jouis Capitolini contulit *xvi. millia pondo auri, & * quingenties Hs. in gemmis: quod in Suetonio leges. In cellam dico Iouis, quid censes in duas alias? nam & eas dona sua accepisse Dio disertim dicit. Et vel ex eo disce opes & ornatum Capitolinū: quā ingēs & ADMIRANDVS fuit, si vnus modò Principis, & vno tempore, tot dona? Pleraque tamen horum perire incendiis,

* 1600000

Philip.

* 1250000

Philip.

diis, vt opinor: & videamus vltimum Domitiani. In eo *colum-
nas Pentelicas* fuisse, quæ Athenis aduectæ item essent (vt & il-
læ Sullanæ) Plutarchus in Poplicolâ scribit: cum hoc iudicio,
quod pulchriores Athenis visæ sibi essent, quoniam Romæ dum nimis
secant & poliunt, nitorem addidissent, symmetriam detraxissent. Ce-
tera quæ & quanta, ex eiusdem Plutarchi verbis suspicemur: qui
ait in solam inaurationem, priuatum omnem modum excedentes opes
impensas, nempe supra duodecim millia talentorum. Ea sunt nobis se-
ptuagies bis centena millia Philippæorum; siue septem miliones, &
quod excedit. AVD. Huius verberas me. LIPS. Semper tiro? mi-
rum te viuere. AVD. Quid iam? LIPS. Nam assidue vulnera ac-
cipis, & oportebat iam confectum. AVD. Tua hasta Pelias est,
& vulnerat & sanat: perge. LIPS. Tanti igitur inauratio: quæ
fuit non in Lactariis solum, sed in Tegulis æreis, vt illo Ca-
tuli. de quibus Epigramma Græcum in Anthologiâ, vbi Æ-
rean domum in Palatio Byzantino laudat:

Εἴζον ἀρεοτῆγισι χῆρες καπνολίδος αὐλῆς,

Εἰ & χαλκείων ὀρέων ἀμαρύγματα πέμπεις;

Cede etiam melioribus ô Tarpeia rupes,

Et si ex æratis iacis aurea fulmina testis.

Et Procopius adnotauit, Gizerichum regem Vandalorum, cum alia
decora Romana secum in Africam vexisse, tum & partem tegularum
Iouis Capitolini inauratarum dimidiam. Nec testâ modò inaurata,
sed ipsæ Fores auratæ, & crassis laminis obductæ: quæ mansêre
ad Honorij Imp. æuum. Tunc in pecuniæ inopiâ, Stilicho man-
dasse perhibetur (scribit Zosimus) vt fores in Capitolio Romano,
quæ auro MAGNI PONDERIS erant obductæ, laminis iis spoliaren-
tur. Cum autem qui hoc facere iusserant, id agerent; in parte forium
scriptum reppererunt, INFELICI REGI SERVANTVR. Quod
euentus docuit. nam Stilicho paullo pòst infelicitè perit. Ita Zosi-
mus: nec velim nimis te, vt singularia, hæc mirari: puto in plu-
ribus templis fuisse. Poëtæ sanè aurea templa non semel appel-
lant: & auctor libelli De caussis corruptæ eloquentiæ: Quid enim
si infirmiora horum temporum templa credas, quia non rudi cemento,
& informibus tegulis exstruuntur; sed marmore nitent, & auro ra-
diantur? Marmore in parietibus, auro in lacunaribus & testis.
Ideò Micantia Rutilianus dixit:

*Confunduntque vagos delubra micantia visus,
Ipsos crediderim sic habitare deos.*

Et de Templis in cā laudatiunculā concludam.

C A P. V I.

Item de templo Panthei, Urbis, & Pacis.

A V D. Ego aperiam, & laxabo. Nam quid me tam fluxā memoriā censes, vt oblitus sim Ammianum plura laudasse? & nominatim *Panthéon, Urbis, Pacis*. Dic de singulis, nec excide tuā lineā, quam ipse duxisti. L I P S. Sed ex vno illo specimine, facile de alijs iudicare. Tamen fidei meæ causā, cape. *Panthéon* ab Agrippā genero Augusti structum fuit, & opus notum est, hodieque (etsi ornamentis omnibus spoliatum) ipsum corpus exstat. Struxit in tertio Consulatu suo, quod inscriptio frontis indicat: sed perfecit biennio post & dedicauit, anno urbis DCCXXIX. vt est in Dione. Quæ causā nominis, ipse Dio dubitat, & scribit: *Panthéon sic fortasse dicitur, quia plures deorum imagines in simulacris Veneris & Martis completeretur; vel vt ego censeo, à formā illā deuexa rotunditatis, & quia cælum referret*. Prior explicatio pluribus placita, etsi non ipsi Dioni: & lego in Glossis illis priscis, *πᾶσι θεοῖς, omnium deorum*. Sed & Athenis, atque alibi, το κοινὸν τῶν θεῶν ἱερὸν fuisse, *commune Deorum templum*, ex Pausaniā disco. Cui & origo esse apud Romanos potuit, ex communi deorum sacro: de quo Festus. *Pandicularis*, inquit, *dies dicebatur, idem & Communicarius, in quo omnibus diis communiter sacrificabatur*. Sed Dio tamen aliter: & mouit cum, credo, quod paucae & certæ in eo statuae essent, neque dijs communiter positæ. Fuit enim *Martis, Veneris, & Caesaris Julij*: ipsius *Augusti* in vestibulo cum suā posuit Agrippa. Ita Dio. quem miror *Iouis* omisisse: cum Plinius scribat, *Panthéon Ioui Vltori ab Agrippā factum*. Itaque ille præcipuus, & præses ibi Deus, fuisse videtur: sed & plures alij, eoque nomine haud male *Panthéon*, etsi Dio à cæli formā magis petit; quoniam id scilicet receptaculum & sedes Deorum. Lego autem & *Pantheus* & *Panthea*, pro ipsis Dijs: sed

* In cuius
auribus se-
dus famo-
sus ille vno
Cleopatra.
Plin. lib.
XXV.

sed aliâ significatione, itemque scripturâ; nec aliud est, quàm
omnino Deus, aut *Dea*. Idem Dio scribit, sororem Caligulae
Druſillam consecratam ab eo, & ab omnibus Pantheam dictam. In
 lapide item veteri exstat: DIVO. PANTHEO. EX. V. Sed de * Vota.
 nomine satis: in re ipsâ etiam quid me diffundam? nisi si lin-
 gua potest in istis, quod non oculus: atque ecce Romæ exstat,
 & imagines circumferuntur. AVD. Ita est. sed de ornatu qui
 periit, ecquid habes? LIPS. Pauca: sed tamen hoc inter pul-
 cherrima operum Plinius recensuit: quid mirum vel ab ipso
 isto corpore, sed spoliato & nudo? Nam artificium & symme-
 tria per omnes partes maximas, minimas, in eo mirabilis; de-
 cor, ordo, decus singularis; ut Sebastianus Serlius, vir pe-
 ritissimus talium, habendum censeat hoc velut vnicum exem-
 plar consummatae Architecturae. Latitudo atque altitudo par
 est, pedum CXLIII. Amisit de specie, quod rudera locum sus-
 tulerunt, & gradibus in templum nunc descenditur: atqui an-
 teâ ascendebarur. Tectum & ipsum æreis tegulis, quæ prægran-
 des aliquot in fornice repertæ: nec dubitandum & has auratas
 fuisse. Abstulit eas tegulas Constantinus Heraclij filius, ut ple-
 raque alia ornamenta Romæ reliqua: auxit in Siciliam, & Sa-
 raceni inuadentes omnia auferunt, in Ægyptum auhentes.
 Plura super hoc templo haud dixerim; & omnia membra
 eius descripsit & mensus est Serlius, quem fas videre. Ad-
 moneo exustum fuisse, magno illo incendio sub Tito, cum
 & Capitolium tertiò arsit. Id ita in Dionis compendio scri-
 ptum: & refecit Domitianus. de quo Cassiodorus capien-
 dus in Consulatu eius IX. *Insignissima Roma facta sunt, Fo-
 rum Traiani, Therme Traiani, Meta sudans, & Panthéon*. Sed
 nec diu post, Traiani anno XII. (quod in Eusebij Chroni-
 co est) fulmine ictum conflagrauit: & ab Hadriano restitue-
 tum, Spartianus dixit in eius vitâ. Itaque non soli ij restitue-
 runt, qui in fronte operis hodieque insculpti leguntur, L. Se-
 ptimius Seuerus, & M. Aurelius Antoninus: sed iam dicti. Mu-
 tauit & transijt in melioris templi usum, & à Venere ad no-
 stram Virginem, faciente Bonifacio quarto Pontifice, sub an-
 num Christi DCVII. Is petiit Phocam, ait Regino, *ut in veteri
 sano, quod Panthéon vocabatur, & à Domitiano fuerat exstructum,*
 Eccle-

*Ecclesiam sibi facere liceret, quod annuit Imperator. Ista de Romano Panthéo. sed reperio & in prouinciis alibi, ad hoc exemplum. Sozomenus certè in pago Betheliâ (vnde ipse oriundus) ditionis Gazensium, Panthéon fuisse ait, antiquum & apparatus templum, quod in cliuo manufacto, velut in arce situm, totum pagum despectabat: atque addit arbitrari se Syriâ voce Betheliam inde dictam, quod Græcè πᾶν θεῶν sonat, siue θεῶν οἰκὸς θεῶν, deorum domicilium. Ita ille scriptor Eccles. Hist. lib. v. cap. XIII. Sed transco iam & lustro obiter templum VRBIS. Quod istud est? inquires. nempe *Domine vrbis*, illius *Æternæ*, & *Cælestis*. O insaniam! ædificijs & inanimato corpori non vitam solùm attribuire, sed numen! Atqui fecerunt, & vrbs hæc, in quâ sedes tanti imperij, tamquam in eâ potentia & diuinitas, sic culta. Prudentius meritò irridet:*

— colitur nam sanguine & ipsa

More Deæ, NOMEN QVE loci, ceu NVMEN, adorant.

III. Hist.

* Circa annum vrbs
DLVIII.

Inuentio & adulatio à Græcis Asiaticis est: apud quos Smyrnæi (quod ipsi gloriantur, & Romanis imputant, apud Tacitum) * *primi templum VRBIS ROMAE statuerunt*. Nec defuerunt alij sequi exemplum: statimque Alabandenses in suâ vrbe struxêre. Quo fine? vt propitiâ sibi non Vrbem, sed Vrbis incolas & rectores haberent. Itaque nolunt eos hoc nescire; & in Liuiο, apud Senatum *Alabandenses templum ROMAE se fecisse commemorant*, & ludos anniuersarios instituisse ei *Dinæ*. Etiâ mne ludos? ita sanè, & isti sunt pulcherrimi, quos vel nunc in Senatu edunt. Quàm credis risisse quosdam Patrum, in his ineptis & verè Græcanicis adulationibus? ego haud minùs censeo, quàm cùm Prusias rex ab illâ Asiâ, veniret ad curiam raso capite, & pilleatus, lumen curiæ oscularetur, adoraret Senatum, & *Liberum* se clamaret *populi Romani*. Ita igitur initium, sed in prouincijs. imò nec sub Principibus statim *Romæ*, in ipsâ Româ, templum. Lego in Hadriani rebus: *Ædem Bonæ deæ transtulit, & Colossum stantem atque suspensum, per Demetrianum architetum, de eo loco in quo NVNC templum VRBIS est, ingenti molimine, ita vt operi XXI. III. elephantes exhiberet*. Ait, Colossus stetit in loco vbi nunc Vrbis templum: non ergo tunc adhuc erat. Sed ille ipse tamen Princeps fecit: imò hanc causam arbitramur translati Colossi.

Colossi. In Dionis compendio est: *Hadrianum struxisse Veneris & Romæ templum, atque eius designationem & diagramma missum ab eo ad Apollodorum insignem architectum (cui tunc offensior erat) ut ostenderet & absque eo INSIGNE OPVS posse perfici. quæsiuitque ecquid placeret structura?* Ille verò liberè respondit, & de Templo, quòd sublimius & magis cauum capaxque fieri debuisset: *ut & in viam Sacram conspectus ex alto emerget, & in cauum Machinas acciperet, quæ in occulto ibi compactæ, subito & ex improviso in Theatrum induci possent.* Hæc ita in Græco. nam interpres, quod mirere, solum *Veneris templum* posuit, *Romæ* omisit. Atqui iunctæ deæ fuere: & sic Notitia imperij, *Templum Veneris & Romæ* nominat. Prudentius:

*Atque Urbis Venerisque pari se culmine tollunt
Templa, simul geminis adolentur thura deabus.*

Nec ineptè Venus iuncta, Æneadum mater, cum suâ ptole. Vbi fuerit, ex Dione licet conijcere, qui *Via Sacra* adiungit: & Notitia in *Regione templi Pacis* ponit. Claudianus in *monte Palatino*. Nam de illo capiendum est, cùm in laudibus Sriliconis facit Prouincias venisse, & adisse supplices ipsam Romam:

*Conueniunt ad tella Dea, quæ candida lucent
Monte Palatino.*

Lib. I L.

Crederem igitur ad radices montis fuisse, circà aut in Comitio: & in diuisione tamen urbis accensitum *Regioni Pacis*. De *Machinis* autem, quod in Dione est, ad *Pegmata* pertinet: de quibus in Amphitheatro olim scripsimus: & videntur in templis opportunis disposita, composita occultè (quò admirabilia ex inopinato essent) & sub tempore ducta. Sed sequitur nunc *Templum ipsum PACIS*. AVD. Paullisper mane. & nōne *Genij publici* templum etiam lego? LIPS. Legis, sed distinctum ab isto urbis: & hoc verecundiùs paullò & minùs insolenter excogitatum. Nam *Genium* locis, regionibus, ciuitatibus tribui, satis est frequens & notum. Itaque in Dione *ναὸς τοῦ γένιου τοῦ δήμου, templum Genij populi*, aliquoties nominatur: sed diu antè *Urbis*, & quidem ab anno DCCXLI. ante Principatum Augusti. Sed & Antiochiæ, Alexandriæ, atque alibi *Templum Genij* leges. AVD. Ampliùs etiam, ruminor Sparriani verba de Hadriano: qui *Bone deæ adem transtulit, & Colossum*. Sed quæ ista *adis translatio*? si

communis, vt alibi dirutam poneret; quid miri aut narranti est? siquid ab arte aut nouum later, me doce. LIPS. Nescio. sed ædes totas transferri, mihi nouum non est, & in Batauis vidi factum. Quid, quod Tiberij æuo architectus fuit, qui *maximam porticum iacentem & inclinatam, lunâ & centonibus circumdatam* (credo, ne videri artificium posset) *funibus & machinis, multorumque hominum manibus admotis, in pristinum restituit, firmam & re-ctam*? Quod Tiberius alijque nimis mirati sunt: etsi ille inuidiâ motus, nec nomen quidem eius Actis inferi sit passus. Quod ad *Colossam* autem, nonne Roma nuper in Obeliscis sinne vidit? Sed hoc hîc notabile, quod iste architectus, nec inclinauit eum quidem, sed *stantem*, vt ait, transtulit & *suspensum*. At tu extra oleas me ducis: *Pacem* autem ego iam afferebam, tu distulisti. AVD. Egône illam? ô vbi es, non Dea quidem, sed summu[m] à Deo bonum! Veni, veni, reuise miseros Belgas, tot iam lustra ciuilibus exterisque bellis iactatos. LIPS. Iam venit, cõfide: sed Iuno aliqua eam ducit aut præit. Hanc Vespasianus Romæ consecrauit, magnâ spe & animo mansuram, post ciuilia tunc quoque bella. Id opus à Claudio incohatu[m] aliqui tradunt: sed abnuie Suetonius, & *Fecit NOVA opera Vespasianus*, inquit, *templum Pacis, foro proximum*. Habes & locum: ac nûc vestigia exstant, & ex ijs operis ipsius forma. Grande fuit, & longitudo trecentos pedes attigit, latitudo ducentos: igitur supra Capitolium ipsum. Hac causâ meritò Herodianus id appellat *μεγιστὴ καὶ καλλιστὴ τῆς ἐν τῇ πόλει ἑστῶς*: MAXIMUM & pulcherrimum omnium in urbe operum. Additque: *ditissimum* item fuisse, *ornamentis auri & argenti excultum*. Fecisse id sub initia imperij, & post triumphum, ex Iosepho discas: cuius verba lubet dare, ad vniuersam eius notificationem. Libro VII. Excidij ait: *Post triumphos, & firmam imperij constitutionem, statuit templum facere Paci: fecitque citò admodum, & pulchrius meliusque omni opinione perfecit. Magnis enim opibus in hanc rem usus, & prisorum etiam præclara omnia adhibens, picturis & statuâ pulcherrimis adornauit*. OMNIA enim in hoc templum collata & disposita sunt, ob quæ homines, videndi cupiditate, antea per TOTVM ORBEM vagabantur. Posuit & hic è Iudeorum templo vasa aurea, in ijs sibi placens: etsi Legem ipsorum, & vela tabernaculi aurea, in Regiâ suâ posuerit, ibi custodienda. Hæc Iosephus;

& Pli-

& Plinius consonat, qui passim pulcherrima aut rarissima operum adnotat fuisse in templo Pacis. Vno etiam loco scribit: *Ex omnibus que rettuli, clarissima queque in Urbe iam sunt, dicata Vespasiano Principe in templo Pacis, alijsque eius operibus, violentiâ Neronis in urbem conuecta, & in sellarijs domus aurea disposita.* Quod inagis impressiusque refero, ut tristius damnum cognoscatur, quod factum est templi huius incendio sub Commodò. Tunc enim, ut Herodianus refert, leuiteræ motu præuio, siue ictu fulminis, siue igne è terrâ exspirante, subito & improvisò totum conflagrauit, itemque Porticus, & totus eius ambitus: malo sanè augurio, ut tunc Romani haud vanè interpretabantur, perijsse sibi Pacem. Inter adiecta autem vel circumiecta, periit & Bibliotheca quæ in ambitu eius templi erat: cuius in A. Gellio memoria existat.

Lib. xxxiii.
cap. viij.

CAP. VII.

Fora Romana descripta; & distinctè Romanum, Iulium, Augustum, Transitorium, Vlpium.

DE Templis peregrinus: ex eodem Ammiano *Fora* nunc excerpto. Quid opus est? inquires. aut quid magni operis in apertâ planicie? Hoc enim, pronòstris moribus hodie, tu aut alius dixerit: quia hæc Fora parùm, aut nihil, ornati profectò habent. Area tantùm est, & ædificia cingunt, alta, humilia, splendida, vilia, denique ut priuatorum solent. Quàm aliud in Romanis Foris, sed & Græcis? de quibus Vitruuium licet audire: *Græci in quadrato* AMPLISSIMIS & DV-
PLICIBVS PORTICIBVS *fora constituunt, crebrisque* CREBRIS QVE
COLVMNIS, & lapideis aut marmoreis epistylis adornant, &
supra ambulationes in contignationibus faciunt. Atque hæc ipsa, ut addit, Romani; nisi quòd non quadrata æqualiter, sed oblonga magis faciunt, nec nisi tertiâ latitudinis parte. Sed nec columnas tam crebras interponunt: & (ut ego hoc addam) Romæ etiam magnis circumpositis ædificijs, ut *Templis, Basilicis, Chalcidicis*, magis ornabant. Ut tamen formam aliquam capias, ambitus ipse Fori porticibus

Lib. v. c. r.

claudebatur, vijs relictis & spatijs ad intrandum: exteriùs deinde, Tempia, & quæ dixi circumponebantur, & latè super Porticus illas eminebant. In paruo exemplo, nonne *Bursam*, vt vocant, Antuerpiensium vidisti? fac maiorem, & oblongam esse: habes (quod ad Porticus attinet) imaginem prisca alicuius Fori. Sed membra singula iam videamus. Ait Vitruuius, *duplices Porticus fuisse: in altitudinem, aut latitudinem? vtrumque potuit: sed credo magis in latitudinem fuisse, vt latiùs inambuleretur.* Tamen nec de illâ nego, cùm satis clarè addat, & præcipiat: *vt superiores columnæ, quartâ parte minores, quàm inferiores constituentur: propterea, quòd oneri ferûdo, quæ sunt inferiora, firmiora debet esse, quàm superiora.* Ergo & duplex columnatio in altum solita vsurpari: sed in latum sæpissimè, atque ad eò triplex, quadruplex, quintuplexque: quàm pulchrâ tot columnarum serie, & superbâ facie? Capitolinus in Galieno scribit: *quòd is Porticum Flaminiam, vsque ad Pontem Muluium parauerat ducere, vt trastsiche fieret, aut etiam pentastsiche.* Intellegit quaternos aut quinos istos ordines: qui tamen rari haud dubiè erant. Iam super istas Porticus, Ambulationes erant: quod ipsum in Antuerpiensi Bursâ. At reliqua iam, quam imaginem hodiernam admittunt, *Basilicæ & Templæ* nullam. Quid *statuæ*, & interior ille ornatus? nullam. Talia igitur Fora, vt communiter hoc præmiserim: veniamus ad ea magis singillatim. Fora duorum generum Romanæ: & in vniuersum xvii. numerant descriptores Vrbis. Erant *Ciuiilia*, erant *Venalia*: illa, in quibus res & lites agebantur; hæc, in quibus merces aut species certæ venales. vt *Suarium Forum*, *Piscatorium*, *Pistorium*, *Boarium*, *Holitorium*, & talia. In vtrisque & cœtus, ac circuli, ac sermones hominum erant, vt solet in vacuis: sed magis in Ciuilibus illis. quæ scito olim fuisse tria, *Romanum*, *Iulium*, *Augustum*. Seneca ad hunc numerum: *Infestationes, furta, fraudes, quibus trina non sufficiunt fora.* Martialis:

Atque erit in triplici par mihi nemo foro.

Erst idem Martialis quartum etiam vidit. Nam Domitianus Imp. incohauit *Forum*, quod *Transitorium* vocabant, & postea Nerua absoluit, ab eo *Nervæ* etiam dictum. Quintum denique addidit *Traianus*, ab ipso sic appellatum. Labet breuiter iustrare singula, & quædam in iis, leui oculorum iniectu, præcipua obser-

obseruare. ROMANVM igitur est, quod *Vetus* appellant, ad spectu ad hæc posteriora; itemque *Magnum*, quia, vt videtur, spatio superauit. Id à Romulo institutum, inter Capitolinum & Palatinum montes, ad huius finem: sic vt templa Capitolina ei imminerent, Palatii variæ structuræ, & varia in ambitu templa. Sed hæc postea fuere: Romuli æuo, simplex planities; L. Tarquinius Priscus postea exornauit, & *Tabernis ac Porticibus* cinxit. Alij deinde tā multa & varia (quia quisq; opus suum in conspicuā maximè & celebri parte exstare cupiebat) addiderunt: vt multæ & curiosæ curæ sit singillatim recensere. & iam Antiquarij nostri in parte maximā fecere. Strabonis hoc audi. qui vbi *Campum Martium* valde laudasset, addidit, *Que omnia si quis videret, dicat censeatque reliquam urbem, non nisi additamentum campi huius esse. At idem si in FORVM VETVS* deinde progressus, alia aliis hærentia & cōsequētia videat, *Basilicas, Porticus, Tempia; tum Capitolium ipsum, & in eo templa; tum Palatium, & Liuiæ Ambulacra*: is facili priorum obliuiscatur, & omnium quæ viderat extra urbem. Sed & Statius quædam recensuit, in Equo Domitiani. Ille enim ex ære colossū illum, & se infessorem constituit in hoc Foro, narratque & laudat poëta in primo suo carmine:

Que super imposito moles gemmata colosso

Stat Latium complexa forum?

Nam *Latium Forum*, hoc nostrum Romanum est: sed quæ *moles gemmata*? nam gemmas & lapides in ære isto fuisse, nugæ. An igitur, nitida & splendens? vt idem alibi, — *nitidis gemmantia saxis Balnea*: & alij, *gemmantem alas pavonis*. Et si alia in his caussa & aspectus, & quod olim diuinaui, in libro scripto etiam reperi, *geminata*. Omnino geminata & duplex illa moles, ipsa crepido siue basis altior; tum vir cum equo impositus super eam. Verba qui pensitatē examinat, assentietur. Sed reliqua etiam carmina poëtæ notanda antiquariis, ad sedem certam aliquot hîc ædificiorum. Nam ait:

Par operi sedes. hinc obuia limina pandit,

Qui fessus bellis, adscita munere prolis,

Primus iter nostris ostendit in athera Diuis.

At laterum passus, hinc Julia templa tuentur,

Illinc belligeri sublimis Regia Paulli,

Terga pater, blandoque videt Concordia vultu.

A fronte facit fuisse *Limina Julia*. nam de Iulio Cæsare hæc capienda quis ambiget, cum à prole adoptiuâ consecratum, primum Cæsarum, dicat? Et est ipsum templum Iulij, nisi fallor. A latere deinde *Basilica Iulia*, quam Festus ad Seruiliū lacum ponit. Nam quod vulgò legitur, & ego recitavi, *Julia templum* in Statio: ex meo scripto codice, omnino verius, *Julia testæ*. Enimuerò hæc *Ædes Iulij* in medio circiter Foro fuit: quod etiam factum in aliis Foris, & vt medium aliquod tēplum decorè esset, mox disces. Adiungo *IVLIVM FORVM*, quod C. Cæsar, etiam priuatus, & Proconsul adhuc Galliæ concepit, atque ad eò cœpit. Nam locum & aream emit, ac purgavit. magno sanè, & Suetonius dignum notari putauit ipsum pretium: *Forum*, inquit, *de manubiis incobatus, cuius area super HS. millies constitisset*. Ea summa est nobis (repeto, et si meminisse te æstimationes iam oportuit) *vicies quinquies centenū millium*. Tantūmne in solam aream? inquires. Tantum. nec mouet, quod viri docti, sed trepidi in talibus, diffidunt & mutare aut minuere vellent: falluntur. Quid? Plinio non erit etiam fides, in eadem re sic numeranti? *Pyramides regum miramur opera, cum solum tantum foro exstruendo HS. millies Cæsar Dictator emerit*. Nōne ipsā narratione & comparatione ostēdit ingentem aliquam, nec in simili re triam sumnam? ostendit. nec mirum, cum ædes plures in vrbe intinā emerit, disiecerit, ad aream purgandam. Ne diffidamus igitur, sed faueamus magno huic Cæsari, qui & antequam tantus, concepit hæc magna. Imò verò *Dictator* tunc erat, dices: ergo iam Princeps. Nego fuisse. nec Plinij ea mens est, qui addidit quidē illum titulum, sed vt hominem designaret & discerneret, non vt emptionis tēpus. Credamus Suetonio, palam hoc inter Gallicanæ liberalitatis exempla referenti. Tunc igitur emit; sed bellis impeditus aut tardatus, non nisi post bellum Africum perfecit. Appianus: *Cæsar post triumphos, Veneri Genetrici templum struxit, quod vouerat in prælio Pharsalico: & aream circum templum addidit, ibique voluit Romanis Forum esse. non id quidem rerum vanalium, sed ad LITES aut negotia conuenientium, sicut & Persis forum erat quoddam vel iuris petendi dicendique causssâ, vel & discendi*. Dio Cassius de eodem sub idem tempus narrat:

Cæsar

Cæsar forum; quod ab ipso dictum est, exstruxit. quod PVL-
CHRIVS ROMANO est, etsi dignitas illius auxit ex isto, factumque
vt MAGNVM diceretur. Atque hoc Forum, vnâ cum ade Veneris
Genetricis, auctoris sui generis, dedicauit. Nota in eius verbis, pul-
chrius Romano fuisse: quod equidem credo, vel quia à Cætare,
vel quia posteriora opera prioribus ferè antecellunt. Quod ta-
men ex Ammiano vix dixeris: qui *Julium* hoc silet, *Romanum*
extollit: & *priscæ potentie forum* appellauit, & Constantij oculos
in eo, miraculorum densitate, præstrictos. Fuit autem hoc *Iulium*
haud longè nimis à Romano, post templa *Pacis* & *Fausline*.
Transeo ad AVGVSTI FORVM: quod nominatim Plinius inter
maxima operum collocauit. Profectò gradatim scandimus, &
meliora ac maiora in his damus. De isto Suetonius: *Forum*
cum ade Martis Vltoris struxit. *Causa exstruendi, hominum & iu-*
diciorum multitudo, quæ videbatur, non sufficientibus duobus, etiam
tertio indigere. Ergo Mars hîc Vltor in medio, vt antè *Julius*, aut
Venus. Ouidius *Bisultorem* cognominat: quia & ob vindica-
tam patris necem hoc cognomen Augustus imposuit; & ob
Crassianam cladem, signis à Partho receptis. Porticus in eo, de
more, ad latera: sed hoc in iis singulare, & ab Augusti in-
uento. quòd in alterâ, ordine omnes Latini reges à capite &
principe *Æuclæ* essent; in alterâ, *Romani Reges*, aut *Duces*
clari, à Romulo ipso. Ouidius de Marte illo:

Aug. cap.
XXIX.

v. Fast.

Hinc videt ÆNEAN oneratum pendere caro,
Et tot IVLAEAE nobilitatis auos.

Hinc videt ILIADEN, humero Ducis arma ferentem,
Claraque dispositis ACTA subesse viris.

* Tropae-
orum, spo-
lias Aro-
nis onustis.Aug. cap.
XXXI.

Ille ab vtroque igitur latere hæc videbat: & de hac re Sueto-
nius. Proximum à Diis immortalibus honorem memoria Ducum præ-
stitit, qui imperium populi Romani ex minimo maximum reddidissent:
& STATVAS OMNIVM, triumphali effigie, in VTRAQVE fori sui
PORTICV dedicauit. Nam etsi *Romanos Duces* modò nominat,
sanè & illos intellegi Latinos par est, & poëta iubet: inter eos &
ipse Augustus locum habuit, atque eius *Tituli* & *Acta*. Velleius:
Diuis Augustus, præter Hispanias aliasque gentes, quarum TITVLIS
FORVM EIVS prænitet. Ergo illîc sub quoque viro aut statuâ,
sunt res gestæ breuiter & *Index*; quod *Acta* poëta dixit. Atque
istæ

istæ nouæ statux: quot deinde veteres, & prisca raræque artis?
 In Arcad. Pausanias prodidit, *Minervæ Alæ signum, ex chore totum, in
 aditu Fori Augusti stetit*: additque in eâ occasione, & ipsum, &
 reliquos Principes, pleraque ornamentorum talium undique auexisse,
 & ad opera sua ornanda traduxisse. Situm autem hoc forum,
 supra ipsum Romanum, ad latus Capitolij, post ædem hodie
Diux Martine. Quartum iam est, *Nervæ*. quod Domitianus
 incohavit, iste pertecit & agnominavit. Suetonius in Domi-
 tiano: *Nouam ædem in Capitolio excitavit Jovis custodi, & Forum,*
quod nunc Nervæ vocatur. Quomodo igitur tunc? *Transitorium*,
 ut opinor. Nam sic Lampridius, in Alexandro: *Statuas co-*
lossas, vel pedestres nudas, vel equestres, Divis Imperatoribus in
Foro Divi Nervæ, quod TRANSITORIVM dicitur, locavit: omni-
bis cum Titulis & Columnis AEREIS, quæ gestorum ordinem cõtine-
rent. exemplo Augusti, qui summorum virorum statuas, in foro suo,
è MARMORE collo ait, additis GESTIS. Locus & ad ista, &
 priora, notâbilis. videsque imitari Augustum in ornando hoc
 Foro Alexandrum voluisse: quid imitari? vincere volui dicere.
 & cum ille statuas non nisi è marmore fecisset, iste ex ære, cum
 titulis etiam & columnis. Quæ autem istæ columnæ? an qui-
 bus, loco basium, insisterent, & Acta inscripta essent? an &
 alias intellegit, quæ seorsum Porticus sustinerent? Non de
 nihilo ambigo, quoniam in Pausaniâ lego, de quibusdam ædifi-
 ciis ex ære solido, disserente: lego, inquam, fuisse talia, ut Miner-
 væ templum Sparte, quod *Chalciacon* idèò dicitur, atque item
 alibi. Sed tum addit in fidem, præsentaneum & sui ævi exem-
 plum, καὶ ῥωμαϊκῆς, inquit, ἡ ἀγορὰ καὶ τὸν θεῶν χαλκῶν, καὶ κατασκευῆς τῆς ἀλ-
 λης, θαύμα ἔσται, παρέχεται τὸν θεῶν χαλκῶν: Romanis Forum, quod
 & magnitudine & alio apparatu omni instar miraculi est, exhibet te-
 ctum & camerationem æream. Quod istud Forum tecto æreo, vel-
 lectum nominasset. nunc suspicari tamen fas est, de isto Nervæ
 capiendum: nisi de alio ædificio, quod *Chalcidicum* appella-
 bant, quodque Foris solet adiungi. Nam de tecto suspicari,
 æreis saltem tegulis, nihil est: nec hoc inter rara aut suspicienda.
 Istud porrò fuit situm, inter Capitolinum & Quirinalē colles:
 dictumque idèò *Transitorium*, quod per id in alia opportunè,
 velut transitus esset. An & quia lani in eo templum? quod quæ-

Lib. x.

tuor portarum ibi fuisse Scruius tradidit: & Martialis libro x. de eo capiendus:

*PERVIVS exiguos habitabas antè penates,
Plurima quàm medium Roma terebat iter:
Nunc tua Casareis cinguntur limina donis,
Et fora tot numeras Iane quot ora geris.*

Dicit in angusto olim, quadrifariam peruium, hunc Ianum fuisse, nunc in foro Neruæ, cingi porticibus, & quæ alia ipse struxit: sed & ab eo iter & aspectus ad alia fora esse. AVD. Vide Lipsi. non enim *Jani* in medio foro templum, sed *Minervæ* fuit. Nam ita Victor clarè: *Nervæ imperio se abdicavit, dedicato priùs Foro, quod appellatur Peruium: quo ædes Minervæ eminentior consurgit, & magnificentior.* LIPS. Siltis, & panè retroâgis me profectò. An igitur ad latus alibi *Jani* illud templum? an hoc *Minervæ* potius non in ipso medio? Nam & Statius in Siluis, de Domitiano ita scripsit:

*Sed qui limina bellicosa Iani
Iustus legibus & foro coronat.*

Coronat, inquit: ergo cinxit. Tamen quia *Minervæ* etiam ibi, familiare Principi numen, forum ipsum *Palladium* item dixerè. vt Martialis:

Limina post Pacis, Palladiumque forum.

Sed nos pergamus ad Quintum Fori, VLPIVM siue *Traiani*. Quis fecit? ipse *Traianus*: nec dabo hoc *Cassiodoro*, *Domitianum* vel cœpisse. Nam is quidè in *Domitiani* IX. consulatu, facit eum excitasse opera, *Forum Traiani*, & *Thermas Traiani*, voluit *Nervæ* dicere: & iam à nobis demonstratum. Quale autè hoc fuit? *Ammianus* paucis verbis dixerit, clamitans SINGVLAREM sub omni cælo STRUCTURAM. Quid ampliùs? etiã NVMINVM ASSENSIO-
NE MIRABILEM. Deus bone! an & cælitè terrestria hæc mirentur? etiam timeant fortasse. nam addit, GYGANTAEOS contextus fuisse, nec relatu effabiles, nec rursus mortalibus appetendos. Satis ostendit victa hoc opere, omnia illa quæ inuicta antea habebamus. Quid autem *Cassiodorus*? consentit. & *Traiani forum*, inquit, vel SVB ASSIDVITATE videre, miraculum est. Nihil potest efficacius dici aut concipi ad elegantiam, & raritatem: quæ rara scilicet & elegans esset, etiam in assiduo aspectu. Hæc commu-

* Id est,
imitandos,
aut tentan-
dos.

niter adferre possum: quid per partes? *Apollodorum* architectum fuisse, summum in arte virum, & quem *Hadrianus* postea, liuore quodam ductus, occidit. Porticus & columnas fuisse, satis scitum est: & puto in altum plures. vnde enim alioqui *gyganticos contextus* *Ammianus* diceret? Et sanè altitudo *Columnæ*, quæ in medio sita fuit, hodieq; appâret, est pedum CXXVIII: cum inscriptione, TANTAE. ALTITVDINIS. MONTEM. ET. LOCVM. TANTIS. OPERIBVS. ESSE. EGESTVM. Credo aut tam altas igitur, aut non longè infrà, Porticus ipsas fuisse. In quarum fastigiis simulacra equorum, & signorum militarium. de quibus *Agellius*: *In fastigiis fori Traiani SIMVLACRA sunt sita, CIRCVM VNDIQUE, INAURATA equorum, ac signorum militarium: subscriptumque est, Ex manubiis.* Nota hæc omnia inaurata fuisse: & probabiliter etiã Statuas quæ subter Porticus collocatæ. Quas *M. Antoninus* numero auxit: qui nobilibus viris (in *Capitolino*) bello *Germanico* defunctis, statuas in *Foro Vlpio* collocauit. Ibidem & *Templum*, & *Equum æneum* fuisse, *Victor* ostendit; & circùm *Bibliothecam*, alij. Sed de *Equo* etiã *Ammianus*. cum scribit attonitum *Constantium* hæsisse, omni spe huiusmodi quidquam conandi depulsâ: *Traiani* tamen EQVVM solum, in atrij medio locatum, qui ipsum *Principem* vehēbat, imitari se velle dictabat. Cui propè astans regalis *Hormisdas*, respondit gestu gentili, ANTE, inquit, IMPERATOR STABVLVM TALE CONDI IVBETO, SI VALES. Liberè hoc *Hormisdas*, & verè. quid autem posterij manibus tale aliquid conderent? vereor vt nos, & nostri architecti, vix mente.

Lib. XII.
cap. XIII.

CAP. VIII.

De Balneis Thermisq; & breuiter de Rostris.

AVD. Profectò, *Lipsi*, oculos mihi aperis ad hæc suspicienda: quæ ego non in magno antea habebam. *Lips.* Fortasse nec ea quæ de *Lauacris*, id est Balneis aut Thermis *Ammianus* adiunxit. *AVD.* Haud nego, magna fuisse, hoc ruinæ me docent; ornata valdè aut magnifica, nondū agnosco. *Lips.* Licet per me breuiter. Et de magnitudine quidem, nōne ea ipsa miranda

randa in tot partium ædificio & inembrorum? Ammianus ad eam, puto, respicit, cùm scribit *Lauacra in modum prouinciarum exstructa*: & quasi quæ, non vrbes, sed regiones totas æmularentur. Satis audax elatumq; dictum, fateor: sed causam habuit. & Cassiodorus item signatè laudat & suggerit MIRABILEM MAGNITVDINEM THERMARVM. Et vidisti illas parietinas hodie Antonini Thermarum, aut magis Diocletiani? mira laxitas; & hæc Olympiodori dicent. Ἦσαν δὲ, inquit, λίξα δὲ δημόσια πᾶμμεγέθη, αἱ δὲ Ἀντωνινιαναὶ ἔτα καλούμεναι, εἰς χρεῖαν τοῦ λουόμενου καὶ ἐδεῖας εἶχον ὡς πενήντας χιλίας ἑξακοσίας, ἐκ μαρμάρου καὶ ποικίλας μῆτας ἔκτισται, αἱ δὲ Διοκλητιανῶν, ἐν τοῖς δημόσιαις. Erant lauacra publica INGENTIA. sicut Antoniniana Therme dictæ, in vsum lauantium SELLAS habebant mille sexcentas, è polito marmore factas. Diocletiani autem circiter BIS TANTVM. Audin' tu? Diocletiani habuerint Sellas (aliq' *Solia* maluerunt reddere) ter mille ducentas: quid nisi igitur tot personæ inibi simul lauari potuere? Vbi iam reliquum Thermarum corpus? Cellæ, Solia, Piscinæ? Vbi capaces & longæ illæ Porticus, Xysti, Nemora, Sphæristeria, & reliquæ partes? Certè Ammianum iam capio & admitto, in tot ædificiis & varietatibus, cum Prouinciis comparantem. Ipsum etiam Flauium Blondum, qui fortiter asseruit, nec QUATTVOR MAXIMA ITALIAE PALATIA, simul iuncta, posse illas vnas Diocletiani adæquare. Ecce igitur magnitudinem: & distinctè in partibus quædam, * Sidonij epistola tibi dicet (lege, si libido

* Vide Not.
141.

* Lib. 11.
cap. 11.

MAS *calcare nolumus*. Ea verò Senecæ increpatio aut delineatio, quàm clarè sub oculos dat & ponit, non Balneas aliquas, sed Principum dixeris Aulas? Et quædam ex istis Statius, in Balneo Etrusci:

*Nil ibi plebeium, nusquam Temesæa notabis
Æra, sed ARGENTO felix propellitur vnda,
ARGENTOQ. cadit, Labrisque nitentibus instat
Delicias mirata suas.*

Significat fistulas & canales argenteos fuisse, ipsa etiam Labra. Idem de Vitro:

*Effulgent camere, vario fastigia vitro
In species animosque nitent.*

Lib. xxij.
cap. x. i. a.
Fistulas
intelligat.

Quid autem Plinius? narrat & culpat cum Senecâ: *Jam verò paedagogia ad transitum virilitatis custodiantur argento, semina lauentur, & nisi ARGENTEA solia fastidiant, eademq. materia & probris seruiat, & cibus. Videret hæc Fabricius, & STRATAS ARGENTO mulierum balneas, ita ut vestigio locus non sit cum viris lauantium.* Sed de argēto parum est: nonne & de geminis substratis Seneca dixit? Quòd si igitur Priuata hæc ita culta: credo equidem & Principes in suis, quæ publicabant, parcos aut sordidos nō fuisse. Eiusmodi Publica & Gratuita balnea, duodecim P. Victor agnoscit Romæ fuisse: omitto alia Publica, quæ Meritoria licet agnominare. Nam paruo ære, & Quadrante, ad ea lautum ibant. Quid, quod Plinius scribit *M. Agrippam in Ædilitate suâ gratuita præbuisse balnea centum septuaginta?* atque addit Plinius: *quæ nunc Romæ ad INFINITVM auxere numerum.* AVD. Hem! tot igitur & Priuata & Publica balnea? & quo fine? LIPS. Quæris? ad equitandum scilicet. & quis nescit, quòd ad lauandum? AVD. Ne sic increpa. ego hoc rogatum volebam, cur tam multa, & an tam assidua lauatō? LIPS. Assidua. & cottidie, de more, lauabant ituri iam ad cænam. Artemidorus scripsit, *Babneum nihil aliud suo æuo fuisse, quàm TRANSITVM ad cænam.* Itaque qui sæpius etiam cibum capiebant, sæpius lauabant. Commodus Imp. notatur *sæpius aut oëties in die lauasse.* Etiam inter Christianos, Sisinnius quidam Episcopus *bis in die*: non sine suspitione intemperantiæ & voluptatum. Sed ille diæterio culpantes illudit, rogatusque *Cur Episcopus cum esset, bis lauaret? Quia ter, inquit, non possum.* Significabat

gnificabat bis se comedere, bis igitur latrare; tertio non ferre valetudinem. A V D. Noua hæc nobis. L I P S. Noua, qui desijimus hunc morem: nec scio an rectè, quòd totum. Credam valetudini & vitæ profuturum, si in parte seruassemus, & cum modo: quem ingestum vetus Epigramma voluit, alibi in lapide sculptum.

* B. V. V. corrumpunt corpora nostra,
Conseruant eadem B. V. V.

* Balnea,
Vina, Ve-
næ.

Tria intellegit, quæ modicè habenda; aut cum damno habenda, vel non habenda. Sed Ammiano duce satis vidimus: abeamus. A V D. Maneamus: quid tu nescis, aut dissimulas, de Theatro, Amphitheatro, Odéo, Stadio, Suggestu consulari? L I P S. Scio, & memini: sed hæc per te satis te opinor scire. De Amphitheatro quidem scorsim libellum ego olim scripsi: idem in Theatro & Circo sit, si coner. Libri, inquam, res: quæso nunc omitte. Nec in Odéo aut Stadio multa dicenda: atque illud Plutarchus in Pericletibi describet, ad Musica certamina spectanda structum fuisse, interiore formâ sedilibus instructâ, & multis columnis: tecto declivi, & ad imaginem atque instar tabernaculi regis Persarum. A V D. Non ausim vltra te ducere. L I P S. Nec debes, fatigor. A V D. Tamen de Suggestu tria verba. L I P S. Rostra intellegi arbitror, sed ea quæ Iulia dicebant, siue Noua. Nam Vetera illa non in tanto nunc honore, vel vsu. Sed cur Suggestum ea dicit? à formâ, quam ostendit per gradus surrexisse cum dicit vertice scandi fuisse. Dicit & imitamenta priorum Principum portasse: id est vultus & statuas eorum. quas equidem arbitror in gradibus, ad extrema latera, dispositas in ordine fuisse. Eorum basim, siue ima, ornata rostris navium, ex Actiacâ victoriâ, Dio Cassius me docuit: & inde igitur Rostrorum nomen. A V D. Sed Consulium suggestum cur appellat Aminianus? L I P S. Quia initio magistratus eò conscendere solent, & populum salutare: eodem iterum, cum deponerent magistratum. Mos ab antiquo mansit: qui & adire, & orare illuc ac gratias agere populo solent, pro honore. Sed inferiori & Principum æuo, nihil factum, nisi vt conscenderent, salutarerent; itemque iurarent, aut eiurarent. Plinius de Traiano: Iam toties procedere in Rostra, hic suscipere, hic ponere magistratus, quàm dignum te fuit? Præiuit etiam: In Rostris,

Lib. vi.

simili religione, legibus te subiecisti: iurasti in legem, attendentibus Dijs. Denique Claudianus de Stilicone Consule, inter sollemnia ponit:

Circumfusa tue conscendant Rostra curules.

Ergo & sedisse illuc in Sellâ curuli videntur, & sic se ostendisse, quasi auspicij causâ.

C A P. I X.

De Statuis, & earum custodelâ.

A V D. Ah, quàm iuuant me hi aspectus! quàm doleo ab Aminiano ductore, aut te doctore, deferri! L I P S. Vide benignitatem, da manum, porrò vel solus ego ducam. A V D. O hominem & verba mellea! non voluptatem meam te dicam, sed salutem. perge sic iuuare. L I P S. Vnum etiam in his omnibus operibus locisquæ monendum, de *Statuis*: quarum incredibilis *multitudo, pretium, speciesque*. Nullum publicum opus, quodcumque nomines; nullus adeò locus publicus aut vacuus, vbi non hæc ornamenta. Et credo equidem nihil magis in totâ vrbe ADMIRANDVM elegantioribus ingenijs fuisse. Earum originem & augmentum breuiter in Cassiodoro habes: *Statuas primùm Thufci in Italia inuenisse referuntur, quas amplexa posteritas, panè PAREM POPVLVM vrbi dedit, quàm Natura procreauit.* Ludit in verbo eleganter: nec minore copiâ factos ab arte illos homines in vrbe fuisse vult, quàm istos à naturâ. Ludit in verbo, in re seriò dicit. & P. Victor in fine Descriptionis suæ claudit, TABVLAE ET SIGNA SINE NUMERO. Planè sine numero. atque ego tibi de *Tabulis* etiâ oblitus eram dicere, sed hic inonitor suggessit: quas scito magnorum illorum artificum fuisse, & ob quarum vnâ alteramque, vel Romanam philocali & elegantes illi venirent. Iam de *Pretio* statuarum, quod tetigi, quis non vel è materie cernat? Omitto marmoreas illas & æreas infinitas: dico *Argenteas, Aureas, Eburneas* fuisse. Et argenteæ quidem sub Augusto maximè increbuerunt, Plinio & Suetonio notatum: sed ille moderatus est, & suas conflauit: non ita alij Principes, & nominatim Domitianus.

Lib. VII.

Cap. 13.

ianus. qui superbo arbitrio (Suetonius scripsit) *statuas sibi in Capitolio, non nisi aureas argenteasque poni permisit, ac ponderis certi.* Nota materiem, nota pondus: & ex solido utroque igitur metallo fuisse. Fortasse autem pondus in his Statianis verbis expressum:

Da CAPITOLINIS aeternum sedibus aurum,

Quo niteant sacri CENTENO pondere vultus.

Statuam Domitiani consecrari poni que vult in Capitolio, & eam non minus centum pondo. In Capitolio, inquam. nam & hunc locum sacerrimum profanus Princeps statuis suis sedem eligebat. Plinius in Laudatione Traiani: *Itaque tuam statuam in vestibulo Iouis Opt. Max. vnam alteramve, & hanc aream, cernimus: at paullo ante ADITVS omnes, omnes GRADVS, totaque AREA, hinc AVRO, hinc ARGENTO relucebat, seu potius polluebatur, cum incesti Principis statuis permixta Decorum simulacra sorderent.* Quod autem ad illud pondus, alia etiam grauiore, ne dubita. atque addo Commodus Imp. statuam mille librarum auream habuit, cum tauro & vacca, quasi urbis conditor: quod in Dionis compendio est scriptum. Itaque nec pro magno aut vero satis habeam, quod est in Trebellij Claudio: *Populus Romanus, sumptu suo, in Capitolio ante Iouis Opt. Max. templum, statuam auream decem pondo collocavit.* Quid? Principi suo totus populus, & in tali loco, tantillam statuam ponat? Scribe, scribe, ∞ . pondo: id est mille, & hic quoque nota, millenariam notam in Denariam mutasse. Eidem Principi (idem Trebellius notat) *in Rostris posita columna est, & palmata statua superfixa, librarum argenti mille quingentarum.* Disce & hinc pondus grande in utroque meliore metallo: quod crebrum omnino fuit, & crebrius etiam misceri, & æs vel argentum inaurari. Ammianus de vulgo Romanorum nobilium: *Ex his quidam aternitati se commendari posse per Statuas* Lib. xvi. *æstimantes, eas ardenter adfectant, atq; AVRO curant IMBRACTEARI.* quod Acilio Glabrioni delatum est primò. Inauratas intellegir, quod aliquoties in lapidum titulis expressum legi, SVB AVRO. STATVAM. PONI. In eodem Ammiano, vides studium in eâ re Romanorum. quod & ante illum Dio aperuit, & simul repressum ostendit. *Urbs, inquit, statuis implebatur. quia licebat* Lib. vii. *cuique passim in Tabulâ, Ære, Marmore, se publicare. quod Claudius*
Imp.

Imp. vetuit, & plerasque iam positas loco mouit, & aliò transtulit; edixitque ne quis in posterum PRIVATVS poneret, nisi Senatus permissu: excepto, siquod OPVS PVBLICVM faceret, reficeretve. Coëtcere igitur Princeps ille voluit, quia nimia iam copia: & urbem, vias, vicos, non ornabant, sed stipabant & arctabant. Atqui exceptio quam ponit, & permissio item à Senatu, fræna iterùm laxant: & in vrbe qui non potuit, is se in villis aut agris publicabat. Ad summâ, mi Auditor, hæc vna res ad Opes item est Romanas ostendendas: & maxime si varias species Statuarum cogitas, Colossæas quasdam, Curules, Equestres, Pedestres, & habitu variante & diuerso. Quid quod equorum, leonum, sphyn gum, & variorum animalium? vt Obeliscos, & hæc talia omnittam. A V D. At enim mihi hîc cogitatio, & pænè cupiditas. L I P S. Quæ? A V D. Improbula. nam cur non fas è statuis illis aureis argenteisque Decorum vel Principum, aliquid transeuntem abradere, vel refecare? L I P S. Nefas homo, nefas. Tu è statuis Principum? capite luisse violata illa sacra. Sed nec Priuatorum licuit. A V D. Nam quis sciuisset, aut dixisset? de nocte. L I P S. Disce, imperitus es, custodiam & cautelam antiquam. Miles in vrbe excubabat. Urbanus ille & Vigilum ad templa, ad loca item publica: sed præterea certus etiam Præfectus huic Statuarum custodiæ, & qui militem haberet. Vocarunt id officij, Comitium Romanam. & Formula eius hæc in Cassiodoro legitur:

Si clausis domibus insidiari solet nequissimum votum, quanto magis in Romanâ ciuitate videtur illici, qui in PLATEIS pretiosum reperit, quod possit auferri? Nam quidam POPVLVS COPIOSISSIMVS STATVARVM, greges etiam abundantissimi EQVORVM, tali sunt cautelâ seruandi, quali & curâ videntur affixi. Tum verò addit: Quare per indictionem illam COMITIVAE ROMANAE tibi concedimus dignitatem. Officium tuum, & MILITES consuetos, noctibus potiùs inuigilare compelle: in die autem ciuitas seipsa custodit. Atque hic est qui Comes Romanus appellatus, quia Roman, & eius opera, seruabat.

Lib. VII.

CAP. X.

De Viarum magnis operibus, & nominatim de Appiâ.

AN & longiùs etiam eo? nec Romam solùm, sed quẽdam circa eam, ostendo? faciam, vt inter tantas Opes & animos, me quoque largum fieri videas & benignum. Tria occurrunt, præter Aminiano dicta, vel maximè ADMIRANDA, *Via, Aqueductus, Cloaca.* AVD. Non sustineo me, nec reprimō: tu *Cloacas* nobis inter magnifica, & sordes has inter illos splendores? Hoc verè est, quod poëta dixit: *-stellis nebulam spargere cãdidis.* LIPS. Non sic dices, vide & audi: imò & sub terrâ thesauros tibi ostendam, & latentium quorundam operum moles. Sed ordine videamus: & primò iudiciũ de his tribus Dionysij. Scriptor ille sub Augusto Romæ fuit, & per viginti annos circiter vixit: ergo benè eam vidit, nouit, & (vt viri ingenium) diiudicauit. Profert & eloquitur: *Ego sanè in tribus MAGNIFICENTISSIMIS operibus Romæ, & è quibus MAXIME APPARENT illius imperij OPES, pono AQUAEDUCTVS, VIARVM munitiones, CLOACARVM structuras. Neque id solùm ad VTILITATEM eiusmodi operũ respiciens, sed etiam ad IMPENDII sumptuumq; modum.* Ecce, hæc tria vult velut specimen & argumentum esse Romanæ opulentia & potentia: siue ab vsu consideres, siue ab impendijs & sumptu. Quod ille censuit, tu accensebis, cùm singula dispicies & intentè lustrabis. Primæ sunt *Via*, quas illi non in Vrbe solùm, sed extra eam, ad longissima spatia, plurimas, & plurimo opere, muniuerunt. Stupor me habet, cùm vel vnã Appiam considero: de quâ Procopium, non me, audi. Belisarius, inquit, *viã Latinã exercitum duxit, Appiã ad læuam dimissã.* Hanc Appius Romanorum Censor ante annos nongentos struxerat, & à se dederat nomen. Longitudinem eius quinque dierum spatium vir expeditus possit cmetiri. Ab Vrbe Romã Capuam pertinet, eã latitudine, vt duo currus ex aduerso obuij, liberè queant peruadere & commeare. Et est sanè hac via, præter ceteras, spectabilis. siquidem

Lib. i. i.

Lib. i. de bello Goth.

Appius ex aliâ & longinquâ tunc, ut reor, regione excisos lapides, & hos quidem siliceos, ac suo apte ingenio durissimos, in hanc viam vehendos curauit. Quos planos deinde at leues redditos, & quadratos incisore factos, iunxit & in ordine locauit, metalli nihil vel alterius rei inferendo. Sunt tamen ita connexi, & valide inter seherent, ut speciem visentibus praebeant, non coniunctos ita, sed congenitos esse. Et quamuis tot iam saeculis atterantur, assiduâ plaustris iumentisque: tamen neque serie suâ vel minimum exeunt & dimouentur, neque franguntur, aut leuorem suum amittunt. Hæc Græcus ille scriptor, & oculatius arbiter, extra argumentum historiæ suæ accurate inferuit, admiratione inductus, quæ stylum eò traxit. Examinemus, & libremus. Ait, Appium ante annos nongentos struxisse.] Imò octingentos quinquaginta circiter, quod Falsi dicent. Si autem strauit lapidibus Appius: quid est, quod in Liuiio legimus, Q. Fuluium Flaccum & A. Postumium Albinum Censores, vias sternendas silice in vrbe, & extra urbem glarea substruendas, marginandasque, PRIMOS OMNIUM locauisse? Quomodo enim primi omnium, cum hi fuerint Censores anno Urbis D LXXX: at Appius aliquot ætatibus præcessit? Quid, quod Flaminia via diu antè strata, & sub bellum Punicum secundum? An hoc Liuius scensit, glarea tunc primùm stratas? an potius, primos ipsos locauisse? an denique ad Censores iunctim refert? per otium examinandum sit. Obserua autem in Liuij verbis, duplicem rationem sternendi, vel Glarea, vel Silice. Quæ utraque & Tibullo notata, ad Messallam:

Namque opibus congesta tuis hic GLAREA dura

Sternitur, hic aptâ iungitur arte SILEX.

Obserua ampliùs, marginari solere: quod caput sanè erat, & Agger ille viæ cum altiusculus, & instar puluilli esset (ita solet:) firmiter arctari & stringi lapidibus grandioribus ad oras debebat, ne diffunderet & spargeretur. Hoc marginari: & ibidem etiam alij lapides duplices, & ad vsum duplicem. Priores, Cippi quidam eminentes, in quibus insidere fessis, onera reclinare, aut & ascendere ex ijs in equum fas esset. Ij crebriores dispositi per totam viam: alteri autem rariores, qui ut Columellæ exstabant, & notis numerorum incisi, milliaria notabant. Vtrumque hoc G. Græchus instituit, Plutarcho no-

tante:

tante : & gratum in vulgus fuit. Cur non esset ? experti nos peregrinantes sumus, nihil magis ad tedium, & fatigationem esse, quàm ignaros spatiorum oberrare : & contrà, refici animum ac vires eâ signatione. Quintilianus benè : *Partitio reficit audientem, non aliter, quàm facientibus iter, multum detrahunt fatigationis* NOTATA INSCRIPTIS LAPIDIBVS spatia. Rutilius eodè pertinet :

Intervalla viae seſſis præſtare videtur,

Qui notat inſcriptus MILLIA multa Lapis.

Hinc ille mos per *Lapides* computandi : quos Græci ab hac notatione *milliarium*, *ἑννεία* vocant : id est *Signa*, siue *Notas*. Sed pergit Procopius, *Longitudinem viae Appie, quinque dierum esse.* Quid ? vniuersæ eius Brundisium vsque ? non opinor, nec res est : sed Capuam dumtaxat, quò & Appius produxit : & verba Procopij ita dicunt. Notauit & Frontinus : *Appia aqua inducta est ab Appio Claudio Censore, qui & viam Appiam, à portâ Capenâ vsque ad urbem Capuam muniendam curauit.* Neque verò vltèriùs ille potuit, cùm nec vltèriores tunc Romani fines. Quis autem longiùs, & Brundisium vsque munierit, in obscuro est : munitam tamen id constat. Ecce Strabo, *Viam Appiam Tarracina facit mare primum attingere, & Brundisium vsque stratam esse.* Tacitus Libonem consultauiſſe : *utrùm habiturus esset opes, quis viam Appiam Brundisium vsque pecuniâ operiret.* Denique & Horatius :

Brundisium meliùs Numici via ducat, an Appi ?

Producta igitur : an à Iulio Cæsare, quem Plutarchus scripsit, *Appie Curatorem factum, plurimum pecunia in eam impendisse ?* an ab Augusto, qui pleraſque omnes vias per Italiam ipse, aut per alios, munierit ? Nam Plinio accedere, siue is Ne-
pos est, de *Viris illustribus*, non possum : qui *Appium viam Brundisium vsque lapidibus strauisse* scribit, vnde illa *Appia dicta*. Nam hoc sanè certum, loca ea id æui, hostilia aut aliena Romanis fuisse. Tota autem hæc longitudo est, *milliarium circiter CCCL* : nequis de *quinque diebus* Procopio dictum, huc trahat. AVD. Atqui nec Capuam vsque tanti sunt, nisi ignauo & parùm accincto viatori. LIPS. Fateor, sed flexus etiam suos & declinationes scito viam habuisse. Addit de latitudine, vt

* Sunt mil-
liaria
cxxxiii.

duo currus peruaderent.) Nescio, neque dimensus sum (alibi tamen potest, & exstat:) sed opinor igitur haud minus viginti-quinque pedes patuisse. Amplius, de materie, *ex longinquâ regione lapides aduectos, eosque siliceos.*) Silicem intellegit, durum asperumque lapidem, & è rupibus: non illum minutum & tenuem, quem vulgò vocamus, & qui in *Glaream* potiùs uenit. Illo modo Plinius, Liuius, atque alij locuti. Sed è quâ regione petiti? in viciniâ tales non esse, hoc Procopius indicauit. Onufrius Panuinus hoc ampliùs, *montes ostendi duos, ad Sinuessam unum, alterum inter Puteolos & Neapolim, è quibus saxa ea, colore & duritie FERRVM referentia, videantur excisa.* At Leander specus & fodinas in Brutijs exstare, ad *Seminariam*, è quibus lapides ad vias eruti, præsertim ad Appiam. Quidquid sit, opus mirum & laboriosum fuit. Nos in Procopio pergamus, qui addit, *Lapides planos quadratòsque fuisse.*) Conspectiuntur hodie tales, diuersâ magnitudine, *trium, quattuor, quinque* etiam pedum quaquaversus. Cetera de *iuncturâ & firmitate*, utq; *unum corpus* appareant: sunt miranda magis, quàm explicanda. AVD. Certè mirifica hæc Via: sed tu nempe vnâ & eximiam eligis, de quâ poëta,

Appia LONGARVM teritur REGINA Viarum.

aliâ non ad istam. LIPS. Mihi crede, ad istam. etsi hæc celebritate, & longitüdine eminuit: quia à Româ in Græciam, Asiam, & trans mare ducebat. Sed quid *Flaminia* via, an breuior? quæ Româ Ariminum vsque, & inde porrò Aquileiam ducebat? Nam quod ad munitionem, pleræque similes: nec in Italiâ solum plurimæ, sed in prouincijs ipsis. Isidorus scripsit: *Pænos primos lapidibus vias strauisse, quas postea Romani penè per TOTVM ORBEM disposuerunt.* Et quomodo? excisis sæpe montibus, complanatis vallibus, ut æquabiles, & faciliores ita viæ essent. Strabo: *Εξεργασαν δὲ ἔ τὰς ὁδοὺς, προσάγωντες ἐκκοπὰς τοῦ λόφου, καὶ ἐν χώραις κοιλὰς δόν, ὥστε αἱ ἀρμαμάχαι διέχουσι πορθνύσαν φορτία:* *Strauerunt & Vias, excisis montibus, vallibus repletis, ut currus vehere possint & suscipere nauium onera.* Habes vias, & ornatum: mentior, & itâne præcipuum me fugiat? præcipuum dico, si non in vsu, at splendore & voluptate. Id fuit, quòd monumenta & sepulchrâ passim ad viam assita, & latus vtrumque

que prætexebant. Quàm pulcher ille aspectus vian-
 ta & seriorum, & iocorum, materies? Illîc illustrium ingenio-
 rum, aut clarorum virorum memoria & inscriptio: alibi liber-
 torum, seruatorum, scortorum, superba monumenta. Mirari, do-
 lere, illudere, etiam detestari occasio erat: & quid in tot titu-
 lis & inscriptionibus pasci? Quædam enim à meliore inge-
 nio, & scitæ; quædam aliquâ notâ aut inuentiunculâ spectabi-
 les; & istæ quæ hodie exstant, dicent. AVD. Ita me Deus, iu-
 cundum aspectum! & ego si in tali viâ, remorer, subsistam,
 indormiam. LIPS. Sed & vtilem aspectum. Varro: *Moni-
 menta secundum viam, quò prætereuntes admoneant, & se fuisse, &
 illos esse mortales.* Quid amplius? omnium illorum qui dispa-
 ribus monumentis teguntur, parem in exitu sortem fuisse.
Æquat omnes cinis. impares nascimur, pares morimur.

Sen.

CAP. XI.

Aqueductuum mira.

SED *Aqueductus* iam nostros videamus, & pulverem for-
 desque, siquas è Viâ contraximus, abluamus. Quid in iis
 tamen hæream? Iulius Frontinus est in manibus, qui olim
Aquarum Curator, pulcherrimos libellos duos de totâ re scri-
 psit, & ad nos venerunt. Ex illo, aut aliis, quædam libabo. Diu
 igitur Roma sine *Aquæductibus*, & Tiberis, ac siqui fontes
 natiui erant, sufficiebant populo, sed nondum sic aucto. Vrbe
 dein magnâ, plenâ, & cum in collibus, procul à flumine, de-
 gerent; *Optimum rerum aqua*, vt poëta canebat, quæ sita, & per
 tubos ac canales, in fornicibus lateritiis, Romam aduecta. Id
 factum primò, anno Urbis CCCCLXII. cum Ap. Claudius Cen-
 sor, idem qui Vias sternere instituit, hoc quoque bonum in-
 uenit. Ab eo est *Aqua Appia*, per milliaria circiter *undecim* de-
 ducta. Hoc initium: sed Deus bone, quæ mox incrementa?
 Nam egebat sanè ille populus aquis, non solum ad potum, sed
 ad balnea, ad fullonicas, ad Naumachias & Circos. Atque
 ita vberim inducta fuit, vt quisque domi, aut in vicino, ha-
 beret

Pind.

beret copiam : scribitque Strabo, FLVMINA per urbem & Cloacas videri fluere, atque VNAMQVAMQUE DOMVM propemodum habere fistulas & canales, quibus aquam inducat. De eadem re Plinius: Siquis diligentius astimauerit AQVARVM ABUNDANTIAM in publico, Balneis, Piscinis, Domibus, Euripis, Hortis, Suburbanis villis, spatioque aduenientium exstructos ARCUS, montes per fossos, conualles aquatas, fatebitur NIHIL MAGIS MIRANDVM fuisse in TOTO ORBE terrarum. Copiam habes, molem in adducendo habes, miraculum super omnia mira orbis, Plinio quidem iudice, habes. Quid Cassiodorus de istis ! Formas ipse appellat hos Ductus, quod & Iurisconsulti, atque inferior ætas fecit. De ijs igitur : In Formis Romanis vtrumque præcipuum est, vt & FABRICA sit mirabilis, & aquarum SALVBRITAS singularis. Quot enim illic FLVMINA quasi constructis MONTIBVS perducuntur ? naturales credas alueos, soliditates saxorum: quando tantus impetus fluminis tot seculis potuit sustineri Credamus hoc ergo iam Frontino, paucis fideisque verbis effanti: MAGNITVDINIS Romani imperij, id PRAECIPVVM esse indicium. Benè & verè. quia non Romæ tantum, sed in coloniis plerisque, & maioribus opidis, hæc fuere. Sed norimus Romanos, & alios, ab his exemplis. Ij fuere in urbem perducti quattuordecim (vt Procopius eos numerat) coctili laterculo per priscos illos adificati, eâ LATITVDINE ac simul ALTITVDINE, vt vir eques commodè per eos possit incedere. Vide an non verè aluci quidam fluminum dicantur, cum tam magnis amplisque canalibus aquas vehant. Sed hæc altitudo, de ipsis modò est: quid Arcus & Fornices arbitaris ? quos in quibusdam locis subleuatos centum nouem pedes, Iulius Frontinus affirmat. O rem stupendam ! & magis, quod à tot milliaribus continuo opere (et si non vbique sic alto) perducebant. Reperies quosdam à QVADRAGESIMO milliari perductos esse : & nempe per valles, per montes, per tot inæqualia, supra, infra terram : ô iterum rem stupendam ! & Rutiliuin audi :

Quid loquar AERIO pendentes fornice riuos?

Quâ vix IMBRIFERAS TOLLERET IRIS AQVAS.

Hos potius dicas creuisse in sidera MONTES.

Tale GYGANTAEVM Græcia laudat opus.

Sunt

Sunt certè, aut videantur, opera Gygantum, an Geniorum aliquis dicat? & mens obnubilat Architectis nostris, cum vel reliquias paucas & ruinas vident. Exstant iuxta Sublaqueum *Aquæductus Claudiani* fornices, & ingentes pilæ sustentantes: quas Albertus Leander sedulò vidit & scrutatus est. erumpit deinde in hæc verba: *Fieri profectò non posse scio, quin omnino incredibile sit, nisi oculis videretur, operis huius ratio ADMIRANDA. Nec enim MAIUS QUIDQVAM excogitari posse HUMANO INGENIO arbitror, quàm quod hic Romani, effossis tanto spatio MONTIVM intimis visceribus, fecerunt. Ad quæ opera patranda NVNC TOTVS ORBIS infirmus futurus videatur.* Siquis veterum hæc dixisset, blanditus scilicet ævo suo aut suis fuisset: quid iste vir nouitius? quid in talibus & curiosus vnicè, & peritus? Loquitur autè, vt dixi, de Claudij Aquæductu, de quo & Plinius: *Vicit antecedentes aquarum ductus nouissimum impendium operis, inchoati à Caio Cesare (Caligulam intellegit) & peracti à Claudio. Quippe à quadagesimo lapide, ad eam EXCELSITATEM, vt in OMNES VRBIS MONTES leuarentur, influxère Curtius atque Caruleus fontes. Erogatum in id opus HS. ter millies.* Notabile valdè, & vtile, quòd in fummos Urbis colles aqua inde & deriuari, & dispensari posset: adeò in altum educta erat. Hoc ipsum Cassiodorus notat, *Claudiam, per tantam fastigij molem, sic ad Auentini caput esse perductam, vt cum ibi ex alto lapsa ceciderit, cacumen illud excelsum, quasi imam vallem, irrigare videatur.* De pecuniâ autem in id opus imputatâ (fuerunt, ex Plinio, *septem nostri milliones, & semis*) valdè miror Budæum nutare, & pænè mutare. Per fidem, quæ caussa est? imò augendi caussa, si quis benè examinet: & planè, nisi aliqua militaris, aut & seruilis manus ad opera damnatorum (vt Romanis mos) accessisset. Iure igitur, vt claudam, exclamat Frontinus: *Tot aquarum, tam multis NECESSARIIS molibus, Pyramides videlicet otiosas comparem, aut cetera inertia, sed famâ celebrata opera?* Non compares Frontine, minime: hæc sunt, vt Plinius appellat, *verâ astimatione INVICTA MIRACVLA*, & quibus alius orbis tam æquo animo victum se à Romanis, quàm armis, fateri debet. Dixi autem ex Procopio suprâ, Aquæductus istos XIIII. fuisse: sed augeat P. Victor, & XX. numerauit. Plinius quædam de *Lacubus* aliisq; additamentis

Aquæ-

Aquæductuum scripsit, non sine miraculo etiam audienda. Agrippa in *Ædilitate* sua, adiectâ *Virgine aquâ*, ceteris *corruatis* atque *emendatis*, *LACVS* septingentos fecit, præterea *SALIEN- TES* centum quinque, *CASTELLA* centum triginta: complura etiam *CVLTV* magnifica. Operibus iis *SIGNA* trecenta area aut marmorea imposuit, *COLVMNAS* ex marmore quadringentas: eaque omnia *ANNO SPATIO*. Hæc vnus Agrippa, & vno anno. O virum Augusto Principe dignum! ô virum vel Principatu dignum! & non credo benignius & publicè utilius ingenium, non item modestius & Principi aptius, exstiterisse. Tales, tales sint vobis ô magni Reges consiliarij & ministri: qui opibus per vos aucti, eas in publicum refundant, & gratiam gloriamque simul, operibus suis, apud posteros, imperij vestri propagent. At scripsit Plinius *Lacus septingentos* ab eo factos: rectè, ab eo: sed plures longè fuere in vniuersum, & mille trecentos quinquagintaduos *Notitia imperij* collegit. Isti non aliud, quàm aquarum in publico receptacula: è quibus petere omnibus fas esset. etsi gratior æstimatorque è *Salientibus* ipsis sumpta. Nota autem in Plinio, tot *Signa*, tot *Columnas*, ad ornatum *Lacuum*, *Salientium*, *Castellorum*: atque ea ab vno Agrippâ: quid arbitraris ab aliis prioribus & secutis fuisse? Atque alia etiam assidua multa impendia circa has aquas: quarum *Curatores* ab Augusto instituti, cum *licetoribus*, *seruis*, *scribis*, *librariis*, *accensis*, *præconibus*: vt Frontinus scripsit, ipse inter *Curatores*. Sed præcipuum, quod familiæ & homines certi ad tuenda hæc opera, sumptu publico tolerati. Quod idem Frontinus ita prodidit. & Agrippam primò, per seruos priuatos suos hæc fecisse, eamque familiam Augusto morientem legasse. Augustum deinde publicasse, & deinceps mansisse: atque habuisse homines circiter CCXL. Erat autem et altera, inquit, *Familia Caesaris dicta*, & numerus eius CCCLX. quam Claudius, cum aquas in urbem perduceret, instituit. Addit, in utrâque varia ministeria fuisse, *Villicos*, *Castellarios*, *Curatores*, *Silicarios*, *Teltores*, aliosque opifices. Habes igitur perpetuos homines sexcentos, ad Aquarum tuitionem.

CAP. XII.

Cloacarum mira.

QUAS Aquas nunc dimitto, & ad *Cloacas* te duco. Eas scito à Tarquinio Prisco rege structas, quo nemo Regum plura aut meliora. Structæ autem ad munditiam, quod clarum est, sordesque omnes vel abluendas, vel evehendas: sed & ad sanitatem, quæ illam amat. De magnitudine huius operis, quia mirabaris nos inirari, Plinij & Calliodori verba danda sunt: qui uterque satis firmiter dicet, quid magni ratiq̃ue in opere isto fuit. Ille igitur: *Cloacæ*, inquit, LIB. XXXVI. CAP. XV. OPERVM OMNIVM MAXIMUM, suffossis montibus, atque urbe pensili, subterq̃ue NAVIGATA. Fecit id Agrippa in *Ædilitate*, per meatus corruatis VII. annibus, cursuq̃ue præcipiti, TORRENTIVM modo, rapere omnia atque auferre coactus. Qui insuper mole imbrium concitati, vada ac latera quatiant, aliquando Tiberis retrò infusi recipiunt fluctus, pugnantq̃; diuersi aquarū impetus intus: & tamen OBNIXA FIRMITAS resistit. Trahuntur moles internæ tantæ, non succumbētibus causis operis, pulsant ruina sponte præcipites, aut impactæ incendiis, quatiunt solum terra motibus: durant tamen à Tarquinio Prisco annis propè octingentis INEXPVGNABILES. Initio audis, operum omnium maximum fuisse: atque ego ac tu fortasse ridemus. AVD. Non audeo, et si gestio: sed vereor turbare. LIPS. At aliâ atque aliâ causâ etiam rideamus. Tu, quia res vilis attolli videtur: ego, quia toties iam audio, operum omnium maximum, aut maximè admirandum. Quid? semper ista maxima? & tamen res sic habet: ut quidque in manus sumis & examinas, super omnia admiraris: & causas iudicij eius dones. Vno verbo, omnia miraculum: nostrum nunc videamus, & Plinij verba pensitemus. Ait, aut indicat, *navigatas has Cloacas.* Quid magni, si tam magnæ ut vehemens æni onustam largè transmitterent? Id enim non Plinius solum ita scripsit, sed & Strabo. cùm Romanos ait trium maximè operum curam gessisse, quæ neglecta videbantur à Græcis: Viarum, Aquæductuum, Cloacarum. Additq̃ue: Cloacas istas, LAPIDIBVS SECTIS ET AD NORMAM POSITIS suffultas, spatium etiam

curruſ ſæno onuſto ad tranſitum præbuſſe. Enimuerò Marſitanus, qui dimenſus eſt, prodidit, *pædum* xvi. *latitudinem* ſe repperiſſe: de altitudine vellem etiam addidiſſet. nec minor ſanè eſt. Dixit ampliùs Plinius, *Corriuatos* vii. *annis.*) Intellegi opinor, ipſas ſeptem Cloacas præcipuas, tot quot ſunt montes. Nam ex ijs deſluebant & deriuabantur aquæ ac ſordes, & in magnam vnã conſluebant. Quin enim plures minutæ fuerint, non ambigendum eſt: ſed iſtæ tot fuere quaſi flumina, & aluco grandiore, atque eæ per plana viſis ferebantur. Liuium ſic interpretor, de Tarquinio Priſco: *INFIMA vrbis loca circa Forum, ALIASQVE interiectas collibus CONVALLES, quia ex planis locis haud facile euehebant aquas, Cloacis è ſaſtigio in Tiberim ductis, ſiccant.*

Lib. i. *Has olim per publicum ductas* idem Liuius alibi ſcripſit: *ſed vrbe* inquit, *incenſa à Gallis, feſtinatio curam exemit vicos dirigendi, atque ita CLOACAE paſſim priuata etiam ſubeunt teſta.* Pergit deinde Plinius firmitatem commendare. & cauſas concutientes quattuor commemorat: quarum vel ſingulæ firmiſſima opera euertant; at non labefactant iſtud. Sunt, Pugna aquarum & copia intus; Moles & columinæ vaſtæ, quæ per vias, & ſuper illas, trahuntur; Ruinæ variæ & pondera incidentium ædificiorum; denique validi aliquot Terræ motus. Quidni igitur firmum & rarâ duritie opus, quod omnibus reſiſtit: & id per tot ſæcula? Eſſi tamen repararunt, aut fulſerunt interim, quod omnino neceſſe fuit. notatque Liuius, *Cenſores detergendas Cloacas, & in Auentino atque aliis partibus, quæ nondum eſſent, faciendas locauſſe.* Quàm ſumptuoſa illa, aut ſimilis reparatio, dicit apud Dionyſium C. Aquillius. qui ſcripſit, *neglectis aliquando cloacis, & non deſluentibus, Cenſores in earum inſtaurationem mille talenta impendiſſe in redemptores.* Ea ſunt ſexcenta millia Philippiæorum: quid igitur & quanti paratio vniuerſa, ſi tanti in partibus reparatio? Sed audiamus & Caſſiodorum de iſtis, ac finiãmus, *SPLENDIDAE Romane ciuitatis CLOACAE, tantum viſentibus conferunt STYPORFM, vt aliarum CIVITATVM poſſint MIRACVLA ſuperare. Videas illic FLVVIOS, quaſi montibus concauis clauſos, per ingentia ſtagna decurrere. Videas ſtructis NAVIBVS per aquas rapidas, non minimâ ſollicitudine, nauigari, ne præcipitato torrenti, marina poſſint naufragia ſuſtinere.* Hinc ô ROMA SINGVLARIS,

quanta

quanta in se sit potest colligi MAGNITVDO. quæ enim urbium audeat tuis culminibus contendere, quando nec IMA tuis possunt similitudinem reperire? Pulchra cōclusio, & in scito eo dicto conquiesco.

CAP. XIII.

Traiani Pons in Danubio.

AVD. Non patiar, & te excito. Quid enim? tu & ego destituamur in his Cloacis? quæ ut sint, magnæ, operosæ, mirabiles; tamen Cloacæ sunt, & olerum suum habent. Exime nos, & mundiùs alibi pone. LIPS. Hem! bona monitio. sequere me ad Danubium, & illuc in eius aquis lauemur. AVD. A Tiberi ad Danubium? bonus saltus, quis Pegasus nos vehet? LIPS. Ille Mentis: quæ momento summa, ima, propinqua, dissita, perneat & peruadit. Nec ad Barbaros tamen imus, ne metue. AVD. Ego verò metuo, & iam cor meum vasa colligat atque abit. Nescis tu pugnas illic cum maximè nunc pugnari? & in quibus vita, libertas, religio aguntur? LIPS. Scio, securus esto. Romanus imperator, atque is Traianus, nobis aderit, cum legionibus suis copiisque. Utinam nunc tales ibi decem, tali disciplinâ? o quàm Victoria mox applaudat & circumuolet purpureis suis pennis? Sed ecce in Danubio Pontem libet memorare, quem dictus ille Imperator struxit: operum omnium fortasse, arte & difficultate maximum, si non sumptu. Describit graphicè Dio Cassius, & gratia sectori eius Xiphilino esto, quod hanc partem non recidit. O quàm pulchras valentesq; ille alias? nihil penè nos fugeret in rebus Romanis (tanta diligentia & accuratio fuit) si scriptor ille totus exstaret. Sed de Ponte, sunt verba è Compendio Dionis: *Traianus Imperator pontem lapideum super Istrum statuit, quem EGO NEC DIGNE QUIDEM HABEO ADMIRARI. Nam etsi alia pulcherrima Principis eius opera exstant, tamen hoc est SUPER OMNIA. Pile igitur eius sunt viginti, è lapide secto & quadrato, quæ altitudinem habent CL. pedum, latitudinem LX. Distant inter se CLXX. pedes, fornicibus deumctæ. Quomodo autem non aliquis SVMP TVM in istis admiretur? quomodo non & destituendi firmandique modum? idque in flumine MAGNO ET*

VORTICOSO, & fundo ipso infido & limoso. nam nec auertere quidem cursum fluminis licuit ullo modo. Nec verò de magnitudine fluminis idè dixi, tãquam ibi maximum sit (unò verò alibi duplo maior est aut triplo, atque instar pelagi se diffundit:) sed quia locus ille arctissimus ibi locorum, & aptissimus ponte iungi, est tantus. Quo autem magis in arctum illud ex lato contrahitur, & rursus in latum se effundit; tanto nimirum & rapidius fluit, & profundius existit. Ut hoc quoque difficultatem atque arduum operis valde auxerit. Magnitudo igitur animi Traiani ex eo quidem constat, non tamen usum nobis nunc præbet. sed pile dumtaxat stant, quasi in eum finem modò structæ, vt documento sint NIHIL ESSE QVOD INGENIO HVMANO NON POSSIT EFFICI. Additque deinde, Hadrianum Imp. metu ne Barbari eâ transirent, an æmulatione in Optimum Principem, iussisse superiora Pontis dirui: atque ita Pila solas mansisse. Quid autem ego aut tu hîc dignè miremur? negat ab illo xuo Dio, se id posse. Atqui plura magna & magnifica viderat, quàm nos mente concipere aut deformare possimus. Putat tamen & censes, omnia ab hoc opere superata: quod leuiter adistamus, & inspectemus. Ait, Pila viginti fuisse: atqui Paulus Iouius, florentis ingenij & stili scriptor, dicit etiam nunc triginta sex existare & conspici, in confinio Valachia & Transilvania, ad opidum *Seuerinum*. Vtri credam? sanè si oculi nunc copuincunt ita esse, manus & herbam do; videant modò & dicant, qui adsident & possunt arbitrari. Sin rationem & scriptionem Dionis sequor; adseram audacter de viginti: quia signanter notat, fluuium ibi arctissimum (vt in ijs locis) esse. Atqui descriptio ista viginti Pilarum, quæ sexaginta pedes latæ sint; quarum fornices, centum septuaginta: quid efficit & colligit, nisi fluuij latitudinem quattuor mille septingentorum septuaginta fuisse? id est, paullò minus, vnus miliaris. Si aliter, aut si grandius; videbunt ij qui accolunt & docebunt: tum nobis opus rescribere & reformare ipsum Dionem. Nam quod aliquis dicat eum nescisse, aut de opinione ista scripisse; ipse opinetur & erret. cùm vir ille insignis peritiâ rerum & honoribus, in ipsis ijs locis Præses fuerit Dalmatiae, Pannoniaeque. Itaque scire omnino potuit; & debuit, in curâ istâ rerum scribendarum. Vereor vt Iouius sit, quod etiam alibi,

audr-

auditionum facilis, & parùm diligens examinis aut veri. Sed vt dixi, vicini aut inspectores arbitrantor. Ait Dio ampliùs: *Pilarum interuallum fuisse centum septuaginta pedum.*) Ita me Deus (nam exclamo) grande hoc concaimerationis spatium, nec efficiendum, nisi alitudo illa Pilarum accessisset, & tardè ac lentâ inclinatione fornix surrexisset. Præterea, *mirari se quomodo in tali profundo flumine ex verticibus Pila firmata.*) Ego tecum, ô Dio, miror: & maximè, cum neges auerti flumen potuisse aut deriuatione exhauriri. Difficile omnino opus, & fundamentorum molitio talis è lapide: si sublicarum & materiæ res esset, aliud esset. Sed heus tu Hadriane! si citare Imperatorem fas, dica & lis tibi apud me sit, fortasse & punitio: quòd talem pontem vix benè structum destruxisti. Dicam tibi verum vel mortuo? Inuidisti optimo maximoque Principi, & habere super omnes gloriam voluisti magis, quàm meruisti. Valete *Opera publica*: quin tu etiam, mi Auditor, in crastinum vale aut saluc.

C A P. XIII.

Priuatorum hominum Urbana aut Rustica ades.

AV D. Ego verè nec valeo nec saluco (da veniam immodestæ:) nec amoliris me, nisi nomine plenè persoluto. An non, post *Publica opera*, pollicebaris *Prinata*? & certè ita disponebas; nec tam madidâ memoriâ sum, vt hoc effluerit. L I P S. Disposui, haud nego: sed fatigor, nisi quòd in exomâ tamen calce, vt cursores, spiritus & vires excitabo ad spectu ipso metæ. *Priuatis igitur Operibus* duo nunc considero, *Domos & Villas*. Illæ fuerunt in tam splendidâ & nitenti vrbe, pro ipsâ vrbe, & vt pulchri corporis apta ac decora membra. Domus dico magnificè, ornata, instructè, columnis, marmore, auro, statuis: & quidquid excogitare ambitio aut luxuria poterat. Sed eadem etiam laxæ, patentes: quod docuerint satis Valerij hæc verba, de Cincinnato, *cui quattuor sola iugera arant non solum* (vt inquit) *dignitas patrisfamilie constitit, sed etiam Dictatura deluta est.* Et tum comparatione quadam & indigna-

Lib. III.
cap. III.

tione addit: *Angustie se habitare nunc putat, cuius domus tantum patet, quantum Cincinnati rura patuerunt. Quid domus? unum earum aliquod membrum. Idem auctor: Nimirum sic habitauerunt, qui hoc imperium fecere. quorum AGRI quoque minorem modum obtinuerunt, quam CELLARIA istorum.* Iterumque alibi: *Biis tunc iugera populo Romano satis erant, nullique maiorem modum adtribuit: quo seruos paullo ante Principis Neronis, contemptis huius spatij viridariis, PISCINAS iuuit habere maiores: gratumque, si non aliquem & CVLINAS.* Nec est in sermone supergressio: reuera amplæ domus, & præsertim inagnatium virorum procerumque. Quas & P. Victor ac Notitia imperij propriè *Domos* appellant, & ab *Insulis* distinguunt. Itaque computant, *Insulas totâ vrbe quadragintasex millia sexcentas duas, Domos mille septingentas octoginta fuisse.* harum longè minore numero, vt quæ tanto grandiores, instructioresque essent. Enimvero grandes instructæque; & Apuleij hæc attende. *Igitur illas ædificiorum species, in quas PATRIMONIA SVA profuderunt, amantissimas & exstructissimas deprehendas: aulas AEMVLAS VRBIVM conditas, domos VICE TEMPLORVM exornatas.* Itanc cum *Vrbibus* comparat nec solus. nam & Seneca, epistolâ xci. suum vetusque æuum disparans: *Non habebant, inquit, domos INSTAR VRBIVM: quasi dicat, at nos habemus.* Alibi audaciùs (De Benefic. vii. cap. x.) agnoscit & increpat *ædificia priuata laxitatem MAGNARVM VRBIVM vincentia.* Quæ ista sunt? quæ item, quæ Olympiodorus, in Bibliothecâ Photij? ὅτι ἑκαστοτῆς μεγάλαν οἰκὴν τῆς πόλεως, ἀτακτα εἶχον ἐν ἑαυτοῖς, ὅποτα πόλις σύμμετρε ἡ δυνάστον ἔχον ἰππικόν, καὶ φέρον, & ναύς, καὶ πηγάς, & λυτοὶ ἀλόφορα. διὸ καὶ ὁ συγγραφεὺς ἀπεφθότα.

Εἰς δὲ αὐτὴν πόλιν ἄλλα μέγα τόλξει.

Quæque magnarum domuum omnia in se ipsa habet, quæcumque MEDIOCRIS VRBS possit continere: nempe Circum, Fora, Temples, Fontes, Balnea diuersa. Idcō & poeta dixit,

Vna domus VRBS est. vrbs OPIDA PLVRIA claudit.

Examina & nota, mira sunt: sed Martiali etiam paucis versibus comprehensa, *In habentem amenas ades:*

*Daphnonas, platanonas, & aërias cyparissos,
Et non vnus Balnea solus habes.*

Et tua

Lib. xxxvi.
cap. xv.

Lib. xviii
cap. i.

De Deo
Socrat.

Lib. xii.

*Et tua centenis stat Porticus alta columnis,
 Calcatusque tuo sub pede lucet onyx.
 Pulveremque fugax Hippodromon ungula plaudit,
 Et pereuntis aque fluctus ubique sonat.*

Sunt ipsa, quæ Olympiodorus dixit, exceptis Foris: quæ intellegas fuisse hypæthra quædam & subdualia, inter illas Porticus, & statuis aliisque ornatu, in Fori faciem. Quid autem si reuera ibi iudicia & forenses conuentus? Fuere, & clientium, libertorum, seruatorum suorum causas domi cognoscebant. Clientium autem magnus olim populus. Horatius:

— non aliter tamen

*Dimouit obstantes propinquos,
 Et populum reditus morantem,
 Quàm si CLIENTVM longa negotia
 Diuudicatâ LITE relinqueret
 Tendens Venafranos in agros
 Aut Lacedæmonium Tarentum.*

Vitruuius etiam suadet Nobilium, & qui magistratus gerunt, domos laxiores fieri, Bibliothecas ibi esse, Pinacothecas, BASILICAS (ad iudicia non dissimili modo, quàm PVBLICORVM OPERVM magnificentia comparat. quòd in Domibus eorum sapius & publica consilia, & PRIVATA IUDICIA arbitriaque conficiantur. Sed ut in re maneat, talis igitur laxitas: quid Apparatus & instructio? Communiter ita Seneca: Quid inter pueros & nos interest? nisi quòd nos circa Tabulas & Statuas insanimus, cariùs inepti. Illos reperti in laque calculi leues & aliquid habentes varietatis delectant; nos ingentium macule COLUMNARVM, siue ex Ægyptiis arenis, siue ex Africa solitudinibus aduectæ, porticum aliquam vel CAPACEM POPVLI cœnationem ferunt. Miramur parietes tenui MARMORE indutos, cum sciamus quale sit quòd absconditur: oculis nostris imponimus. Et cum AVRO tecta persundimus, quid aliud quàm mendacio gaudemus? scimus enim sub illo auro scdâ ligna latitare. Primum in ipsa domo est, Columnarum dispositio, & è lóginquis petitarum: de quibus Plinij obiurgationes, si quis volet, legito; & de generibus pretiisque earum totus liber eius existit. Et quid in notat in vnâ Cœnatione Callisti, Claudiani liberti, triginta se vidisse, easque è Sudine lapide Germanico, cui ingens tunc pretium & no-

Lib. vi.
cap. vii.

Epi. xcvi.

Lib. xxx.

& nouitas. Idem, in atrio Scauri collocatas maximas, atque adeò duodequadragenum pedum, Lucullæi marmoris. Vide hanc altitudinem in vno atrio, quam multæ domus totæ vix æquant. Alterum in Senecâ, Parietes marmore inducti: quod genus Incrustationes Latini, Græci μαρμαρώσεις dicunt. Primum autem Romæ parietes crustâ marmoris operuisse totius domus sue, in Cælio mōte, Mamurram equitem Rom. Præfectum fabrum Cæsaris, Plinius tradidit auctore Nepote. Id non aliud fuit, quam marmor in tenues crustas sectum parieti imponere scitè, & pro tectorio ei dare. Lucanus: *Nec summis crustata domus sectisq̃ue nitebat Marmoribus.*

L. b. II. vj.

Declinator apud Senecam patrem: *In hos ergo exitus varius ille secatur lapis, vt tenui fronte parietem tegat.* Secandi autem ratio (in Plinio, & Isidoro) arenâ, & ferrâ, in prætenui lineâ versante arenas, τραχύ; secâte. Et nos in Italiâ hodie vidimus fieri. Tertium, *Auro tecta perfundi.* Significat laquearia inaurari tota solere, quod passim scriptores & tradunt & damnant. Musonius apud Stobæum: τί δ' αἰ χρυσοῖσι αὐλαί, τί δ' αἰ ποικίλαι χεῖται, τί δ' αἰ χρυσοῖσι σῆται, *Quò pertinet hæc atria Columnata? quò varie istæ colorationes? quò aurata lacunaria?* In secundo enim membro (vt mea versio est) χρῶσαι, legi cupiam, & ad maiora variegata parietibus imposita referam, vel etiam ad Musium opus. Nam ita & Mamertinus, ad Iulianum: *Neque ei comparanda sunt PICTURATÆ marmorum crustæ, & SOLIDO AVRO tecta laquearia, quæ maiorem anni partem in nudâ humo cubat.* Ibidem & solidum aurum in Lacunaribus notes: quod passim in poëtis, vt in Statio:

*Et nondum CRASSO laquearia fulua METALLO,
Montibus aut altè Graijs effulta nitebant
Atria.*

Qui montes etiam Graios poëticè nominat, grandes illas sublimèsq̃ue columnas. Idem de vtroque:

*Pendent innumeris fastigia nixa columnis,
Robora Dalmatico lucent * sociata metallo.*

Sed & Lucanus, de Cleopatrz regiâ:

*Ipse locus, templi (quod vix corruptior ætas
Exstruat) instar erat, laqueat aq̃ue tecta serebant
Diuitias, crassumq̃ue trabes absconderat aurum.*

Quibus

* Vulgò
satiata.

Quibus versibus tamen plusculum etiam latet, & trabes quidem auratas fuisse vult: sed cameram gemmatam, eboratam. Vtrumque enim & horum fiebat, ad splendorem & varietatem: præsertim in templis (cum templo autem Lucanus comparat) ut quasi cælum imitarentur. Arnobius de templis ipsis differens: *Sint ergo hæc licet aut ex molibus marmoreis structa, laquearibus aut renideant aureis, splendeant hic gemma; & sideres euomant variatâ interpositione fulgores: terra sunt hæc omnia, & ex facie vilioris materia concreta.* Et tu, mi Auditor, obiter & hoc adde ad templorum suprà ornatum. De ebore autem, in Ciceronis Paradoxis: *Testa ebore & auro fulgentia.* In Propertio:

Quòd non Tenariis domus est mihi sulta columnis,

Nec camera auratas inter eburna trabes.

Non leues porrò inductiones, aut ut poëta loquitur, sputa fuisse, Panegyricus ostendit: qui **SOLIDO AVRO testa laquearia** commemorat, & poëta suprà, *Crassum aurum* dixerunt. Hieronymus autem in Epistolâ quadam, longius etiam hoc producit, & ad parietes ac columnas. *Vivimus quasi alterâ die morituri, & edificamus quasi semper in hoc saculo victuri. Auro parietes, auro laquearia, auro fulgent capita columnarum.* Sed alia hîc etiam & ingeniosa luxuria. nam lacunaria ista versatilia faciebant, & aliâ atque aliâ subinde facie conuiuas delectabant. Seneca alibi: *Epist. xci.*

Versatilia canationum laquearia ita coagmentant, ut subinde alia atq; alia facies succedat, & toties testa, quoties fercula, mutantur. En, priuata ingenia & luxuriam: quid existimas Principes tentasse & fecisse? Nemo Cæsar in vestibulo ædium suarum *Colossum* centum viginti pedum posuit. Hoc principium: deinde porticus triplices **MILLIARIAE**; ite stagnum, **MARIS** instar, circumseptum ædificijs ad **VRBIVM** speciem. Rura in super, aruis, atq; vinetis, & pascuis, siluiisque varia; cum multitudine omnis generis pecudum ac ferarum. In ceteris partibus, **CVNCTA** auro lita, distincta gemmis, vnionumque conchis erant. Canationes laqueata tabulis eburneis versatilibus, ut flores; & fistulatis, ut vnguenta desuper spargerentur. *Præcipua canationum rotunda, quæ perpetuò, diebus ac noctibus, vice mundi circumageretur.* Ita verbatim ista Suetonius: multa **ADMIRANDA**, si tu singillatim explicas & in remducis. Sed vnum in hac Principum insaniâ (ita appellanda est) Plu-

Ad Gaud.

* Ita iam pridem publice legedum docemus.

rarchi testimonium suffecerit, qui de Capitolij magnificâ & impendiosâ structurâ cum disseruisset; addidit. *Quod si quis hunc Capitolij magnificum instructum miretur, idem si Domitiani in aulâ unam Porticum, vel Basilicam, vel Balneum, vel pellicum Dietam viderit, exclamet cum Epicharmo,*

Non liberalis aut benignus tu clues,

Profusione gaudes.

Dicit satis clarè, omnia illa Capitolina (quæ & quanta, antè diximus) nugas & quisquillas videri, præ vno membro aliquo Palatinæ domus. Quod mihi quidem stuporem incutit, non dissimulo: & iam lingua hæret. AVD. Soluam eam quæstionculâ. Dixi auro distincta vel ebore laquearia, an non & siluis? id est, an non ibi tales species, & intermixtæ veræ aues? Nam Rutilius Gâllicanus hoc dicere videatur, in Romæ laudibus.

Quid loquar INCLVSAS inter laquearia SILVAS,

Vernula quâ vario carmine ludit auis?

LIPS. Poëtæ, aut poëtarum potiùs, vulgatam phrasim non attendis: nec *inter laquearia* propriè, sed *συνυποχρεῖς* inter tecta & domos includit eas siluas. Luci enim & arbuta in magnis istis ædibus erant: imò & super ædes, quod mireris, erant. Senecam auctorem do, qui, ut solet, castigans & increpans suum æuam: *Pomaria, inquit, in summis turribus serunt, quorum siluæ in tectis ac domorum fastigiis nutant, inde ortis radicibus, quò improbè cacumina egissent.* Atque ego Bruxellæ me (quam ut alteram patriam colo) hoc vidisse memini, sponsione ita factum; sed in breue aliquod tempus, & cum domus oneri illi non diu esset. Satis de *Domibus*: ad *Villas* eamus. utinam, utinam! sed hæc pericula & latrocinia, domo & vrbe nos claudunt. O Iscanum meum, cur non liberè te fruor & interuiso? cur natali illo aère & aquis non me recreo? Da Deus hoc ante obitum, & pedem atque animum vagum per rura & hortos illos ferre. Sed *Villas* tamen Romanas animo & memoriâ lustremus, ut vel disposui antea, vel promisi. De ijs hoc vniuersè Strabo pronunciat, vbi de Pisis & Liguriâ scribit: *Esse ibi lapicidas & materiem ad ædificia præberem, sed quam Romani ad ædificia ferè sua in vrbe aut ex Villis consumunt: Villis, inquit, in quibus velut more Persarum*

Epist.
CXXIII.

REGIAS

REGIAS QVASDAM *struunt*. En, Prætoria aut Villæ totæ eorum, Regias, & quidem *Perfarum*, referunt: quid maius ampliusque in hanc rem dicam? Vis specimen tamen aliquod in vnâ Villâ? Capitolinum audi: *Exstat Gordianorum villa viâ Prænestinâ, DVCENTAS COLUMNAS vno peristylo habens, quarum quinquaginta Carysteæ Claudianæ, quinquaginta Sienitides, quinquaginta Numidicæ, pari mensurâ sunt.* In quâ BASILICAE CENTENARIAE tres: cetera HVIC OPERI CONVENIENTIA: & THERMAE, quales, præter urbē, nusquam in orbe terrarum. Tu si lubet, per te singillatim lustra: ductorem me vltâ non habes. Sed nec Hadriani Villam in Tiburtino ingero, cuius superbæ reliquiæ exstant: quid tot aliarum in solo Latio, & circa Romam? Vidimus ipsi apud Ostiam & Atdeam rudera: & per siluas illas aut vepreta, quot Columnæ, aut earum fragmina, cryptæ, porticus, & disiecta ædium membra? O Deus, quæ mutatio? quàm hæc cogitatio me ad te trahit, infirma, & incerta hæc omnia humana spectantem, & spernētem? Sed desinimus de *Operibus & Româ*: quam decoramus Constantij Imp. elogio, apud Ammianum. *Is enim visis plerisque cum STVPORE HORRENDO, de Famâ querebatur vt inualidâ vel malignâ, quod augens omnia semper, in maius, ERGA HAEC EXPLICANDA, QVAE ROMAE SVNT, OBSOLESCIT.* Si fama non potuit adæquare, multiplici suo ore & linguâ: quid ego meo sermone tenui, sine sensuum subsidio, per tenues coniecturas eunte? Sed tu, alii que, nec dicta suspicamini: & quidquid maximum conceperitis, fortasse nec id par erit. Philosophemur autem breuiter, duce Horatius: qui regij Perfarum sanguinis, à Constantio interrogatus in re præsentī, *Quid de Româ sentiret? Id tantum sibi placuisse dicebat, quod didicisset* IBI QVOQVE HOMINES MORI. Mori mi Auditor, mori: & vbi hæc omnia præclara, ampla, ADMIRANDA? quæti vides, vbi qui fecerunt ea, aut moliti sunt? periisse vides. Cogita, & tibi applica. nos ipsi, qui hæc meditamur aut loquimur, post aliquot annos, dies, horas, puluis, vmbra, nihil. Nunc vale, & abi.

I. L I P S I
 DE MAGNITVDINE
 R O M A N A
 L I B E R I I I I

C A P V T . I.

*Transitum ad Virtutem Romanorum, & ea in
 genere predicata.*



V D. Meridies abiit, ego me tibi sisto. LIPS. Video, sed quid ita tristiore vultu? AVD. Nec lata adfero. LIPS. Quæ? AVD. Tibi. LIPS. Quæ inquam? AVD. Vereor dicere. LIPS. Aude, nec ego ex his fatuis, qui ignorare mala, mederi celsent. AVD. Obiit tibi ex amicis tuis. LIPS. Hem! ex amicis? effare. AVD. In Galliâ. LIPS. Quis ibi? AVD. Vir doctus. LIPS. Ednomen. AVD. Et probus quoque. LIPS. Enecas, etsi ab his notis propemodum iam scio Petrum Pythæum esse. AVD. Diuinasti. obiit. LIPS. At tu me vulnerasti. sed quo fato? AVD. Suo, & illâ quâ Augustus optabat, * *δυναστεία*. LIPS. Virum magnum Gallia amisit, & inter publicas clades aut iacturas hanc quoq; licet ponas. Sed ab exēplo disce, quàm non temerè heri clausurim & monuerim de morte. AVD. Profectò præfagiū fuit: sed tu perge ad nostra. LIPS. Inter hæc tristitia, ad illa amœna? durus es. AVD. Quid ergo? dum viuo, non vis me viuere? Et ego Pythæo nostro benè esse spero, & gaudere ac ridere in beatis illis locis: cur doleam? Theodosius Imperator, qui variè in imperio iactatus, cùm mors instaret, inscribi sepulchro suo hoc vnum verbum iussit, *ΥΓΕΙΑ*: id est, *Sanitas*. Profectò illa medicina morborum, refugium & asylum malorum est: & in mundi his fluctibus portus, quem sapiens num-

* *moris fa-
 cili.*

numquam fugiat, imò (Deo vocante) totis velis in eum feratur. Tu autem hoc magis perge, quòd iam non amœna, vt aiebas, sed potiùs vtilia aut sapientia dices, & vt partitio erat, de *Viris ac Virtutibus Romanorum*. L I P S. Ita est, quartus hic noster limes: & libentiùs insistam ac decurram, quia tali argumento. Cur apud te dissimulem? finis & fructus præcipuus mihi studiorum aut lectionum, hæc talia excerpere, & exempla aut dicta enotare ad sapientiam ac virtutem. Fabulemur autem, si placet, ambulantes. Amat valetudo, & lingua hæc magis soluitur in motu. Communiter igitur primùm (nec ordo hoc abnuit) laudemus *Romanos*: tum & distinctiùs quædam addamus. Plinij enunciatio est: *Gentium in TOTO ORBE præstantissima vna, & in OMNI VIRTUTE, haud dubiè Romana exstitit*. Appellas ab hoc iudice, & suspectum de Romanis Romanum habes? Accipe Græcum, & Ammianus prodeat, qui breuibus & grauibz verbis, *Romam imperij VIRTVTVMQVE OMNIUM laudem* dixit. Quid homo Gothici sanguinis, Cassiodorus? *Roma VIRTVTVM OMNIUM latissimum templum*. Profectò sedes suas per aliquot sæcula ibi habuere, nec iniuriâ ipsi Romani templum struxere HONORI pariter ac VIRTVTI. Vtramque colebant: sed & *Fortunam* etiam: id est (vt rectè interpretemur) Prouidentiam & Fata ab alto, quæ incredibile est, quàm pressò nec tardanti pede secuta sint Virtutem. His duobus incrementa sua Roma debuit, his duobus statum suum & firmitatem. Nullum imperium mihi dabis, & tam magnum simul, & tam diuturnum. Iure igitur Ammianus: *Roma vt augetetur sublimibus incrementis, fœdere pacis æternæ VIRTVS CONVENIT atque FORTVNA, quarum si altera defuisset, ad perfectam non venerat summitatem*. Conuenerunt autem ita, vt vtræque suum opus facere niteretur, & pænè dissidium esset in euehendo. Plutarchus alibi hoc vbertim edisseruit: & breuiter ac neruosè Annaeus Florus extulit, *Ad constituendum Romanum imperium, VIRTUTEM ac FORTVNAM contendisse videri*. Sed amica contentio fuit: in quâ tamen vicit, si Rutiliū iudicem capis, ipsa Virtus. Nam ille sic Romam adfatur:

*Quòd regnas, minus est, quàm quòd regnare mereris,
Excedis FACTIS grandia FATA tuis.*

Pulchrè. & habuit igitur Fortunam, siue cælitum illum fauorem; sed habuit à caussis, quas iidem cælites, per virtutum gradus nexuſque, præstruxerunt. Vt id liqueat, videamus primùm vniuersè qui *Viri* in imperio illo fuerint, & tum quæ *Virtutes*.

C A P. I I.

Triplex ordo in populo ostensus, & quisque in sua parte laudabilis.

Viros considero dupliciter, & eos qui in Magistratu, Imperiis, Consiliis fuerunt, id est *Capitea reipublicæ*: & parte alterâ, *minora etiam membra*, id est Populum & eos qui paruerunt. Dico utrosque egregios fuisse, nec quibus alia gens faciliè aut ex vero (de Religione hîc non est sermo aut quæsitio) comparetur. Primores igitur illi in duplici discrimine sunt, *Senatores Equitesque*. Illos si inspicias, qui propriè sedebant ad clauum: proh Deus, quanta grauitas, sapientia, maiestas? Vt qui ordinem cum *Ex REGIBVS constare dixit, vnus veram eius speciem cepisse*, Liuius videatur. Is fuit Cyneas legatus Pyrrhi regis: vir nec mentis nec oris egens, qui cum urbem lustrasset, atque etiam blandiloquentiâ & munificentiâ variè tentasset, vndique repulsus, ad Regemrediit: & interroganti *Quid de hostium sede sentiret? Urbem* *TEMPLVM sibi visum, Senatum REGVM esse confessum fatebatur*. Profectò talis fuit, & nec sub Principum imperio nimis degenerauit. Cassiodorus de suo æuo: *Urbs ornata tot EXIMIIS SENATORIBVS, beata tam nobilibus populis*: etsi tunc quidem fateor discessisse ab illâ præstantiâ, & ut grande ædificium, paullatim mole suâ defecisse, & mox ruisse. Erant autem in illo Senatu, ut cum Lucretio hoc dicam,

Lib. ix.

Flor. lib. i.

Ductores Danaum dilecti, PRIMA VIRORVM:

eximij, inquam, ciuium, genere, censu, virtute. Nam hæc spectabant: nec temerè viles aut sordidos (etsi plebcios interdum, quos magna virtus eucheret:) inopes numquam, & improbos rarò admittebant; aut si tales, non tenebant. Censores enim (ô laudabile & diuinum institutum!) legebant hunc Senatum: atque iudem per singula lustra examinabant, ac relegabant: &

siquis

fiquis loco eo indignus, aut siquid in priuatâ etiam vitâ turpe aut maculosum, notabant & emouebant. Quomodo id fiebat? silentio, & sine accusatione vllâ, aut causâ apud iudices dictione. Dumtaxat in recitando Senatu, quod publicè & sollenniter fiebat, nomen eius præteribant, qucin motum Senatu vellent. Ita cum in albo illo non esset, nec in Senatu censebatur. Causâ quidem iis mouendi semper erat, & hanc subsignabant, & volentibus edebant: sed certare de eâ lite, nihil opus erat. iudicium sufficiebat: quod à tam grauibz viris (nam primores ferè Senatus erant) bonum meruisse, laus & approbatio habebatur; culpa & damnatio, triste. AVD. Pulchrum, bis pulchrum: sed cum eâ lege, si viri illi boni essent. quid si per affectum iudicassent? LIPS. Rarenter, aut vix euenisse legimus. Nam voces statim omnium damnassent, & exagitassent: & factamen semel iterumque euenisse; quid magni mali, præ magno illo bono, erit? Non enim alia pœna, quàm Ignominia: facillè aut contemnenda, aut eluenda, qui publica iudicia aut testimonia pro se haberet. Denique alij Censores mox reponebant. Nam & hoc scire debes, non in grauibz & grandibus peccatis hanc Censuram interuenisse: ea enim legibus & iudiciis seruabantur: sed minoribus delictis, aut domesticis flagitiis. à quibus vacare & castos esse primos illos Ordines maximè volebant, & quorum vita erat in exemplum. AVD. Iterum exclamo, Pulchrum! Sed dic sodes, multi igitur isti tam electi in Senatu? LIPS. Initio à Romulo *centum* facti, & *Patres*, iidemque *Senatores*, vel à curâ, vel ab ætate dicti. Postea ad *trecentos* creuere, & in liberâ Republicâ sic mansere, vsque ad Liuium Drusum. Is in Tribunatu, cum opes Senatus vellet extollere, eosdem iudiciis etiam preponere; numerum auxit, & ad *sexcentos* fecit. Mansisse ita ad Cæsarem opinor, qui per bella ciuilia non opes solum, sed honores multis largiturus, amplificauit, & vel ad *mille* allegit. Displicuit Augusto, & magnâ curâ, atque iteratâ aliquoties recensitione, purgauit: & denique ad modum veterem, id est *sexcentos*, redegit. Qui sanè satis amplius numerus, etsi in amplo illo imperio: atque ex his plerique, non solum consiliis publicis semper adhibebantur, sed etiam in prouincias, ad imperia, aut exercitus mittebantur.

Itaque

r. Hist.

Itaque cutia hæc velut promptuarium erat, è quo statim Princeps caperet viros, ad omnia ciuilia aut militaria munia aptos, & suffecturos. Et hoc aspectu tenuerunt Senatum, grande vel vnicum fulcrum illius Principatus. Otho Imperator ipse, apud Tacitum: *Quid? vos pulcherrimam hanc urbem, domibus & testis, & congestu lapidum, stare creditis? Muta istac & inanima intercidere, ac reparari, possunt: AETERNITAS RERVM, & PAX GENTIVM, & MEA CVM VESTRA SALVS, incolumitate SENATVS firmatur.* Et elogia ista de Senatu, res & veritas multis dictauit. In Cicerone leges: *Senatum PRINCIPEM SALVTIS, PVBLICAEQVE MENTIS.* In Ammiano, *ASYLVm munditotius.* In Cassiodoro, *Gloriosum Senatum, MORVMQVE LVMINA.* In Petronio, *RECTI BONIQVE PRAECEPTOREM.* Iam in Tacito etiam dicitur, *CAPVT IMPERII, & DECORA omnium PROVINCIARVM.* Cur nominatiim de *Proinciis*? quia iam sub Principibus, ex omni regione capiebantur Senatores. Et vt dirissimi honestissimique Prouincialium ciuitate donabantur, Equites fiebant, ita & mox Senatores. Vtile inuentum, & ad populos sub vnum imperium firmiter colligandos. Symmachus eâ causâ scripsit: *Pars melior HVMANI GENERIS Senatus.* Cassiodorus: *Quidquid HVMANI GENERIS floris est, habere Curiam.* Et Panegyricus scriptor: *Sensisti Romate tandem arcem omnium gentium, & terrarum esse reginam, cum ex OMNIBVS PROVINCIIS, Optimates viros Curie tue pigneraueris, vt Senatus dignitas, non nomine quàm re esset illustrior, cum ex TOTIVS ORBIS flore constaret.* Alter autem ab hoc ordo est *Equitum*: qui & ipsi ab illis notis tribus probati, aut probandi. Nam de Genere, multi erant è Senatoribus & Patribus orti: & certè liberti aut libertini, nec si Censum haberent (nisi beneficio Imperatorum) in hunc ordinem veniebant. Quod inferiore etiam æuo Alexander Imp. seruauit, de quo Lampridius: *Numquam libertinos in equestrem locum redegit, asserens SENATORVM SEMINARIVM equestrem locum esse.* Erant tamen ex ingenuis multi, & ferè omnes qui Censum equestrem haberent. Is fuit *Quadringentorum*: id est, decies mille Philippicorum. Igitur latus hic ordo & amplus, vt tunc opes plerisque amplæ erant: & ideò quod ad Vitam, coërcendus aut recidendus. Apud veteres

teret id quoque Censores fecere, siue in *Transfectione* (quæ tamen eorum modò erat, qui *Equum publicum* habebant) siue per lustra singula, cum ordines digerebant & recognoscebant. Nam hîc quoque Album erat, siue tabulæ, & recitabant: quique primus ex iis nominatus, *Princeps iuuentutis* dicebatur. planè, vt qui in Senatu primus recitatus, *Princeps* item *Senatus*, augustò titulo, dicebatur. Sed cur *Iuuentutis*? an omnes iuuenes? imò viri plures & senes erant: sed causâ & origo, quòd olim & primâ republicâ, pauci Equites, nec ferè nisi filij Senatorum. Creuit paullatim largiter numerus, & magnam ciuitatis aut ciuium partem comprehendit: sed nomen tamen *Iuuenum* mansit. Sed & Iuuenes antiquis dicti ad annum XLV. AVD. Iam semel iterumque de Senatorum filiis: non ergo ij Senatorij, aut Senatores? LIPS. Caue erres: distinctione hoc dicam. Aliud *Senatus*, si Principum tempora adspicias, aliud *Senatorius ordo*. Ille cetero numero stetit, vt diximus, & intra *sexcentos*, sub Augusto quidem: at iste, latius patuit, & iuuenes quoque ac Senatorum filij, sed & alij equites in eum cooptati. Censebantur enim Senatorij, qui ius lati clauis à Principe impetrassent: id est, insigne ipsum Senatorum. & in Senatum quidem ij veniebant, sed sententiæ ius fuisse non putabis. Institutum enim Augusti fuit, quod ipsis Suetonij verbis dicam: *Liberis Senatorum, quòd celerius reip. assuescerent, protinus à virili togâ latum clauum induere, & Curie interesse permisit.* Hoc ita Augustus, sed restrictè, in *Senatorum* Dio LIX. *liberis*: postea Caligula etiam aliis quibusdam equitibus permisit. Permisit dico, aliique Principes; sed sic vt ab ipsis peteretur. Talis est ille Iulius Montanus apud Tacitum, *Senatorij ordinis, sed qui nondum honorem capeffisset.* Hos ipsos *Senatores* interdum dici reperio. vt in Tacito: vbi Togonius Gallus censet, VI. Ann. *Principem diligere Senatores viginti, sorte ductos, ad custodiam sui: & Tiberius custodes oblatos hos amolienti, Nam quos omitti posse, quos eligi? honoribus persunctos, an iuuenes?* Intellegit hos nostros *Iuuenes*, qui nondum propriè Senatores, sed, vt ita dicam, *Senaturiebant*. Hi sunt, qui *Illustres equites* à Tacito eodem, atque aliis, ad discrimen dicuntur: & palàm ipse Tacitus cum Senatoribus iungit, aut coæquat. *Augustus*, inquit, in-

ter alia dominationis arcana, seposuit *Aegyptum*, vetitis ingredi, nisi permissu, Senatoribus, aut illustribus equitibus Romanis. Sed ne abducamur à nostris Equitibus: genus igitur diffusum, & in vario discrimine: erant qui *Equo publico*, erant qui *Iudices*, erant communi nomine *Equites* dicti. Illi qui *Equo publico*, tempore Dionysij Halicarnassæi, id est Augusti, ad quinque millia erant, aut supra, ut ipse vidit ac numeravit. Qui in Iudicibus, haud pauciores: imò plures ex Plinio scribente, *Judicum non nisi quattuor Decurias fuisse primò, vixque singula millia in Decuriis, nondum prouinciis ad hoc munus admissis*. Quà adiectiunculâ notat, largiter plures suo æuo fuisse: cum & Caligula *Quintam Decuriam* addidisset. Quid iam dicemus in reliquâ classe eorum, qui innunes, fuisse? Atque isti Equites, quos Perseus rex apud Liuium ita laudat & insignit: *Equites enim illis, PRIN- CIPES iuuentutis, equites SEMINARIUM Senatus; inde lectos in Patrum numerum, Consules, inde Imperatores creant. Quæ omnia satis clara tibi, ex iis quæ dixi. Supcrest tertius ordo Plebis, de quo quid singulariter dicam, nisi triplici discrimine fuisse, In- genuos, Libertinos, Libertos? Et in militiâ discrimen erat ab hoc Genere, itemque à Censu, sicut & in aliis muniis, siqua publicè subirent. Vita etiam Censuræ permissa: quam tamen neglexisse postea (malo sanè publico) Imperatores video, contentos duplicem illum priorem ordinem recognoscere. AVD. Sa- tis decora & utilis tora hæc Ordinum distinctio: sed vulgò & in occurfu poterantne agnosci? LIPS. Poterant, & statim quidem, ab habitu. Nam etsi toga communis omnium ciuium vestis esset: tamen discrimina alia, ab aliis notis. Ut solis Sena- toribus, aut istis quasi Senatoribus, ius *Lat i clauis* gestandierat: quod non aliud, quàm velut bullæ è purpurâ, & capita clauo- rum intexta aut inserta. Equitibus autem Aurei annuli, qui hunc ordinem, ut Plinius ait, à plebe distinguebant. Qui his duabus notis carebant, Plebs erant.*

CAP. III.

Iustitia & Clementia in bellis.

VIRI OS igitur communiter iam vidisti, & in classes suas distinctos: ire per Magistratus & officia Ciuilia aut Militaria, longum sit, nec nostri nunc sermonis. Etsi omnia ea optimè & prudentissimè instituta, siquâ vniquam in Republicâ: sed omittantur, & quod propositum, de *Virtutibus* addamus. Nam viros illos laudabiles, vel potius ADMIRABILES fuisse dico, idque à duplici virtute, *Militari* vel *Ciuili*. Illam in imperio & republicâ iure confideto, vt tutelam eius, imò augmentum: sine quâ frustra aliquis status aut commune se iactet. Præmitto igitur, & duo hîc in Romanis, *Iustitiam* ac *Fortitudinem*, miror. Quod ad illam, nescio an alia gens consideratius, & caussis in Rationis trutinâ libratis, bellum susceperit, quam ista. Nam plerique, aut Regum suorum arbitrio arma inducunt, aut primorum aliquot in Republicâ, qui decemebant. Hîc aliter. & nec Senatui, nec populo toti, plenum hoc ius; nisi cognitio & iudicatio sacerdotum publicorum interuenisset, quos *Fetiales* dicebant. Eorum arbitrio sumpta arma, posita arma: & religio, non solum iustitia, ea temperabat. Laudat & probat hoc vnicè Dionysius: & *Græcos suos caruisse* eo dicit: & *sefe idè obiter expositurum, quid muneris & iuris habuerint*: vt, inquit, *quibus ignota hætenus fuit Romanorum IN BEL- LIS RELIGIO, mirari desinant felices euentus plerumque habuisse. Nam omnium bellorum initia & caussas, apparebit iustas fuisse: atque idè Deos meritò propitios sensisse & fauentes*. AVD. Prudens & pia scriptio Dionysij, fateor: sed an vera Lipsi? Itane omnia bella iusta, & à talibus caussis? Mirum sanè. cum video tot regna aut regiones bello petitas, & subiectas; atque adeò in paucis annis, cum extra Italiam pugnare cœperunt, domitum penè vniuersum orbem. Singularis hæc occasio vel opportunitas, si omnes sic ordine læserunt aut lacefferunt: & planè ponenda inter tua ADMIRANDA. Quin, quod res est, dicimus? Bella quædam iusta, non nego: plura à duobus malorum stirpibus

nata, Ambitione & Auaritiâ. quod nec ipsi Romani scriptores negent. Vis Sallustium audire? *Romani arma in OMNES habent, in eos acerrima, quibus victis SPOLIA maxima sunt.* Et iterum: *Romanis cum nationibus, populis, regibus cunctis, VNA, & VETVS bellandi causa est, CUPIDO profunda IMPERII & DIVITIARVM.* Quid Tacitus tuus, ille iudicij consideratus simul & liber? *RAPTORES ORBIS, postquam cuncta vastantibus defuere terra, & mare scrutantur. Si locuples est hostis, AVARI, si pauper, AMBITIOSI. quos non ORIENS, non OCCIDENS satiauerit.* Audis, Lipsi, præclata hæc elogia? & ab ipsis quidem Romanis: nec tu velte aut colore aliquo sermonis facile hæc teges. LIPS. Suauiter rideo. AVD. Ita video, cur autem in re seriâ? LIPS. Nam tuam hanc malitiam (imperitiam dicere non possum) quâ non rideam? qui verba te dare mihi censes, in his quasi Romano-ruin verbis, quæ reuera hostium esse non ignoro. Nône priora illa Mithridates apud Sallustium profert, altera Galgacus apud Tacitum? Mirum autem, si ij benè honesteq; de Romanis loquantur aut sentiant, qui viris & equis expugnatum eos eunt & euersum. O tuam dissimulationem! quasi nescias decorè hæc historiis inferi, non quia probè aut verè, sed quia probabiliter ab iis dicta. Nam talia non desunt, nec vniquam deerunt, magnis imperiis obiectari. Miserabiles enim ferè victi sunt, & fauemus imbecillis; & passi iniuriam videntur, quia non fecerunt. Atqui terras eorum inuaserunt, & ceperunt. Quid ergo? libere & impunè læsisse vis? inciperè bella, in alierâ manu est: non ponere cùm lubet, & vt lubet. Amittere sua non iniustè incipit, qui aliena aut alios iniustè læsit. Sed enim ordo iste mirificus, & inter mca ADMIRANDA referendus, vt aiebas. Ego tecum hoc sentio, & arripio: & admirabilem planè hîc habeo Prouidentiam diuinam. Itâne serie quadam bella ex bellis nata, prouinciæ ex prouinciis subactæ: Illa causas dedit, aut permisit: & semper duplici hoc titulo Romani vsi, vt aut pro *Salute* arma caperent, aut pro *Fide*. Pro illâ, vbi res eorum ageretur; pro istâ, vbi Sociorum. Et hoc de Sociis latè patuit, & est illa catena, quæ bella & terras coniunxit aut subiunxit. Cicero verè & libere: *Noster populus, SOCIIS defendendis, TERRARVM OMNIVM potius est.* Verè inquam: & vis

pauca

pauca exempla? Ecce Carthaginienses validi sunt, imò æmuli virum Romanarum. obstant crescentibus: quid fit? remouendus ille obex, & caussam ipsi præbunt. Siciliam inuadunt, & Mamertinos: isti ad Romanos appellant, vt Socios. Veniunt, subueniunt, pellunt eos, & quæsitâ iam ipsis ad se trahunt. Fit pax, & Sardinia etiam Siciliæ adiicitur, concessu ipsorum. Vides augmentum? Sed enim iam sistimus, & illi manent ac florent? non. in Hispaniam malâ cupidine transcendunt, arma etiam Saguntinis inferant, & amicum sociumq; Romanis opidum euertant. Bellum ergo iterum iustum: quo fine, & fructu? Victi illi, & in Africam compulsi, Hispaniâ ancti Romani. Atenim Græcia & Macedonia iam defunt. Vis iustè dari? Philippus Macedo fœdus cum Annibale coibit, Romanos & Græcos simul lacescit: atque isti eos aduocabunt, & sibi primum, mox & Macedonibus, imponent. Talia in Antiocho, Iugurthâ, ipso Mithridate. qui sceleratissimus non regum, sed mortalium, quid de fraude vel iniustitiâ Romanorum queritur? vt volet; ipse ab illis & nobis audiet, *Væ victiâ*. Non dicam pereant, sed tamen pareant, qui vincere aut quiescere non potuerunt. AVD. Hem! acriter tu pro Romanis: sed ex animi tui sententiâ? LIPS. Ex sententiâ: saltem de antiquis illis Romanis, & ante Sullam ciuili bello nondum infectis &, vt sic loquar, decoloratis. Pleraque omnia tunc pura & iusta: & liceat cum Rutilio, verè de Româ dicere,

IVSTIS BELLORVM *caussis*, nec PACE *superbâ*,

Nobilis ad SVMMAS gloria venit OPES.

At postea degenerant, Auaritia & Ambitio quædam dictarunt, ad hoc Rationis examen non dirigenda. AVD. Iam remissus, & laudo. quid tamen in Rutilio audio, nec *Pacem superbè* dedisse? Imò rarò dedit, aut impotenter & superbè dedit. LIPS. Neque id tibi dabo. Quosdam populos puniuit, fatcor; sed non nisi imperio suo, & stipendiario illo iugo. Quàm multis autem & pacem indulsit, si vti cû potuissent, aut voluissent? Ipsis Carthaginiensibus bis: Philippo etiam, & Antiocho, & Tigrani: atque hos omnes cû pellere terris in eorum manu esset; contenti fuerunt restringere, & vt imagine hac vtat, pennas incidere, ne temerè & lasciue sic euolarent. Sed satis super Iustitiâ,

CAP. IIIL

Fortitudo Romanorum militaris.

Fortitudinem in militiâ nunc consideremus. Quid tamen hîc diffundar? nōnne satis in ROMANA MILITIA incâ feci? Opinor: sed argumenti & contextus etiam causâ, pauca dicantur. Aio igitur & *Milites* & *Duces* præstantissimos huic genti fuisse, & in omni tuo ADMIRANDOS. Vide mihi legiones illas, quæ binæ iunctæ, & cum totidem Sociis, equitatu autem *mille octingentorum*, ad quæcumq; bella & hostem ibant: ibant, sed & victrices ferè redibant. Tota autem ea manus, quid amplius quàm *octodecim millium* erat? Iam si decem legiones iungeres, quod item factum: quid nisi Hirtij verbis dicam, *vel celum diruere* eas potuisse? Ecce gygantes novos, & veros, nec è fabulis petitos. An non tales tibi videbuntur, si in *Opere*, *Agmine*, *Acie*, paulisper eos consideras? Quod ad Opus, fodiebant, vallum & fossas ducebant, aggerem, testudines, turres struebant: omnia celeriter & industrie, vt fidem superet paucos homines tanta, in tantulo tempore, struxisse. In *Poliorce-*
* Itemque
in Adulcia. *tici* meis dedi exempla. Iam de Agmine, quid istud est? arma omnia peditem ferre, cibos semestres aut menstruos, utensilia, & septenos aut plures interdum vallos. Iumentum ita oneres, negabis par futurum. Adde ordinem in toto incessu, à signis non discedere, pari passu omnes ambulare, decurrere etiam, cum opus esset, ita plenis armis. Denique in acie quis par Romano miles erit? nam non fuisse quidem, id cōstat. Cum omnibus gentibus, omni genere armorum aut pugarum, concurrerunt: ecquando victi sunt ignaviâ suâ aut culpâ? nam hoc addendum est: & optimus ille miles semper porior, nisi mens & directio impediret imperiti aut temerarij Ducis. Liuius gloriatur: *Absit inuidia verbo, & ciuilia bella fideant, numquam ab*
Lib. IX. *EQVITE hoste, numquam à PEDITE, numquam APERTA acie, numquam aquis & ique locis laborauimus.* Vera dictio, & trophæa victarum gentium adstipulatur. Græcos aut Macedonas aliquos mihi compones? Pyrrhus ipse Macedo refutabit: & cum Ro-

manæ

manere militiæ periculum, sed cum suo periculo fecisset, vocem è pectore emisit: *O quàm facile erat orbis imperium occupare; aut mihi Romanis militibus, aut Romanis me rege!* Atqui si quisquam Regum bono & veterano milite instructus fuit, is fuit. Quid autem mirandum tales fuisse, apud quos, à primâ adoleſcentiâ, vita omnis in armis, honos omnis ab armis erat? Nemo honestiorum ad temp. accedere, aut magistratus capere poterat, nisi decem annos militasset. Et pedestris ipsa militia, viginti annorum decursu denique terminabatur. In ipsâ pace, an quietem egisse censes? exercitia assidua erant, vel in Campo illo Martio, vel in ipsis alibi castris. Aristidem operæ pretium est in hac re audire: *Quinetiam in militari disciplinâ vos, ô Romani, omnium aliorum inscitiam coarguistis. Nec enim contra hostes dumtaxat milites vestros ac Duces, sed inter se primum committitis & exercetis. Ita fit vt COTTIDIE STENT IN ACIE, nec umquam quisquam LOCO CEDAT, sed vt in aeterno & celesti choro, quisque stationem suam cognoscat & seruet.* Reuera ita est: & de statione quod ait, quis nescit locum in acie, vel in præsidio, militi seruandum, vel moriendum fuisse? Leuiter ab eo discedere, à vitâ erat abire: vt seueritas quidem volebat saluberrimâ illius Disciplinæ. Inde contemptus periculorum & hostium: & in medios illos vel exiguum manum si Dux misisset, quis non sine cunctatione parabat? Exemplum illustre & notum, sed ADMIRABILE est, in bello Punico primo. Consul parùm providè suos ductans, in locum humiliorem, & collibus vndique cinctum, insinuarat. Hostes aditus infederant, & sine ferro confectum bellum videbatur. Ibi Tribunus consilium suppeditat: *Consul, inquit, vides tu collem illum, ab hostibus nondum occupatum? illuc censeo mittendam cohortem aliquam militum, si te & alios vis saluos. Hostes enim in illos irruent; interea tu, si vir es, te explicabis, & peruates.* Placuit Consuli sententia, & vera erat: nec de militis obedientiâ dubitabat, sed *Ducem, inquit, illum qui in certam mortem eat, quem habemus? Meipsum, ait ille.* Dictum, factum, quadringenti ad moriendum proficiscuntur, & cadunt: solus Tribunus inter mortuos, semimortuus ipse, reperi- tus conualuit, & sæpe vilem operam reipublicæ postea nauauit. Viros istos tali robore, tali obedientiâ, alibi mihi dabis?

Spar-

Spartanos tamen excipio, solos dignos qui cum Romanis comparentur, si vires & copiar maiores fuissent. nam alia non degenerant. Sed hæc infelix audacia: illa latior. cum Punico item bello, fugientem eorum classem, pedites in mare se conuientes & natantes, quasi in camporum firmitate aggressi, manibus suis in litus retraxerunt. Paullò vetustiora ista sunt: ecce magis noua exempla. Bello Africano ciuili, Centurio Cæsaris cum aliquot veteranis in mari captus, ad Scipionem aduersarium Ducein perductus fuit. Ibi Scipio clementer vitam statim offerre & honorem, si deficere à Cæsare, & pro se stare vellet. Ille autem contrà, hortari vt ipse desisteret, neu contra tam inuictum virum & copias pugnaret: *Quæ, inquit, cuiusmodi sint, si minus antea expertus es, licet nunc cognoscas. Elige ex tuis cohortibus vnâ, quam putas esse FIRMISSIMAM, & constitue contra me. ego autem ex meis commilitonibus, quos nunc in tuâ tenes potestate, NON AMPLIUS DECEM sumam: tum ex virtute nostrâ intelleges, quid ex tuis copiis sperare debeas.* Ita Hirtius, siue Opius, siue Balbus, castè & puriter hæc narrauit. AVD. Légi equidem, & memini: sed quid nisi militaria & vana hæc verba sunt? Nam vt decem contra quadringentos consistant, nulla ratio aut exempla dicent. LIPS. Rationem nunc omitto, etsi ea quoque in veterano isto robore est: sed exemplis hoc firmari potest. Non tu in eodem Hirtio legisti, *Numidarum copias, in coronæ modum, Cæsaris copias cinxisse? Cæsariani interim, inquit, NON AMPLIUS TRES aut QUATTUOR milites veterani si se conuertissent, & PILA VIRIBVS CONTORTA in Numidas infestos coniecissent, AMPLIUS DVORVM MILLIVM, AD VNVM terga vertebant.* Hoc etsi mirum, tamen verum est: & nisi fallor, ipso illo scriptore arbitro & inspectore gestum. Sicut quod idem eodem bello, de Gallis nostris tradidit: *Accidit res incredibilis, vt equites MINVS TRIGINTA Galli, Maurorum equitum duo millia loco pellerent, vrgerentque in opidum.* Vis nominatum & L. Sici-nium aliquem citem, qui centies & vicies in aciem descendit? sex & triginta spolia ex hostibus rettulit? octo ex pro-uocatione occidit? quinque & quadraginta vulnera pectore excepit, tergo nullum? Vis Cassium Scæuam? qui in Britannico litore, cum quattuor commilitonibus in scopulo

relictus, cùm mari abeunte hostibus adire fas esset, atque ij confecti in irruerent; desertus ab alijs, solus impetum sustinuit, multos deiecit aut occidit, denique armis suis onustus, solo scuto abiecto, in mare se dedit, & ad Cæsarem natauit. Qui stupens ad viri virtutem, laudare parabat: at ille disciplinæ memor, *Da veniam Imperator*, inquit, *quòd scutum reliqui*. O dictum, factis illis ipsi laudabilius! & quid à tali animo, non enim iam manibus solum, non speres? Idem Pompeiano bello, ad Dyrrachium castello præpositus, solus in portâ consistens, contra Romanas, Romanas dico legiones & copias, id seruauit. Quo tempore oculus ei effossus, humeri traiecti & semur, scutum *centum triginta* ictibus perforatum. Fabellas recitare hodiernis militibus videamur: sed nos res dicimus, tam hercules quàm cùm *Onera aut Opera* narcamus, adeò non imitanda, vt nec credenda. Sed in victoriâ quid milites istos miror? magis pænè in clade & morte. Miles in Cannensi prælio, cùm vulneribus confectus, manus etiã mutilatus esset, spoliare se conantis Numidæ ceruicem brachijs inuadens, ad se traxit, & naribus atque auribus corrosis (cùm alia tela non essent, aut tractare non posset) deforme cadauer aspicientibus reliquit. De vno loquor: sed *quàm illi viri fuerunt* (Flori verba dabo) *quos ab elephantis obrutos Pyrrhi prælio accepimus? omnium vulnera in pectore, quidam hostibus suis immortui, omnium in manibus enses, & relictæ in vultibus minæ, & in ipsâ morte ira vinebat?* Vide mihi istos, non homines, sed Martes, si fas dicere: & nec victos quidem, vincendos. Satis de Militibus, transeo ad Duces: etsi quomodo non isti omnes Duces? Imò quod Thucydides de Lacedæmonijs scitè dixit, *ὅτι ἀεὶ, καὶ διὰ δόξαν, τὸ στρατόπεδον αὐτῶν ἀρχαῖς ἀρχοῦντι ἐστὶ*: quòd, paucis exceptis, exercitus eorum DUCES DVCVM essent: id profectò in Romanos conueniebat. Sed tamen Duces etiã aliqui eximij: vt parens ille *Romulus*, vt *M. Furius Camillus*; vt *L. Papirius Cursor*, quem vel Alexandto parem (si venisset) Liuius opponit; vt *M. Claudius Marcellus* igneo impetu; vt *Q. Fabius Maximus*, salubri tarditate; vt *P. Scipio Africanus prior*, diuinâ felicitate; & *posterior*, diuinâ virtute; vt denique (nam omnes quis numeret?) caput & cùlmen *C. Iulius Cæsar*: fortunâ, peritiâ, magnitudine & celeritate animi, super

omnes qui arma tractarunt, aut tractabunt. Sed concludam; si post Cæsarem tamen vnum addidero, alterius Cæsaris ostendum vtilemque ministrum! Is *M. Vipsanius Agrippa* fuit, vobello prouidus & fortis, & vel causa victoriarum Augusti, vel instrumentum. Nec post eum, flaccescente iam Romana mole, quos mirer habeo, nisi forte *Germanicum Cæsarem*, sed prope rata mors eripuit; aut magis certè *Traianum*, suo & proprio elogio OPTIMUM MAXIMUMQUE.

CAP. V.

Pietas, Probitas, Constantia Romanorum.

SED ad *Ciuilem* iam Virtutem venio, domi & in urbe spectandam. Eam per omnes ordines diffusam triplicem maxime reperio, *Pietatem*, *Probitatem*, *Constantiam*. *Pietas* eminet, vana illa quidem dixerit aliquis, sed tamen in assiduo Numinis cultu (pro ipsorum capto) reuerenter occupata. Incredibile est, quam omnia publicè & priuatim religio e cœpta, administrata, patrata: vt totam ciuitatem sacris operatam & addictam possis arbitrari. Atque id secundum vetera instituta, nec nouitati aut inutationi dabant hîc locum.

* Nota ad
copiam ex-
terorum.

Miratur hoc *Dionysius*: quòd *quamquam** *sexcenta nationes pæ- nè in urbem fluxerant*, quibus singulis sacra sua ritusque patrij essent; tamen ad suum æuū (inquit) nulla peregrina religio publice suscepta; aut si qua oraculorum monitu introducta, ea ipsa Romano more culta, abdicatis fœdis vanitatibus, aut fabularum portentis. Quò valdè faciebat, quòd Sacris præessent, & ipsi non interpretarentur solùm, sed administrarent, viri in Republica primi, honoribus honesti: qui & exemplo plebem còtrahebant; & prudentiâ ac maturitate, nota aut nocitura spernebant. Ab hoc deinde capite alia Virtutum membra: & in primis illa *Probitas*, quam nominaui, id est animi morumque integritas quædam & candor. Sine fūco, sine fallaciâ diu mores illi fuerunt: & in prouerbium abierat, *Homo Romani ingenij*, *Romana simplicitas*, & *Romana fides*. Incerti, sed Romani scriptoris, versus sunt:

CIVE ROMANO PER ORBEM nemo viuit IUSTIVS.

Quippe malo vnum Catonem, quàm trecentos Socratas.

Et sanè disserere alibi de virtute crebrum, hìc vsurpare. Quà in re alienum testimonium audiamus, & Polybij, id est hominis Græci. Deus bone, quàm ille dilaudat, & suæ genti præfert! Apud nos, inquit, si cui talentum concreditum sit, & existent decem syngraphæ, decem signa, bis totidem testes, tamen fidem vix est seruare. apud Romanos autem, cùm in Imperijs aut Legationibus plurimū pecunie in manibus habeant & dispensent, tamen officium & fides constant, solā iurisiurandi religione inductis. Vides Probitatem in hac parte? sed & in bello candor is fuit, & rarò astu aut fraudibus victoria quaesita aut parta. Tangit grauiter M^r. Aquillium Imperatorem noster Annæus Florus, quòd is bello Asiatico veneno fontes miscuisset, ad deditiōem quarundam vrbiū. *Quæ res, inquit, vt maturam, ita infamem fecit victoriā. quippe cùm contra fas Deū, MORESQUE MAIORVM, medicaminibus impuris, in id tempus SACROSANCTA Romana arma violasset.* Iam & huic Probitati Abstinentia, siue etiam Continentia, adherent: nō scēdē aut iniuste appeterē alienum, parē & modicē suo vti. Et illius quidem (Abstinentiæ, dico) quàm pulchrum, nec iactatum nimis, exemplum fuit ab vniuerso populo editū, Marianā & Cinnanā proseriptione? Quippe cùm ij hostium suorum penates, omnibus opibus aut elegantijs plenos, vulgi manibus diripiendos vtrò obiecissent: nemo inuentus est, nemo, qui iniustam hanc prædam ē ciuibz peteret, caperēve: sed, tamquam à sacris edibus, omnes manus & cupidinem abstinerunt. Et quid in togā miramur hæc exempla; cùm in ipso bello, & inter hostes, prædæ abstinentia fuerit? quæ non nisi permissu capta, & sic quoq; tota ad Duces relata. Iam in Continentiā quàm laudabiles, si cibum, vestem, aut externa alia spectes? Plinium & Plautum testes habemus, populum Romanum per aliquot sæcula, non nisi farre & pulte vulgò vsum. Quòd si nuptiæ, festiuitas, aut lætius conuiuium esset; pro magno pauci pisciculi, & porcine aliquot pondo, in obsonium adiecta. Similis in vestibus frugalitas: & omnium, ditium pauperumque, ē lanā: atque eā natiui & albidī coloris. nisi quòd ditiorum splendentes paullò magis & nitidæ à fulloni arte essent. Nam Sericum, Holofericum,

ipsa Lintea, serò innotuerunt, & timidè etiam in vsum paucorum venerunt. Adderem Modestiar laudem, & reuerentem Senatus & procerum suorum populum: nisi Tribunicie interdum procellæ turbassent, quam ego pestem vnicam & labem reperio in re Romanâ. Denique & tertiam virtutem *Constantiam* feci: ô verè ADMIRANDAM in hac gente! Nam in alijs pares alios habeant: in hac nec comparandos. Mucius ille olim oraculum protulit: *Et facere, & PATI FORTIA, Romanum est*: quasi hæc in malis magnis Patientia (quæ ipsa est Constantia) peculiaris eorum virtus esset. Et tu dispicce. Vmquânnè vnum aliquem hominem, plus inuicti, & obnixi in omnes casus, roboris ostendisse, quàm populum hunc vniuersum? Exemplis doceatur. Pyrrhus ille in Italiam venerat, cum noui generis gentisque copijs, & inprimis inaudito terrore elephantum. Victor grandibus prælijs erat, Italiam percurrerat, & à trigésimo parè lapide Romam prospexerat. Quid Romani? trepidant scilicet, & pacem petunt? Imò oblatam vltro respuunt, & legatos eius cum animoso hoc responso dimittunt: *Pyrrhus Italiâ cum copijs excedito. Vbi excesseris, de pace si volet, agito. Ni excesseris, arma & viros, & aciem expectato. Neque destituros ab incepto se, etiamsi SEXCENTOS LAEVINOS* (ea verba Plutarchus posuit) *pugna vicisset. Qui animi isti, aut verba sunt? non contra Pyrrhum, sed contra fortunam, & parè dixerim cælum, diuincantium. Et si inos ille corû semper in bellis* (notandus & ADMIRANDVS) *nihil largiri armato hosti: sed vbi ea posita, & obsequiosi aut flexibiles illi visi, tunc denique conditiones ferre & æquas, & sæpe nec expectatas. Generosorum hoc est: ire in aduersos, parcere aut abstinere iam abiectis. Fructus autem Constantiæ in Pyrrhum fuit, sponte Italiâ illum fugere, ipsos eius dominos & potentes fieri. Vide & bellum Punicum primum. quot ibi clades, raræ aut nouæ? Rara in Africâ ipsâ, cum Atilius Regulus Consul, cum toto exercitu oppressus, & viuus venisset in hostium potestatem. No- uè aliquot in mari: cuius antea expertes & imperiti, classes plures vel naufragio vel pugnâ amiserant. Polybius scribit, & ipse miratur, septingentas quinqueremes eo bello amissas fuisse. Satis autem iacturam eam æstimas aut intellegis? in quaque earum* (Poly-

(Polybio sic ordinante) *trecenti* reuiges fefinè erant, milites
centum viginti. Hos tu fi vnà computas & colligis, videbis
** Manip-
 lus vnus.*
 paullò minus *trecentis hominum millibus* periiffe. Et qui Romā
 tunc erant? nec totâ etiam Italiâ plenè adhuc potiri. O con-
 ftantiam, ô robur, & ô fortunam! nam hæc fe vertit, & puduit
 tam merentibus non fe dare. Iam ad mortem plaga, Punicum
 bellum tertium. Annibal fummus ducum in Italiam ipfam
 venit, filuam excindere parat, in quâ stabulabantur Martia-
 les ifti lupi: & pænè fecit. Tribus præliis magnis victor, & vl-
 timo illo Cannenfi, quid nifi totum virilem sanguinem Ro-
 manum exhaustit? Heu cladem! *quingenta millia* felectorum
 militum, vnà cum altero Confulum, cum tot Tribunis &
 Centurionibus, tot Senatoribus & Equitibus Romanis iacent:
 & tu Roma adhuc fpiras? quibus freta? fenibus, puerisq̃ue, &
 feminis, quos solos pænè reliquos habes? Spiro, inquit, imò
 alta & vetera firo. De pace nulla mentio: veniat vel Romam
 Annibal, arx & Capitolium nos defendet, & è cinere ifto fuf-
 citabuntur *rerum domini Romani*. O infanas, dixerit aliquis,
 cogitationes! fed res & exitus docuit, conftantes & felices. *Ma-
 gna populi Romani fortuna* (ait Florus) *fed SEMPER IN MALIS*
MAIOR, refurrexit: & pueros, fenes, vinctos, feruos arma-
 uit: & imbecillo aut fædo exercitu victrices illas copias pro-
 fligauit. Plura poffem, nam in omni Romanâ hiftoriâ pro-
 priæ huius virtutis exempla funt: fed quid maius iftis poffum?
 Claudianus concludat:

NVMQVAM SVCCVBVIT DAMNIS, & *terrata nullo
 Vulnere, poft CANNAS MAIOR Trebiamq̃ue fremebat.*

Et Liuius: *MAGNITVDINEM populi Romani, aduerfis propè rebus
 ADMIRABILIOREM, quàm fecundis effe.* AVD. Atqui vnum mi-
 nor, & pænè doleo, à te omitti. LIPS. Quod illud eft? AVD. De
 Varrore. nam quid admirabilius, quàm cum ille auctor &
 cauffa tantæ cladis (nec falfo) diceretur: Romam redeunti ob-
 uiam itum ab omni ordine & populo, & *Gratias aëtas, quod de
 Republicâ non desperaffet?* Siqua alia hæc plebs fuiffet, itâne gra-
 tias funefto & furiali capiti? fputa, faxa, tela, nec vnā mor-
 tem. Illi fecerunt. quia hoc quoque Conftantiæ proprium, me-
 deri malis potiùs, quàm irafci. LIPS. Eft & minutum aliud.

Nam cùm urbem ipsam Annibal obsideret, & tetraret: fin-
 dus, in quo castra eius posita, publicè sub hastâ Romæ vixit:
 nec minoris, quàm si liber, nec infessus ipse aut Italia ab hoste
 essent. Item alterum, eodem illo tempore, cùm ad vnam por-
 tam Annibal pugnaret & inuaderet, alterâ militem & auxilia
 in Hispaniam emisertunt. Fiducia hæc, vt verum dicam, huma-
 na non fuit: à Deo inspirante vênit.

CAP. VI.

*Contra Probitatem & Abstinentiam dicta &
 obducta quadam.*

ET hæc sufficiunt, mi Auditor, de Virtute Ciuili: cuius cu-
 stodes & sacerdotes si viritim recenseam, quando finiam?
 te, & certè me, fatigem. AVD. Numquam me, nec si Iliadem fir-
 monis tui texas. Sed tamen si arbitrari me dicta tua vis, non so-
 lùm audire: habeo quæ speciosè aut firmiter obducam iis &
 opponam. Itane Virtutem hanc attollis? Pietatem omitto: etsi
 ea externa tota, & miseratione magis, quàm refutatione digna.
 Sed de candore & fide adiunxisti: an non ipso animo tuo alibi
 retinente, aut refragante? Proh sancta Fides, quæ igitur te alibi
 aut video, contra tuum numen aut nomē admissa? *Cancer* popu-
 lus Hispaniæ satis potens & notus fuit. qui cùm pates Roma-
 norum armis & violentiæ non essent, legatos supplices in castra
 ad Lucillum Imperatorem miserunt, pacē & fœdus quacumque
 lege facturos. Ille obsides impetrat, & argenti statim * talenta
 centum, equites auxiliares certo numero. Omnia fiunt sedulò
 & obnoxie. Imperat tum amplius, vt *duo millia* militum in ur-
 bem suam accipiât, præsidij causâ. Id quoque factum. Sed illis
 occultò mandatum, vt muros portasque occuparent: atque ita
 Lucillus reliquum exercitum induxit, & tubâ signum datum,
 vt sine discrimine, senes, pueri, viri, feminae interficerentur. Ita
 opidum direptum, deletum: ipsa *viginti millia* hominum, per
 summum scelus, interempta. O candorem, o simplicitatem! &
 ecce aliam, in eadem Hispaniâ, similem. Sulpicius Galba Lusit-
 aniam hostiliter ingressus vastabat, mirantibus illis nec causæ

* 60000.
 Phil.

aut culpæ satis consciis, Legatos mittunt, fœdera priora renouant: illo recipiente, & vltro miserante, quod sic affligerentur. Sed, inquit, *egestas fortasse vos impulit prædas agere, & belli speciem præbere: medebor.* Tripartitò vos diuidâ, & in agro ac solo pingui collocabo, vbi reliquum beati ac tuti agatis. Venite cum vxoribus, cum liberis: in talem vallem, talis illa pars. assignabo. Veniunt miseri, læti ac securi, & in triplici regione distincti. ad quorum primos cum accessisset, arma ponere quasi amicos sociosq; iussit: & iis positis, milites inimisit, & fidem ac deos implorantes, ad vnum omnes occidit. Idem alteris, tertiusq; celeriter factum, & priusquam fama prioris facinoris ad eos venisset. Aspicio te Lipsi, & oculis vultum ac pectus verbero, si tale aliquid infidum & barbarum, in vllâ barbarie factum? Atqui nouitia hæc sunt, diceas, & reipublicæ inclinantis. Non nimis, nec longè à Bello Punico secundo, cum Respublica moribus legibusque vel maxime floruisse censetur. Sed vis igitur antiquiora? accipe. Aufonium gens in Italiâ fuit, vno tempore, nullo satis certo crimine, excisa. Liuius ipse narrat, suspectos & delatos à paucis, quasi deficere ad Samnites vellent: præuentos aurem à Romanis, qui occulte submissis militibus, quibusdam & togatis, portas trium op. domum occuparunt: & eâdem horâ, cædibus promiscuè factis, vrbes & gentem deleuerunt. Audis tu mi doctor? quid istis hominibus probius aut candidius? cedunt Gallicanæ nostræ mures. Iam & *Abstinentiam* ac *Continentiam* laudasti: & vt leuissimè dicam, subrisi, aut & irrisi. Nam quæ, aut vbi, hæc Abstinentia? Romæ & inter ciues fortasse? credo, & ex veteri dicto, *Coruus coruus oculum non eruit.* Sed an eadem in prouinciis, & vbi occasio aut facultas peccandi? O dii deeq; (si fas sic exclamare) quæ illic occulta aut aperta furti, libidines, nundinationes, raptus? Poëtæ Harpyas aliquas finxerunt, quæ cōtactu & vnguib; omnia diriperet, aut fœdarent: in re, isti Romanorū Præsidæ fuerūt. Optimus & bellissimus quisq; ita se gerebat, vt bella omnia domū auferret. Demades olim dictitare solitus, cum ad Tribunal aut Magistratum iret, *ad Auream messem se ire:* mihi crede, isti ibant, & Colchos quisque Iason sibi spondebat. Legisti tu Ciceronis illa de vno Verre? Pleraque talia in aliis, & multi prouinciales non nisi præda & spoliū Præsidibus suis erant.

erant. Quòd si in pace talia : per bellum & arma quid suspi-
camur fuisse ? & tu tamen illic quoque Abstinentiam eorum
laudas. O iustè, ô meritò ! & tuâ veniâ, dabo exempla. Ecce
L. Sulla in Asiâ, cùm communiter *viginti millia talentum* ex-
gisset, priuatim edixit, vt hospes militi apud se diuertenti se-
decim drachmas in diem daret; cœnam insuper ipsi, & sodalibus

* 39. Phil. quot vocasset; Centurio autem acciperet in diem *quingenas
drachmas*, vestè præterea duplicem Domesticam & Forensem.
Hæc Sulla, inquit, homo nequam, & natus ad Disciplinam
militarem dissoluendam. Benè est, accipio excusationem:
quid ergo L. Paulus qui Macedoniam vicit, inter optimos ci-
uium ? Destinatum ei Epirum totam diripere, & in prædam
militibus dare, quia cum Perseo rege sensissent. Quid facit?

Lib. XLV. ipsis Liuij verbis, *Centuriones in singulas vrbes submittit, qui se
dicerent ad præsidia deducenda venisse, vt liberi Epirota, sicut Ma-
cedones essent. Denos principes è singulis euocauit ciuitatibus. Qu-
bus cùm denuntiasset, vt aurum & argentum in publicum proferre-
tur; per omnes ciuitates cohortes dimisit, sic vt vno die in omnes per-
uenirent. Edieta Tribunis Centurionibusque erant, quæ agerentur.
manè omne aurum argentumque collatum: hora quartâ signum ad di-
ripiendas vrbes datum est militibus: tantaque præda fuit, vt in equi-*

* 40. Phil. *tem* quadringenti Denarij, peditibus duceni diuiderentur. Centum
quingue millia capitum humanorū abducta. Muri deinde direpta-
rum vrbiū diruti sunt: ea fuere opida circa LXX. Quibus auribus
tu candoris, tu abstinentiæ mirator, hæc audis ? Centuriones
submittit, per speciem liberandi; deceni primos euocat, vt con-
silio & ducibus spoliect: ô candidum factum! Milites deinde
immittit, diripit, cædit: ô clemens abstinentisque factum! Sed
pulcherrima clausula, tot millia capitum abducta: nec finis,
in miseros muros & tecta sæuitum, & dirui ea iussa. In vicinâ
Graciâ, quid Hortensius Prætor patrauit ? Legati Abderitæ

Lib. XLVI. in ipsâ Româ audiantur, (Liuij item verbis) *Flentes ante Cu-
riam, querentesque, opidum suum ab Hortensio expugnatum dire-
ptumque esse. Caussam excidij fuisse, quòd cùm centum millia de-
narij, & tritici quingenta millia modium imperaret, spatium
petierant, quò de eâ re ad Hostilium consulem, & Romam, legatos
mitterent. Vixdum ad Consulem se peruenisse, & audisse opidum*

* 10000.
Phil.

expugna-

expugnatum, principes securi percussos, sub coronâ ceteros venisse. In ipsâ Italiâ, Locrorum opido Q. Pleminius, Legatus Scipionis Africani, cum milite præfuit. Sed quomodo? Liuius iterum dicit: *in CORPORA, in LIBEROS, in CONIVGES, INFANDAE contumelia editæ. Libidines, & non dicenda habes: iam auaritia* (inquit) *ne sacrorum quidem spoliacione abstinuit. nec alia modo templa violata, sed Proserpine etiam intacti omni ætate thesauri.* En religionem & pietatem, quam laudabas. Et quid ego Consules, Prætores, Legatos, nomino aut conquiro? ecce pusillus vnus Præfectus equitum, titulo tenus, Scaptius, cum pecuniam deberi sibi à Salaminis diceret, illi ad Senatum appellarent, eiusque consultum: homo probus & iustus, *quinquaginta equites ab Appio Proconsule impettat, inclusum in Curia Senatum habet in multos dies, aded vt interierint nonnulli fame.* Hæc Cicero ita narrat, & simul æquabile illud ius inter prouinciales & Romanos ostendit. Quid plura addo? claudat mihi Polybius testium agmen. qui scribit Scipionem, captâ Carthagine Nouâ, omnes obuios occidi iussisse, nec vt vlli parcerent. Tum addit, sollennem hunc morem Romanis fuisse: *Videntur enim, inquit, terroris gratiâ hoc illi facere. Itaque frequenter videre est, quando Romani ciuitates capiunt, non homines modo occidi, sed etiam canes diffecari, & aliarum animantium membra truncari.* Heu, heu clementiam, candorem, probitatem, & omnia, quæ dixi, inter ADMIRANDA!

Lib. vi.
ad Attic.

CAP. VII.

*Pariter contra Continentiam, & de
luxu Romano.*

IAM tu *Continentiam* etiam laudabas, in Victu & Veste: voluntate tuâ, aliquid opponam? LIPS. Valdè interest scilicet quid velim: tu mihi videris, vt Mithridates aliquis, non libero, sed hostili ore & animo, inuehi in Romanos. AVD. Non ita est: sed falsa si dicam, vterque parati erimus, tu refellere, ego refelli. Hoc iam agis, video: sed prius & istæ audi. *Continentiam* igitur & frugalitatem veterum illorum, sed planè veterum, si lau-

b

das:

das: ego succino, & Fabricios, Curios, Quinctios tecum initor. Sin longius trahis; vt non ego, lectio tua & obseruatio tacite refellent. Quid? leges illæ Sumptuariæ ab antiquo latæ, & sub bellum Punicum secundum, non ostendunt morbos in cā parte fuisse, cum ad publica hæc remedia decurrēdum? ipsæ cenæ, & lautitiæ quæ narrantur, non id clamant? Reminiscere Pontificiæ illius cænæ apud Macrobiū, vbi incognita & nobis quærenda ciborum genera: reminiscere & Sallustij verborum de Metello Proconsule, in Hispaniâ: *Cænæ, vltra Romanorum, ac mortaliū etiam, morem curabantur, exornatis adibus per aulea & insignia, cænis quæ ad ostentationem histrioniam fabricatis. Simul croco sparsa humus, & alia in modum celeberrimi templi. Præterea, sedenti in transfennâ demissum Victoriæ simulacrum, cum machinato strepitu tonitruum, coronam ei imponebat: tum venienti thure, quasi Deo, supplicabatur. Toga picta plerumq; amiculo erat accumbenti. epulæ verò exquisitissimæ, neque per omnem modō prouinciam, sed trans maria, ex Mauretaniâ volucrum & ferarum, incognita antea, plura genera. Considera cænaculi apparatus, cænantis habitum aut honores, cænæ ipsius exotica fercula: quis ganconum & lurconum, possit vel ausit imitari? Quis nostrum hodie aues aut feras trans mare, cænæ causâ, conquitit? Atqui olim non Metellus solum aliquis, sed iam vulgus lautiorum. Petronius Arbiter:*

*Ingeniosa gula est, Siculo scarus æquore merisus
Ad mensam viuus deducitur. inde Lucrinis
Eruta litoribus vendunt conchyliæ cænis,
Vt renouent per damna famem. iam Phasidos vnda
Orbata est auibus, mutoque in litore tantum
Sole desertis adspirant frondibus aura.*

Pulchrè & floridè, sed an poetice & elatè non opinor, imò Seneca, acer ille talium quæstitor & censor, auget & attollit. *Non est necesse* (inquit, ad sæculi sui mores) *OMNE perscrutari profundum, ac strage animantium ventrem onerare, nec conchyliæ VLTIMI MARIS ex ignoto litore eruere. Dii deaque istos perdant, quorum luxuria tam inuidiosi IMPERII FINES transcendit. Vltra PHASIM capi volunt, quod ambitiosam popinam instruat: nec piget à PARTHIS, à quibus pœnas nondum repetimus, aues petere. Vides affectum & stomachum viri, & sine bile hæc nec in sermone quidem vsur-*
pantis.

pantis. Quid Latinus Pacatus, in Panegyrico? Laudat Theodosium Principem, quod nihil tunc opus esset, ad penum regiam flagitare remotorum litorum piscem, peregrini aeris volucrem, alieni temporis florem. & tum addit imaginem prioris sæculi: Nam delicati illi ac fluentes, & quales sæpè tulit Respublica, parùm se lautos putabant, nisi luxuria vertisset annum, nisi hibernæ poculis rosa innotassent, nisi æstiuæ in geminis capacibus glacie falerna fregissent. Horum gula angustus erat orbis noster. namq; appositæ dapes, non sapore, sed sumptus æstimantes, illis demum cibis acquiescebant, quos EXTREMVS ORIENS, aut positis extra Romanum COLCHVS imperium, aut samosa naufragiis maria misissent. Ecce vitia & prodigiosum luxum, omnia fastidientem, nisi remota & sumptuosa. Sed inferioris tantùm illa xuiiimò verò, vt tetigi, à bello Punico secundo, aut circa: cùm ecce Cato Censorius publicè questus, Non posse saluam esse urbem, in qua piscis pluris, quàm bos, veniret. Attende mi Lipsi. hocne nostro æuo sit? & tamen in luxum inuehimur, nec imimeritò: at ego tibi dico, pluris quàm decem boues vænisse vnum piscem: piscem? pisciculum addo. Mulli in quo tunc pretio? putantur fuisse, quos Barbos hodie, aut Regulos marinos vocamus: sed quidquid fuit, pisciculus, & vix quinque aut sex librarum. O non delicias, sed insanias! vnum ex iis quinque, sex, octo, decem millibus Hs. reperio emptum. Seneca iocose narrat de Tiberio, seuero Principe, & luxui nec dute nec fauto-re. Mullum ingentis formæ (quare autem non pondus adicio, & aliorum gulam irrito? quattuor pondo & selibras fuisse aiebant) Tiberius Caesar missum sibi, cùm in macellum deferri & venire iussisset. Amici, inquit, omnia me fallunt, nisi istum mullum aut Apicius emerit, aut P. Octavius. Ultra spem illi coniectura processit. Licitati sunt: vicit Octavius, & ingentem consecutus est inter suos gloriam, cùm Hs. quinque millibus emisset piscem, quem Cæsar vèdiderat, ne Apicius quidem emerat. Notetur hîc, quæso, non pretium solùm piscis, sed Tiberij mirabilis contentia, qui in tantis opibus nec edere piscem voluit, nec donum alteri tradere, sed pretium ex eo fecit. quod sordes hodie aliquis fortasse (nescio an recto iudicio) interpretetur. At in Plinio, Asinius Celer, è consularibus, hoc pisce prodigius, vnum mercatus est octo millibus. Atque id quasi summum pretiũ Plinius habet, cùm tamen in Suetonij Tiberio sit, Prin-

Epist. xcvi.

* centũ viginti quinque Plin.

* ducentis Plin. p. cap. xxxiij

cipem cum grauer questum, tres millos triginta millibus nummum
 vanisse. Si numeri recti, certum est excessisse, & singulos ducentis
 quinquaginta Philippicis sterisse. An fallus aut mendax ergo fui,
 de bobus vel decem? Iam alia si conquiram, vereor non longus
 solum, sed vanus esse. Dicam tamen, vel tui iudicii explorandi
 causâ; & corriges, sicubi ego, aut testes mei, extra fines veri ibunt.
 De Apicio, quem iam nominavi, res nota est, hominem perditæ gulæ
 fuisse: de quo, ut alia silcantur, mors sola iudicabit, quam Senecæ
 verbis dicam. *Apicius*, inquit, *nostrâ memoriâ*, (sub Tiberio) *vixit*,
 qui scientiam popinæ professus in eâ urbe, è quâ quondam philosophi
 pulsati fuerant, disciplinâ suâ seculum infecit. cuius exitum nosse,
 operæ pretium est. Cum HS. milles in culinam congressisset, ære
 alieno oppressus, rationes suas tunc primum coactus inspexit.
 Superfluum sibi HS. centies computauit, & velut in ultimâ
 fame victurus, veneno vitam finiuit. Quam luxuriam, & quam
 effusam vitam priuati hominis hanc fuisse putamus, cui centies
 HS. (id est, ducenta quinquaginta millia Philippæorum) paupertas
 & desperatio fuit? O quam multorum improba vota hodie sint,
 vel quinquagies habere? Sed hunc omitto, & duos eodem nomine
 alios, qui in exemplar & nomen transferunt huius vitij: Claudium
 Æsopum addamus, histriorem. De eo Plinius: *Maximè insignis est in hac
 memoriâ, Clodij Æsopi, tragici histriionis patina, sexcentis HS. taxata.*
in quâ posuit aues, cantu aliquo aut sermone humano vocales,
millibus sex singulas cœmentas, nullâ aliâ inductus voluptate,
nisi ut in his imitationem hominis manderet. Benè hæc postrema
 fortasse: sed an non acrius, imitationem hominem manderet?
 Anthropophagum facere hunc Æsopum vult, qui aues comederet,
 cum hominem non posset, humanas. Æstimatio autem ea vnus
 patinæ est, quindecim millium Philippæorum. Atque iste etiam fuit
 (alij ad eius filium referunt) qui *margaretas sorbere solitus*
 aceto solutas. O scelus, in mare deportandum! LIPS. Ne nimis,
 ne nimis: & an me cò vis? nam ne nescias, & ego margaritas,
 vel potiùs margarétulas, arte liquefactas, valetudinis causâ,
 solco sorbere. Nec res magna aut impendiosa est. A v d. At ego
 pretiosas aio, & mens eorum est, qui scripsere. Tu autem vel
 aurum & gemmas sorbe, ut viuas. Sed quod ad illos gulones,
 de M. Antonij & Cleopatræ spon-

* Duo mil-
 liones &
 semis.

fione

sione non inceministi, cùm hæc se centies Hs. vnâ cenâ diceret absumpturam? Ille negare, & rem ^{* ad vñatō} censete: ad sum- ^{* qua fieri non possit.} mum, iudex & sculna captus Munatius Plancus. Res non differtur, sequenti diē illa cenam apparat pollucibilem, signis vñquam, & denique vt Cleopatta, & Ægypti regina. Nihil mirati Antonius, & calculos ad extremum poscere: cùm illa arridens, Vnum, inquit, fereulum rem consecerit. & simul ex coïnposito, illatâ phialâ acris aceti plenâ, vnionem quem aure dextrâ gestabat, singulare naturæ opus, detractum in phialam denisit, eumque, vt natura est, statim liquefactum absorbit: parata & in alterum, quem sinistrâ gerebat, manum injicere, nî providè & properè Munatius, victum Antonium clarè pronuntiasset. Quidni victum? cùm sola ea gemma vel centies Hs. esset? siue, vt nostra æstimatio, ducentis quinquaginta millibus Philippæorum. Atque illa igitur arte hoc consecuta est, vel astu: an re ipsâ & simpliciter Caligula, de quo Seneca? *C. Caesar, quem mihi videtur Natura edidisse, vt ostenderet quid summa vitia in summâ fortunâ possent, centies Hs. cenauit vno die, & in hoc omnium adiutus ingenio, vix repperit, quo mediocrium provinciarum tributum vna cenâ fieret.* Nam si margarætæ vel lapilli absumendi, quid ingenij magnis aut inuentis opus? via strata & nota iam erat, per vestigia Cleopattæ. In Suetonio tamen sic lego, de ipso isto Caligulâ: *Commentus est portentosissima genera ciborum, vnguentis calidis frigidisque lauabatur, pretiosissimas margarétas, aceto liquefactas sorbebat; conuiuiis ex auro panes & obsonia apponebat.* Quid iam Vitellius, ille helluonum omnium altissimus gutges? de quo Plinius: *Vitellius in principatu suo* ^{* de-} ^{* 25000.} ^{Phil.} *centies Hs. (ita libri veteres) condidit patinam, cui faciendæ fornax in campis exædificata erat. Ego mallen (sed tu iudica) condijt patinam: quia non de ipsâ lance, etsi grandi & pretiosâ, sed de instructo eius & obsonio est sermo. Scripsit autem Suetonius: in hac scarorum iocinera, phasianorum & pavonum cerebella, linguas phænicopterum, murenarum lactes, à Carpathio vsque, fretoque Hispaniæ, per nouarchos ac triremes petitarum, eum commiscuisse. Vbi libri veteres plerique, à Parthiâ vsque (non à Carpathio) habent: & considerandum est, ex Senecæ & aliorum suprà verbis. Etsi tamen structura videtur hæc ad Murenarum lactes referre. Idem*

Consol. ad
Heli.

Lib. XXXV.
* 25000.
Phil.

verò Vitellius, non ipse solùm prodigus, sed alios impellens, indicabat eadem die, ientacula, prandia, cenas, commissationes, ipse omnibus sufficiens, vomitandi consuetudine. Quod Suetonius cum retulisset, ita reddit: nec cuiquam minus singuli apparatus, quadringenis millibus nummum constiterunt. Heu illudum vel abusum, in alienis opibus! nam ea sunt decem millia Philippicorum, siue ipse centus equester. Super hæc nihil reperio, nisi in Latini Pannegytico obscure quosdam Principum perstrictos: *Vt taceam*, inquit, *infami dulectu scriptos in provincijs aucupes, duæque sub signis venatorum cohortes, militasse conuiujs: nonne cognouimus cuiusdam retrò Principis non prandia sepe, sed ferula, Hs. millies æstimata, patrimoniorum equestrium pretia traxisse? Nec satis firmiter scio, quem aut quos tangat: puto Vitellium tamen, si in verbis eius emendes, * Hs. mille æstimata. Nam de illo millies, quis credat in vno ferculo absumptum? quod nec Cleopatraz aliquor, aut Caligulæ iuncti fecissent. Immane hoc nimis est: at illud mille planissimè conuenit, cum Plinij suprà notâ de vnâ Vitellij patinâ decies Hs. æstimatâ. Nam millena Hs. & decies, Romanis idem sonant. Iam de Heligabalo quid dicam? de quo Lampridius: Numquam minus * centum Hs. cenasse, hoc est argenti libris xxx. Aliquando autem * tribus millibus Hs. cenasse, omnibus supputatis quæ impendit. Cenas verò Vitellij & Apicij vicisse. Vbi tamen non argenti libras xxx. legi calculus vllus admittit, ut paries cum centum Hs. sed potius ccl. quæ pura veritas esset. Atque ego in isto super omnes stupeo. Lips. Quid ita? nam Cleopatra, imò Caligula superauit. Avd. At enim hoc mihi magnum & stupendum, quod sumptus isti in Heligabalo cottidiani, & numquam minus (verba Lampridij) centum Hs. cenauit. Essent septuagintaquinque millia Philippicorum in mensem: quid iam conuiuia, quæ eiusdem totius summx, in vnum diem interposuit? Ita enim & Lampridius addidit factum. Sed iam monstra omittimus: aliquid ad communem morem quaerimus, à quo non nimis Philippus, Hortensius, Lucullus, & hi tales, lumina reipublicæ, abiuerunt. Piscinæ & viuaria istorum nota sunt: cænæ, ex vnâ hac Lucullianâ. In famâ homo erat lautitiarum, & quòd esset non ganeo & profligator, ut plerique sua haurientium, sed erudito luxu. Cepit cupido Ciceronem &*

* 1000.
Phil.

* 100.
Phil.
* 7000.
Phil.

Tacit. de
Pettualo.

Pom-

Pompeium cognoscendi, sed inopinatò, & vt seriò discerent quomodo in dies viueret. Inueniunt in foro, salutant, carnā indicunt. Sed *heus tu*, aiunt, *ea lege nequid pramandes. nam sumptum sumi in nos, non placet*. Ille tergiversari primò per simulationem, & *Cras potius*, inquit: cū negarent, *Ergo nec hoc licet*, inquit, *famulo dicere in quo triclinio cenaturi simus?* Permittunt. Ille altā voce, *Abi, dic in Apollinis cenaturum*. Mox sequuntur: omnia lauta, splendida, regia, cum stupore duorum conuiuatum. Sed causā nesciebant scilicet, & totam vinā habuerat ad apparatus, vnum illud *Apollinis* verbum. Nam homo ita disposuerat, vt cœnacula suis nominibus distincta essent; & in quoque tales cibi, & impendia. Eminebat autem illud *Apollinis*: atque ita cū Dispensator aut Coquus audissent id nomen, sciebant statim quid, & quantum, opus esset. Summa enim taxata huic cœnaculo, ait Plutarchus, *quinquaginta millium drachmarum* erat: quæ sunt *quinque millia Philippæorum*. Et si alij tamen in Plutarcho *quinque millia*, non *quinquaginta* legunt: atque ita minuunt summam. Quid plura ego adferam? vnum hoc Senecæ, ad æui sui mores aptum: *Quid est sumptuosā cenā flagitiosius, & equestrem censum absumente?* *& tricies tamen* HS. *adiiciales cenæ frugalissimis viris constiterunt*. Hic vnus ictus, Lipsi, te conficit: vulgò *census equestres* insumpti: & ab ipsis *frugalissimis viris*, *tricies* HS. Quantum hoc postremum est? colligit *septuagintaquinque millia Philippæorum*. O frugalitas in vno conuiuio ADMIRANDA! & quis Principum hodie vel in nuptiali panè epulo tantum prodigit? Silebam Lipsi, & stupebam: nisi quòd de *Veste* etiam aliquid sit addendum. Sumam à Censore nostro Senecā: *Quidquid est boni moris, extinguimus leuitate & politurā corporum. Muliebres mundicias antecessimus, colores meretricios, matronis quidem non induendos, viri sumimus. Tenero & molli ingressu suspendimus gradum: non ambulamus, sed incedimus. Exornamus anulis digitos, in omni articulo gemma disponitur. Ista de viris: quid de iuuenibus? Pater illius Senecæ: Torpent ecce ingenia desidia: sa iuuentutis, nec in ullius rei honesta labore vigilatur. Cantandi saltandi que obscœna studia effeminatos tenent: & capillum frangere,*
& ad

Epist. xcv.

Lib. v. tit.

Na. Quest.

Centrou.

¶ ad muliebres blanditias vocem extenuare, mollitie corporis certare cum feminis, & immundissimis se excolere mundicijs, nostrorum adolescentium specimen est. Quis aequalium vestrorum, quid dicam satis ingeniosus, satis studiosus, imò quis satis vir est? Emolliti enervésque, quod nati sunt, inuiti manent, expugnatores alienæ pudicitie, neglegentes sue. Dei fidem! luculenter vtramque ætatem, ab utroque scriptore, laudatam! Fortasse de feminis addam, quas scimus cum veniâ peccare, vbi viri gradum struunt? Tamen quid Propertius?

Matrona incedit census induta nepotum.

Seneca iterum: Video vniones non singulos singulis auribus comparatos: iunguntur inter se, & insuper alij bini superponuntur. Non satis muliebris insania viros subiecerat, nisi BINA AC TERNA PATRIMONIA auribus singulis pependissent. Ille de auribus queritur: alius detoto corpore. vt Manilius:

*Perque caput ducti lapides, per colla, manusque,
Et pedibus niueis fulserunt aurea vincla.*

Pedibus etiam aurum, vt ait, sed & gemmæ: ac Plinius scribit, non crepidarum tantum obstragulis, sed & totis socculis addi. Neque enim (inquit) gestare iam margaretas, nisi calcant, ac per vniones etiam ambulent, satis est. Addit pro fastigio infania, Visam à se Lolliam Paulinam, ne serid quidem ac sollenni ceremoniarum aliquo apparatu, sed mediocrium etiam sponsalium canâ, smaragdîs margarëtis que oper-tam, alterno textu fulgentibus, toto capite, crinibus, spiris, auribus, collo, manibus, digitisque. quæ summam quadringenties HS. colligebant, ipsâ confestim paratâ mancipationum tabulis probare. O monstra: ô aruspice, non te vindice Lipsi, digna! Vna mulier, in vno cultu decies centena millia Philippicûm habeat? habuit: & pauca hæc satis ad Vestem & cultum. Nam cingi te iam aut suspicor, aut vereor: neque fortasse deceat nos iuuenes non dicam tam liberè, sed tam liberaliter, nec in vos, sed apud vos loqui. At tu si peccaui, puni: quomodo? contemptu & silentio, quæ pœna maxima mihi erit.

CAP. VIII.

Excusati Romani à prioribus: & primum in Raptu vel Sanitiâ, obiter.

NEVTRVM ego faciam, ô mi Auditor. Contemnam vel te, vel tuum hoc discendi studium? nam ita oppositionem hanc interpretor. Vel silcam etiam? quod non aliud sit, quàm causam non solum perdere, sed prodere: quod esse non potest, nisi aut improbi, aut diffidentis. Atqui non est magnum hoc opus, ne erra: quæ tu coaceruasti, vnus alteriusque manus impulsu deruam, nec machinâ aut ariete alio adhibito cadent infirmi isti muri. Triplex accusatio à te structa, in Probitatem; in Abstemiam, in Continentiam: & videamus. Fraudolenti quidam aut perfidi fuere; rapaces quidam aut crudeles; luxuriosi in cibus aliqui aut veste: sed quidam, sed aliqui: & hæc primæ sponsio sit, & scutum pro me firmum. Quid pungis aut inuadis gentem totam, ob pauculos à te, tot sæculis, alios vitiososque, nominatos? Fuisse non miror: nec id prodigium aut monstrum, vt tu aliquoties dixisti; imò esset, si non fuissent. An tu in hac sæte nostrâ hominum, putam meramque virtutem aliquam vis? soles nobis imperiorum lucere, sine nube, aut tonitru, aut procellâ? nec fuere ista, nec erunt: & Deus in superis illis locis & liquido æthere, serenum hoc habet, & seruat; cetera omnia inferiora, miscentur, & turbant. Galbam aut Lucillum aliquem in Hispaniâ nominas; Hortensium, aut Pleminium alibi: quid ista sunt, in tot millenis Præsidibus, qui boni & innoxij fuerunt? Vt si guttas aliquot aceti in magnum vas aquæ mulsæ iaciam, non ipsum corrumpam, sed gratiam fortasse magis ab acore aliquo addam: sic in magnis istis imperijs, magis sentitur bonorum bonitas, si pauci interueniant, acidi aut amari. Vis tibi Taciti mei verbis hoc dicam? Cerialis apud eum rebelles Gallos sic mitigat & componit: *Quomodo sterilitatem aut nimios imbres, & cetera naturæ mala; sic luxum, vel auaritiâ dominantium, tolerate.* VITIA ERVNT DONEC HOMI-

NE S : *sed neque hæc continua, & meliorum interuentu pensantur.* Hæ sunt non Cerialis, aut Taciti, sed Sapientiæ voces: tu, & alij isti queruli, audite. Atque hæc si locum in exiguo aliquo nec diti imperio habeant (cottidie enim occurrunt:) quidni magis in illo amplo, diffuso, opulento? Magna peccandi materies & illecebra erat; & quòd procùl ab vrbe dominâ & Senatu agerent, & vbi vix cerni vel nosci vitia sua posse arbitrabantur. Et tamen (quæ altera responsio) aduersa sæpe fuère, atque etiam animaduersa. Hoc excuset Senatum & imperij præfides, quòd legibus pœnas dederunt, quicunque conuicti sunt leges alibi violasse. Nónne id in Galbâ, Hortensio, Plerninio, Verre, & talibus? Nec Romanis igitur vniuersis fraudi aut culpæ fit, peccasse aliquos, sed inipunè & liberè peccasse. Paullum Æmilium mihi etiam attulisti, magnum virum, fateor, & vno illo vel colore culpæ, non enim culpâ indignum. Cur tamen cùm inuidiosè rem totam narras, hoc callidè files, Senatum ei iussisse? Ex præscripto id fecit: & qualecunque est, non iam ipse, sed Senatus potius accusetur. Cur tamen vel iste? audi & disce. Epirotæ illi omnes firmiter pro Perse steterant, Romanos oppugnauerant: quæ iniuria est, si hostes hostium pœnas luant? At nimias, inquires. Nollem factum, si me consulis, & clementia placeat: sed ad coërcendas rebelliones aut defectiones, talia quædam à modestissimis Regibus aut Rebus publicis facta, possim docere. Addis sollennem sæuitiam Romanorum, vt putas, in expugnatione opidorum: homines occidi, canes dissecati, animantes truncari. Miseranda sunt, non nego: nec tamen, vt tu censēs, referenda intèr mea ADMIRANDA. Quid dissimulas? non herè & hodie hæc fiunt in puberes & viros omnes, vbi vis vltima expectata? Et caussa aliqua huic rei est, *Terror*, quod Polybius dixit: & non facilè alioqui manum & finem bellis imponere, nisi hæc interdum, frangendæ pertina-ciæ, vsurpentur. At canes etiam dissecti. ô ridiculum te, si in canes non licet, quod in homines! & amo ego quoque hoc genus, sed absit vt supra nostrum genus. Hęc dici & excusari possunt, & verè possunt: non infiteor tamen, sub Sullâ aliquo, Mario, aut Cæsare, & præsertim per ciuilia bella, ius omne & fas neglectum aut calcatum: sed mox attollendum ab Augusto,

aut

aut siquem bonum Principem Deus dedit. Illo medico opus fuisse fateor Rep. iam tam laxâ & opulentâ: & inter pares, seueritas aut terror esse non poterat ad satis reprimendum. Leges erant: sed *inualidum earum auxilium*, ait Tacitus: *quæ cui, ambitu, postremò pecuniâ turbabantur*. Itaque sub Principe Itatus iam melior, maxime quod ad Prouincias attinet: nec eæ auaritiâ aut rapinas Præsidum sic impunè sentiebant.

CAP. I X.

Factum idem in Luxu mensarum, aut cœstium.

SATIS, quod ad priora duo attinet, excusau: venio ad *Continentiam* asserendam, in quâ conuellendâ valdè te iactasti. Argumenta in eam præcipua duo erant, Leges sumptuariæ ab antiquo latæ; & Exempla aliquot luxus. Quod ad Leges, vide quàm ego à te abeam: aio & adfirmo, non firmitus pro frugalitate argumentum esse. Nam quod eæ coercerent aut emendant, quale est? ex emendatione apparet, quàm videamus. *Fannia* ecce lex, sub bellum Punicum tertium lata fuit, in hanc sententiam: *permitti diebus festis centenos æris; ceteris, denos*. O verè ADMIRANDA cûi continetia, cui satis esse potuit finitio iam dicta! Nam attendisti hoc mi Auditor? *centeni* illi æris, decem drachmas nobis reddunt; *deni*, vnâ. O nuptias, repotia, natales, apparatu celebri, quibus Philippæus vnus sufficeret in potum, in cibum! Quis de viâ aut ponte mendicus pænè, non plus hodie absumpsit? Atqui Respublica tunc satis opulenta & florens erat: & maxime autem sub Sullâ. Tunc & Græcicæ, & Asiaticæ delictæ cognitæ: videamus igitur, & laxè lauteq; iam epulemur. Ita opinor. nam ecce tulit Sulla, vt *ferijs sollennibus triginta sestertios liceret insumere; ceteris diebus, ternos*. Hem, hem, hem quid istud est? itane regredimur, & recidimus? ego autem iure progredi, & accedere aliquid debere cœsebam. *Triginta* Hs. sunt, meo calculo, *septem* drachinæ & semis; id est, nondum Philippicus: *terni* autem, nec drachma. AVD. Ego hæc non credo Lipsi, nec fero: ridenda & explodenda sunt. Tales leges, tam arctas, ferat ille, qui sic copiosè vixit? LIPS. Rem habes, & verba ipsa

Lib. 11.
cap. 22. iij.

apud Agellium : tu vide. A v d. Corrigenda sunt: & Hs. *trecentos* legendum, non *tricenos*. L I P s. O bonum promptumque Criticum ! sagacitas magna est, viceris vel Luccium . Sed define, define homo : & manum tuam coërceat lex Licinia quæ præiuit, in quâ non nisi *triginta asses* (tres denarii) *permissi diebus festis*. Laxauit igitur & auxit Sulla . Sed quid hic listimus? Augustus ille, qui Romam opibus & gazâ Ægyptiâ repleuit, & sub quo illa in ipso flore, Cibariam legem hanc tulit: *quâ profestis diebus ducenti sestertij; Kalendis, Idibus, & alijs quibusdam festiuis, trecenti; nuptijs autem & repotijs, milleni finiuntur*. Sunt quinque Philippæi, profestis, festis, *septem cum dimidio*; nuptijs, *viginti quinque*. Quid tu, cum hæc legis, non cogitas, tot illos illustres Equites & Senatores, & censum eorum vel Principum opibus hodie comparandum? Atqui quàm coërceantur, vides: & ego tibi hodie adfirmo, rarò sollennius paullò conuiuium dari, quod nuptialem illam summam non excedat . En, abi nunc, & luxum obijce: quem totum satis reieci argumento ipso tuo legum . quia (vt veterum aliquis ait) *indicium sobrii sæculi est, ubi tali præscripto legum, coërcetur expensa cænarum*. Atquin Apicius, Lucullos, Caligulas, aut Vitellios adduxisti. Quid ad me? cum Reipublicam laudauim, plurimos in eâ laudauim; nec adspicere debui, siquæ in tanto & tam vberi agro malæ alibi & nocentes herbæ . Non obstant, quo minùs hæc seges bona & laudabilis sit: nec tales certè mihi dabis ante labentem Reimp. id est Sullanum æuum. A v d. Imò dedi Lipsi. nōne Cato de pisce exclamauit supra bouem? nōne *frugalissimis etiam viris*, vt Seneca dixit, *cænæ tricies* constiterunt? Hæc purganda sunt, si potes: aut labitur tuum illud legibus solis nixum. L I P s. Vah, quomodo potero? quò me vertam? Bos ille Catonis occurrit: & planè, ex Græcorum verbo veteri, *Bouem nunc habeo in lingua*. Sed audi quod verum est, nec nimium in boue te iactes. Bos & alia, minimi tunc pretij, nec credo equidem vñijssè vltra *quaternas aut quinas* drachmas. A v d. Torum bouem? L I P s. Torum. A v d. Quaternas? L I P s. Ipsas. A v d. Si hoc doces, tum egodixerim vel me bouem esse. L I P s. Quid si amplius doceo, & ad Drachmam vnâ te duco? A v d. Habebo hoc caput & culmen inter omnia hodiè, heri, & nudius tertius, quatuor-
tusque,

rusque, ADMIRANDA. LIPS. Da te mihi, disces, & credes. Plinius ita scribit. nam ipsa verba recitanda sunt: *M. Varro auctor est, cum L. Metellus in triumpho plurimos duxit elephantos, ASSIBVS SINGVLIS farris modios fuisse, item vini congios, ficiq̃ sicce pondo triginta, olei pondo decem, CARNIS pondo duodecim.* Hoc ille bono auctore, & omnis antiquitatis indagatore, Varrone protulit: & obseruasti? AVD. Nihil respondeo, stupeo: & tamen nihil etiam de boue. LIPS. Vel maximè, sed non attendisti. Nam ait, *Carnis pondo duodecim, singulis assibus variisse:* & fac igitur bouem pependisse quadringentas aut quingentas libras: quid erunt nisi *quaterna* aut circiter drachmæ? Sed illa nimis vetera sunt, inquires. Nec id quidem, sed bello Punico primo euenerūt: haud longè à Catonis æuo. Et demus postea aliquid mutasse, paullatim tamen nec enormiter: & hoc Polybius nobis dicet. Ille, ipso Catonis æuo, scribit de fertilitate & copiâ Galliæ Cisalpinæ: *suis etiam saepe temporibus, medimnum frumenti Siculum, quattuor obolis variisse, hordei, duobus, metretam autem vini, tantidem quanti hordeum.* Ista magis mira ADMIRANDA sunt, medimnum Siculum (sex modios continet) non nisi duabus Drachmæ partibus variisse; metretam vini (* duodecim congiij sunt, si Atticam, quod opinor, intellegit) tertiâ parte. Addit etiam facetum corollarium, *Viatores in iis locis, nihil cum diuersitore aut hospite pacisci, sed benè & laute habitum, abeuntem soluere dimidiatum Assen.* O si nobis peregrinari ita fas! tota iuuentus dilabatur, & abeat in beatas illas oras. Sed ego tibi promissum meum plenè soluam, & bouem reducam ad Drachmam. Factum bello Mithridatico, cum Lucullus prædas è Ponto egit, sic abundanter, ut *mancipium quattuor drachmis uanale esset, bos, una; aprie, oues, vestes, alia, pari uilitate.* In Appiani Mithridatico hoc leges. Quid tu iam? AVD. Silco, & bos à tuâ linguâ transiit in meam. LIPS. Imò tu, ut volebas, in bouem. Nec tamen, ut seriò loquamur, sentio vel assero, tam grandem uilitatem hanc semper fuisse: sed analogiâ talem, & quam leges illæ Sumptuariæ satis ostendunt. Absque eâ enim, quid nisi irrisio & illusio eâ sint? facit huc, quod de Pomponio Attico, insigni viro & prædiuite, ac digno cui Agrippa gener esset, & progener Tiberius Princeps, Cornelius Nepos in vitâ eius scribit. *Cum,*

Lib. xviii.
cap. iiii.

* Anno Vr.
bis dccc.

Lib. ii.

* Libra
mensurales
120.

inquit, *inprimis lautus esset eques Romanus, & non parùm liberaliter in domum suam omnium ordinum homines inuitaret, scimus non amplius quàm terna millia aris, peraquè in singulos menses, ex ephemeri- de, eum expensum sumptui ferre solitum: atque hoc non auditum, sed cognitum prædicamus.* Hæc notanda profectò. Atticus inter planè diuites erat, inquit, idem inter liberales, & domus eius ac mensa cottidie omnibus patebant, etiam è Senatu: & tamen non plus in mensem, quàm tria millia aris absumpsit. Sunt triginta Philippi- ci: ergo in diem, *Philippicus vnus.* Hæc in florentissimâ re Ro- manâ facta: & Martialis æuo non dissimilis etiam vilitas, sed, vt opinor, in anni aliquâ vbertate:

Amphora vigessis, modius datur ere quaterno:

Ebrius & crudus nil habet agricola.

Obserua, amphora XLVIII. sextarios continet, siue cõngios octo: itaque congius hac ratione sit duorum assium & semis, non longè minus à Varronianâ vilitate. Et simile in Modio. Sed iam ad tuum illud, ne subterfugere videat, de *Frugalissimis viris*, qui *Tricies* absumpsere. Sed heus tu, satin' plenè & ex fide Senecæ verba attulisti? Ego faciam, & pluscula recitanda sunt, vt de sententiâ constet. Ait, cõtra luxuriam disserens: *Non in facto laus est, sed in eo, quemadmodum fiat. Quid est cænâ sumptuosâ flagitiosius, & equestrem censum cõsumente? Quid tam dignû censoriâ notâ, si quis, vt isti ganeones loquuntur, sibi hæc & genio suo præstet? & tricies tamè.* Hs. adiciales cænæ frugalissimis viris cõsiterunt. Eadem res si gula da- tur, turpis est: sin honori, reprehensionē effugit. Mens huius viri, non in re peccatum sæpe esse, sed in causâ & fine. Tu epulum sum- ptuosum das, sed gulæ aut vanitatis causâ: alius dat, sed legis & moris causâ: ille peccat, hic minimè, quia nō cupidini, sed con- suetudini est obsecutus. Sicut, inquit, in *Adicialibus* epulis, viri etiam frugales multū impenderunt, sed quia debebant. Totum in eo, vt sciamus seriò, quæ sint istæ *Adiciales*: ego nullas arbi- tror (pace eorum, qui aliter) & *Adiciales* omnino scribo. Intelle- go eas, quæ in aditu honoris, & auspiciis quasi primis, etiam- nunc dari solent: sed olim maximè Sacerdotiorum. Inde *Ponti- ficæ, Saliaræ, Augurales, Diales* cænæ prouerbiis celebratæ: & Se- neca hîc apertè de *Aditialibus* scripsit, *honori eas dari.* Talis illa apud Macrobiû, ex Indice Metelli Pontificis transcripta: *An- te diem*

te diem IX. Kal. Septembres, quo die Lentulus FLAMEN INAUGV-
 RATVS est. Data igitur in ipsâ inauguratione & aditu, vt dixi: &
 quidni sic *Aditiales*, vt *Initiales*? Traquilli nostri simile, in Clau-
 dio: *Sestertium* * *octogies* PRO INTROITV noui sacerdotij *conatus*
impendere: etsi Dio videtur hoc aliò ducere, & in summâ mutat. Phil.
 Sed tu ne aliò igitur traxeris ea Senecæ, nec à sollénibus sacrisq;
 epulis, ad communem sæculi luxum. Sed addidisti etiam in fi-
 ne de Vestibus, & viros feminasq; lasciuiisse. De his, non nimis
 nego, nec excuso: concessu omnium peccet in nugis ille sexus,
 ad seria non aptus. Sed viri, parùm aut nihil in veteri Republi-
 câ: sub Principibus cœpere, nec Principibus ipsis inuitis. Fran-
 gi aut mitigari altos & generosos animos, veltium, conuinio-
 rum, ludorum, deliciis aut remissionibus, haud abs re eorum
 est: nec Augustus & sagaciores illi ignorarunt. Itaque Tacitus
 scripsit, *Luxus mensæ, à fine Aëtiaci belli, vsque ad arma, quis Ser.* 111. Ann.
Galba rem Romanam adeptus est, per annos centum, profusis sumpti-
bus exercitos fuisse. Sed antea negamus: & cum Liuius totum
 hoc de Virtute claudimus, *Nulla vquam Respublica nec maior,*
nec SANCTIOR, nec BONIS EXEMPLIS ditior fuit: nec in quam tam
SERAE Avaritia Luxuriaque immigrauerint; nec vbi tantus, ac
TAMDIU Paupertati ac Parcimonie bonos fuerit.

CAP. X.

Doctrina studia Roma, & Salaria in Doctores.

ABSOLVI igitur de Virtute, nisi placet ornamentum vel
 adiuumentum eius me adtexere *Doctrinam*. Nam & ea
 Romæ viguit, atque adeò à conditâ ipsâ vrbe, vel potius ante
 eam, si Dionysio & Plutarcho credam, *Romulum & Remum* lit-
 teris & omni liberali doctrinâ institutos *Gabius fuisse*. Cur verò non
 credam? opera & facta non abnegant expolitum Romulum
 fuisse, & sequentes item Reges: & multa Græcanica instituta
 in moribus, verba ipsa in linguâ comparent. Atque adeò erat
 transfusa ipsa Græcia in magnam Italiæ partem, cui & nomen
 reliquit. Exoleuisset tamen hæc paullatim, fateri debemus, &
 vsque ad bellum Punicum secundum, raras Romæ vel elegan-
 tias,

tias, vel litteras fuisse: Mars & horrida virtus omnia obtinebant. Postea intrata & capta ipsa Græcia, victores iterum cepit, & feliciter artes suas intulit & diffudit. Magno gradu tunc itum ad variam doctrinam, sed primò ad eloquentiam maximè: ut quæ coniuncta cum rebus gerendis, & aptissima gubernantibus esset. Mox & Historia successit, & Philosophia, & quidquid ad animos moresque colendos, aut honestè oblectandos, facere videretur. O hanc quoque curam laudabilem! & maximè, quia cum modo & temperie fuit: quòd nec omnes passim se darent, nec nimis etiam darent. Non omnes, sed primores ferè & ij qui vel erant in Republica, vel ad eam se preparabant. E triplici illo ordine, Plebs ad militiam adspirabat, neque erat harum rerum; Senatus & Equites, præter illam, animi cultum adsumebant, & mente non manu solùm conspici volebant. Modum etiam plerique seruabant, nec ut mancipia quædam literarum essent; sed ut quatenus opus, haurirent, & ad rem atque vsum transferrent. Talis Scipio ille posterior, talis Cornelius Sulla, Pompeius, Lucullus, Cæsar, alij vno verbo, quicumque in Rep. eminentes postea fuerunt. Quod Thucy-

Lib. II.

dides Athenienses suos profiteri facit: φιλοκαλοῦν τὴν καὶ ἀπείθειαν, καὶ φιλοσοφῆν αὐτὸν μεγαλαυχίας: *Elegantes sumus, sed cum parcimoniâ; philosophamur, sed sine mollitie*: id, inquam, conuenientissimè Romani veteres sibi vindicarint. Itaq; studium hoc Doctrinæ publicè viguit, & doctores paullatim, in priuatis primò Principum ædibus, mox & in publico, ac stipendiis publicis, auditi, conducti, & præmiis variè affecti. Quis nescit C. Cæsarem

Sucton.

omnes liberalium artium Doctores, qui Romæ essent, ciuitate donasse? Qui summus extero honos, & nullâ pecuniâ æstimandus. Et si nec hæc defuit, primò quasi è priuatis oculis data: mox è fisco annuatim appensa. Primus id Vespasianus firmiter instituit: qui Latinis Græcisque Rhetoribus annua centena constituit. Ea reddunt bis mille quingentos Philippæos: vbi hodie vel eximius doctoribus largièdos? Atqui & medicis quingena Hs. mercedem annuam fuisse Plinius docuit: quæ sunt duodecim millia & quingenti Philippæi: cur non igitur adimittam vel sexcenta excellenti alicui honorarium fuisse? Imò fuerunt Eumenio Rhetori, & doctori in scholis Augustoduni: quem Constantius princeps sub

Sucton.

Augustus

Augustis Diocletiano ac Maximiano, *salarium in sexcentis millibus nummum accipere iussit*. Ita ipse semel iterumque proficitur in Oratione, quæ exstat: nec *sexagena* rescribi mihi aliquis persuadebit. Scilicet alienum nimis à *MAGNITVDINE ROMANA* est, *quindecim millia Philippæorum*, singulari doctori, & qui Magister Palatii fuisset, dari? nihil est: & credent mecum, qui veteres opes & animos satis sciunt.

CAP. XI.

*Diurnitas Romani imperij, & in occasione
de patriâ Constantinî.*

SED peregrisse celsum meum sermonis videor, & vela colligo, & nauigo in portum. Vidisti quàm magnum hoc imperium à *Finibus, Copiis, Opibus, Operibus, Virtutibus Virisq;* fuerit: & potuisses à *Tempore* addere, ac diuturno statu. Nam quod alibi imperium, modicè magnum, tam diu perseverauit? Atque istud maximum, tot sæcula stetit: & reliquæ eius cum nomine, etiam nunc in Germaniâ & *AVSTRIACA* domo feliciter ecce viuunt. Itaque Plutarchi verba liceat vsurpare: *Cum* *Fortuna alata sit ac vaga, & modo Assyrios, Medos, Persas, Macedonas, Carthaginienses lustrauerit, eosdemque reliquerit: videtur ad Tiberim alas posuisse, volubilem globum reliquisse, & urbem quasi perpetuum inhabitaturos intrasse.* Quid Homeri iam olim vaticinium, quàm mirabile est?

Nun δὲ δὴ αἰεὶ αὖτις βίη τεύχεσσιν ἀνέσσει,

Iliad. γ.

Καὶ παῖδες παῖδων, τῶν περὶ Πρίαυον ἦσαν.

Nunc autem Troiana Æneas sceptrum tenebit,

Et nati natorum, & qui nascentur ab illis.

Ille vetò tenuit, & nati eius; inter quos Rômulus primus Regum, ex eo sanguine, & ô occultam decteri vim! primus Imperatorum, Cæsar. Etsi autem mutatio aliqua status interuenit, tamen imperium mansit: primò sub Regibus, tum Cōsulis, cum Principibus: & sub istis, scissum diuisumque, & caput alterum in Thraciam aut Græciam translatum. Constantinus

id fecit, quod non ignoras : & causam dedit ruinæ aut inclinationi deinde rerum. AVD. Oro te mi doctor, benignè & honestè de hoc viro loquamur, & qui vt sidus illustrauit vicinam nostram terram. L I P S. Ego verò loquor in omni aliâ re & præsertim quæ sacra & pietatem tangit. Quis nescit illum, Deo duce, depulisse tenebras, quæ orbem terræ densâ superstitionum nube obsidebant? Ille dissipauit, lucem intulit, templa nobis & Christo aperuit, vanis cultoribus & diis clausit. Magnus igitur laudatusque vir; sed quid tamen ea lux propriè ad vicinam nostram terram, vt dicebas? AVD. Nam quis nescit in Britannia ortum hunc esse, & gloriam etiam redundare ad natalem terram? L I P S. Ego verò nescio, & ambigo, & propior sum vt negein. AVD. Tunc, contra eruditissimis viris nuper asserta? & clarum hunc etiam Panegyrici scriptoris locum? Nam ille apud ipsum Constantinum hæc profert: *Pater tuus liberauit Britannias seruitute, tu etiam nobiles ILLIC ORIENDO fecisti.* Quod os tuum erit, contra verba tam expressa, euntis? Nisi hoc dices, æui eius oratorem nescisse Principis sui patriam, & in re tam nobili, ignauè & fœdè apud ipsum errasse. L I P S. Hoc non dicam, & os non abdicabo, imò nec perficabo quidem. Fides apud me esto Panegyricæ: sed quid dicit igitur? *Ortum illic Constantinum:* at non in tuam sententiam fortasse, sed meam dicit. Ea est, non ipsum ibi, sed imperium eius ortum: non Constantinum, sed Principem. Verè tibi dico, (siste, nec resiliās) hæc eius mens est: *Tu nobiles fecisti Britannias, quod illic ortus factusque es Imperator.* Prima imperij tui lux illic, & illinc, fulsit. Nec dissimile nimis in verbo, quod paulloantè idem Orator dixit, *Constantine oriens Imperator.* AVD. Percussisti me nouâ interpretatione: sed quid tu tamen contra communem omnium assensum? L I P S. Nego, communem: imò nemo veterum hoc scripsit. Mediæ aut nouellæ ætatis hæc assertio est, nec nisi ab illo imperij ortu orta. Quid? nonne Nicephorus, Ecclesiasticæ historiæ scriptor, de Bithyniâ palam affirmat?

* Vide largiter in Notis.

Lib. VII.
Ecd. Hist.
cap. XVII.

Nam patrem eius Constantium, cum ad Persas legatus iret, Drepanum Bithyniæ venisse, diuertisse, Helenam hospitis sui filiam nouisse, Constantinum hunc genuisse. Cur autem ille hoc tam constan-

ter,

ter, tam nihil ambigens, aut de varietate inferens, si varietum tamen fuit? Atque ego arbitror, verissima Nicephorum tradidisse. Quo teste? quem nemo respuat, veteri, & ab ipso Constantini quo. Is est Iulius Firmicus, qui Mathefeon libros scripsit: & in eorum primo, hæc verba. *Dominus & Augustus noster ac TOTIVS orbis Imperator, Pius, Felix, ac Prouidus Princeps CONSTANTINVS scilicet MAXIMVS, DIVI CONSTANTII Filius, augustæ ac venerandæ memoriæ Principis. qui ad liberandum orbem à TYRANNICIS immoderationibus, & ad comprimenda domestica mala, fauore propitiæ maiestatis electus est. APVD THARSVM GENITVS, à primo ætatis gradu gubernacula imperij retinens, quæ prosperis nactus fuerat auspiciis, ROMANVM ORBEM salubri gubernationis moderamine sustentat.* Ea de Constantino nostro accipienda esse, primum docco, tum de re meâ addo. Aliquis enim dixerit *Constantinum eius filium* capiendum, quoniam in libris vulgatis legitur, *Diui Constantini filius*: sed profectò id improbum est, & *Constantij*, vt recitari, legendum. Multa docent clarè. primum quòd ait, *Totius orbis Imperatorem* fuisse. atqui Constantinus ille, inter tres Constantini Magni filios, sorte dumtaxat Gallias, Hispanias, Britanniasque habuit. Item, quòd *Maximum* agnominat: quòd, *Tyrannos* ab eo extinctos; & quòd *Romanum orbem* salubriter facit gubernantem. Atqui partem modò, vt dixi: nec eam ipsam diu tenuit, intra triennium occisus. Quid, quòd disertè mox idem Firmicus, *Constantinum Maximum Principem, & eius INVICTISSIMOS LIBEROS, Dominos & CAESARES* appellat? Certè non habuit tales minor ille Constantinus, & palàm ad nostrum hunc spectant. Ista præmissi, si quis (vt sunt mores, aut ingenia) refragari vel calumniari vellet: nunc ad rem aptemus. Ait igitur, *Constantinum illum suum Principem apud Tharsum* genitum. Quæ illa est? an nobilis in Ciliciâ? non est, sed in Bithyniâ ego eam inueni. Nam Stephanus de Urbibus, Nicetas, Porphyrogennêta, *Tarsum* hanc (ita scribunt, sine adspirante litterâ) in Bithyniâ signatè ponunt, iuxta Nicomediam ipsam. Ego verò aio & infero eandem cum *Drepano* esse, quod Nicephorus nominauit. Quo argumento? quòd apud Nicomediam sinus & curuatura maris est; quæ lo-

ca talia communi nomine *Drepana* Græci, quasi *Falces*, à similitudine, vocabant. Inde passim *Drepani* hoc nomen in maritimis, & Ortelium nostrum vide. At proprium eius loci opidiq̃ue nomen, & magis restrictum, *Tarsis* fuit. Mea hæc coniectatio est: nec moueor, si posteri, aut Britanni scriptores, aliter de totâ re tradiderunt. Multo minùs Georgio Cedreno aurem præbeo, scribenti natum Constantinum *ὡς ἐν τῇ τῆς δακίας πόλει*, circa urbem *Dacie*. Corrupta, aut falsa sunt: & quoties vanitatum manifestus ille auctor? Pro nobis etiam validè facit, quòd ipsum istud *Drepanum*, *Helenopolis* appellatum postea, in honorem matris; & Pontus vicinus *Polemoniacus*, item *Helenopontus*: sed & sedes imperij in viciniâ translata, nonne affectum in patriam testatur? Ipsum denique æuum Constantini adiuvat, si cõsideras natum eum circa annũ .xxiii. urbis conditæ: quo tempore quæta adhuc Britannia, & turbæ post motæ, & pater ad eas sedandas missus. Ergo verius antè, & alibi, natum esse. Sed tu, aut alius, vt volent: ego sine fraude censui, & Sermonem meum totum finiui.

CAP. XII.

Conclusio, & Laudatio magni Imperij.

AVD. O sermonem æternũ mihi vtilem, & iucundum: & clarâ voce fateor, nunc denique admittere & concipere me cogitationes tanto illo imperio dignas. Inter quas tamen & istam: Fueritne vtile gentibus sub tam magno illo esse? an non nimia & aspera ista seruitus, sine vindice & domino quem appellares? LIPS. Haud inepta nec importuna quæstio: & scio esse, quæ illud damnare aut certè accusare possint; sed plura ac grauiora, quæ absoluerè & alleuare. Inprimis quanti facias, sub magno tali imperio pacem ac quietem gentium vbique fuisse? Nusquam arma, hostis, prædo; arabant, serebant, metebant; conuiuia, coniugia inibant; liberos gignebant, educabant: omnia securè, & nec auribus quidem lēsis rumore belli. Nam si quod tale erat; cum barbaris nempe & longinquis, & quod velut ludicrum aut fabellam, tuti limitibus & præsidius

præfidijs fuis, audirent. Pulchrè Aristides: *Bella verò vix vniquam nunc creduntur exstitiffe, ac pro commentis habentur à plerisque. Quòd si alicubi ad limites confectus fuerit, (vt in magno & immenso imperio facile fit, ob Getarum insaniam, vel Afrorum miseriam, vel rubri maris accolarum infelicitatem, qui commodis bonisque suis nescierunt vti) mox ista, tamquam fabule, cum omni memoria euanuerunt. Tanta pax apud vos viget, ô Romani, etsi militiam bellumque habetis inter patria instituta. Atque iterùm idem (quomodo enim meliùs certiusque vetera repræsentem, quàm veteris scriptoris verbis?) idem in eam laudem: Vniuersus orbis sub vobis, tamquam festum diem agitans, quos olim gerere solebat gladios deposuit, ad conuiuia autem & reliquam omnem letitiam liberè se conuertit. Et alie quidem contentiones aut certamina vrbes reliquerunt; vnum omnes habet, vt earum queque pulcherrima & iucundissimo aspectu appareat. Itaque omnia plena gymnasijs, fontibus siue aqueductibus, porticibus, templis, tabernis, scholis: vt aliquis verè dixerit inclinàtem exlabantem mundum, restitutum à vobis esse. Nec vrbes solum splendore & decore lucent, sed tota adeò terra, instar horti aut paradisi, conspuitur excolta. Vt miseratione planè digni videantur, si qui imperio vestro non subiacent (qui pauci tamen sunt:) vt qui tantis bonis careant. Hæc verè & floridè dicuntur, & capiunt me recitantem: et si non minùs vno ictu penetrat Cornelij nostri breuiloquiũ: Quippe immota, aut modicè lacescita pax: quod ille de Principum æuo scripsit. Iam verò alterum bonum, quanti est, Communicatio inter se hominum & rerum, vijs vndique liberis commercijsque? In animo tuo cogita, si tutò nunc Byzantium, Persarum aut Sinarum regionem videre liceret: quàm tu ipse fortasse atque alij libenter & auidè iretis? per tot terras & maria oculos pedesque ferretis? A V D. Affectum meum tangis. capior vnice peregrinatiunculis, & animum innouat ac vires nouitatum ille aspectus. L I P S. Optimus quisque in hac cupidine: & alti æthereique animi, vt ipse æther, gaudent motu. Sed sub tali igitur imperio, quànvid licuit? tutius quàm Belgis nobis hodie, non dicam ab vrbe ad urbem, sed pænè per urbem aut circa eam ire. Visere illuc licebat magna aut nobilia illa opida, clara & inelyta ingenia; Athenas, Alexandriam, Rhodum, disertos aut sapientes ibi viros; denique ad alia terrarum se con-*

ferre, disciplinæ aut animi causâ. At mercatores, & quibus aliarum opum cupiditas, ij per maria omnia nauigabant, ij per terras circuibant: vñicos prædones aut piratas placantes, siue metuentes, Publicanos. Sed vno & certo pretio placantes, nec eo graui sub Principe aliquo moderato & æquo. Itaque res longinquæ aduehebantur, ignotæ antea ostendebantur: & totus orbis câ communione, quasi vna ciuitas, fiebat. Quid dicam artes barbaris traditas aut inuectas? quid elegantiam, litteras, & cultum animorum? Cùm etiam omnes linguis diuisi, vnâ Romanâ iungerentur, atque ea cum imperio quaquaersum se propagaret. Plinius hæc grauitè & meritò attollit, in Italiâ dilaudandâ: *Numine Deum electa, quæ cælum ipsum clarius faceret, sparsa congregaret imperia, ritusque molliret, & tot populorum discordes ferasque linguas sermonis commercio contraheret ad colloquia, & humanitatem homini daret: breuiterque, vna cunctarum gentium in toto orbe patria fieret.* Iterumque alibi idem: *Videmus, inquit, alia aliunde, vtrò citroque, humane salutis (nam de herbis & re medicâ illic loquitur) in toto orbe portari, IMMENSA ROMANAE PACIS MAIESTATE, NON HOMINES MODO, DIVERSIS IN TERRIS GENTIBUSQUE, Verumetiam MONTES & excedentia in nubes iuga, PARTVSQUE eorum & herbas quoque inuicem ostentante.* Nec minùs Strabo: *Romani multas gentes antea feras, ob montes aut locorum naturam asperam, aut ob frigus aliâque causam, sub imperium assumentes, eas ipsas ex disiunctis & insociabilibus, vnâ commercijs iunxerunt, & pro agrestis vitâ, ciuilem agere docuerunt.* Sed & Claudianus magnificè:

*Huius pacificis debemus moribus omnes,
Quod veluti patriis regionibus vitur hospes,
Quod sedem mutare licet; quod cernere Thulen,
Rursus & horrendos quondam penetrare recessus.
Quod bibimus passim Rhodanum, potamus Orontem,
Quod CUNCTI GENS VNA SVMVS.*

O verba & res pulchræ! & potèstne maior esse voluptas, aut commoditas? Omitto gubernationem & leges ferè eadem; pondera, & mensuras, & numos: & plura, quorum bonorum sensus etiam hodie aliquis in Turcarum imperio est; & esset maior,

Lib. i. r.
cap. v.

Lib. xxvii
cap. i.

set maior, si leges & politia illic meliores. At nostra Europa misera, quàm iam à multis sæculis experts eorum est? iactatur assiduis bellis aut dissidijs. quare? quia regna aut dynastia paruis aut modicis finibus inclusa, semper in vicinos causam habent timendi vel sperandi, querendi vel vlciscendi. Idem & ante Romanum imperium erat, quod Plutarchus asseruit: & pulchrâ imagine addidit, *Istud velut ANCHORAM fuisse fluctuanti mundo*. Quid propriè de nostrâ Galliâ triplici Cerialis apud Tacitum? *Regna bellaque per Gallias semper fuere, donec in nostrum nos concederetis*. Fuere mi Auditor, & nunc erunt, donec talis aliquis euentus. A V D. Per ignem sermones tui cunt, & vide ne amburare. L I P S. Ego verò apud te liberè, & vt Philosophi in scholis, de Republicâ dissero: neque sunt ista, neque erunt fortasse, & (dicet aliquis) nec debent. Deo euentus permitto: ego arbitror & ad Religionis vnitatem, & ad subditorum omnium vsum, & denique contra communem Turcarum hostem fore, potens & validum caput vnum. Tu Deus SALVS ET TVTELA RERVM, da quod expedit; da, si non imperio, saltem fœdere coire ac iungi; da lætos & pacatos ad læta & pacata loca tua venire. In quo finio, & te mi Adolefcens, dimitto.



NOTÆ IN LIB. I.

CAPVT II.

Pag. 16.
lin. 8.

Προσμίξα.] Pro versu fortasse melius, *χρῶσιν μίξα* dissim. Sed hoc leue: illud momentum habet, quod monitus à viro doctissimo sum, totum hoc Carmen videri scriptum, non in ipsam urbem Romam, sed *εἰς πόλιν* (nam Græca ambigua) id est, in *Vasētiam* siue *Fortitudinem*, quasi Deam. Acutum est: & argumentum habet, quòd Erinna illa celebris vixerit circa Sapphus tempora, id est Tarquinij Prisci, priusquàm Roma nostra sic magna & admiranda. Sed mihi tamen seriò inspicienti, carmen in urbem & imperium nostrum scriptum videtur: & plures Erinnas fuisse, quod in textu indicatum volui, indicio est dissensus in eius patriâ, de quo Suidas. Adde, quòd apud Stobæum ambigitur de auctore.

CAP. V.

Pag. 38.
lin. 13.

Sed vbi, ignoro.] Ego firmiter non repperi. Duplex tamen suspicio. prior de *Theodosiâ* in Bosphoro, vbi Strabo portum collocat, *vel centum nanium capacem*. Altera fortasse firmior, ex Dionis Fragmento in rebus Eligabali: vbi notat, *Prinatum aliquem, initio eius imperij, conatum turbare & ad res nouas pellicere τὸν ἐβλον, τὸ ἐν τῇ κυζικῇ ναλοχῆντα: classē, quæ Cyzici in statione erat*. Sanè videtur hanc Ponticam, & eius ordinariam sedem designare: etsi Cyzicus tamen in Propontide.

CAP. VI.

Pag. 36.
lin. 33.

Sed nec Velleij iudicium valde probo.] Cui tamen causam aliquam esse, etiam hodie Hispani experiuntur: sed non illam propriè, quam Velleus suspicatur aut timet. Hoc vsus docuerit, longinquas aut externas colonias, si coniugijs & stirpem indigenis misceantur, paulatim ipsos aut posteros transire in mores & affectus eius regionis. Cauere hoc malum vis? vnica ratio, à coniugijs, & (si potest) à mixtione arcendi: quod Iudæi olim & nunc seruant. Nec alia magis intima causa est, cur crescat assidue ea gens, & in veteri lege & institutis, aliena à populis, perseueret.

LIB. II.

CAP. II.

Pag. 45.
lin. 27.

In agros & in corpora eorum.] Illud ipsum conqueritur & exaggerat Bûindica regina Britannorum, in Dionis Nerone: *ὡς πρὸς τὰ τὰ ἄλλα πάντα καὶ γῆμα καὶ γαιωγενεὶ ἐκείνοισι, καὶ τῶν σαρμάτων αὐτῶν διασπορὴν ἐτήσιον περὶ μέγροισι*. Nōne, prater cetera omnia, & pascuis & aratis Romanis, corporum etiam ANNVM tributum pendentes?

CAP.

CAP. III.

Plurcula cogitant aut collegi.] Imò & quædam edidi, Commentario ad Taciti librum I. Eruditissimus etiam Brissonius videatur, in voce *Capita*, De verborum significatione. Veritas tamen, opinor, est, indictiones fuisse in capita pro modo opum: quod genus hodie Galli *Taillas*, nos *Impositiones* aut *Aestimaciones* linguâ nostrâ vocamus.

Qui diuinandi artem tenet.] Nec ego inter istos: tamen peragrando gentes prouinciasque subditas, & ratione colligendo, subduxi non infra trecentos milliones hominum fuisse in Romano orbe. Et causas sententiarum possim dare.

Supra centum quinquaginta milliones.] Percussit hoc quosdam, qui nostra aut noua cogitant tantum: sed ratiocinando facile quiuis adstruat ex iis quæ dixi, & non etiam dixi. Pro magnus quidem istis vestigalibus, nonne satis fecerit vel Suetonij locus, de Vespasiano? *qui initio statim Principatus professus est, quadringenties millies opus esse, ut Respublica stare possit.* Sunt ipsi (horresco dicere) *mille milliones* nostro ritu: unde sic subito parandi, si non tales tantique reditus? Etsi ibi alij *quadrages milles* legunt, qui essent LX. nobis milliones. Sed & nostro æuo, ut desinant isti obloqui, Rex Sinarum accipere in tributo annuo asseritur *centum viginti milliones*. Et Sinas aliquis ad totum Romanum orbem comparabit?

CAP. VIII.

Si verè Plutarchus, viginti millia talentum intulisse.] Verba Plutarchi non ambigua: *Ἀνατέροι δὲ εἰς τὸ δημόσιον ταμείον ἐν νομισματι, καὶ ἑκατό - αῖς ἀργυρίων ἐν χρυσῷ, διόμενα τάλαντα, ὅσαρτι ἑὶς τῆς στρατιᾶς δίδο - μιναι. ἀν' ὃ τ' ἑκατόμηνον αἶρων, καὶ λόγον δραχμᾶς εἰληθεῖς χιλίας πεντακοσίας.* Intulit in ararium publicum in pecuniâ signatâ, idemque auro & argento facto, viginti millia talentorum, præter ea quæ in milites expendit. Quorum is qui minimum accepit, habuit drachmas mille quingentas. Ergo gregarius quisque miles accepit Philippicos centum quinquaginta. Magna tanè donatio, in liberâ illâ republicâ: sed quam minuit Plinius, uti & summam illati publicè argenti, si eum audimus. Valdè, inquam, minuit. nam scribit lib. xxxvii. cap. ii. *Cetera triumphus eiusdem (Pompeij de Asiâ & Mithridate) quàm virilia? Reipublice datum mille talentum, Legatis & Quæstoribus, qui oras maris defendissent, ἡς. bina millia, commilitibus singulis quinquaginta.* Sanè hæc nullo modo conueniunt, neque sana sunt, quamuis audacter id dicam. Primum, de mille talentis illatis in ararium, nugæ, & minuti gurguliunculi, ut ille inquit: & in Textu docuimus. Quid iam de Legatis & Quæstoribus? dumtaxat bina millia ἡς: ea essent, quinquaginta Philippai: atqui gregariis plus datum, non Plutarchus solum, sed Appianus (qui ex eo ferè haurit) ostendit. Et omnino pro magnis illis exiguum est. quid in milites singulos? ait, quinquaginta ἡς. Ij essent, duodecim denarij & semis. Abiice hæc omnia, & indignum est in Plinio

tolerari aut legi. Primo numero legendum sit ex Plutarcho, id est ex vero, *Reipublice datum vicies mille talentum*. Hoc ex coniecturâ: in aliis libri adiuuant, & adaugent. Nam scripti habent: *Quæstoribus, qui oras maris defendissent, datum mille talentum: militibus singulis sena millia festeriorum*. In quibus mirum est, & iuvat, sic concorditer consentire cum Græcicâ summâ illud vltimum, *de senis millibus* HS. Nam ij sunt, ipse centum quinquaginta drachmæ. At prius illud de Quæstoribus, non rectum, nec potest: exorbitat. Scribo, *data decem talenta*: quæ sunt, *sex millia* Philippum: & error est ex notis ortus, denariâ millenariæque: quæ nimis sæpè alternarunt. Examinanti hæc apud Plinium, & cum nostris ac ratione conferenti, vera erunt: aut si quis aliunde firmiora, doceat, in-nitemur.

CAP. IX.

Pag. 71.
lin. 5.

Etsi non ad usum tales.] Sicut & in torque aureo, quem centum pondo *Dino Augusto Galli dederunt*, ut est in *Quintiliano*. Hæc in speciem tantum: imò pterumque nudo nomine, Pecunia ipsa data.

Pag. 71.
lin. 11.

Hæc prætextu rapinas extorsionesq; usurpatis.] Ita & *Plinius* igitur in *Traiani* laudibus ponit, non spoliis provinciarum, & extorto sociis auro, sed hostilibus armis, captorumq; regum catenis triumphum granem. Nec aliud ab hoc coronario auro intellegit.

Pag. 73.
lin. 36.

Millenis auri.] Vox ea millenis redundare hic videtur: aut mox intellegendum trigintaquinque millibus HS. Sed ego prius eligam.

CAP. X.

Pag. 75.
lin. 4.

Esse vel centies tantum summa ordinaria.] Neque enim puto solum *Decies* fuisse, quod exprimit *Dio Cassius* in *Fragmento*, de *Macrino Imp.* Scribit eum, *Ausidium Frontonem*, cum *Africam* Proconsul sortitus esset, in vrbe retinuisse: τὸ γὰρ ὑλὸν ἰσὺς ἡ πόλις γέρας καὶ οὐκ ἔστι μισθὸν αὐτοῦ ταῖς ἀρεταῖς καὶ εὐνομίαις ἀποβλέπων δὲ τὴν δόξαν εὐνοῦντος αὐτοῦ: nihilominus præmium adiunctum: etsi domi manenti, viginti quinque myriadas drachmarum, dari iussit. Id est *Latinorum Decies*, & nobis *xxv. millia* Philippicum. Sed in vniuersum & annuum sumptum Proconsulis, parum sit, si quis considerat: fuit dumtaxat γέρας, ut loquitur, siue præmium opera super sumptus; & est quod *Tacitus* in *Agricolâ*, *Salarium* Proconsuli dari solitum, in simili narratione appellat.

Pag. 78.
lin. 7.

Parum est certa.] Aliquid ad quatiédam hanc lectionem fecerit, quod in *Plutarcho* est: *Cæsarem, post Africanam victoriam in concione vendidisse, quod tam latam regionem subegisset, qua penderet vectigal annuum ducenta millia medimnûm Asicorum fruuenti, porro olei tricies centena millia librarum*. Longè à nostro modo sumus, si non amplius: neque ista fecerint, nisi Romano more duodecies centena millia modiorum. An *Augustus* adeò produxit? an non de totâ *Africâ* *Cæsar* hoc dixit? Iure ambigas, ob modum olei, qui sequitur, quem talem tantumq; solis *Leptisanis* impostum *Hirtius* scribit, in extremo *De bello Africo*: *Lepti-*
12705.

sanos, tricies centenis millibus ponderis olei in annos singulos multas. Et verò iamdiu antè Africa vespigalis, nec nisi Numidiam Cæsar addidit. Cogitetur. & fortasse aliquis in Hirtio rescribat, *ter centenis millibus.* Quidquid est de summâ Africæ vel Ægypti; tamen certò etiam aliæ prouinciæ subuenerunt, & maximam illas partem, non assem totum confecisse censendum est. Sed & Fiscum emisse crebrò frumentum, Tacitus & Plinius, dicent.

LIB. III.

CAP. II.

Alibi peccatum.] In Q. Curtio notabiliter, his ipsis numeris, lib. VIII. Pag. 104.
lin. 23.
At tibi xxx. millia mulorum captiuum aurum vehunt: quod Hermolaus in concione obiicit Alexandro. Sed immanis auri summa surgat: & omnino ∞ ∞ ∞. id est, *tria millia* scribendum. Demosthenes quidem pro magno refert, quòd regi Perfarum *mille ducenti cameli* pecuniam velierent.

CAP. III.

Paullatim Italia penè deserta est.] Vel Lucanum audi:

*At nunc semirutus pendet quòd mania tellis,
Rarus & antiquus habitator in urbibus errat,
Horrida quòd dumis, multosq; inarata per annos
Hesperia est, desuntq; manus poscentibus arua.*

Idem Liuius: *partem Italia ergastula à solitudine vindicare.* Sed & Dionysius pleraque opida olim frequentia, suo æuo lapsa aut vacua factetur. Causa profecto ipsa est, quam dixi, quòd Roma omnia ad se traxit & abduxit. Itaque (considera) vicina vrbi loca maximè in hac causa reperies, longinqua pleniora.

CAP. VIII.

Alij solia matuerunt reddere.] In Græco est *ναρθησας*, vt vides: quod magis est vt Sellas reddas. Sellæ autem in Frigidariis maximè, ex Sidonio: *Hinc Frigidaria dilatantur, ita vt ministeriorum sese non impediante famulatu, tot possint recipere Sellas, quot Solij sigma personas.* Quæ lectio mihi recta est, etsi alij mutant. Nam ita hic *Sigma solij*, vt postea idem, *Solij capæcis hemicyclum.* Quod planè dat intellegi formam Soliarem: & fallor, aut in ruinis Thermarum hodieque vestigia & *ἡρώεσσι* sic apparent. Si tamen aliter, parùm est: hoc addo, *Solia*, à Græcis solere reddi *ἡμωσας* vel *ἡμωσας*: quòd in ea lauandi causâ descenderent. Nec aliud initio fuere, quàm lignea quædam vasa siue aluei, nostris quoque moribus noti: quod genus Augustus (in Suetonio) *Hispanico verbo Duretas* appellabat, atque ipse utebatur. Eiusdem tamen æuo alia reperta, in ipsâ terrâ effossa, & magnificè structa, in quibus fas esset, sedere, stare, nare. Inuentio tributa, nisi fallor, Mæcenatè à Dione Cassio. *ποδῶν*, inquit, *καὶ ἡμωσας* ἀπὸ τῆς ἡμωσας ὁρμῆς: *καὶ τῆς ἡμωσας ὁρμῆς* *Primas Solium* (siue Na-

Pag. 147.
lin. 14.

tatorium) aqua calida in urbe struxit. Planè huc pertinet, & notandum est. Solia autem hæc *capacia* fuere, ut Sidonij verbum erat, & Martialis ostendit, plures simul solitos lauari. Quid, quod *Oceani solum* postea, magni maris nomine & quasi imagine dictum? Itaque nullo modo probabile, tot illa *millena Solia* in Thermis vnis fuisse.

L I B. I I I I.

C A P. XI.

Pag. 210.
lin. 12.

Ego verò nescio.] Vides ambigere me, non asserere; nec temeritatis in talibus damnes. Prudens inquisitio locum sæpè aperit repulsæ vel obscuræ veritati. Videbar tamen satis stabilis, natum cum in Britannia non esse: sed iam nunc vir impensè doctus, & gnarus rerum veterum, amicus noster, argumentis subtilissimæ inquisitionis me quoque, fatendum est, concussit. Tamen recollegi me, inspexi, & videor antiquare posse, sine pertinaciæ culpâ. Ipse atque alij iudices sunt. Ait primò, *Historicos omnes, qui de natali solo Constantini scripserunt, unâ voce natum in Britannia asserere, præter duos Graculos Nicephorum & Cedrenum.*] Hoc ego non dederim, ut alij omnes. Imò ecce obduco *Godfridum Viterbiensem*, cuius *Chronicon* ita habet: *Hanc Helenam (matrem Constantini) quidam ex patriâ Treuironum oriundam faciunt, alius de regno Persarum, ubi Constantius ad tributa colligenda missus, eam legitur contigisse.* Ecce, dubitat de *Treniris*: sed magis ad legationem *Persicam*, & ergo ad nos, inclinât. Vbi autem de *Britannu*? *Quin & Acta Syluestri Papa*, quæ in *Symeone Metaphrasæ*, istam Helenam apertè faciunt *Bithynam*: Cùm, inquiunt, in *Bithyniâ* versaretur, unde orta eras. Nónne & hoc à nobis? Atqui *Britannici* scriptores aliter, & iis magis fides habenda, qui loco ipsi propiores.] Hoc vix dicam. Quid si de *Homeri* patriâ lis certetur, & lètæ suum asserant, idque indigenarum testimonio; idem *Chij*, aut *Colophonij*: coipso nempe refellantur, quia à domo testes citant. Gloria patriæ quæri per hanc assertionem, & ided illuc proniores censeantur. Et qui tamen hi testes sunt? *Henricus Huntingdoniensis, Guilielmus Malmesburiensis, Ioannes Sarisburiensis, Galfridus Manumetensis*: quorum antiquissimus ante quingentos annos non vixit. Dicitur tamen & *vita Helena Anglo-saxonice scripta, ante sexcentos amplius annos ita adfirmare:*] quam non vidi equidem, & cæsto: quis vulgarium librorum fabellus nescit? Isdem igitur de *Bruto Troiano* credam, & *Pandraso Græcorum rege*, & quæ alia infcitè comminiscuntur? Quod si tam vetus & fida hæc opinio, quid ita Bedæ ille, *Britannicæ scriptorum egregius*, hoc historiæ suæ insertum non iuit? Atqui occasio erat, ubi de *Constantino* sic scribit: *Constantium Constantinum filium, ex concubinâ Helenâ creatum, Imperatorem Galliarum reliquit. Scribit autem Eutropius, quod Constantinus in Britannia creatus Imperator, patri in regnum successit. Vbi hîc aliquid, natum in Britannia esse?*

Lib. I.
cap. VII.

CREATUM

creatum Imp. tantum dicit. Et pensandum hoc est de Bedâ. qui cerre Britannus, & æui vetus, & patriamoris honorisq̃ue non item incuriosus aut expers. Quid, quod nec in totâ Britannia monumentum aliquod aut vestigium affectus sui, vt in patriam, Constantinus edidit, aut reliquit? At fecit in Bithynia, vt in Textu meo scripti. Et hoc pensandum. Sed enim, ait vir doctissimus, Nicephoro eò minus fidei esse debet, quia & in modo genitura aniliser ineptit, & temporis ratione aberrat.] Videamus. ait patrem Constantium, *Clandij ex filio nepotem*. Falsò, fateor: & Pollio melius hæc exsequitur, qui è fratre Claudij deriuat. Quod nepos igitur, non errat: at non ex filio, quod incuriosè addit. Item ait, *pallium regium Helena donasse, post concubitus*. Quid autem priuato cum pallio regio? inquit. Respondeo, *paludamentum* intelligi, vel & *prætextam vestem*, quæ tunc in vsu honestiorum. Dicit &, in Gallia Constantinum Casarem à patre creatum: atqui in Britannia fuit. Imò de Gallia, etiam Bedas satis clarè dicit: & videtur inibi iamantè designatus à patre, sed *Casar* dumtaxat fuisse. Aurelius sanè Victor eodem tempore designatum Casarem scribit, quo *Senerus & Maximinus*: quod mensibus aliquot fuit ante Constantij mortem, & priusquam in Britanniam Constantinus veniret. Facit & Panegyricus scriptor: *Cum tibi pater imperium reliquisset, Casaris appellatione contentus, expectare maluisti*: illa, quam iamantè habebas. Etiam è Zonara adstruas, in Gallia Constantinum tunc fuisse, & Galerium ad ipsum venisse. Sed quorsum ista? nihil ad natale solum faciunt: & siquid aberrat in talibus Nicephorus, alij in aliis, & varius circa illud æui dissensus. At rursum scribit etiam Nicephorus, *legatione Persicâ genitum Constantinum, & patrem ex eâ reuersum, mox Casarem creatum*.] Quæ si vera, viginti dumtaxat annorum fuerit Constantinus, cum Imperium cepit: quem tamen vel triginta constat fuisse. Non abnuo in eâ re errorem, nisi de aliâ legatione priori sensit: quod sanè potuit. Et verò si hæc euertunt de patria, quid Britannicis scriptoribus fiet, quos nulla ratio aut ingenium defendat? Omnes in Britanniam venisse Constantium, & Coeli regis filiam Helenam ibi nouisse: distinctè etiam Galfridus, *vndecimo post anno, mortem obysse, relicto imperio huic Constantino*. Ista quæ constante? Enimuerò omnes Annales mittunt Constantium in Britanniam, ad turbas ibi ortas sedandas: eæ autem dumtaxat fuere intra annos imperij eius: & quomodo tunc Constantinum genuerit? Fuerit igitur ex hoc calculo vndecennis Imperator. Vides ineptias, & quidem aversant. At verò eripitur nobis Iulius Firmicus, quem ego vt fundum sententiæ

tione ipse dicit *Mauorsium Lollianum*, cui inscribit, *Consulem designatum esse*. Atqui Consul ille fuit sub Constantio, anno Urbis ∞ CVII. id est, XVII^o. circiter imperij eius anno. Item, meminit Solaris deliquij lib. I. cap. II. *Optati & Paullini Consulatu*, & loquitur vt de annis transfactis: qui tamen Consules fuere quadriennio circiter ante Constantini mortem. Istitis respondeo, primum de *Lolliano Cos. designato*: non nouum olim fuisse, in plures annos designari, & multi Principum ita fecere. Item, Praefationes vltimas olim & nunc scribi: & librum ipsum vetustiore esse, ac pluribus annis inter manus versatum: quod ipse Firmicus tibi dicet. Hec poteram: sed firmitus illud, non censere me eundem illum *Lollianum* esse, qui sub Constantio Consul fuit. Filius potius eius, aut gentilis alius: & iste noster, etli designatus, non inuiuit, vel morte praeventus, vel mutatione Principis (vt saepe) vel alia causa. Hoc ex ipso altero argumento asseram, vbi de *Optati & Paullini* consulatu. Nam ecce verba sunt: *Sol medio diei fulgida denegat lumina. quod Optati & Paullini Consulatu (vt de recentioribus loquar) futurum, Mathematicorum saga pradixit intentio*. Sanè loquitur, vt de re noua & recenti: praeterita quidem, sed non obsoleta. Imò ipsis illis annis vltimis Constantini, haec sunt scripta: & verba Firmici clarè dicunt, quæ super Constantino olim adduxi. Nam quæ ibi sunt in eius laudes, de *tyrannis pulsis*, & plura, palàm de ipso scripta: neque negat amicus noster. Sed ille censet parenthesi quadam hæc includenda, & reliqua sic legenda: *Constantius scilicet maximus Diui Constantini filius, augustus & veneranda memoria Principis (qui ad liberandum orbem à tyrannicis immoderationibus &c: vsque ad illa verba, numquam belli Fortuna decepit) apud Naisum genitus*. Sic inquam, vt alia omnia de Constantio sint, laudes illæ de Constantino. Sed quis mos aut ratio est, cum de Principe praesenti & viuo scribas, sic abire in laudes defuncti, & hunc praeterire? Non solet hoc eius aui adlatio, & viuis magis blandiuntur. Sed quid opus argutis? nullæ ex, apud cordatum quidem, euincunt, quin quæ sequuntur de *filiis eius*, asserant hæc omnia Constantino. Verba aperta: *Tu Iupiter, tu Gradine, tu Sol, Constantinum maximum Principem, & eius INVICTISSIMOS LIBEROS, DOMINOS ET CÆSARES NOSTROS, consensu vestrae moderationis, & Dei summi obsequente iudicio, PERPETVAQUE EIS IMPERIA decernente, facite etiam nostris posteris, & posterorum posteris, infinita secula imperare*. Hoc decretorium est, quocumque nos vertimus: neque Constantius ille liberos habuit, quibus hæc aptes. At (reponit vir doctissimus) possunt de *Gallo*, aut *Juliano* capi, quos Cæsares dixit. Non possunt: neque enim liberi eius fuerunt: neque vno tempore habuit, vt conueniat illud, *Domino & Cæsares*: quin Gallo defuncto, adscitus Cæsar fuit Iulianus. Cæsar, inquam, non filius: nec mos iste adoptandi (nisi fallor) tunc vsitatus. Imò Constantius, cum iam Cæsarem designasset, in concione publicâ, apud Ammianum alloquitur, & *Fratrem* appellat. Igitur altera amici nostri etasio: votum & precationem saltem hæc esse,

vt numina nempe dent tales liberos. Appello ad verba, si huc eunt, iterum iterumq; legenda. Vocat *inuitissimos*, vocat *Dominos suos*; & clare iam esse, non optari ostendit; perennare, non autem nasci rogat. Ad locum hunc talem, cur non alia aptantur potius, quæ volentia sequentur: quàm vt hunc trahamus, non pertrahendum? Sed opponitur amplius, in manuscriptis duobus exstare, non *apud Tharsum genitum*; sed, *apud Naisum*. Esto. nec illi codices fortasse optimi; & hoc ipsum quid pro Britannia euincat? Nam quòd ad Constantium applicari id censet, ibi genitum, mera coniectura est: neque inquirò, hec ad rem meam facit. Addo magis illud, Iulium eundem Firmicum, *Constantinum* iterum nominare, vt viuum, in ipsa Præfatione: *Cum tibi totius Orientis gubernacula, Domini atque Imperatoris nostri Constantini Augusti, serena iudicia tradidissent*. Si iam diu obierat, cur non *Dinum* appellat, vt in aliis illis verbis *Diui Constantini filium*, pro amici quidem nostri sensu? Nam nobis, *Diui Constantij*, verè putamus emendari. At verba tamen sunt, quæ *Constantio*, quàm *Constantino* propiora, si verum spectes: ista. *A primo ætatis gradu Imperij gubernacula retinens, quæ prosperus nactus fuit auspiciis*. Nam Constantinus quomodo à primâ ætate, cum non nisi anno *trigesimo* coeperit imperare? at verò Constantius, *octennis* admodum, Cæsar designatus fuit. Respondeo, non hoc velle Firmicum: sed natum Imperatoriâ stirpe, & imperio ian tunc fatis destinatum. Placuit vt Panegyristes, ad ipsum Constantinum: *Quamuis felicissimus ille dies Imperij tui natalis habeatur, iam tamen ab illo generis auctore (Claudio) in te Imperij fortuna descendit*. Iterumque: *Non repentinus aliquis fauoris euentus te principem fecit: Imperium nascendo meruisti*. Et tertio: *Sacrum istud Palatium non candidatus Imperij, sed designatus intrasti*. Talia plura leges: & me auctore in Firmico hic, *ad qua prosperus natus fuerat auspiciis*. Defino, nec ferram vltra reciproco: & fateor ingenuè in illo xuo, paucitate scriptorum aut incuriâ, aut etiam imperitiâ, tenebras & ambagines esse, nullâ vquam curâ fatis ad certum aut liquidum perduccendas. Quid autem (philosophari lubet) in talibus magnum facimus? quid meâ est inter, ibi an ibi natus sit Constantinus? Virtutes eius, non patriam videamus: & ab illâ obscurus, ab his lucem capiat, & eandem imitatione aliis donet. Hoc voueo, & cum modestiâ scientiam, & magis sapientiam, habere. Nam omnia cum viderimus, *unum studium verè liberale est, quod liberum facit, hoc Sapientiæ, sublime, forse, magnanimum; cetera pusilla, & puerilia sunt*. Didici, disce.

INDEX CAPITVM

LIBRI PRIMĪ.

O CCASIO & ingressio sermonis.	Pag. 13
Communiter Roma & eius Potentia laudata, per elogia pauca veterum.	Cap. 11. 15
Fines imperij Romani; quando maximi; & Prouinciæ breuiter adnumeratæ. Cap. 111.	18
De Copiis & prædiis sparsim circa limites, itemq; in ipsâ Vrbe. Cap. 1v.	pag. 23
De Copiis in mari aut fluminibus; de Classibus variis earumque sedibus. Cap. v.	29
De Colonis, & modus fructusque deducendi. Cap. vi.	34
Multitudo Romanorum, & ratio adsciscendi gentes, aut transferendi. Cap. vii.	37

LIBRI SECVNDI.

De Priscis populi Romani veltigalibus, Decumis, Quintis, Scriptura, Portoriis. Cap. 1.	Pag. 43
De Triburis & Capitatione. item inquisitum in modum veltigalium, & quid videatur reddidisse. Cap. 11.	45
Inquisitum item in Capitationis modum & pensum vniuersorum Tributorum. Cap. 111.	50
De Ærario militari, & Vigesima, Vigesimaquintâ, Centesima ad id explendum. Cap. 1111.	55
De Metallis, & argenti, auri, aliarumque rerum fodinis. Cap. v.	59
De Vrinario, veltigali & Chrysargyro, item de Mereticio. Cap. vi.	60
De opibus Byzantini imperij: & clausula ac finis Tributorum. Cap. vii.	61
Pecunia è Triumphis, & aliquot eorum inspecti æstimatique. Cap. viii.	65
De Auro Coronatio, & Coronis dictum. Cap. ix.	70
Impensæ publicæ in Militem, Magistratus, Populum: & de Frumentatione. Cap. x.	74

Impensæ in Ludos obiter ostensæ. Caput xi.	80
Dona Principum effusa, & primò Iulij Cæsaris. Cap. 12.	84
Augusti Principis dona. Cap. x111.	88
Aliorum Principum dona. Cap. x1111.	93
De priuatorum aliquot opibus, & materiæ huius finis. Cap. xv.	95

LIBRI TERTII.

Ad Opera Romana transitum, & primò de ligneis aut temporariis dictum. Cap. 1.	Pag. 102
Diuturna opera, & caput omnium Roma. De situ eius, & in primis de magnitudine indagatum. Cap. 11.	106
Magnitudo Suburbiorum Romæ, & hominum in totâ Româ multitudo. Cap. 111.	113
De ædificiis vrbis Romæ communiter, & eorû altitudo. Cap. 1111.	120
Decor & ornatus ædificiorum. Excerpta quædam, & primò de templo Capitolino exactius dictum. Cap. v.	122.
Item de templo Panthei, Vrbiis, & Palæis. Cap. vi.	134
Fora Romana descripta; & distinctè Romanum, Iulium, Augustum, Transitorium, Vlpium. Cap. vii.	139
De Balneis Thermisque, & breuiter de Rostris. Cap. viii.	146
De Statuis, & earum custodiæ. Caput ix.	150
De viarum magnis operibus, & nominatim de Appiâ. Cap. x.	153
Aquæ ductuum mira. Cap. xi.	157
Cloacarum mira. Cap. x11.	161
Traiani pons in Danubio. Cap. x111.	163
Priuatorum hominum Urbane aut Rusticæ ædes. Cap. x1111.	165

LIBRI QVARTI.

Transitum ad Virtutē Romanorum, & ea in genere prædicata. Cap. 1.	172
	Triplex

INDEX.

Triplex ordo in populo ostensus, & quisque in sua parte laudabilis. Caput II.	174	Luxu Romano. Cap. VII.	193
Iustitia & Clementia in bellis. Cap. III.	179	Excusati Romani à prioribus : & primum in Raptu vel Sævitiâ, obiter. Cap. VIII.	201
Fortitudo Romanorum militaris. Caput IIII.	182	Factum idem in Luxu mensarum, aut vestium. Cap. IX.	203
Pietas, Probitas, Constantia Romanorum. Cap. V.	186	Doctrinæ studia Romæ, & Salaria in Doctores. Cap. X.	207
Contra Probitatem & Abstinentiam dicta & obducta quædam. Cap. VI.	190	Diuturnitas Romani imperij, & in occasione de patriâ Constantini. Caput XI.	209
Pariter contra Continentiam ; & de		Conclusio, & Laudatio magni Imperij. Cap. XII.	212

FINIS.

APPROBATIO.

Quattuor hos I. Lipsij de Magnitudine Romana libros, prælo dignos censeo, quòd eruditi sint, & pulchra varietate mirificè afficiant oblectentque, nec non ad illustrationem antiquitatum plurimum conferant, nihil interim continentes quod Catholica fidei aduersetur.

Guiliel. Fabricius Nouiom. Apostolicus ac
Regius librorum Cenfor.

P R I V I L E G I V M C Æ S A R E V M.

R V D O L P H V S S E C V N D V S diuina fauente clementia electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatiæ, Sclauoniæ Rex, Archidux Austriæ, Dux Burgundiæ, Stiriciæ, Carinthiæ, Carniolæ & Wirtembergæ, &c. Comes Tirolis, &c. Nostro & Sacri Imperij fidei dilecto I V S T O L I P S I O gratiam nostram Cæsaream. Postquam inter alia, quæ D E V S immortalis hominibus liberali manu dedit dona, illustria inprimis illa & quasi diuina sunt, quæ in litteris liberalibusque disciplinis consistunt, quibus scilicet homines non tantum ab animalibus ceteris rationis expertibus, sed à rudibus etiam & imperitis hominum vulgo ita distinguuntur, ut tanquam Dij quidam splendescere in terris videantur: rem sanè præclaram scque dignam illi præstant, qui diligentem iis ipsis in litteris ac disciplinis operam ponunt, præclarissimam verò & Reipub. vtilissimam, qui eas ita excolunt, ut aliorum menti docendo, scribendo lumina præferant, eosque ex ignorantia tenebris quasi manu educant. Quos excitare, quos amare atque animare ad dignitatis nostræ munus, ad quod Diuino vocati beneficio, concessumque sumus, inprimis pertinere existimamus. Cum itaque ab iis, quorum nobis spectata fides, qui que iudicare de Litteris possint, acceperimus, insignes te animi ingenii que tui dotes tibi à natura insitas à primis temporibus ætatis tuæ ita litterarum ac disciplinarum studiis excoluisse atque exornasse, ut olim iuuenilibus adhuc annis præclara florecentis minimeque vulgaris eruditionis specimina præbueris, dum obscura in antiquis scriptoribus loca, quæ quædam tanquam lustra erant, illustrasti, quæque in iis iniuria temporum deprauata & corrupta fuerunt, restituissti, dum vetusta Latine antiquitatis rudera in nouam subinde structuram singulari artificio eleganter conuertisti: ad exquisitam adeo & raram doctrinam, quæ magnam de te apud doctos quosque viros opinionem excitaret, peruenisse, eamque variis abs te libris acri & graui cum iudicio scriptis atque in lucem editis ostendisse, ut in eo quod tam feliciter tractes descriptionis genere paucos tibi pares hodie reperire sit: iam verò matura te ætate virum, viro magis magisque digna, & viris doctis grata ac Reipub. vtilia scribere, quæque à primis illis Romanis olim auctoribus scripta fuerunt, à mendis purgare, & lectissimos quosque ex Musarum hortis, in quibus assidue verseris, flores colligere, concinnare, quibus Lectores mirifice recrees, & eorum pectus ad prudentiam, probitatemque informes: haudquaquam prætermittere volumus, quin Reipub. ad quam hæc abs te ornamenta conferuntur, causa, Cæsareo te nostro elogio decorandum, & quamuis per te satis ipse animatus sis, animandum magis patrocinioque nostro defendendum pro benigna nostra in te suscipere voluntate. Quoniam verò lucubrationibus atque operibus tuis in lucem edendis, peculiarem te eligere velle Typographum, acceperimus, Diplomate hoc nostro priuilegioque te & Typographum tuum aduersus quorumcumque fraudem, qui lucri causa, quod fieri solet, eadem excudere aut typis imitari fortè velint, munitos cupimus. Quamobrem pro auctoritate nostra Cæsarea decernimus,

mus, statuimus, vetamusque, ne quis Typographorum, Bibliopolarum, aut aliorum, qui librariam negotiationem exercent, eos libros, quos tu editurus es, quocunque modo, charactere, aut forma, siue integros, siue aliquam eorum partem typis imitari, edere, excudere, aut vendicare intra sacri Romani Imperij, Regnorumque ac Dominiorum nostrorum hæreditariorum finestriginta annis proximis à primo editionis die computandis, absque tuo tuorumve hæredum consensu audeat: Hac autem lege addita, vti tria vt minimùm cuiusque libri exemplaria, quemadmodum moris est, ad Imperialem nostram Cancellariam mittantur. Si quis verò edictum hoc nostrum transgredi, violare, aut contemnere deprehensus fuerit, eum non solùm eiusmodi libris, tibi, hæredibusue tuis, auxilio Magistratus, vbicunq. reperti fuerint, vendicandis, priuari, sed triginta etiam Marcharum auri puri mulcta, cuius semissis quidem Fiscus nostri Procuratori, fraudis vindici; alter verò semissis, tibi hæredibusue tuis pendatur, puniri volumus. Mandantes vniuersis & singulis nostris & sacri Romani Imperij subditis & fidelibus dilectis, tam Ecclesiasticis quàm Politicis, cuiuscumque status, gradus aut ordinis extiterint, præsertim verò iis, qui in Magistratu constituti, vel suo vel superiorum suorum loco aut nomine, ius dicunt, iustitiàmque exercent, ne quemquam hoc Priuilegium nostrum impunè violare, spernere aut negligere patiantur: Sed, si quos contumaces compererint, constituta à nobis mulcta, eos puniri & quibuscumque modis coerceri curent, ni & ipsimet grauissimam nostram in se conuertere indignationem velint. Id quod hoc Diplomate, manu nostra subscripto, & Cæsarei nostri sigilli impressione munito, confirmamus. Datum in arce nostra Regia Præge, die prima mensis Augusti, Anno Domini Millesimo, Quingentesimo, Nonagesimo secundo: Regnorum nostrorum Romani decimo septimo, Hungarici vigesimo, & Bohemici itidem decimo septimo.

Subsign.

RVDOLPHVS.

Iacobus Curtius à Senfftenaw.

Ad mandatum sacra Cæsarea M^{te} propriam.

Io. Baruitius.

Additum sigillum Cæs. M^{te} in cerâ rubrâ.

SVMMA PRIVILEGII REGIL

PHILIPPVS Dei gratia Hispaniarum, &c. Rex Catholicus, diplomate suo sanxit, nequis, Iusti Lipsij Historiarum in alma Vniuersitate Louaniensi Professoris, & item Historiographi sui libros quoscunque, à Censoribus legitimis approbatos, præter ipsius, heredumve eius, voluntatem, intra triginta annos à prima singulorum librorum editione computandos imprimat, aut alibi terrarum impressos, in has inferioris Germaniæ ditiones importet, venalésve habeat. Qui secus faxit, præter librorum confiscationem triginta marcharum auri puri illatione mulctabitur. Vti latiùs patet in litteris, datis Bruxellæ xiv. Febr. M. D. xcvii.

Signat.

Verreycken.

T*ibi JOANNES MORETE, pro amicitia qua mihi cum Plantino (heu, quondam meo) & Plantinianis est ac fuit, tibi, inquam, permitto, uti hos DE MAGNITVDINE ROMANA libros quattuor, typis tuis excudas ac diuulges. Nequis alibi alius præter te, cupio siue iubeo, ex lege quam magnus Caesar & Rex meus dixerunt.*

Iustus Lipsius.